



This is a digital copy of a book that was preserved for generations on library shelves before it was carefully scanned by Google as part of a project to make the world's books discoverable online.

It has survived long enough for the copyright to expire and the book to enter the public domain. A public domain book is one that was never subject to copyright or whose legal copyright term has expired. Whether a book is in the public domain may vary country to country. Public domain books are our gateways to the past, representing a wealth of history, culture and knowledge that's often difficult to discover.

Marks, notations and other marginalia present in the original volume will appear in this file - a reminder of this book's long journey from the publisher to a library and finally to you.

Usage guidelines

Google is proud to partner with libraries to digitize public domain materials and make them widely accessible. Public domain books belong to the public and we are merely their custodians. Nevertheless, this work is expensive, so in order to keep providing this resource, we have taken steps to prevent abuse by commercial parties, including placing technical restrictions on automated querying.

We also ask that you:

- + *Make non-commercial use of the files* We designed Google Book Search for use by individuals, and we request that you use these files for personal, non-commercial purposes.
- + *Refrain from automated querying* Do not send automated queries of any sort to Google's system: If you are conducting research on machine translation, optical character recognition or other areas where access to a large amount of text is helpful, please contact us. We encourage the use of public domain materials for these purposes and may be able to help.
- + *Maintain attribution* The Google "watermark" you see on each file is essential for informing people about this project and helping them find additional materials through Google Book Search. Please do not remove it.
- + *Keep it legal* Whatever your use, remember that you are responsible for ensuring that what you are doing is legal. Do not assume that just because we believe a book is in the public domain for users in the United States, that the work is also in the public domain for users in other countries. Whether a book is still in copyright varies from country to country, and we can't offer guidance on whether any specific use of any specific book is allowed. Please do not assume that a book's appearance in Google Book Search means it can be used in any manner anywhere in the world. Copyright infringement liability can be quite severe.

About Google Book Search

Google's mission is to organize the world's information and to make it universally accessible and useful. Google Book Search helps readers discover the world's books while helping authors and publishers reach new audiences. You can search through the full text of this book on the web at <http://books.google.com/>

A

809,667

3
765
T6
1102

B
765
.T6
1902

^{as}
THOMAE (HEMERKEN) Á KEMPIS
CANONICI REGVLARIS ORDINIS S. AVGVSTINI

OPERA OMNIA

VOLVMINIBVS SEPTEM EDIDIT ADDITOQVE
VOLVGINE DE VITA ET SCRIPTIS EIVS DISPVAVIT

MICHAEL IOSEPHVS POHL

VOLVGEN ALTERVM

TRACTATVVM ASCETICORVM PARTEM ALTERAM
COMPLECTENS

DE IMITATIONE CHRISTI
CVM NOVM TRACTATVLIS

CVM ADPROBATIONE REV. ARCHIEP. FRIBVRGENSIS

FRIBVRGI BRISIGAVORVM
SVMPVIBVS HERDER
TYPOGRAPHI EDITORIS PONTIFICII
MDCCCCIII

VINDOBONAE ARGENTORATI MONACHII S. LVDOVICI AMERICAЕ

THOMAE HEMERKEN A KEMPIS
CANONICI REGVLARIS ORDINIS S. AVGVSTINI

DE

IMITATIONE CHRISTI

QVAE DICITVR LIBRI IIII CVM CETERIS
AVTOGRAPHI BRVXELLENSIS
TRACTATIBVS

ADIECTIS EPILEGOMENIS ADNOTATIONE CRITICA
INDICIBVS TABVLIS PHOTOGRAPHICIS

EX AVTOGRAPHO EDIDIT

MICHAEL IOSEPHVS POHL

FRIBVRGI BRISIGAVORVM
SVMP TIBVS HERDER
TYPOGRAPHI EDITORIS PONTIFICII
MDCCCCIII

VINDOBONAE ARGENTORATI MONACHII S. LVDOVICI AMERICAE

B
765
•T6
1902

Imprimatur.

Friburgi Brisgoviae, die 22. Decembris 1903.

‡ Thomas, Archiep̃ps.

Omnia iura reservantur.

Typis Herderianis, Friburgi Brisigavorum.

B
765
T6
1902

THOMAE HEMERKEN A KEMPIS
CANONICI REGVLARIS ORDINIS S. AVGVSTINI

OPERA OMNIA

VOLVMINIBVS SEPTEM EDIDIT ADDITOQVE
VOLVGINE DE VITA ET SCRIPTIS EIVS DISPVTAVIT

MICHAEL IOSEPHVS POHL

2

VOLVGEN ALTERVM

TRACTATVVM ASCETICORVM PARTEM ALTERAM
COMPLECTENS

DE IMITATIONE CHRISTI
CVM NOVEN TRACTATVLIS

CVM ADPROBATIONE REV. ARCHIEP. FRIBVRGENSIS

FRIBVRGI BRISIGAVORVM
SVMPVIBVS HERDER
TYPOGRAPHI EDITORIS PONTIFICII
MDCCCCIII

VINDOBONAE ARGENTORATI MONACHII S. LVDOVICI AMERICAE

44

Gift
Mrs. H. Hulst
9-6-27

MEMORIAE
MATRIS · OPTIMAE · CARISSIMAE
D · D · D
FILIVS · PIENTISSIMVS

PRAEFATIO.

Ad Thomae a Kempis operum omnium edendorum confirmandum consilium, quod ut caperem quo temporum meorum decursu adductus sim, infra p. 484 habes, praeter argumentorum praestantiam sublimitatemque haec potissimum tria deliberata plurimum apud me valuerunt: Exemplarium editorum raritas, neglegenter recognitorum condicio, librorum libellorumve multorum in antiquioribus, nonnullorum in Sommalianis editionibus absentia. Sed antequam de consilio illo exequendo inter Herderum redemptorem, virum honestissimum, et me conveniret, cum specimine aliquo dando, quid in eo genere possem, visum esset periclitandum esse, Orationes et meditationes de vita Christi, opus cum oblivione per Germaniam paene obrutum, tum critica ratione omnium miserrime iacens elegi, quod primum integritati restituerem. Quem conatum postquam viris doctis in-

Praefatio.

signiter probari vidimus, Thomae opera omnia voluminibus septem, quibus octavum de vita et scriptis eius adderetur, ita edere statuimus, ut Orationes illae praeposito generali titulo specialique paulo aucto quinto loco interpositae in totum corpus reciperentur.

Conspectus autem singulorum tractatum per volumina distributorum hic est:

Vol. I: Liber de tribus tabernaculis. — De vera compunctione. — Sermones IX ad fratres. — De fideli dispensatore. — Soliloquium animae.

Vol. II, quod ex autographo Bruxellensi editum manibus tenes: De imitatione Christi quae dicitur libri III. — De disciplina claustralium. — Epistula devota ad quendam regularem. — Libellus spiritualis exercitii. — De recognitione propriae fragilitatis. — Recommendatio humilitatis. — De mortificata vita. — De bona pacifica vita. — De elevatione mentis. — Brevis admonitio spiritualis exercitii.

Vol. III (praeter Orationes ex autographo Bruxellensi altero): Meditatio de incarnatione Christi. — Sermones de vita et passione Domini. — Alphabetum monachi. — Van goeden woerden to horen ende die to spreken [cum translatione Latina ex adverso adposita]. — Orationes

Praefatio.

de passione Domini et beata virgine et aliis sanctis.

Vol. IIII: Hortulus rosarum. — Vallis liliorum. — Consolatio pauperum. — Epitaphium monachorum. — Vita boni monachi. — Manuale parvulorum. — Doctrinale iuvenum. — Hospitale pauperum. — Cantica. — De solitudine et silentio. — Epistulae.

Vol. V: Orationes et meditationes de vita Christi. Epilegomenis et apparatu critico instructas ad codicum manu scriptorum editionumque vetustarum fidem recognoscebat emendabatque Michael Iosephus Pohl. Cum Thomae effigie. Friburgi Brisigavorum. Sumptibus Herder, MDCCCCH.

Vol. VI (ex autographo Lovaniensi): Sermones ad novicios. — Vita Lidewigis virginis.

Vol. VII: Dialogus noviciorum in quatuor partes distinctus: a) Dialogus noviciorum. b) Vita Gerardi Magni. c) Vita Florentii. d) Vitae discipulorum Florentii. — Chronica montis S. Agnetis.

Vol. VIII: De Thomae Hemerken a Kempis, canonici regularis ordinis S. Augustini, vita et scriptis disputavit Michael Iosephus Pohl.

Horum voluminum quinque prima et sexti priorem partem complecti vides

Praefatio.

opera ascetica, eiusdem alteram partem et septimum historica. In quorum serie adornanda, quantum quidem aequabilis cuiusdam singulorum voluminum ambitus ratione habita fieri potuit, fere applicavimus nos ad „Titulos librorum et tractatum fratris thome kempis“ incerti auctoris, sed intra septendecim post mortem Thomae annos confectos¹. Emittentur autem post volumen tertium, quod sub prelo est, deinceps sextum, primum, quartum, septimum, octavum. In qua emissionem ne rectum numerorum ordinem perturbatum esse mirere, quae eius inmutationis causa in quinto volumine fuerit, iam supra exposuimus; in ceteris autem ad usum sermonis Thomaei ex ipso fonte pernosendum optandum videbatur, ut primum qui tractatus in autographis insunt atque ante omnes praeclarissimi de imitatione Christi quae dicitur libri foras darentur; reliqua volumina „Titulorum“ ordinem secuta se excipere consentaneum erat.

Restat, ut subsidiorum in singulis tractatibus recognoscendis emendandisque a me adhibitorum eorumque historiae, aestimationis, diiudicationis, usus in uniuscuiusque voluminis epilegomenis accurate

¹ Cfr. vol. V 385, vol. II 475.

Praefatio.

a me rationem redditum iri moneam. Adhibui autem non solum quotquot extant autographa, sed etiam codices optimos adhuc maximam partem vel neglectos vel ignotos editionesque cum ceteras tum omnium primam Traiectensem anni circiter 1473 (= Hain 9768, de Backer 2888), quibus artis criticae regulis insistens ita usus sum, ut postulationibus et asceticorum et philologorum satisfacere stude-rem. Quod utrumque ut consociarem, quomodo operam dederim, infra p. 479 rettuli. Denique ne quid desit, quod in huiusmodi editionibus optabile censi hodie solet, adnotationem criticam, indices locupletissimos tabulasque photographicas adicienda curavimus curabimusque, quae duo posteriora in volumine quinto haud scio an mea culpa aegre desidererentur.

D. a. d. III kalendas Ianuarias
MDCCCCIII Poppelsdorp prope Bon-
nam.

ARGVMENTVM HVIVS VOLVMINIS:

Tractatus:

	pag.
I. Admonitiones ad spiritualem vitam utiles (= De Imitatione Christi liber I) . . .	3
Eiusdem tractatus index capitulorum p. 4.	
II. Admonitiones ad interna trahentes (= De Imitatione Christi liber II)	57
Eiusdem tractatus index capitulorum p. 58.	
III. Devota exhortatio ad sacram communio- nem (= De Imitatione Christi liber III) . . .	89
Eiusdem tractatus index capitulorum p. 90.	
IIII. Liber internae consolationis (= De Imi- tatione Christi liber III)	139
Eiusdem tractatus index capitulorum p. 140 —142.	
V. Libellus de disciplina claustralium . . .	265
Eiusdem tractatus index capitulorum p. 266.	
VI. Epistula devota ad quendam regularem	321
VII. Libellus spiritualis exercitii	329
Eiusdem tractatus index capitulorum p. 330.	
VIII. Libellus de recognitione propriae fragili- tatis	357
Eiusdem tractatus index capitulorum p. 358.	
IX. Recommendatio humilitatis	375

Argumentum huius voluminis.

	pag.
X. De mortificata vita	383
XI. De bona pacifica vita	393
XII. De elevatione mentis	397
De elevatione mentis ad inquirendum summum bonum p. 399.	
De verbo increato aeterno et immenso super omnes docentes animam illuminante p. 403.	
De aestuanti desiderio animae cum fuerit visitata a Verbo unico sponso suo dilecto p. 408.	
Oratio de abrenuntiatione omnium mundanorum p. 409.	
Oratio de felici consummatione in virtutibus p. 411.	
Exhortatio ad humiliationem et compunctionem p. 413.	
Oratio de lacrimosa contritione peccatorum p. 414.	
Oratio de amore virtutum et odio vitiorum p. 415.	
Oratio. De patientia in tribulatione et angustia cordis p. 417.	
XIII. Brevis admonitio spiritualis exercitii .	419
Praemonitio p. 421.	
De oratione p. 421.	
De lectione p. 422.	
De operatione p. 422.	
De choro p. 423.	
De vigiliis matutinis p. 424.	
De meditatione post matutinas p. 425.	
De custodia cellae p. 425.	
De exitu ad laborem p. 426.	
De oboedientia et humili responsione p. 427.	
Ad quid omnia exercitia p. 427.	
De refugio ad Deum semper habendo p. 428.	
De meditatione passionis Christi p. 429.	

Argumentum huius voluminis.

	pag.
De virili confidentia p. 430.	
De custodia cellae p. 430.	
De contemptu consolationum terrenarum p. 431.	
Epilegomena	433
Adnotatio critica	487

Indices:

A. Loci sacrae scripturae	500
B. Loci auctorum ecclesiasticorum	512
C. Loci auctorum profanorum	515



In hoc volumine hi libelli continentur

Qui sequitur me non ambulat in tenebris
Regnum Dei intra vos est dicit Dominus
De sacramento. Venite ad me omnes qui laboratis
Audiam quid loquatur in me Dominus Deus 5
De disciplina claustralium Apprehendite disciplinam
Epistula devota ad quendam regularem Ista sunt
praecipue necessaria
Renovamini autem spiritu mentis vestrae.
Cognovi Domine quia aequitas iudicia tua 10
Recommendatio humilitatis. Discite a me
De mortificata vita. Gloriosus apostolus Paulus
De bona pacifica vita. Si vis Deo digne
De elevatione mentis. Vacate et videte cum ceteris
Brevis admonitio. Ab exterioribus etc. 15

**ADMONITIONES
AD SPIRITVALEM VITAM VTILES**

**[DE IMITATIONE CHRISTI
QVAE VVLGO DICITVR
LIBER PRIMVS]**

INCIPIVNT CAPITVLA.

	DE imitatione Christi et contemptu omnium vanitatum mundi	I
	DE humili sentire sui ipsius	II
5	DE doctrina veritatis	III
	DE prudentia in agendis	IIII
	DE lectione sanctarum scripturarum	V
	DE inordinatis affectionibus	VI
	DE vana spe et elatione fugienda	VII
10	DE cavenda nimia familiaritate	VIII
	DE oboedientia et subiectione	IX
	DE cavenda superfluitate verborum	X
	DE pace acquirenda et zelo proficiendi	XI
	DE utilitate adversitatis	XII
15	DE temptationibus resistendis	XIII
	DE temerario iudicio vitando	XIIII
	DE operibus ex caritate factis	XV
	DE sufferentia defectuum aliorum	XVI
	DE monastica vita	XVII
20	DE exemplis sanctorum patrum	XVIII
	DE exercitiis boni religiosi	XIX
	DE amore solitudinis et silentii	XX
	DE compunctione cordis	XXI
	DE consideratione humanae miseriae	XXII
25	DE meditatione mortis	XXIII
	DE iudicio et poenis peccatorum	XXIIII
	DE ferventi emendatione totius vitae nostrae	XXV



INCIPIVNT ADMONITIONES AD
SPIRITVALEM VITAM VTILES.

DE IMITATIONE CHRISTI ET
CONTEMPTV OMNIVM
VANITATVM MVNDI.

5

CAPITVLVM I.



*Qui sequitur me non ambulat
in tenebris: dicit Dominus.*
Haec sunt verba Christi qui-
bus admonemur, quatenus 10
vitam eius et mores imitemur: si velimus
veraciter illuminari, et ab omni caecitate
cordis liberari. Summum igitur studium
nostrum sit: in vita Iesu Christi meditari.
Doctrina Christi omnes doctrinas sancto- 15
rum praecellit; et qui spiritum haberet:
absconditum ibi manna inveniret. Sed
contingit quod multi ex frequenti auditu
evangelii parvum desiderium sentiunt:
quia spiritum Christi non habent. Qui 20
autem vult plene et sapide Christi verba




intelligere: oportet ut totam vitam suam
illi studeat conformare. Quid prodest
tibi alta de Trinitate disputare; si careas
humilitate unde displiceas Trinitati? Vere
5 alta verba non faciunt sanctum et iustum:
sed virtuosa vita efficit Deo carum. Opto
magis sentire compunctionem: quam scire
eius definitionem. Si scires totam bibliam
exterius et omnium philosophorum dicta;
10 quid totum prodesset sine caritate Dei
et gratia? Vanitas vanitatum et omnia
vanitas: praeter amare Deum et illi soli
servire. Ista est summa sapientia: per
contemptum mundi tendere ad regna
15 caelestia. Vanitas igitur est divitias per-
ituras quaerere: et in illis sperare. Vani-
tas quoque est honores ambire: et in
altum statum se extollere. Vanitas est
carnis desideria sequi: et illud desiderare
20 unde postmodum graviter oportet puniri.
Vanitas est longam vitam optare: et de
bona vita parum curare. Vanitas est prae-
sentem vitam solum attendere: et quae
futura sunt non praevidere. Vanitas est
25 diligere quod cum omni celeritate transit:
et illic non festinare ubi sempiternum
gaudium manet. Memento illius frequenter
proverbii; quia non satiatur oculus visu:
nec auris impletur auditu. Stude ergo
30 cor tuum ab amore visibilium abstrahere:
et ad invisibilia te transferre. Nam se-

quentes suam sensualitatem maculant conscientiam: et perdunt Dei gratiam.

DE HUMILI SENTIRE SVI IPSIVS.

CAPITVLVM II.

 Mnis homo naturaliter scire de-
siderat; sed scientia sine timore
Dei quid importat? Melior est profecto
humilis rusticus qui Deo servit: quam
superbus philosophus qui se neglecto
cursum caeli considerat. Qui bene se
ipsum cognoscit sibi ipsi vilescit: nec
laudibus delectatur humanis. Si scirem
omnia quae in mundo sunt, et non essem
in caritate; quid me iuvaret coram Deo
qui me iudicaturus est ex facto? Quiesce
a nimio sciendi desiderio: quia magna ibi
invenitur distractio et deceptio. Scientes
libenter volunt videri et dici sapientes.
Multa sunt: quae scire parum vel nihil
animae prosunt. Et valde insipiens est:
qui aliquibus intendit, quam his quae
saluti suae deserviunt. Multa verba non
satiunt animam; sed bona vita refrigerat
mentem: et pura conscientia, magnam ad
Deum praestat confidentiam. Quanto plus
et melius scis: tanto gravius inde iudica-
beris nisi sanctius vixeris. Noli ergo ex-
tollere de ulla arte vel scientia: sed potius
time de data tibi notitia. Si tibi videtur

quod multa scis et satis bene intellegis:
 scito tamen quia sunt multo plura quae
 nescis. Noli altum sapere: sed ignoran-
 tiam tuam magis fatere. Quid te vis
 5 alicui praeferre; cum plures doctiores te
 invenientur, et magis in lege periti? Si
 vis utiliter aliquid scire et discere: ama
 nesciri et pro nihilo reputari. Haec est
 altissima et utilissima lectio: sui ipsius
 10 vera cognitio et despectio. De se ipso
 nihil tenere, et de aliis semper bene et
 alte sentire: magna sapientia est et per-
 fectio. Si videres alium aperte peccare,
 vel aliqua gravia perpetrare; non deberes
 15 te tamen meliorem aestimare: quia nescis
 quam diu possis in bono stare. Omnes
 fragiles sumus: sed tu neminem fragilio-
 rem te ipso tenebis.

DE DOCTRINA VERITATIS.

20

CAPITVLVM III.

Felix quem veritas per se docet, non
 per figuras et voces transeuntes:
 sed sicuti se habet. Nostra opinio et
 noster sensus saepe nos fallit: et modi-
 25 cum videt. Quid prodest magna cavillatio
 de occultis et obscuris rebus; de quibus
 nec arguemur in iudicio quia ignoravi-
 mus? Grandis insipientia quod neglectis
 utilibus et necessariis: ultro intendimus



curiosis et damnosis. Oculos habentes non videmus; et quid curae nobis de generibus et speciebus? Cui aeternum verbum loquitur: a multis opinionibus expeditur. Ex uno verbo omnia; et unum 5 loquuntur omnia: et hoc est principium, quod et loquitur nobis. Nemo sine illo intellegit, aut recte iudicat. Cui omnia unum sunt, et omnia ad unum trahit, et omnia in uno videt; potest stabilis corde 10 esse: et in Deo pacificus permanere. O veritas Deus: fac me unum tecum in caritate perpetua. Taedet me saepe multa legere et audire: in te est totum quod volo et desidero. Taceant omnes doctores 15 sileant universae creaturae in conspectu tuo: tu mihi loquere solus.

Quanto aliquis magis sibi unitus et interius simplicatus fuerit; tanto plura et altiora sine labore intellegit: quia de- 20 super lumen intellegentiae accipit. Purus simplex et stabilis spiritus in multis operibus non dissipatur; quia omnia ad Dei honorem operatur: et in se otiosus ab omni propria exquisitione esse nititur. 25 Quis te magis impedit et molestat; quam tua immortificata affectio cordis? Bonus et devotus homo opera sua prius intus disponit: quae foris agere debet. Nec illa trahunt eum ad desideria vitiosae 30 inclinationis: sed ipse inflectit ea ad

arbitrium rectae rationis. Quis habet fortius certamen; quam qui nititur vincere se ipsum? Et hoc deberet esse negotium nostrum, vincere videlicet se
 5 ipsum; et cotidie se ipso fortiolem fieri: atque in melius aliquid proficere.

Omnis perfectio in hac vita, quandam imperfectionem sibi habet annexam: et omnis speculatio nostra quadam caligine
 10 non caret. Humilis tui cognitio, certior via est ad Deum: quam profunda scientiae inquisitio. Non est culpanda scientia, aut quaelibet simplex rei notitia, quae bona est in se considerata et a Deo ordinata:
 15 sed praeferenda est semper bona conscientia et virtuosa vita. Quia vero plures magis student scire quam bene vivere; ideo saepe errant: et paene nullum vel modicum fructum ferunt. O si tantam
 20 adhiberent diligentiam ad extirpanda vitia et virtutes inserendas sicuti ad movendas quaestiones; non fierent tanta mala et scandala in populo: nec tanta dissolutio in coenobiis. Certe adveniente die iudicii
 25 non quaeretur a nobis quid legimus sed quid fecimus; nec quam bene diximus: sed quam religiose viximus. Dic mihi ubi sunt modo omnes illi domini et magistri quos bene novisti dum adhuc vive-
 30 rent, et studiis florerent? Iam eorum praebendas alii possident: et nescio utrum



de eis recogitant. In vita sua aliquid esse videbantur: et modo de illis tacetur. O quam cito transit gloria mundi. Vtinam vita eorum scientiae ipsorum concordasset: tunc bene studuissent et legis-
sent. Quam multi pereunt per vanam scientiam in saeculo: qui parum curant de Dei servitio. Et quia magis eligunt magni esse quam humiles: ideo evanescent in cogitationibus suis. Vere ¹⁰ magnus est: qui magnam habet caritatem. Vere magnus est: qui in se parvus est, et pro nihilo omne culmen honoris ducit. Vere prudens est: qui omnia terrena arbitratur ut stercora, ut Christum lucri- ¹⁵ faciat. Et vere bene doctus est: qui Dei voluntatem facit, et suam voluntatem relinquit.

DE PROVIDENTIA IN AGENDIS.

CAPITVLVM IIII.

20

Non est credendum omni verbo nec instinctui: sed caute et longanimites est secundum Deum ponderanda. Pro dolor saepe malum facilius quam bonum de alio creditur et dicitur: ita infirmi ²⁵ sumus. Sed perfecti viri non facile credunt omni enarranti; quia sciunt infirmitatem humanam ad malum proclivam: et in verbis satis labilem. Magna sapientia,




non esse praecipitem in agendis: nec
pertinaciter in propriis stare sensibus.
Ad hanc etiam pertinet non quibuslibet
hominum verbis credere: nec audita vel
5 credita mox ad aliorum aures effundere.
Cum sapiente et conscientioso viro con-
siliū habe; et quaere potius a meliore
instrui: quam tuas adinventiones sequi.
Bona vita facit hominem sapientem se-
10 cundum Deum: et expertum in multis.
Quanto quis in se humilior fuerit et Deo
subiectior: tanto in omnibus erit sapientior
et pacatior.

DE LECTIONE SANCTARVM SCRIPTVRARVM.

15

CAPITVLVM V.

 Veritas est in scripturis sanctis quae-
renda: non eloquentia. Omnis
scriptura sacra eo spiritu debet legi quo
20 facta est. Quaerere potius debemus utili-
tatem in scripturis: quam subtilitatem
sermonis. Ita libenter devotos et sim-
plices libros legere debemus: sicut altos
et profundos. Non te offendat auctoritas
25 scribentis, utrum parvae vel magnae
litteraturae fuerit: sed amor purae veri-
tatis te trahat ad legendum. Non quaeras
quis hoc dixerit: sed quid dicatur attende.
Homines transeunt: sed veritas Domini

manet in aeternum. Sine personarum
acceptione, variis modis loquitur nobis
Deus. Curiositas nostra saepe nos impedit
in lectione scripturarum: cum volumus
intelligere et discutere ubi simpliciter
esset transeundum. Si vis profectum
haurire; lege humiliter, simpliciter et
fideliter: nec umquam velis habere nomen
scientiae. Interroga libenter; et audi tacens
verba sanctorum: nec displiceant tibi para-
bolae seniorum, sine causa enim non pro-
feruntur.

DE INORDINATIS AFFECTIONIBVS.

CAPITVLVM VI.

Quandocumque homo aliquid inordi- 15
nate appetit: statim in se inquietus
fit. Superbus et avarus numquam quie-
scunt: pauper et humilis spiritu in multi-
tudine pacis conversantur. Homo qui
necdum perfecte in se mortuus est, cito 20
temptatur: et vincitur in parvis et vili-
bus rebus. Infirmus in spiritu et quodam-
modo adhuc carnalis et ad sensibilia in-
clinatus: difficulter se potest a terrenis
desideriis ex toto abstrahere. Et ideo 25
saepe habet tristitiam cum se subtrahit:
leviter etiam indignatur si quis ei resistit.
Si autem persecutus fuerit quod con-
cupiscit; statim ex reatu conscientiae



gravatur, quia secutus est passionem suam: quae nihil iuvat ad pacem quam quaesivit. Resistendo igitur passionibus invenitur pax vera cordis: non autem eis
5 serviendo. Non est ergo pax in corde hominis carnalis; non in homine exterioribus dedito: sed in fervido et spirituali.

10 DE VANA SPE ET ELATIONE
FVGIENDA.

CAPITVLVM VII.

VANUS est: qui spem suam ponit in hominibus aut in creaturis. Non te pudeat aliis servire amore Iesu Christi:
15 et pauperem in hoc saeculo videri. Non stes super te ipsum: sed in Deo spem tuam constitue. Fac quod in te est: et Deus aderit bonae voluntati tuae. Non confidas in tua scientia, vel astutia cuius-
20 cumque viventis; sed magis in Dei gratia: qui adiuvat humiles et de se praesumentes humiliat. Ne glorieris in divitiis si asunt; nec in amicis quia potentes sunt: sed in Deo qui omnia praestat, et se
25 ipsum super omnia dare desiderat. Non te extollas de magnitudine vel pulchritudine corporis: quae modica infirmitate corrumpitur et defoedatur. Non placeas tibi ipsi de habilitate aut ingenio tuo;

ne displiceas Deo: cuius est totum quid-
quid boni naturaliter habueris. Non te
reputes aliis meliorem; ne forte coram
Deo deterior habearis: qui scit quid est
in homine. Non superbias de operibus
bonis; quia aliter sunt iudicia Dei quam
hominum: cui saepe displicet quod homini-
bus placet. Si aliquid boni habueris; crede
de aliis meliora: ut humilitatem conserves.
Non nocet si omnibus te supponas: nocet 10
autem plurimum, si vel uni te praeponas.
Iugis pax cum humili: in corde autem
superbi zelus et indignatio frequens.

DE CAVENDA NIMIA FAMILIARITATE.

15

CAPITVLVM VIII.

Non omni homini reveles cor tuum:
sed cum sapiente et timente Deum
age causam tuam. Cum iuvenibus et ex-
traneis rarus esto. Cum divitibus noli 20
blandire: et coram magnatis non libenter
appareas. Cum humilibus et simplicibus,
cum devotis et morigeratis sociare: et
quae aedificationis sunt pertracta. Non
sis familiaris alicui mulieri: sed in com- 25
muni omnes bonas mulieres Deo com-
menda. Soli Deo et angelis eius opta
familiaris esse: et hominum notitiam de-
vita. Caritas habenda est ad omnes: sed

familiaritas non expedit. Quandoque accidit, ut persona ignota ex bona fama luceat: cuius tamen praesentia oculos intuentium offuscat. Putamus aliquando
 5 aliis placere ex coniunctione nostra: et incipimus magis displicere ex morum improbitate in nobis considerata.

DE OBOEDIENTIA ET SVBIECTIONE.

CAPITVLVM IX.


10 **V**alde magnum est in oboedientia stare; sub praelato vivere: et sui iuris non esse. Multo tutius est stare in subiectione: quam in praelatura. Multi sunt sub oboedientia magis ex necessi-
 15 tate quam ex caritate; et illi poenam habent: et leviter murmurant. Nec libertatem mentis acquirunt: nisi ex toto corde propter Deum se subiciant. Curre hic vel ibi: non inuenies quietem nisi in
 20 humili subiectione, sub regimine praelati. Imaginatio locorum et mutatio, multos fefellit. Verum est quod unusquisque libenter agit pro sensu suo: et inclinatur ad eos magis qui secum sentiunt. Sed
 25 si Deus est inter nos: necesse est ut relinquamus etiam quandoque nostrum sentire propter bonum pacis. Quis est ita sapiens; qui omnia plene scire potest? Ergo noli nimis in sensu tuo confidere:

sed velis etiam libenter aliorum sensum audire. Si bonum est tuum sentire; et hoc ipsum propter Deum dimittis et alium sequeris: magis exinde proficies. Audivi enim saepe: securius esse audire, et ac-⁵ cipere consilium quam dare. Potest etiam contingere, ut bonum sit uniuscuiusque sentire; sed nolle aliis acquiescere, cum id ratio aut causa postulat: signum est superbiae et pertinaciae.

10

DE CAVENDA SVPERFLVITATE VERBORVM.

CAPITVLVM X.

 Aveas tumultum hominum quantum potes; multum enim impedit trac-¹⁵ tatus saecularium gestorum: etiam si simplici intentione proferantur. Cito enim inquinamur vanitate et captivamur. Vellem me pluries tacuisse: et inter homines non fuisse. Sed quare tam libenter loqui-²⁰ mur et invicem fabulamur; cum tamen raro sine laesione conscientiae ad silentium redimus? Ideo tam libenter loquimur; quia per mutuas locutiones ab invicem consolari quaerimus: et cor diversis²⁵ cogitationibus fatigatum optamus relevare. Et multum libenter de his quae multum diligimus vel cupimus, vel quae nobis contraria sentimus: libet loqui et cogitare.



Sed pro dolor, saepe inaniter et frustra.
Nam haec exterior consolatio: interioris
et divinae consolationis non modicum
detrimentum est. Ideo vigilandum est
5 et orandum: ne tempus otiose transeat.
Si loqui licet et expedit: quae aedifica-
bilia sunt loquere. Malus usus et negle-
gentia profectus nostri: multum facit ad
incustodiam oris nostri. Iuvat tamen non
10 parum ad profectum spirituales, devota
spiritualium rerum collatio: maxime ubi
pares animo et spiritu in Deo sibi so-
ciantur.

15 DE PACE ACQVIRENDA ET ZELO
PROFICIENDI.

CAPITVLVM XI.

Multam possemus pacem habere: si
non vellemus nos cum aliorum
dictis et factis et quae ad nostram curam
20 non spectant, occupare. Quomodo potest
ille diu in pace manere; qui alienis curis
se intermiscet, qui occasiones forinsecus
quaerit, qui parum vel raro se intrinsecus
colligit? Beati simplices: quoniam mul-
25 tam pacem habebunt. Quare quidam
sanctorum tam perfecti et contemplativi
fuerunt? Quia omnino se ipsos morti-
ficare ab omnibus terrenis desideriis
studuerunt: et ideo totis medullis cordis



Deo inhaerere, atque libere sibi vacare potuerunt. Nos nimium occupamur propriis passionibus: et de transitoriis nimis sollicitamur. Raro etiam unum vitium perfecte vincimus; et ad cotidianum profectum non accendimur: ideo frigidi et tepidi remanemus. Si essemus nobis ipsis perfecte mortui, et interius minime implicati; tunc possemus etiam divina sapere: et de caelesti contemplatione aliquid experiri. Totum et maximum impedimentum est, quia non sumus a passionibus et concupiscentiis liberi: nec perfectam sanctorum viam conamur ingredi. Quando etiam modicum adversitatis occurrit, nimis cito deicimur: et ad humanas consolationes convertimur. Si niteremur sicut viri fortes stare in proelio: profecto auxilium Domini super nos videremus de caelo. Ipse enim certantes et de sua gratia sperantes paratus est adiuvere: qui nobis certandi occasiones procurat ut vincamus. Si tantum in istis exterioribus observantiis profectum religionis ponimus: cito finem habebit devotio nostra. Sed ad radicem securim ponamus: ut purgati a passionibus pacificam mentem possideamus. Si omni anno unum vitium extirparemus: cito viri perfecti efficeremur. Sed modo e contrario saepe sentimus; ut meliores et



puriores in initio conversionis nos fuisse
inveniamus: quam post multos annos pro-
fessionis. Fervor et profectus cotidie de-
beret crescere; sed nunc¹ pro magno vi-
5 detur: si quis primi fervoris partem posset
retinere. Si modicam violentiam face-
remus in principio: tunc postea cuncta
possemus facere cum levitate et gaudio.
Grave est assueta dimittere: sed gravius
10 est contra propriam voluntatem ire. Sed
si non vincis parva et levia; quando
superabis difficiliora? Resiste in prin-
cipio inclinationi tuae; et malam dedisce
consuetudinem: ne forte paulatim ad
15 maiorem te ducat difficultatem. O si ad-
verteres quantam tibi pacem et aliis lae-
titiam faceres te ipsum bene habendo:
puto quod sollicitior esses ad spiritualem
profectum.

20 DE VTILITATE ADVERSITATIS.

CAPITVLVM XII.


BOnum nobis est quod aliquando
habeamus aliquas gravitates et con-
trarietates: quia saepe hominem ad cor-
25 revocant; quatinus se in exilio esse co-
gnoscat: nec spem suam in aliqua re
mundi ponat. Bonum est quod patiamur
quandoque contradictiones et quod male
et imperfecte de nobis sentiatur: etiam si

bene agimus et intendimus. Ista saepe iuvant ad humilitatem: et a vana gloria nos defendunt. Tunc enim melius interiore^m testem Deum quaerimus; quando foris vilipendimur ab hominibus: et non bene nobis creditur. Ideo deberet se homo in Deo taliter firmare: ut non esset ei necesse multas humanas consolationes quaerere. Quando homo bonae voluntatis tribulatur vel temptatur, aut malis cogitationibus affligitur; tunc Deum sibi magis necessarium intellegit: sine quo nihil boni se posse deprehendit. Tunc etiam tristatur gemit et orat, pro miseriis quas patitur. Tunc taedet eum diutius vivere; et mortem optat venire: ut possit dissolvi et cum Christo esse. Tunc etiam bene advertit: perfectam securitatem et plenam pacem in mundo non posse constare.

20

DE TEMPTATIONIBVS RESISTENDIS.

CAPITVLVM XIII.

 Vamdiu in mundo vivimus: sine tribulatione et temptatione esse non possumus. Vnde in Iob scriptum est. ²⁵ Temptatio est vita humana super terram. Ideo unusquisque sollicitus esse deberet circa temptationes suas et vigilare in orationibus; ne diabolus locum inveniret



decipiendi: qui numquam dormitat, sed circuit quaerens quem devoret. Nemo tam perfectus est et sanctus, qui non habeat aliquando temptationes: et plene
5 eis carere non possumus. Sunt tamen temptationes homini saepe valde utiles; licet molestae sint et graves: quia in illis homo humiliatur, purgatur et eruditur. Omnes sancti per multas tribulationes et
10 temptationes transierunt et profecerunt. Et qui temptationes sustinere nequiverunt: reprobi facti sunt et defecerunt. Non est aliquis ordo tam sanctus nec locus tam secretus: ubi non sint temp-
15 tationes vel adversitates. Non est homo securus a temptationibus totaliter quamdiu vixerit; quia in nobis est unde temptamur: ex quo in concupiscentia nati sumus. Vna temptatione seu tribulatione
20 recedente alia supervenit; et semper aliquid ad patiendum habebimus: nam bonum felicitatis nostrae perdidimus. Multi quaerunt temptationes fugere: et gravius incidunt in eas. Per solam fugam non
25 possumus vincere: sed per patientiam et veram humilitatem omnibus hostibus efficimur fortiores. Qui tantummodo exterius declinat, nec radicem evellit: parum proficiet. Immo citius ad eum temptationes
30 redient: et peius sentiet. Paulatim, et per patientiam cum longanimitate Deo

iuvante melius superabis: quam cum du-
 ritia et importunitate propria. Saepius
 accipe consilium in temptatione; et cum
 temptato noli duriter agere: sed con-
 solationemingere, sicut tibi optares fieri.⁵
 Initium omnium malarum temptationum
 inconstantia animi, et parva ad Deum
 confidentia; quia sicut navis sine guber-
 naculo hinc inde a fluctibus impellitur:
 ita homo remissus et suum propositum¹⁰
 deserens varie temptatur. Ignis probat
 ferrum: et temptatio hominem iustum.
 Nescimus saepe quid possumus: sed temp-
 tatio aperit quid sumus. Vigilandum est
 tamen praecipue circa initium temptationis;¹⁵
 quia tunc facilius hostis vincitur, si ostium
 mentis nullatenus intrare sinitur: sed extra
 limen statim ut pulsaverit illi obviatur.
 Vnde quidam dixit. Principiis obsta: sero
 medicina paratur. Nam primo occurrit²⁰
 menti simplex cogitatio; deinde fortis
 imaginatio: postea delectatio et motus
 pravus et assensio. Sicque paulatim in-
 greditur hostis malignus ex toto: dum
 illi non resistitur in principio. Et quanto²⁵
 diutius ad resistendum quis torpuerit;
 tanto in se cotidie debilior fit: et hostis
 contra eum potentior. Quidam in prin-
 cipio conversionis suae graviores temp-
 tationes patiuntur: quidam autem in fine.³⁰
 Quidam vero quasi per totam vitam suam



male habent; nonnulli satis leniter temptantur: secundum divinae ordinationis sapientiam et aequitatem; quae statum et merita hominum pensat: et cuncta ad
5 electorum suorum salutem praeordinat. Ideo non debemus desperare cum temptamur; sed eo ferventius Deum exorare: quatinus nos in omni tribulatione dignetur adiuvere; qui utique secundum dictum
10 Pauli, talem faciet cum temptatione proventum: ut possimus sustinere. Humiliemus ergo animas nostras sub manu Dei in omni temptatione et tribulatione: quia humiles spiritu salvabit et exaltabit. In
15 temptationibus et tribulationibus probatur homo quantum profecit; et ibi maius meritum consistit: et virtus melius patet. Nec magnum est si homo devotus sit et fervidus cum gravitatem non sentit;
20 sed si tempore adversitatis patienter se sustinet: spes magni profectus erit. Quidam a magnis temptationibus custodiuntur, et in parvis cotidianis saepe vincuntur; ut humiliati, numquam de se ipsis in
25 magnis confidant: qui in tam modicis infirmantur.



DE TEMERARIO .IUDICIO VITANDO.

CAPITVLVM XIII.

AD te ipsum oculos reflecte: et aliorum facta caveas iudicare. In iudicando alios homo frustra laborat; saepius 5 errat, et leviter peccat: se ipsum vero iudicando et discutiendo semper fructuose laborat. Sicut nobis res cordi est, sic de ea frequenter iudicamus: nam verum iudicium propter privatum amorem faci- 10 liter perdimus. Si Deus semper esset pura intentio nostri desiderii: non tam faciliter turbaremur pro resistantia sensus nostri. Sed saepe aliquid ab intra latet, vel etiam ab extra concurrit: quod nos 15 etiam pariter trahit. Multi occulte se ipsos quaerunt in rebus quas agunt: et nesciunt. Videntur etiam in bona pace stare: quando res pro eorum velle fiunt et sentire. Si autem aliter fit quam cupiunt: cito mo- 20 ventur et tristes fiunt. Propter diversitatem sensuum et opinionum satis frequenter oriuntur dissensiones inter amicos et cives: inter religiosos et devotos. Antiqua consuetudo difficulter relinquitur: et 25 ultra proprium videre nemo libenter ducitur. Si rationi tuae magis inniteris vel industriae, quam virtuti subiectivae Iesu Christi; raro et tarde eris homo illumi-



natus: quia Deus vult nos sibi perfecte subici, et omnem rationem per inflammatum amorem transcendere.

DE OPERIBVS EX CARITATE FACTIS.

5


CAPITVLVM XV.

Pro nulla re mundi, et pro nullius hominis dilectione aliquod malum est faciendum; sed pro utilitate tamen indigentis, opus bonum libere aliquando
10 intermittendum est: aut etiam pro meliori mutandum. Hoc enim facto opus bonum non destruitur: sed in melius commutatur. Sine caritate opus externum nihil prodest; quidquid autem ex caritate agitur quantum-
15 cumque etiam parvum sit et despectum: totum fructuosum efficitur. Magis siquidem Deus pensat ex quanto quis agit: quam opus quod facit. Multum facit: qui multum diligit. Multum facit: qui
20 rem bene facit. Bene facit: qui communitati magis quam suae voluntati servit. Saepe videtur esse caritas, et est magis carnalitas: quia naturalis inclinatio, propria voluntas, spes retributionis, af-
25 fectus commoditatis, raro abesse volunt. Qui veram et perfectam caritatem habet in nulla re se ipsum quaerit: sed Dei solummodo gloriam in omnibus fieri desiderat. Nulli etiam invidet, quia nullum

privatum gaudium amat; nec in se ipso vult gaudere: sed in Deo super omnia bona optat beatificari. Nemini aliquid boni attribuit; sed totaliter ad Deum refert, a quo fontaliter omnia procedunt: in quo finaliter omnes sancti fruibiliter requiescunt. O qui scintillam haberet verae caritatis: profecto omnia terrena sentiret plena fore vanitatis.

DE SVFFERENTIA DEFECTVVM 10 ALIORVM.

CAPITVLVM XVI.

 Vae homo in se vel in aliis emendare non valet: debet patienter sustinere, donec Deus aliter ordinet. 15 Cogita quia sic forte melius est pro tua probatione et patientia: sine qua non sunt multum ponderanda merita nostra. Debes tamen pro talibus impedimentis supplicare: ut Deus tibi dignetur sub- 20 venire, et possis benigne portare. Si quis semel aut bis admonitus non acquiescit: noli cum eo contendere, sed totum Deo committe; ut fiat voluntas eius et honor in omnibus servis suis: qui 25 scit bene mala in bonum convertere. Stude patiens esse in tolerando aliorum defectus et qualescumque infirmitates: quia et tu multa habes quae ab aliis



oportet tolerari. Si non potes te talem
facere qualem vis, quomodo poteris alium
ad tuum habere beneplacitum? Libenter
habemus alios perfectos: et tamen proprios
5 non emendamus defectus. Volumus quod
alii stricte corrigantur: et ipsi corrigi
nolumus. Displicet larga aliorum licentia:
et tamen nobis nolumus negari quod peti-
mus. Alios restringi per statuta volumus:
10 et ipsi nullatenus patimur amplius co-
hiberi. Sic ergo patet: quam raro proxi-
mum sicut nos ipsos pensamus. Si essent
omnes perfecti; quid tunc haberemus ab
aliis pro Deo pati? Nunc autem Deus
15 sic ordinavit, ut discamus alter alterius
onera portare; quia nemo sine defectu,
nemo sine onere: nemo sibi sufficiens,
nemo sibi satis sapiens; sed oportet nos
invicem portare, invicem consolari: pariter
20 adiuvere, instruere et admonere. Quantae
autem virtutis quisque fuerit, melius patet
occasione adversitatis. Occasiones nam-
que hominem fragilem non faciunt: sed
qualis sit, ostendunt.

25

DE MONASTICA VITA.

CAPITVLVM XVII.




Portet quod discas te ipsum in
multis frangere: si vis pacem et
concordiam cum aliis tenere. Non est

parvum in monasteriis vel in congrega-
 tione habitare, et inibi sine querela con-
 versari: et usque ad mortem fidelis per-
 severare. Beatus qui ibidem bene vixerit:
 et feliciter consummaverit. Si vis debite 5
 stare et proficere: teneas te tamquam
 exulem peregrinum super terram. Oportet
 te stultum fieri propter Christum: si vis
 religiosam ducere vitam. Habitus et ton-
 sura modicum confert: sed mutatio morum 10
 et integra mortificatio passionum verum
 faciunt religiosum. Qui aliud quaerit
 quam pure Deum, et animae suae sa-
 lutem: non inveniet nisi tribulationem
 et dolorem. Non potest etiam diu stare 15
 pacificus: qui non nititur esse minimus,
 et omnibus subiectus. Ad serviendum
 venisti: non ad regendum. Ad patiendum
 et laborandum scias te vocatum: non ad
 otiandum vel fabulandum. Hic ergo pro- 20
 bantur homines: sicut aurum in fornace.
 Hic nemo potest stare: nisi ex toto corde
 se voluerit propter Deum humiliare.

DE EXEMPLIS SANCTORVM PATRVM.

25

CAPITVLVM XVIII,


 Ntuere sanctorum patrum vivida ex-
 empla, in quibus vera perfectio re-
 fulsit et religio: et videbis quam modicum



sit, et paene nihil quod nos agimus. Heu
quid est vita nostra; si illis fuerit com-
parata? Sancti et amici Christi, Domino
servierunt in fame et siti, in frigore et
5 nuditate; in labore et fatigatione, in vigiliis
et ieiuniis, in orationibus et meditationi-
bus sanctis: in persecutionibus et ob-
probriis multis. O quam multas et graves
tribulationes passi sunt, apostoli, mar-
10 tyres, confessores virgines: et reliqui
omnes, qui Christi vestigia voluerunt
sequi. Nam animas suas in hoc mundo
oderunt: ut in aeternam vitam eas pos-
siderent. O quam strictam et abdicatam
15 vitam sancti patres in eremo duxerunt:
quam longas et graves temptationes per-
tulerunt; quam frequenter ab inimico
vexati sunt, quam crebras et fervidas
orationes Deo optulerunt: quam rigidas
20 abstinentias peregerunt. Quam magnum
zelum et fervorem ad spiritualem pro-
fectum habuerunt; quam forte bellum ad-
versus edomationem vitiorum gesserunt:
quam puram et rectam intentionem ad
25 Deum tenuerunt. Per diem laborabant,
et noctibus orationi diutinae vacabant:
quamquam laborando ab oratione mentali
minime cessarent. Omne tempus utiliter
expendebant; omnis hora ad vacandum
30 Deo brevis videbatur: et prae magna
dulcedine contemplationis, etiam oblivioni



tradebatur necessitas corporalis refectio-
nis. Omnibus divitiis, dignitatibus, honori-
bus amicis et cognatis renuntiabant: nil
de mundo habere cupiebant; vix neces-
saria vitae sumebant: corpori servire⁵
etiam in necessitate dolebant. Pauperes
igitur erant rebus terrenis: sed divites
valde in gratia et virtutibus. Foris ege-
bant: sed intus gratia et consolatione
divina reficiebantur. Mundo erant alieni:¹⁰
sed Deo proximi ac familiares amici.
Sibi ipsis videbantur tamquam nihili, et
huic mundo despecti: sed erant in oculis
Dei pretiosi et dilecti. In vera humili-
tate stabant: in simplici oboedientia vive-¹⁵
bant. In caritate et patientia ambulabant;
et ideo cotidie in spiritu proficiebant:
et magnam apud Deum gratiam obtine-
bant. Dati sunt in exemplum omnibus
religiosis; et plus provocare nos debent²⁰
ad bene proficiendum: quam tepidorum
numerus ad relaxandum.

O quantus fervor omnium religiosorum,
in principio suae sanctae institutionis fuit.
O quanta devotio orationis, quanta aemu-²⁵
latio virtutis; quam magna disciplina vigit:
quanta reverentia et oboedientia sub regula
magistri in omnibus effloruit. Testantur
adhuc vestigia derelicta, quod vere viri
sancti et perfecti fuerunt: qui tam strenue³⁰
militerantes mundum suppeditaverunt. Iam



magnus putatur, si quis transgressor non fuerit: si quis quod accepit cum patientia tolerare potuerit. Oh teporis et negligentiae status nostri; quod tam cito declinamus a pristino fervore: et iam taedet vivere prae lassitudine et tepore. Vtinam in te penitus non dormitet profectus virtutum: qui multa saepius exempla vidisti devotorum.

10 DE EXERCITIIS BONI RELIGIOSI.

CAPITVLVM XIX.

VIta boni religiosi omnibus virtutibus pollere debet: ut sit talis interius, qualis videtur hominibus exterius. Et merito multo plus debet esse intus quam quod cernitur foris: quia inspector noster est Deus; quem summopere revereri debemus ubicumque fuerimus: et tamquam angeli in conspectu eius mundi incedere. Omni die renovare debemus propositum nostrum, et ad fervorem nos excitare: quasi hodie primum ad conversionem venissemus, atque dicere. Adiuva me Domine Deus in bono proposito et sancto servitio tuo; et da mihi nunc hodie perfecte incipere: quia nihil est quod hactenus feci. Secundum propositum nostrum cursus profectus nostri: et multa diligentia opus est bene proficere

volenti. Quod si fortiter proponens saepe
 deficit; quid ille qui raro, aut minus fixe
 aliquid proponit? Variis tamen modis
 contingit desertio propositi nostri: et levis
 omissio exercitiorum vix sine aliquo dis- 5
 pendio transit. Iustorum propositum in
 gratia Dei potius quam in propria sapientia
 pendet: in quo et semper confidunt, quid-
 quid arripiunt. Nam homo proponit, sed
 Deus disponit: nec est in homine via 10
 eius. Si pietatis causa aut fraternae utili-
 tatis proposito, quandoque consuetum
 omittitur exercitium: facile postea poterit
 recuperari. Si autem taedio animi aut neg-
 legentia faciliter relinquitur: satis culpa- 15
 bile est, et nocivum sentietur. Conemur
 quantum possumus: adhuc leviter de-
 ficiemus in multis. Semper tamen ali-
 quid certi proponendum est: et contra
 illa praecipue quae amplius nos im- 20
 pediunt. Exteriora nostra et interiora
 pariter nobis scrutanda sunt et ordinanda:
 quia utraque expediunt ad profectum.
 Si non continue te vales colligere; sal-
 tem interdum et ad minus semel in 25
 die: mane videlicet aut vespere. Mane
 propone, vespere discute mores tuos,
 qualis hodie fuisti in verbo, opere et
 cogitatione: quia in his saepius forsitan
 Deum offendisti et proximum. Accinge 30
 te sicut vir contra diabolicas nequitias:



frena gulam, et omnem carnis inclinationem facilius frenabis. Numquam sis ex toto otiosus: sed aut legens aut scribens, aut orans aut meditans aut aliquid utilitatis pro communi laborans. Corporalia tamen exercitia discrete sunt agenda: nec omnibus aequaliter assumenda. Quae communia non sunt, non sunt foris ostendenda: nam in secreto tutius exercentur
10 privata. Cavendum tamen ne piger sis ad communia, et ad singularia promptior; sed expletis integre et fideliter debitis et iniunctis: si iam ultra vacat redde te tibi, prout devotio tua desiderat. Non
15 possunt omnes habere unum exercitium: sed aliud isti aliud illi magis deservit. Etiam pro temporis congruentia diversa placent exercitia: quia alia in festis, alia in feriatis magis sapiunt diebus. Aliis
20 indigemus tempore temptationis: et aliis tempore pacis et quietis. Alia cum tristamur libet cogitare: et alia cum laeti in Domino fuerimus. Circa principalia festa renovanda sunt bona exercitia: et sanctorum suffragia ferventius imploranda. De
25 festo in festum proponere debemus quasi tunc de hoc saeculo migraturi: et ad aeternum festum perventuri. Ideoque sollicite nos praeparare debemus in devotis temporibus, et devotius conversari;
30 atque omnem observantiam strictius custo-



dire, tamquam in brevi praemium laboris nostri a Deo percepturi. Et si dilatum fuerit; credamus nos minus bene praeparatos atque indignos tantae adhuc gloriae quae revelabitur in nobis tempore prae-⁵ finito: et studeamus nos melius ad exitum praeparare. Beatus servus ait evangelista Lucas: quem cum venerit dominus invenerit vigilantem. Amen dico vobis: super omnia bona sua constituet eum. 10

DE AMORE SOLITVDINIS ET SILENTII.

CAPITVLVM XX.



Vaere aptum tempus vacandi tibi: et de beneficiis Dei frequenter ¹⁵ cogita. Relinque curiosa; tales perlege, materias: quae compunctionem magis praestant: quam occupationem. Si te subtraxeris a superfluis locutionibus, et otiosis circuitationibus, nec non a novi-²⁰ tatibus et rumoribus audiendis: invenies tempus sufficiens et aptum pro bonis meditationibus insistendis. Maximi sanctorum humana consortia ubi poterant vitabant: et Deo in secreto servire eligebant. ²⁵ Dixit quidam. Quotiens inter homines fui: minor homo redii. Hoc saepius experimur: quando diu confabulamur. Facilius est omnino tacere: quam verbo



non excedere. Facilius est domi latere:
quam foris se posse sufficienter custo-
dire. Qui igitur intendit ad interiora et
spiritualia pervenire: oportet eum cum
5 Iesu a turba declinare. Nemo secure ap-
paret: nisi qui libenter latet. Nemo se-
cure loquitur: nisi qui libenter tacet.
Nemo secure praeest: nisi qui libenter
subest. Nemo secure praecipit: nisi qui
10 bene oboedire didicit. Nemo secure gaudet:
nisi bonae conscientiae in se testimonium
habeat. Semper tamen sanctorum securi-
tas plena timoris Dei extitit; nec eo minus
solliciti et humiles in se fuerunt: quia
15 magnis virtutibus et gratia emicuerunt.
Pravorum autem securitas ex superbia
et praesumptione oritur: et in fine in
deceptionem sui ipsius vertitur. Num-
quam promittas tibi securitatem in hac
20 vita: quamvis bonus videaris coenobita,
aut devotus eremita. Saepe meliores in
aestimatione hominum: gravius periclitati
sunt propter suam nimiam confidentiam.
Vnde multis utilius est, ut non penitus
25 temptationibus careant, sed saepius im-
pugnentur; ne nimium securi sint, ne
forte in superbiam eleventur: ne etiam
ad exteriores consolationes licentius de-
clinent. O qui numquam transitoriam
30 laetitiam quaereret; qui numquam cum
mundo se occuparet: quam bonam con-

scientiam servaret. O qui omnem vanam sollicitudinem amputaret, et dumtaxat salutaria ac divina cogitaret, et totam spem suam in Deo constitueret: quam magnam pacem et quietem possideret.⁵ Nemo dignus est caelesti consolatione: nisi diligenter se exercuerit in sancta compunctione. Si vis corde tenus compungi; intra cubile tuum et exclude tumultus mundi: sicut scriptum est. In¹⁰ cubilibus vestris compungimini. In cella invenies: quod deforis saepius amittes. Cella continuata dulcescit: et male custodita taedium generat. Si in principio conversionis tuae bene eam incolueris¹⁵ et custodieris: erit tibi postea dilecta amica et gratissimum solacium. In silentio et quiete proficit anima devota et discit abscondita scripturarum: ibi invenit fluentia lacrimarum, quibus singulis nocti-²⁰ bus se lavet et mundet; ut conditori suo tanto familiarior fiat: quanto longius ab omni saeculari tumultu degit. Qui ergo se abstrahit a notis et amicis: approximabit illi Deus cum angelis sanctis. Melius est²⁵ latere, et sui curam agere: quam se neglecto signa facere. Laudabile est homini religioso, raro foras ire, fugere videri: nolle etiam homines videre. Quid vis videre; quod non licet habere? Transit³⁰ mundus et concupiscentia eius. Trahunt



desideria sensualitatis ad spatiandum; sed cum hora transierit quid nisi gravitatem conscientiae et cordis dispersionem reportas? Laetus exitus tristem saepe red-
5 itum parit: et laeta vigilia serotina triste mane facit. Sic omne carnale gaudium blande intrat: sed in fine mordet et perimit. Quid potes alibi videre, quod hic non vides? Ecce caelum et terra et
10 omnia elementa: nam ex istis omnia sunt facta. Quid potes alicubi videre; quod diu potest sub sole permanere? Credis te forsitan satiari: sed non poteris per-tingere. Si cuncta videres praesentia;
15 quid esset nisi visio vana? Leva oculos tuos ad Deum in excelsis: et ora pro peccatis tuis et neglegentiis. Dimitte vana vanis: tu autem intende illis quae tibi praecepit Deus. Claude super te ostium
20 tuum: et voca ad te Iesum dilectum tuum. Mane cum eo in cella: quia non invenies alibi tantam pacem. Si non exisses nec quicquam de rumoribus audisses: melius in bona pace permansisses. Ex quo nova
25 delectat aliquando audire: oportet te exinde turbationem cordis tolerare.



DE COMPVNCTIONE CORDIS.

CAPITVLVM XXI.

SI vis aliquid proficere, conserva te in timore Dei; et noli esse nimis liber, sed sub disciplina cohibe omnes ⁵ sensus tuos: nec ineptae te tradas laetitiae. Da te ad cordis compunctionem: et invenies devotionem. Compunctio multa bona aperit: quae dissolutio cito perdere consuevit. Mirum est, quod homo potest ¹⁰ umquam perfecte in hac vita laetari: qui suum exilium, et tam multa pericula animae suae considerat et pensat. Propter levitatem cordis et negligentiam defectuum nostrorum non sentimus animae nostrae ¹⁵ dolores; sed saepe vane ridemus: quando merito flere deberemus. Non est vera libertas, nec bona laetitia: nisi in timore Dei cum bona conscientia. Felix qui abicere potest omne impedimentum dis- ²⁰ tractionis: et ad unionem se recolligere sanctae compunctionis. Felix qui a se abdicat: quidquid conscientiam suam maculare potest vel gravare. Certa viriliter: consuetudo consuetudine vincitur. Si tu ²⁵ scis homines dimittere: ipsi bene te dimittent tua facta facere. Non attrahas tibi res aliorum: nec te implices causis maiorum. Habeas semper oculum super



te primum: et admoneas te ipsum specialiter prae omnibus tibi dilectis. Si non habes favorem hominum noli ex hoc tristari; sed hoc sit tibi grave, quia non
5 habes te satis bene et circumspecte: sicut deceret Dei servum et devotum religiosum conversari. Vtilius est saepe et securius quod homo non habeat multas consolationes in hac vita: secundum carnem
10 praecipue. Tamen quod divinas non habemus aut rarius sentimus, nos in culpa sumus; quia compunctionem cordis non quaerimus: nec vanas et externas omnino abicimus. Cognosce te indignum
15 divina consolatione: sed magis dignum multa tribulatione. Quando homo est perfecte compunctus: tunc gravis et amarus est ei totus mundus. Bonus homo sufficientem invenit materiam dolendi et
20 flendi. Sive enim se considerat sive de proximo pensat: scit quia nemo sine tribulatione hic vivit. Et quanto strictius sese considerat: tanto amplius dolet. Materiae iusti doloris et internae compunctionis sunt peccata et vitia nostra;
25 quibus ita involuti iacemus: ut raro caelestia contemplari valeamus. Si frequentius de morte tua, quam de longitudine vitae cogitares: non dubium quin
30 ferventius te emendares. Si etiam futuras inferni sive purgatorii poenas cordialiter

perpenderes; credo quod libenter laborem et dolorem sustineres: et nihil rigoris formidares. Sed quia ad cor ista non transeunt, et blandimenta adhuc amamus: ideo frigidi et valde pigri remanemus. 5 Saepe est inopia spiritus: unde tam leviter conqueritur miserum corpus. Ora igitur humiliter ad Dominum, ut det tibi compunctionis spiritum: et dic cum propheta. Ciba me Domine pane lacrimarum: et 10 potum da mihi in lacrimis in mensura.

DE CONSIDERATIONE HVMANAE MISERIAE.

CAPITVLVM XXII.

Miser es ubicumque fueris et quo- 15 cumque te verteris: nisi ad Deum te convertas. Quid turbaris; quia non succedit tibi sicut vis et desideras? Quis est qui habet omnia secundum suam voluntatem? Nec ego nec tu: nec ali- 20 quis hominum super terram. Nemo est in mundo sine aliqua tribulatione vel angustia: quamvis rex sit vel papa. Quis est qui melius habet? Vtique qui pro Deo aliquid pati valet. Dicunt multi im- 25 becilles et infirmi: ecce quam bonam vitam ille homo habet: quam dives quam magnus quam potens et excelsus. Sed attende ad caelestia bona; et videbis quod



omnia ista temporalia nulla sunt, sed valde incerta et magis gravantia: quia numquam sine sollicitudine et timore possidentur. Non est hominis felicitas habere temporalia ad abundantiam: sed sufficit ei mediocritas. Vere miseria est vivere super terram. Quanto homo voluerit esse spiritualior, tanto praesens vita fit ei amarior: quia sentit melius et videt clarius humanae corruptionis defectus. Nam comedere bibere vigilare dormire, quiescere laborare, et ceteris necessitatibus naturae subiacere, vere magna miseria est et afflictio homini devoto: qui libenter esset absolutus et liber ab omni peccato. Valde enim gravatur interior homo necessitatibus corporalibus in hoc mundo. Vnde propheta devote rogat: quatinus liber ab istis esse valeat dicens. De necessitatibus meis erue me Domine. Sed vae non cognoscentibus suam miseriam: et amplius vae illis qui diligunt hanc miseram et corruptibilem vitam. Nam in tantum quidam hanc amplectuntur, licet etiam vix necessaria laborando aut mendicando habeant: ut si possent hic semper vivere, de regno Dei nihil curarent. O insani et infideles corde; qui tam profunde in terrenis iacent: ut nihil nisi carnalia sapiant. Sed miseri adhuc in fine graviter sentient: quam vile et nihilum erat quod


amaverunt. Sancti autem Dei et omnes
 devoti amici Christi, non attenderunt
 quae carni placuerunt; nec quae in hoc
 tempore floruerunt: sed tota spes eorum
 et intentio ad aeterna bona anhelabat.⁵
 Ferebatur totum desiderium eorum sur-
 sum ad mansura et invisibilia: ne amore
 visibilium traherentur ad infima. Noli
 frater amittere confidentiam proficiendi
 ad spiritualia: adhuc habes tempus et¹⁰
 horam. Quare vis procrastinare propo-
 situm tuum? Surge et in instanti incipe:
 et dic. Nunc tempus est faciendi; nunc
 tempus est pugnandi: nunc aptum tempus
 est emendandi. Quando male habes et¹⁵
 tribularis: tunc tempus est promerendi.
 Oportet te transire per ignem et aquam:
 antequam venias in refrigerium. Nisi
 tibi vim feceris: vitium non superabis.
 Quamdiu istud fragile corpus gerimus,²⁰
 sine peccato esse non possumus: nec
 sine taedio et dolore vivere. Libenter
 haberemus ab omni miseria quietem; sed
 quia per peccatum perdidimus innocen-
 tiam: amisimus etiam veram beatitudinem.²⁵
 Ideo oportet nos tenere patientiam; et Dei
 expectare misericordiam: donec transeat
 iniquitas haec, et mortalitas absorbeatur
 a vita.

O quanta fragilitas humana: quae sem-³⁰
 per prona est ad vitia. Hodie confiteris

peccata tua: et cras iterum perpetrās con-
 fessa. Nunc proponis cavere: et post
 horam agis, quasi nihil proposuisses.
 Merito ergo nos ipsos humiliare pos-
 5 sumus; nec umquam aliquid magni de
 nobis sentire: quia tam fragiles et in-
 stabiles sumus. Cito etiam potest perdi
 per negligentiam: quod multo labore vix
 tandem acquisitum est per gratiam. Quid
 10 fiet de nobis adhuc in fine; qui tepesci-
 mus tam mane? Vae nobis si sic volumus
 declinare ad quietem, quasi iam pax sit
 et securitas: cum necdum appareat vesti-
 gium verae sanctitatis in conversatione
 15 nostra. Bene opus esset quod adhuc
 iterum instrueremur tamquam boni no-
 vicii ad mores optimos: si forte spes
 esset de aliqua futura emendatione, et
 maiori spirituali profectu.

20 DE MEDITATIONE MORTIS.

CAPITVLVM XXIII.

 Alde cito erit tecum hic factum:
 vide aliter quomodo te habeas.
 Hodie homo est: et cras non comparet.
 25 Cum autem sublatus fuerit ab oculis:
 etiam cito transit a mente. O hebetudo
 et duritia cordis humani: quod solum
 praesentia meditatur, et futura non magis
 praevidet. Sic te in omni facto et cogi-



tatu deberes tenere: quasi hodie esses moriturus. Si bonam conscientiam haberes: non multum mortem timeres. Melius esset peccata cavere: quam mortem fugere. Si hodie non es paratus; quomodo cras 5 eris? Cras est dies incerta; et quid scis si crastinum habebis? Quid prodest diu vivere; quando tam parum emendamur? Ah longa vita non semper emendat: sed saepe culpam magis auget. Vtinam per 10 unam diem bene essemus conversati in hoc mundo. Multi annos computant conversionis: sed saepe parvus est fructus emendationis. Si formidolosum est mori: forsitan periculosius erit diutius vivere. 15 Beatus qui horam mortis suae semper ante oculos habet: et ad moriendum cotidie se disponit. Si vidisti aliquando hominem mori: cogita quia et tu per eandem viam transibis. Cum mane fuerit: 20 puta te ad vesperum non perventurum. Vespere autem facto: mane non audeas tibi polliceri. Semper ergo paratus esto: et taliter vive, ut numquam te imparatum mors inveniat. Multi subito et im- 25 provise moriuntur: nam hora qua non putatur, Filius hominis venturus est. Quando illa extrema hora venerit; multum aliter sentire incipies de tota vita tua praeterita: et valde dolebis quia tam 30 negligens et remissus fuisti. Quam felix



et prudens, qui talis nunc nititur esse in
vita: qualis optat inveniri in morte. Dabit
namque magnam fiduciam feliciter mo-
riendi perfectus contemptus mundi; fer-
5 vens desiderium in virtutibus proficiendi:
amor disciplinae labor paenitentiae; promp-
titudine oboedientiae, abnegatio sui: et sup-
portatio cuiuslibet adversitatis pro amore
Christi. Multa bona potes operari dum
10 sanus es: sed infirmatus nescio quid
poteris. Pauci ex infirmitate meliorantur:
sic et qui multum peregrinantur, raro
sanctificantur. Noli confidere super amicos
et proximos; nec in futurum tuam dif-
15 feras salutem: quia citius obliviscentur
tui homines quam aestimas. Melius est
nunc tempestive providere, et aliquid
boni praemittere: quam super aliorum
auxilio sperare. Si non es pro te ipso
20 sollicitus modo: quis erit sollicitus pro
te in futuro? Nunc tempus est valde
pretiosum: nunc sunt dies salutis: nunc
tempus acceptabile. Sed pro dolor quod
hoc utilius non expendis: in quo pro-
25 mereri vales unde aeternaliter vivas.
Veniet, quando unum diem seu horam
pro emendatione desiderabis: et nescio
an impetrabis. Eia carissime, de quanto
periculo te poteris liberare, de quam
30 magno timore eripere: si modo semper
timoratus fueris et suspectus de morte.



Stude nunc taliter vivere: ut in hora mortis valeas potius gaudere quam timere. Disce nunc mori mundo: ut tunc incipias vivere cum Christo. Disce nunc omnia contemnere: ut tunc possis libere ad 5 Christum pergere. Castiga nunc corpus tuum per paenitentiam: ut tunc certam valeas habere confidentiam. Ah stulte quid cogitas te diu victurum; cum nullum diem habeas securum? Quam multi de- 10 cepti sunt: et insperate de corpore extracti. Quotiens audisti a dicentibus, quia ille gladio cecidit; ille submersus est: ille ab alto ruens cervicem fregit: ille manducando obriguit, ille ludendo finem 15 fecit: alius igne, alius ferro, alius peste, alius latrocinio interiit; et sic omnium finis mors est: et vita hominum tamquam umbra subito pertransit. Quis memorabitur tui post mortem; et quis 20 orabit pro te? Age age nunc carissime quidquid agere potes; quia nescis quando morieris: nescis etiam quid tibi post mortem sequetur. Dum tempus habes: congrega divitias immortales. Praeter 25 salutem tuam nihil cogites: solum quae Dei sunt cures. Fac nunc tibi amicos venerando Dei sanctos, et eorum actus imitando; ut cum defeceris in hac vita: illi te recipiant in aeterna tabernacula. 30 Serva te tamquam peregrinum et hospitem



super terram: ad quem nihil spectat de
mundi negotiis. Serva cor liberum et ad
Deum sursum erectum: quia non habes
hic manentem civitatem. Illuc preces
5 et gemitus cotidianos cum lacrimis dirige:
ut spiritus tuus mereatur ad Dominum
post mortem feliciter transire. Amen.

DE IVDICIO ET POENIS PECCATORVM.

10

CAPITVLVM XXIII.

IN omnibus rebus respice finem:
et qualiter ante districtum stabis
iudicem, cui nihil est occultum; qui mū-
neribus non placatur, nec excusationes
15 recipit: sed quod iustum est iudicabit.
O miserrime et insipiens peccator, quid
respondebis Deo omnia mala tua scienti;
qui interdum formidas vultum hominis
irati? Vt quid non praevides tibi in die
20 iudicii quando nemo poterit per alium
excusari vel defendi; sed unusquisque
sufficiens onus erit sibi ipsi? Nunc labor
tuus est fructuosus; fletus acceptabilis,
gemitus exaudibilis: dolor satisfactorius
25 et purgativus.

Habet magnum et salubre purgatorium
patiens homo: qui suscipiens iniurias plus
dolet de alterius malitia, quam de sua in-
iuria; qui pro contrariantibus sibi libenter

orat: et ex corde culpas indulget; qui
 veniam ab aliis petere non retardat: qui
 facilius miseretur quam irascitur; qui
 sibi ipsi violentiam frequenter facit: et
 carnem omnino spiritui subiugare conatur. 5
 Melius est modo purgare peccata et vitia
 resecare: quam in futuro purganda re-
 servare. Vere nos ipsos decipimus: per
 inordinatum amorem quem ad carnem
 habemus. Quid aliud ignis ille devorabit; 10
 nisi peccata tua? Quanto amplius tibi
 ipsi nunc parcis, et carnem sequeris:
 tanto durius postea lues, et maiorem ma-
 teriam comburendi reservas. In quibus
 homo peccavit: in illis gravius punietur. 15
 Ibi acediosi ardentibus stimulis perurgen-
 tur: et gulosi ingenti siti ac fame crucia-
 buntur. Ibi luxuriosi et voluptatum ama-
 tores ardenti pice et foetido sulphure
 perfundentur: et sicut furiosi canes prae 20
 dolore invidiosi ululabunt. Nullum vitium
 erit: quod suum proprium cruciatum non
 habebit. Ibi superbi omni confusione re-
 plebuntur: et avari miserrima egestate
 artabuntur. Ibi erit una hora gravior in 25
 poena: quam hic centum anni in gravis-
 sima paenitentia. Ibi nulla requies est,
 nulla consolatio damnatis: hic tamen inter-
 dum cessatur a laboribus, atque amicorum
 fruitur solaciis. Esto modo sollicitus et 30
 dolens, pro peccatis tuis: ut in die iudicii



securus sis cum beatis. Tunc enim iusti stabunt in magna constantia: adversus eos qui se angustiaverunt et depresserunt. Tunc stabit ad iudicandum: qui modo se
5 subicit humiliter iudiciis hominum. Tunc magnam fiduciam habebit pauper et humilis: et pavebit undique superbus. Tunc videbitur sapiens in hoc mundo fuisse: qui pro Christo didicit stultus et despectus
10 esse. Tunc placebit omnis tribulatio patienter perpessa: et omnis iniquitas opilabit os suum. Tunc gaudebit omnis devotus: et maerebit omnis irreligiosus. Tunc plus exultabit caro afflicta: quam
15 si in deliciis fuisset semper nutrita. Tunc splendeat habitus vilis: et obtenebrescat vestis subtilis. Tunc plus laudabitur pauper-culum domicilium: quam deauratum palatium. Tunc plus iuvabit constans patientia:
20 quam omnis mundi potentia. Tunc amplius exaltabitur simplex oboedientia: quam omnis saecularis astutia. Tunc plus laetificabit pura et bona conscientia: quam docta philosophia. Tunc plus ponderabit
25 contemptus divitiarum: quam totus thesaurus terrigenarum. Tunc magis consolaberis super devota oratione: quam super delicata comestione. Tunc potius gaudebis de servato silentio: quam de
30 longa fabulatione. Tunc plus valebunt sancta opera: quam multa pulchra verba.



Tunc plus placebit stricta vita et ardua
paenitentia: quam omnis delectatio ter-
rena. Disce te nunc in modico pati: ut
tunc a gravioribus valeas liberari. Hic
primo proba: quid possis postea. Si nunc 5
tam parum vales sustinere; quomodo
aeterna tormenta poteris sufferre? Si
modo modica passio tam impatientem
efficit; quid gehenna tunc faciet? Ecce
vere non potes duo gaudia habere: de- 10
lectari hic in mundo et postea regnare
cum Christo. Si usque in hodiernum
diem semper in honoribus et voluptatibus
vixisses; quid totum tibi profuisset, si
iam mori in instanti contingeret? Omnia 15
ergo vanitas: praeter amare Deum et illi
soli servire. Qui enim Deum ex toto
corde amat; nec mortem nec supplicium,
nec iudicium nec infernum metuit: quia
perfectus amor securum ad Deum ac- 20
cessum facit. Quem autem adhuc pec-
care delectat: non mirum si mortem et
iudicium timeat. Bonum tamen est, ut
si necdum amor a malo te revocat: saltem
timor gehennalis coerceat. Qui vero timo- 25
rem Dei postponit; diu stare in bono
non valebit: sed diaboli laqueos citius
incurret.





DE FERVENTI EMENDATIONE TOTIVS VITAE NOSTRAE.

CAPITVLVM XXV.

Sto vigilans et diligens in Dei ser-
5 vitio; et cogita frequenter ad quid
venisti: et cur saeculum reliquisti. Nonne
ut Deo viveres; et spiritualis homo fieres?
Igitur ad profectum ferveas; quia mer-
cedem laborum tuorum in brevi recipies:
10 nec erit tunc amplius timor aut dolor in
finibus tuis. Modicum nunc laborabis:
et magnam requiem immo perpetuam
laetitiam invenies. Si tu permanseris
fidelis et fervidus in agendo: Deus procul
15 dubio erit fidelis et locuples in retribuendo.
Spem bonam retinere debes quod ad pal-
mam pervenies; sed securitatem capere
non oportet: ne torpeas aut elatus fias.

Cum quidam anxius inter metum et
20 spem frequenter fluctuaret; et quadam
vice maerore confectus, in ecclesia ante
quoddam altare, se in oratione prostra-
visset: haec intra se revolvit dicens. O si
scirem quod adhuc perseveraturus essem.
25 Statimque audivit divinum intus respon-
sum. Quod si hoc scires; quid facere
velles? Fac nunc quod tunc facere velles:
et bene securus eris. Moxque consolatus
et confortatus divinae se commisit volun-



tati: et cessavit anxia fluctuatio. Noluit-
que curiose investigare ut sciret quae
sibi essent futura; sed magis studuit in-
quirere, quae esset voluntas Dei bene-
placens et perfecta: ad omne opus bonum 5
inchoandum et perficiendum. Spera in
Domino et fac bonitatem ait propheta,
et inhabita terram: et pascaris in divitiis
eius. Vnum est quod multos a profectu
et ferventi emendatione retrahit: horror 10
difficultatis seu labor certaminis. Enim-
vero illi maxime prae ceteris in virtutibus
proficiunt: qui ea quae sibi magis gravia
et contraria sunt viriliter vincere nituntur.
Nam ibi homo plus proficit, et gratiam 15
meretur ampliorem: ubi magis se ipsum
vincit et in spiritu mortificat. Sed non
omnes habent aequè multum ad vincen-
dum et moriendum. Diligens tamen aemu-
lator valentior erit ad proficiendum etiam si 20
plures habeat passiones: quam alius bene
morigeratus, minus tamen fervens ad vir-
tutes. Duo specialiter ad magnam emen-
dationem iuvant; videlicet subtrahere se
violenter ad quod natura vitiose inclinatur: 25
et ferventer instare pro bono quo amplius
quis indiget. Illa etiam studeas magis
cavere et vincere: quae tibi frequentius
in aliis displicent. Ubique profectum
tuum capias: ut si bona exempla videas 30
vel audias, ad imitandum accendaris. Si

quid autem reprehensibile consideraveris:
cave ne idem facias. Aut si aliquando
fecisti: citius emendare te studeas. Sicut
oculus tuus alios considerat: sic iterum
5 ab aliis notaris. Quam iucundum et dulce
est videre fervidos et devotos fratres:
bene morigeratos et disciplinatos. Quam
triste est et grave videre inordinate ambu-
lantes: qui ea ad quae vocati sunt non
10 exercent. Quam nocivum est negligere
vocationis suae propositum: et ad non
commissa sensum inclinare.

Memor esto arrepti propositi: et imagi-
nem tibi propone Crucifixi. Bene vere-
15 cundari potes inspecta vita Iesu Christi;
quia necdum magis illi te conformare
studuisti: licet diu in via Dei fuisti.
Religiosus qui se intente et devote in
sanctissima vita et passione Domini ex-
20 ercet; omnia utilia et necessaria sibi
abundanter ibi inveniet: nec opus est ut
extra Iesum aliquid melius quaerat. O si
Iesus crucifixus in cor nostrum veniret:
quam cito et sufficienter docti essemus.
25 Religiosus fervidus, omnia bene portat
et capit: quae illi iubentur. Religiosus
neglegens et tepidus, habet tribulationem
super tribulationem: et ex omni parte
patitur angustiam; quia interiori consola-
30 tione caret: et exteriorem quaerere pro-
hibetur. Religiosus extra disciplinam

vivens: gravi patet ruinae. Qui laxiora quaerit et remissiora, semper in angustiis erit: quia unum aut reliquum sibi displicebit. Quomodo faciunt tam multi alii religiosi; qui satis artati sunt sub disciplina claustrali? Raro exeunt, abstracte vivunt, pauperrime comedunt: grosse vestiuntur, multum laborant, parum loquuntur; diu vigilant, mature surgunt, orationes prolongant, frequenter legunt: 10 et se in omni disciplina custodiunt. Attende Carthusienses, Cistercienses et diversae religionis monachos ac moniales: qualiter omni nocte ad psallendum Domino assurgunt. Et ideo turpe esset ut 15 tu deberes in tam sancto opere pigritari: ubi tanta multitudo religiosorum incipit Deo iubilare. O si nihil aliud faciendum incumberet: nisi Dominum Deum nostrum toto corde et ore laudare. O si num- 20 quam indigeres comedere nec bibere, nec dormire: sed semper posses Deum laudare, et solummodo spiritualibus studiis vacare; tunc multo felicior esses: quam modo cum carni ex qualicumque neces- 25 sitate servis. Vtinam non essent istae necessitates; sed solum spirituales animae refectiones: quas heu satis raro degustamus. Quando homo ad hoc pervenit, quod de nulla creatura consolationem 30 suam quaerit; tunc ei Deus primo per-

fecte sapere incipit: tunc etiam bene contentus de omni eventu rerum erit. Tunc nec pro magno laetabitur nec pro modico contristabitur: sed ponit se integre et fiducialiter in Deo qui est ei omnia in omnibus; cui nihil utique perit, nec moritur: sed omnia ei vivunt et ad nutum incunctanter deserviunt. Memento semper finis: et quia perditum non redit
10 tempus. Sine sollicitudine et diligentia numquam acquires virtutes. Si incipis tepescere: incipies male habere. Si autem dederis te ad fervorem, invenies magnam pacem; et senties leviolem laborem:
15 propter Dei gratiam et virtutis amorem. Homo fervidus et diligens: ad omnia est paratus. Maior labor est resistere vitiis et passionibus: quam corporalibus insudare laboribus. Qui parvos non vitat
20 defectus: paulatim labitur ad maiores. Gaudebis semper vespere: si diem expendas fructuose. Vigila super te ipsum: excita te ipsum, admone te ipsum; et quidquid de aliis sit: non neglegaste ipsum.
25 Tantum proficies: quantum tibi ipsi vim intuleris. Amen.

EXPLICIVNT ADMONITIONES AD
SPIRITVALEM VITAM VTILES.



**ADMONITIONES •
AD INTERNA TRAHENTES**

**[DE IMITATIONE CHRISTI
QVAE VVLGO DICITVR
LIBER SECVNDVS]**

INCIPIVNT CAPITVLA.

	DE interna conversatione	I
	DE humili submissione	II
	DE bono pacifico homine	III
5	DE pura mente et simplici intentione	IIII
	DE propria consideratione	V
	DE laetitia bonae conscientiae	VI
	DE amore Iesu super omnia	VII
	DE familiari amicitia Iesu	VIII
10	DE carentia omnis solacii	IX
	DE gratitudine pro gratia Dei	X
	DE paucitate amatorum crucis Iesu	XI
	DE regia via sanctae crucis	XII



INCIPIVNT ADMONITIONES AD INTERNA
TRAHENTES

DE INTERNA CONVERSATIONE.

CAPITVLVM I.

R*egnum Dei intra vos est dicit
Dominus. Converte te ex toto
corde ad Dominum; et relin-
que hunc miserum mundum:
et inueniet anima tua requiem. Disce
exteriora contemnere et ad interiora te 10
dare: et videbis regnum Dei in te venire.
Est enim regnum Dei pax et gaudium in
spiritu sancto: quod non datur impiis.
Veniet ad te Christus ostendens tibi con-
solationem suam: si dignam illi ab intus 15
paraveris mansionem. Omnis gloria eius
et decor ab intra est: et ibi complacet
sibi. Frequens illi visitatio cum homine
interno; dulcis sermocinatio grata con-
solatio: multa pax, familiaritas stupenda 20
nimis. Eia anima fidelis praepara huic*



sponso cor tuum: quatenus ad te venire,
et in te habitare dignetur. Sic enim dicit.
Si quis diligit me sermonem meum ser-
vabit; et ad eum veniemus: et mansio-
5 nem apud eum faciemus. Da ergo Christo
locum: et ceteris omnibus nega introitum.
Cum Christum habueris: dives es et suf-
ficit tibi. Ipse erit provisor tuus et fidelis
procurator in omnibus: ut non sit opus
10 in hominibus sperare. Homines enim cito
mutantur et deficiunt velociter; Christus
autem manet in aeternum: et astat usque
in finem firmiter. Non est magna fiducia
ponenda in homine fragili et mortali,
15 etiam si utilis sit et dilectus; neque tri-
stitia multa ex hoc capienda: si interdum
adversetur et contradicat. Qui hodie tecum
sunt, cras contrariari possunt: et e con-
verso saepe ut aura vertuntur.

20 Pone totam fiduciam tuam in Deo: et
sit ipse timor tuus et amor tuus. Ipse
pro te respondebit: et faciet bene sicut
melius fuerit. Non habes hic manentem
civitatem: et ubicumque fueris extraneus
25 es et peregrinus; nec requiem aliquando
habebis: nisi Christo intime fueris unitus.
Quid hic circumspicis; cum iste non sit
locus tuae requietionis? In caelestibus
debet esse habitatio tua: et sicut in
30 transitu cuncta terrena sunt aspicienda.
Transeunt omnia: et tu cum eis pariter.



Vide ut non inhaereas: ne capiaris et pereas. Apud Altissimum sit cogitatio tua: et deprecatio tua ad Christum sine intermissione dirigatur. Si nescis speculari alta et caelestia; requiesce in passione Christi: et in sacris vulneribus eius libenter habita. Si enim ad vulnera et pretiosa stigmata Iesu devote confugis: magnam in tribulatione confortationem senties; nec multum curabis hominum despectiones: faciliterque verba detrahentia perferes. Christus fuit etiam in mundo ab hominibus despectus: et in maxima necessitate a notis et amicis inter obprobria derelictus. Christus pati voluit et despici; et tu audes de aliquo conqueri? Christus habuit adversarios et oblocutores; et tu vis omnes habere amicos et benefactores? Vnde coronabitur patientia tua; si nil adversitatis occurrerit? Si nihil contrarium vis pati; quomodo eris amicus Christi? Sustine te cum Christo et pro Christo: si vis regnare cum Christo. Si semel perfecte introisses in interiora Iesu, et modicum de ardente amore eius sapuisses: tunc de proprio commodo vel incommodo nihil curares; sed magis de obprobrio illato gauderes: quia amor Iesu facit hominem se ipsum contemnere. Amator Iesu et veritatis, et verus internus et liber ab affectionibus



inordinatis: potest se ad Deum libere
convertere, et elevare supra se ipsum in
spiritu ac fruitive quiescere. Cui sapiunt
omnia prout sunt, non ut dicuntur aut
5 aestimantur; hic vere sapiens est: et
doctus magis a Deo quam ab hominibus.
Qui ab intra scit ambulare, et modicum
ab extra res ponderare; non requirit loca
nec expectat tempora: ad habenda de-
10 vota exercitia. Homo internus cito se
recolligit: quia numquam se totum ad
exteriora effundit. Non illi obest labor
exterior, aut occupatio ad tempus neces-
saria; sed sicut res eveniunt: sic se illis
15 accommodat. Qui intus bene dispositus est
et ordinatus: non curat mirabiles et per-
versos hominum gestus. Tantum homo
impeditur et distrahitur: quantum sibi
res attrahit. Si recte tibi esset et bene
20 purgatus esses: omnia tibi in bonum
cederent et profectum. Ideo multa tibi
displicent et saepe conturbant; quia ad-
huc non es perfecte tibi ipsi mortuus:
nec segregatus ab omnibus terrenis. Nil
25 sic maculat et implicat cor hominis: sicut
impurus amor in creaturis. Si renuis con-
solari exterius: poteris speculari caelestia,
et frequenter iubilare interius.



DE HVMILI SVBMISSIONE.

CAPITVLVM II.

Non magni pendas quis pro te vel
 contra te sit: sed hoc age et cura,
 ut Deus tecum sit in omni re quam facis. 5
 Habeas conscientiam bonam: et Deus
 bene te defensabit. Quem enim Deus ad-
 iuvare voluerit: nullius perversitas nocere
 poterit. Si tu scis tacere et pati: videbis
 procul dubio auxilium Domini. Ipse novit 10
 tempus et modum liberandi te: et ideo
 te debes illi resignare. Dei est adiuuvare:
 et ab omni confusione liberare. Saepe
 valde prodest ad maiorem humilitatem
 servandam: quod defectus nostros alii 15
 sciunt et redarguunt. Quando homo pro
 defectibus suis se humiliat tunc faciliter
 alios placat: et leviter satisfacit sibi ira-
 scentibus. Humilem Deus protegit et
 liberat: humilem diligit et consolatur. 20
 Humili homini se inclinat; humili largitur
 gratiam magnam: et post suam depressio-
 nem levat ad gloriam. Humili sua secreta
 revelat: et ad se dulciter trahit et in-
 vitat. Humilis accepta confusione satis 25
 bene est in pace: quia stat in Deo et
 non in mundo. Non reputes te aliquid
 profecisse: nisi omnibus inferiorem te
 esse sentias.

DE BONO PACIFICO HOMINE.

CAPITVLVM III.

TEne te primo in pace: et tunc
poteris alios pacificare. Homo
5 pacificus magis prodest: quam bene doctus.
Homo passionatus etiam bonum in malum
trahit: et faciliter malum credit. Bonus
pacificus homo: omnia ad bonum con-
vertit. Qui bene in pace est: de nullo
10 suspicatur. Qui autem male contentus
est et commotus: variis suspicionibus
agitatur. Nec ipse quiescit: nec alios
quiescere permittit. Dicit saepe quod
dicere non deberet: et omittit quod sibi
15 magis facere expediret. Considerat quid
alii facere tenentur: et negligit quid ipse
teneatur. Habe ergo primo zelum super
te ipsum: et tunc iuste zelare poteris
etiam proximum tuum. Tu bene scis
20 facta tua excusare et colorare: et alio-
rum excusationes non vis recipere. Iustius
esset ut te accusares: et fratrem tuum
excusares. Si portari vis: porta et alium.
Vide quam longe es adhuc a vera cari-
25 tate et humilitate: quae nulli novit irasci
vel indignari, nisi tantum sibi. Non est
magnum cum bonis et mansuetis con-
versari: hoc enim omnibus naturaliter
placet; et unusquisque libenter pacem

habet: et secum sentientes magis diligit. Sed cum duris et perversis aut indisciplinatis aut nobis contrariantibus pacifice posse vivere: magna gratia est et laudabile nimis, virileque factum. Sunt qui se ipsos in pace tenent: et cum aliis etiam pacem habent. Et sunt qui nec pacem habent: nec alios in pace dimittunt. Aliis sunt graves: sed sibi semper graviores. Et sunt qui se ipsos in pace retinent: et ad pacem alios reducere student. Est tamen tota pax nostra in hac misera vita potius in humili sufferentia ponenda: quam in non sentiendo contraria. Qui melius scit pati: maiorem tenebit pacem. Iste est victor sui et dominus mundi: amicus Christi et heres caeli.

DE PVRA MENTE ET SIMPLICI INTENTIONE.

CAPITVLVM IIII.

20

DVabus alis homo sublevatur a terrenis: simplicitate scilicet et puritate. Simplicitas debet esse in intentione: puritas in affectione. Simplicitas intendit Deum: puritas apprehendit et gustat. Nulla bona actio te impediet: si liber intus ab inordinato affectu fueris. Si nihil aliud quam Dei beneplacitum et proximi utilitatem intendis et quaeris: interna liber-



tate perfrueris. Si rectum cor tuum esset:
tunc omnis creatura speculum vitae et
liber sanctae doctrinae esset. Non est
creatura tam parva et vilis: quae Dei
5 bonitatem non repraesentet. Si tu esses
intus bonus et purus: tunc omnia sine
impedimento videres et bene caperes.
Cor purum, penetrat caelum et infernum.
Qualis unusquisque intus est: taliter
10 iudicat exterius. Si est gaudium in
mundo: hoc utique possidet puri cordis
homo. Et si est alicubi tribulatio et
angustia: hoc melius novit mala con-
scientia. Sicut ferrum missum in ignem
15 amittit rubiginem, et totum candens ef-
ficatur; sic homo integre ad Deum se
convertens a torpore exuitur: et in novum
hominem transmutatur. Quando homo
incipit tepescere, tunc parvum metuit
20 laborem: et libenter externam accipit con-
solationem. Sed quando perfecte incipit
se vincere et viriliter in via Dei am-
bulare; tunc minus ea reputat: quae sibi
prius gravia esse sentiebat.

25 DE PROPRIA CONSIDERATIONE.

CAPITVLVM V.



Non possumus nobis ipsis nimis cre-
dere: quia saepe gratia nobis deest
et sensus. Modicum lumen est in nobis:



et hoc cito per negligentiam amittimus. Saepe etiam non advertimus: quod tam caeci intus sumus. Saepe male agimus: et peius excusamus. Passione interdum movemur: et zelum putamus. Parva in 5 aliis reprehendimus: et nostra maiora pertransimus. Satis cito sentimus et ponderamus quid ab aliis sustinemus: sed quantum alii de nobis sustinent non advertimus. Qui bene et recte sua pon- 10 deraret: non esset quod de alio graviter iudicaret. Internus homo, sui ipsius curam omnibus curis anteponit. Et qui sibi ipsi diligenter intendit: faciliter de aliis tacet. Numquam eris internus et devotus: nisi 15 de alienis silueris, et ad te ipsum specialiter respexeris. Si tibi et Deo totaliter intendis: modicum te movebit quod foris percipis. Vbi es quando tibi ipsi praesens non es? Et quando omnia percurristi; 20 quid te neglecto profecisti? Si debes habere pacem et unionem veram; oportet quod totum adhuc postponas: et te solum prae oculis habeas. Multum proinde proficies: si te feriatum ab omni temporali 25 cura conserves. Valde deficies: si aliquid temporale reputaveris. Nil magnum nil altum, nil gratum nil acceptum tibi sit: nisi pure Deus aut de Deo sit. Totum vanum existima: quidquid consolationis 30 occurrerit de aliqua creatura. Amans



Deum anima: sub Deo despicit universa.
Solutus Deus aeternus et immensus implens
omnia: solacium animae et vera cordis
laetitia.

5

DE LAETITIA BONAE CONSCIENTIAE.

CAPITVLVM VI.

Gloria boni hominis: testimonium
bonae conscientiae. Habe bonam
10 conscientiam: et habebis semper laetitiam.
Bona conscientia valde multa potest por-
tare: et valde laeta est inter adversa.
Mala conscientia, semper timida est et
inquieta. Suaviter requiesces: si cor tuum
15 te non reprehenderit. Noli laetari: nisi
cum bene feceris. Mali numquam habent
veram laetitiam nec internam sentiunt
pacem: quia non est pax impiis dicit
Dominus. Et si dixerint, in pace sumus,
20 non venient super nos mala, et quis
nobis nocere audebit: ne credas eis;
quoniam repente exurget ira Dei, et in
nihilum redigentur actus eorum: et cogi-
tationes eorum peribunt. Gloriari in tribu-
25 latione, non est grave amanti: sic enim
gloriari est gloriari in cruce Domini.
Brevis gloria: quae ab hominibus datur
et accipitur. Mundi gloriam semper comi-
tatur tristitia. Bonorum gloria in con-



scientiis eorum: et non in ore hominum. Iustorum laetitia de Deo et in Deo est: et gaudium eorum de veritate. Qui veram et aeternam gloriam desiderat: temporalem non curat. Et qui temporalem re- 5 quirit gloriam aut non ex animo contemnit: minus amare convincitur caelestem. Magnam habet cordis tranquillitatem: qui nec laudes curat nec vituperia. Facile erit contentus et pacatus: cuius conscientia 10 munda est. Non es sanctior si laudaris: nec vilior si vituperaris. Quod es hoc es: nec maior dici vales quam Deo testis. Si attendis quid apud te sis intus: non curabis quid de te loquantur homines. 15 Homo videt in facie: Deus autem in corde. Homo considerat actus: Deus vero pensat intentiones. Bene semper agere et modicum de se tenere: humilis animae indicium est. Nolle consolari ab aliqua 20 creatura: magnae puritatis et internae fiducia signum est. Qui nullum extrinsecus pro se testimonium quaerit: liquet quod totaliter se Deo commisit. Non enim qui se ipsum commendat ille pro- 25 batus est ait beatus Paulus: sed quem Deus commendat. Ambulare cum Deo intus, nec aliqua affectione teneri foris: status est interni hominis.





DE AMORE IESV SVPER OMNIA.


CAPITVLVM VII.

BEatus qui intellegit quid sit amare
Iesum: et contemnere se ipsum
5 propter Iesum. Oportet dilectum pro
dilecto relinquere: quia Iesus vult solus
super omnia amari. Dilectio creaturae
fallax et instabilis: dilectio Iesu fidelis
et perseverabilis. Qui adhaeret creaturae
10 cadet cum labili: qui amplectitur Iesum
firmabitur in aevum. Illum dilige et ami-
cum tibi retine; qui omnibus recedentibus
te non relinquet: nec patietur in fine
perire. Ab omnibus oportet te aliquando
15 separari: sive velis sive nolis. Teneas
te apud Iesum vivens ac moriens et illius
fidelitati te committe: qui omnibus de-
ficientibus solus te potest iuvare. Di-
lectus tuus talis est naturae, ut alienum
20 non velit admittere; sed solus vult cor
tuum habere: et tamquam rex in proprio
throno sedere. Si scires te bene ab omni
creatura evacuare: Iesus deberet libenter
tecum habitare. Paene totum perditum
25 invenies: quidquid extra Iesum in homini-
bus posueris. Non confidas nec innitaris
super calamum ventosum; quia omnis
caro faenum: et omnis gloria eius ut
flos faeni cadet. Cito decipieris: si ad

externam hominum apparentiam tantum aspexeris. Si enim tuum in aliis quaeris solacium et lucrum: senties saepius detrimentum. Si quaeris in omnibus Iesum: inuenies utique Iesum. Si autem quaeris 5 te ipsum, inuenies etiam te ipsum: sed ad tuam perniciem. Plus enim homo nocivior sibi si Iesum non quaerit: quam totus mundus et omnes sui adversarii.

DE FAMILIARI AMICITIA IESV. 10

CAPITVLVM VIII.

 Vando Iesus adest totum bonum est: nec quicquam difficile videtur. Quando vero Iesus non adest: totum durum est. Quando Iesus intus non loquitur: 15 consolatio vilis est. Si autem Iesus unum tantum verbum loquitur: magna consolatio sentitur. Nonne Maria Magdalena statim surrexit de loco in quo flevit; quando Martha illi dixit, magister adest et vocat 20 te? Felix hora: quando Iesus vocat de lacrimis ad gaudium spiritus. Quam aridus et durus es sine Iesu. Quam insipiens et vanus: si cupis aliquid extra Iesum. Nonne hoc est maius damnum; 25 quam si totum perderes mundum? Quid potest tibi mundus conferre sine Iesu? Esse sine Iesu gravis est infernus: et esse cum Iesu dulcis paradisos. Si fuerit



tecum Iesus: nullus poterit nocere inimicus. Qui invenit Iesum invenit thesaurum bonum: immo bonum super omne bonum. Et qui perdit Iesum perdit nimis
5 multum: et plus quam totum mundum.

Pauperrimus est qui vivit sine Iesu: et ditissimus qui bene est cum Iesu.

Magna ars est, scire cum Iesu conversari: et scire Iesum tenere magna prudentia. Esto humilis et pacificus: et erit
10 tecum Iesus. Sis devotus et quietus: et manebit tecum Iesus. Potes cito fugare Iesum et gratiam eius perdere: si volueris ad exteriora declinare. Et si illum ef-
15 fugaveris et perdideris; ad quem fugies et quem tunc quaeres amicum? Sine amico non potes bene vivere; et si Iesus non fuerit tibi prae omnibus amicus: eris nimis tristis et desolatus. Fatue igitur
20 agis: si in aliquo altero confidis aut laetaris. Eligendum est magis totum mundum habere contrarium: quam Iesum offensum. Ex omnibus ergo caris: sit Iesus solus dilectus specialis.

25 Diligantur omnes propter Iesum: Iesus autem propter se ipsum. Solus Iesus Christus singulariter est amandus: qui solus bonus et fidelis prae omnibus invenitur amicis. Propter ipsum et in ipso
30 tam amici quam inimici sint tibi cari; et pro omnibus his exorandus est: ut



omnes ipsum cognoscant et diligant. Numquam cupias singulariter laudari vel amari; quia hoc solius Dei est: qui similem sibi non habet. Nec velis quod aliquis tecum in corde suo occupetur; neque tu cum alicuius occuperis amore: sed sit Iesus in te et in omni bono homine. Esto purus et liber ab intus: sine alicuius creaturae implicamento. Oportet te esse nudum et purum cor ad Deum gerere: si vis vacare et videre quam suavis sit Dominus. Et revera ad hoc non pervenies nisi gratia eius fueris praeventus et intractus; ut omnibus evacuatis et licentiatis: solus cum solo uniaris. Quando enim gratia Dei venit ad hominem: tunc potens fit ad omnia. Et quando recedit, tunc pauper et infirmus erit: et quasi tantum ad flagella relictus. In his non debet deici nec desperare, sed ad voluntatem Dei aequanimiter stare: et cuncta supervenientia sibi ad laudem Iesu Christi perpeti; quia post hiemem sequitur aestas: post noctem redit dies, et post tempestatem magna serenitas.

DE CARENTIA OMNIS SOLACII. 25

CAPITVLVM IX.

Non est grave humanum contemnere solacium: cum adest divinum. Magnum est et valde magnum tam humano



quam divino posse carere solacio; et pro
honore Dei libenter exilium cordis velle
sustinere, et in nullo se ipsum quaerere:
nec ad proprium meritum respicere. Quid
5 magni est, si hilaris sis et devotus ad-
veniente gratia? Optabilis cunctis haec
hora. Satis suaviter equitat: quem gratia
Dei portat. Et quid mirum si onus non
sentit, qui portatur ab omnipotente; et
10 ducitur a summo ductore? Libenter habe-
mus aliquid pro solacio: et difficulter
homo exuitur a se ipso. Vicit sanctus
martyr Laurentius saeculum cum suo
sacerdote: quia omne quod in mundo
15 delectabile videbatur despexit; et summum
Dei sacerdotem Sixtum quem maxime
diligebat: pro amore Christi etiam a se
tolli clementer ferebat. Amore igitur
creatoris amorem hominis superavit: et
20 pro humano solacio divinum beneplaci-
tum magis elegit. Ita et tu aliquem ne-
cessarium et dilectum amicum pro amore
Dei disce relinquere; nec graviter feras
cum ab amico derelictus fueris: sciens
25 quoniam oportet nos omnes tandem ab
invicem separari. Multum et diu oportet
hominem in se ipso certare, antequam
discat se ipsum plene superare: et totum
affectum suum in Deum trahere. Quando
30 homo stat super se ipsum: facile labitur
ad consolationes humanas. Sed verus



amator Christi et studiosus sectator virtutum, non cadit super consolationes; nec quaerit tales sensibiles dulcedines: sed magis fortes exercitationes et pro Christo duros sustinere labores. 5

Cum igitur spiritualis a Deo consolatio datur, cum gratiarum actione accipe eam; sed Dei munus intellege esse: non tuum meritum. Noli extolli, noli nimium gaudere nec inaniter praesumere; sed esto 10 magis humilior ex dono, cautior quoque et timorator in cunctis actibus tuis: quoniam transibit hora illa et sequetur temptatio. Cum ablata fuerit consolatio non statim desperes; sed cum humilitate 15 et patientia expecta caelestem visitationem: quoniam potens est Deus ampliorem tibi redonare consolationem. Istud non est novum nec alienum viam Dei expertis: quia in magnis sanctis et in anti- 20 quis prophetis, fuit saepe talis alternationis modus. Vnde quidam praesente iam gratia dicebat. Ego dixi in abundantia mea: non movebor in aeternum. Absente vero gratia quid in se fuerit expertus: ad- 25 iungit dicens. Avertisti faciem tuam a me: et factus sum conturbatus. Inter haec tamen nequaquam desperat: sed instantius Dominum rogat et dicit. Ad te Domine clamabo: et ad Deum meum 30 deprecabor. Denique orationis suae fruc-

tum reportat: et se exauditum testatur
dicens. Audivit Dominus et misertus est
mei: Dominus factus est adiutor meus.
Sed in quo? Convertisti inquit planctum
5 meum in gaudium mihi: et circumdedisti
me laetitia. Si sic actum est cum magnis
sanctis; non est desperandum nobis in-
firmis et pauperibus, si interdum in fer-
vore et interdum in frigiditate sumus:
10 quoniam spiritus venit et recedit secun-
dum suae beneplacitum voluntatis. Vnde
beatus Iob ait. Visitas eum diluculo:
et subito probas illum.


Super quid igitur sperare possum aut
15 in quo confidere debeo; nisi in sola magna
misericordia Dei, et in sola spe gratiae
caelestis? Sive enim assint homines boni
sive devoti fratres vel amici fideles: sive
libri sancti vel tractatus pulchri, sive
20 dulcis cantus et hymni; omnia haec modi-
cum iuvant, modicum sapiunt: quando
desertus sum a gratia et in propria pauper-
tate relictus. Tunc non est melius re-
medium: quam patientia et abnegatio mei
25 in voluntate Dei. Numquam inveni ali-
quem tam religiosum et devotum, qui
non habuerit interdum gratiae subtractio-
nem: aut non senserit fervoris diminutio-
nem. Nullus sanctus fuit tam alte raptus
30 et illuminatus: qui prius vel postea non
fuerit temptatus. Non enim dignus est



alta Dei contemplatione: qui pro Deo non est exercitatus aliqua tribulatione. Solet enim sequentis consolationis: temptatio praecedens esse signum. Nam temptationibus probatis: caelestis promittitur⁵ consolatio. Qui vicerit inquit: dabo ei edere de ligno vitae. Datur autem consolatio divina: ut homo fortior sit ad sustinendum adversa. Sequitur etiam temptatio: ne se elevet de bono. Non dormit¹⁰ diabolus nec caro adhuc mortua est, ideo non cesses te praeparare ad certamen: quia a dextris et a sinistris hostes sunt qui numquam quiescunt.

DE GRATITVDINE PRO GRATIA DEI.¹⁵

CAPITVLVM X.

 Vr quaeris quietem; cum natus sis ad laborem? Pone te ad patientiam magis quam ad consolationes: et ad crucem portandam magis quam ad²⁰ laetitiam. Quis enim saecularium non libenter consolationem et laetitiam spirituales acciperet; si semper optinere posset? Excedunt enim spirituales consolationes: omnes mundi delicias et carnis²⁵ voluptates. Nam omnes deliciae mundanae: aut vanae sunt aut turpes. Spirituales vero deliciae solae iucundae et honestae: ex virtutibus progenitae, et a



Deo puris mentibus infusae. Sed istis
divinis consolationibus nemo semper pro
suo affectu frui valet: quia tempus temp-
tationis non diu cessat. Multum autem
5 contrariatur supernae visitationi: falsa
libertas animi et magna confidentia sui.
Deus bene facit consolationis gratiam
dando: sed homo male agit non totum
Deo cum gratiarum actione retribuendo.
10 Et ideo non possunt in nobis dona gratiae
fluere; quia ingrati sumus auctori: nec
totum refundimus fontali origini. Semper
enim debetur gratia digne gratias re-
ferenti: et auferetur ab elato quod dari
15 solet humili. Nolo consolationem: quae
mihi aufert compunctionem. Nec affecto
contemplationem: quae ducit in elatio-
nem. Non enim omne altum sanctum;
nec omne dulce bonum nec omne de-
20 siderium purum: nec omne carum Deo
gratum. Libenter accepto gratiam unde
semper humilior et timoratio inveniatur:
atque ad relinquendum me paratio fiat.
Doctus dono gratiae et eruditus sub-
25 tractionis verbere non sibi audebit quic-
quam boni attribuere: sed potius se pau-
perem et nudum confitebitur. Da Deo
quod Dei est, et tibi ascribe quod tuum
est: hoc est Deo gratias pro gratia tribue;
30 tibi autem soli culpam: et dignam poenam
pro culpa deberi sentias. Pone te semper



ad infimum, et dabitur tibi summum:
nam summum non stat sine infimo. Summi
sancti apud Deum: minimi sunt apud se.
Et quanto gloriosiores: tanto in se hu-
miliores. Pleni veritate et gloria caelesti: 5
non sunt vanae gloriae cupidi. In Deo
fundati et confirmati: nullo modo possunt
esse elati. Et qui totum Deo ascribunt
quidquid boni acceperunt, gloriam ab in-
vicem non quaerunt: sed gloriam quae a 10
solo Deo est volunt; et Deum in se et
in omnibus sanctis laudari super omnia
cupiunt: et semper in id ipsum tendunt.
Esto igitur gratus pro minimo: et eris
dignus maiora accipere. Sit tibi minimum 15
etiam pro maximo: et magis contemptibile
pro speciali dono. Si dignitas datoris in-
spicitur: nullum datum parvum aut nimis
vile videbitur. Non enim parvum est:
quod a summo Deo donatur. Etiam si 20
poenas et verbera dederit, gratum esse
debet: quia semper pro salute nostra
facit quidquid nobis advenire permittit.
Qui gratiam Dei retinere desiderat, sit
gratus pro gratia data: patiens pro sub- 25
lata. Oret ut redeat: cautus sit et hu-
milis ne amittat.



DE PAUCITATE AMATORVM CRVCIS
IESV.

CAPITVLVM XI.

Habet Iesus nunc multos amatores
5 **H** regni sui caelestis: sed paucos
baiulatores suae crucis. Multos habet
desideratores consolationis: sed paucos
tribulationis. Plures invenit socios mensae:
sed paucos abstinentiae. Omnes cupiunt
10 cum eo gaudere: pauci volunt pro eo
aliquid sustinere. Multi Iesum sequuntur
usque ad fractionem panis: sed pauci
usque ad bibendum calicem passionis.
Multi miracula eius venerantur: pauci
15 ignominiam crucis sequuntur. Multi Iesum
diligunt: quamdiu adversa non contingunt.
Multi illum laudant et benedicunt: quam-
diu consolationes aliquas ab ipso per-
cipiunt. Si autem Iesus se absconderit
20 et modicum eos reliquerit: aut in queri-
moniam vel in deiectionem nimiam cadunt.
Qui autem Iesum propter Iesum et non
propter suam propriam aliquam consolatio-
nem diligunt: ipsum in omni tribulatione
25 et angustia cordis sicut in summa con-
solatione benedicunt. Et si numquam eis
consolationem dare vellet; ipsum tamen
semper laudarent: et semper gratias agere
vellent. O quantum potest amor Iesu

purus: nullo proprio commodo vel amore
 permixtus. Nonne omnes mercennarii
 sunt dicendi; qui consolationes semper
 quaerunt? Nonne amatores sui magis
 quam Christi probantur; qui sua com-⁵
 moda et lucra semper meditantur? Vbi
 invenietur talis; qui velit Deo servire
 gratis? Raro invenitur tam spiritualis
 aliquis: qui omnibus sit nudatus. Nam
 verum pauperem spiritu, et ab omni¹⁰
 creatura nudum quis inveniet? Procul
 et de ultimis finibus, pretium eius. Si
 dederit homo omnem substantiam suam,
 adhuc nihil est: et si fecerit paenitentiam
 magnam adhuc exiguum est, et si ap-¹⁵
 prehenderit omnem scientiam adhuc longe
 est: et si habuerit virtutem magnam, et
 devotionem nimis ardentem; adhuc mul-
 tum sibi deest: scilicet unum quod summe
 sibi necessarium est. Quid illud? Vt²⁰
 omnibus relictis se relinquat et a se tota-
 liter exeat: nihilque de privato amore
 retineat. Cumque omnia fecerit quae
 facienda noverit, nil se fecisse sentiat:
 non grande ponderet quod grande aesti-²⁵
 mari possit; sed in veritate servum in-
 utilem se pronuntiet: sicut Veritas ait.
 Cum feceritis omnia quae praecepta sunt
 vobis: dicite, servi inutiles sumus. Tunc
 vere pauper et nudus spiritu esse poterit:³⁰
 et cum propheta dicere. Quia unicus et



pauper sum ego. Nemo tamen isto ditior
nemo potentior nemo liberior, qui se et
omnia relinquere scit: et ad infimum se
ponere.

5 DE REGIA VIA SANCTAE CRVCIS.

CAPITVLVM XII.

DVrus multis videtur hic sermo ab-
nega temet ipsum: tolle crucem
tuam, et sequere Iesum. Sed multo durius
10 erit audire illud extremum verbum: dis-
cedite a me maledicti in ignem aeternum.
Qui enim modo libenter audiunt et se-
quuntur verbum crucis: tunc non timebunt
ab auditione aeternae damnationis. Hoc
15 signum crucis erit in caelo: cum Dominus
ad iudicandum venerit. Tunc omnes servi
crucis qui se Crucifixo conformaverunt
in vita: accedent ad Christum iudicem
cum magna fiducia. Quid igitur times
20 tollere crucem; per quam itur ad regnum?
In cruce salus, in cruce vita; in cruce
protectio ab hostibus: in cruce infusio
supernae suavitatis; in cruce robur mentis,
in cruce gaudium spiritus: in cruce summa
25 virtutis, in cruce perfectio sanctitatis. Non
est salus animae nec spes aeternae vitae:
nisi in cruce. Tolle ergo crucem tuam
et sequere Iesum: et ibis in vitam aeter-
nam. Praecessit ille baiulans sibi crucem,



et mortuus est pro te in cruce; ut et tu tuam portes crucem: et mori affectes in cruce. Quia si commortuus fueris: etiam cum illo pariter vives. Et si socius fueris poenae: eris et gloriae. Ecce in cruce 5 totum constat, et in moriendo totum iacet; et non est alia via ad vitam et ad veram internam pacem: nisi via sanctae crucis et cotidianae mortificationis. Ambula ubi vis, quaere quodcumque volueris; et non 10 invenies altiorem viam supra, nec securiorem viam infra: nisi viam sanctae crucis. Dispone et ordina omnia secundum tuum velle et videre; et non invenies nisi semper aliquid pati debere, aut sponte aut invite: 15 et ita crucem semper invenies. Aut enim in corpore dolorem senties: aut in anima spiritus tribulationem sustinebis. Interdum a Deo relinqueris, interdum a proximo exercitaberis: et quod amplius est 20 saepe tibimet ipsi gravis eris; nec tamen aliquo remedio vel solacio liberari seu alleviari poteris: sed donec Deus voluerit oportet ut sustineas. Vult enim Deus ut tribulationem sine consolatione pati 25 discas; et ut illi totaliter te subicias: et humilior ex tribulatione fias. Nemo ita cordialiter sentit passionem Christi: sicut is cui contigerit similia pati. Crux ergo semper parata est: et ubique te expectat. 30 Non potes effugere, ubicumque cucurreris;

quia ubicumque veneris te ipsum tecum
portas: et semper te ipsum invenies.
Converte te supra, converte te infra;
converte te extra, converte te intra: et
5 in his omnibus invenies crucem; et ne-
cesse est te ubique tenere patientiam:
si internam vis habere pacem, et per-
petuam promereri coronam.

Si libenter crucem portas portabit te,
10 et ducet ad desideratum finem, ubi scilicet
finis patiendi erit: quamvis hic non erit.
Si invite portas onus tibi facis, et te ipsum
magis gravas: et tamen oportet ut sustineas.
Si abicis unam crucem, aliam procul dubio
15 invenies: et forsitan graviores. Credis
tu evadere; quod nullus mortalium potuit
praeterire? Quis sanctorum in mundo
sine cruce et tribulatione fuit? Nec enim
Iesus Christus Dominus noster una hora
20 sine dolore passionis fuit, quamdiu vixit.
Oportebat ait Christum pati, et resurgere
a mortuis: et ita intrare in gloriam suam.
Et quomodo tu aliam viam quaeris; quam
hanc regiam viam quae est via sanctae
25 crucis? Tota vita Christi crux fuit et
martyrium: et tu tibi quaeris requiem
et gaudium? Erras erras si aliud quaeris
quam pati tribulationes: quia tota ista
vita mortalis plena est miseriis et circum-
30 signata crucibus. Et quanto altius quis
in spiritu profecerit tanto graviores saepe



cruces invenerit: quia exilii sui poena magis ex amore crescit.

Sed tamen iste sic multipliciter afflictus, non est sine levamine consolationis: quia fructum maximum sibi sentit accrescere 5 ex sufferentia suae crucis. Nam dum sponte se illi subicit: omne onus tribulationis in fiduciam divinae consolationis convertitur. Et quanto caro magis per afflictionem atteritur: tanto spiritus amplius 10 per internam gratiam roboratur. Et nonnumquam in tantum confortatur ex affectu tribulationis et adversitatis ob amorem conformitatis crucis Christi: ut se sine dolore et tribulatione esse non vellet; 15 quoniam tanto se acceptiorem Deo credit: quanto plura et graviora pro eo perferre potuerit. Non est istud hominis virtus sed gratia Christi: quae tanta potest et agit in carne fragili; ut quod naturaliter 20 semper abhorret et fugit: hoc fervore spiritus aggrediatur et diligat. Non est secundum hominem crucem portare, crucem amare; corpus castigare et servituti subicere: honores fugere, contumelias 25 libenter sustinere; se ipsum despiciere, et despici optare: adversa quaeque cum damnis perpeti, et nihil prosperitatis in hoc mundo desiderare. Si ad te ipsum respicis: nihil huiusmodi ex te poteris. 30 Sed si in Domino confidis, dabitur tibi

fortitudo de caelo: et subicientur dictioni
 tuae mundus et caro. Sed nec inimicum
 diabolus timebis: si fueris fide armatus
 et cruce Christi signatus. Pone te ergo
 5 sicut bonus et fidelis servus Christi ad
 portandam viriliter crucem Domini tui:
 pro te ex amore crucifixi. Praepara te
 ad toleranda multa adversa et varia in-
 commoda in hac misera vita; quia sic
 10 tecum erit ubicumque fueris: et sic re-
 vera invenies ubicumque latueris. Oportet
 ita esse; et non est remedium evadendi
 a tribulatione malorum et dolore: quam
 ut te patiaris. Calicem Domini affectanter
 15 bibe: si amicus eius esse et partem cum
 eo habere desideras. Consolationes Deo
 committe: faciat ipse cum talibus sicut
 sibi magis placuerit. Tu vero pone te
 ad sustinendum tribulationes et reputa
 20 eas maximas consolationes; quia non sunt
 condignae passionis huius temporis ad
 futuram gloriam promerendam: etiam si
 solus omnes posses sustinere.

Quando ad hoc veneris quod tribulatio
 25 tibi dulcis est et sapit pro Christo; tunc
 bene tecum esse aestima: quia invenisti
 paradysum in terra. Quamdiu pati grave
 tibi est et fugere quaeris; tamdiu male
 habebis: et sequetur te ubique fuga tribu-
 30 lationis. Si ponis te ad quod esse debes;
 videlicet ad patiendum et moriendum:



fiet cito melius et pacem invenies. Etiam si raptus fueris usque ad tertium caelum cum Paulo: non es propterea securatus de nullo contrario patiendo. Ego inquit Iesus ostendam illi: quanta oporteat eum⁵ pro nomine meo pati. Pati ergo tibi remanet: si Iesum diligere et perpetue illi servire placet. Vtinam dignus esses aliquid pro nomine Iesu pati: quam magna gloria remaneret tibi; quanta exultatio¹⁰ omnibus sanctis Dei: quanta quoque aedificatio esset proximi. Nam patientiam omnes recommendant: quamvis pauci tamen pati velint. Merito deberes libenter modicum pati pro Christo: cum multi¹⁵ graviora patiuntur pro mundo.

Scias pro certo: quia morientem te oportet ducere vitam. Et quanto quisque plus sibi moritur: tanto magis Deo vivere incipit. Nemo aptus est ad com-²⁰prehendendum caelestia: nisi se submiterit ad portandum pro Christo adversa. Nihil Deo acceptius nihil tibi salubrius in mundo isto: quam libenter pati pro Christo. Et si eligendum tibi²⁵ esset: magis optare deberes pro Christo adversa pati quam multis consolationibus recreari; quia Christo similior esses: et omnibus sanctis magis conformior. Non enim stat meritum nostrum et profectus³⁰ status nostri in multis suavitatibus et



consolationibus: sed potius in magnis
gravitatibus et tribulationibus perferendis.
Siquidem aliquid melius et utilius saluti
hominum quam pati fuisset: Christus uti-
5 que verbo et exemplo ostendisset. Nam
et sequentes se discipulos, omnesque
eum sequi cupientes: manifeste ad crucem
portandam hortatur et dicit. Si quis vult
venire post me: abneget semet ipsum et
10 tollat crucem suam et sequatur me. Om-
nibus ergo perlectis et scrutatis: sit haec
conclusio finalis. Quoniam per multas
tribulationes: oportet nos intrare in re-
gnum Dei.

15 EXPLICIVNT ADMONITIONES AD INTERNA
TRAHENTES.



**DEVOTA EXHORTATIO
AD SACRAM COMMVNIONEM**

**[DE IMITATIONE CHRISTI
QVAE VVLGO DICITVR
LIBER QVARTVS]**

INCIPIVNT CAPITVLA LIBRI DE SACRAMENTO.

	Cum quanta reverentia Christus sit suscipiendus	I
	Quod magna bonitas et caritas Dei in sacramento	
5	homini exhibetur	II
	Quod utile sit saepe communicare	III
	Quod multa bona praestantur devote communi-	
	cantibus	IIII
	De dignitate sacramenti et statu sacerdotali . . .	V
10	Interrogatio de exercitio ante communionem . . .	VI
	De discussione propriae conscientiae et emendationis	
	proposito	VII
	De oblatione Christi in cruce et propria resignatione	VIII
	Quod nos et omnia nostra Deo debemus offerre et	
15	pro omnibus orare	IX
	Quod sacra communio de facili non est relinquenda	X
	Quod corpus Christi et sacra scriptura maxime	
	sunt animae fidei necessaria	XI
	Quod magna diligentia se debeat communicaturus	
20	Christo praeparare	XII
	Quod toto corde anima devota Christi unionem in	
	sacramento affectare debet	XIII
	De quorundam devotorum ardenti desiderio ad	
	corpus Christi	XIIII
25	Quod gratia devotionis humilitate et sui ipsius ab-	
	negatione acquiritur	XV
	Quod necessitates nostras Christo aperire et eius	
	gratiam postulare debemus	XVI
	De ardenti amore et vehementi affectu suscipiendi	
30	Christum	XVII
	Quod homo non sit curiosus scrutator sacramenti,	
	sed humilis imitator Christi subdendo sensum	
	suum sacrae fidei	XVIII



INCIPIT DEVOTA EXHORTATIO AD SACRAM
COMMVNIONEM.

VOX CHRISTI.

V*Enite ad me omnes qui labo-
ratis et onerati estis: et ego 5
reficiam vos dicit Dominus.
Panis quem ego dabo: caro
mea est pro mundi vita. Accipite et
comedite; hoc est corpus meum quod pro
vobis tradetur: hoc facite in meam com- 10
memorationem. Qui manducat meam car-
nem et bibit meum sanguinem: in me
manet, et ego in illo. Verba quae ego
locutus sum vobis: spiritus et vita sunt.*

CVM QVANTA REVERENTIA 15
CHRISTVS SIT SVSCIPIENDVS.

VOX DISCIPVLI.

CAPITVLVM I.

H*Aec sunt verba tua Christe Veritas
aeterna; quamvis non uno tempore 20
prolata: nec uno in loco conscripta. Quia*



ergo tua sunt et vera: gratanter mihi et fideliter cuncta sunt accipienda. Tua sunt et tu ea protulisti; et mea quoque sunt: quia pro salute mea ea edidisti.

5 Libenter suscipio ea ex ore tuo: ut artius inserantur cordi meo. Excitant me verba tantae pietatis: plena dulcedinis et dilectionis. Sed terrent me delicta propria: et ad capienda tanta mysteria me re-
10 verberat impura conscientia. Provocat me dulcedo verborum tuorum: sed onerat multitudo vitiorum meorum. Iubes ut fiducialiter ad te accedam, si tecum velim habere partem; et ut immortalitatis ac-
15 cipiam alimoniam: si aeternam cupiam optinere vitam et gloriam. Venite inquis ad me omnes qui laboratis et onerati estis: et ego reficiam vos. O dulce et amicabile verbum in aure peccatoris:
20 quod tu Domine Deus meus egenum et pauperem invitas ad communionem tui sanctissimi corporis. Sed quis ego sum Domine; ut ad te praesumam accedere? Ecce caeli caelorum te non capiunt; et
25 tu dicis venite ad me omnes? Quid sibi vult ista piissima dignatio; et tam amica-bilis invitatio? Quomodo ausus ero venire; qui nihil boni mihi conscius sum unde possim praesumere? Quomodo te intro-
30 ducam in domum meam; qui saepius of-fendi benignissimam faciem tuam? Re-

CAELI CAE-
LORVM



verentur angeli et archangeli, metuunt ^{ANGE-}
sancti et iusti; et tu dicis venite ad me ^{LI}
omnes? Nisi tu Domine hoc diceret;
quis verum esse crederet? Et nisi tu
iuberes; quis accedere attemptaret? Ecce 5
Noe vir iustus in arcae fabrica centum ^{NOE}
annis laboravit ut cum paucis salvaretur;
et ego quomodo me potero una hora prae-
parare, ut mundi fabricatorem cum re-
verentia sumam? Moyses famulus tuus ^{MOY-}
magnus et specialis amicus tuus arcam ^{SES}
ex lignis imputribilibus fecit, quam et
mundissimo vestivit auro, ut tabulas legis
in ea reponeret; et ego putrida creatura
audebo te conditorem legis ac vitae da- 15
torem tam facile suscipere? Salomon ^{SALO-}
sapientissimus regum Israel templum ^{MON}
magnificum septem annis in laudem no-
minis tui aedificavit, et octo diebus festum
dedicationis eius celebravit: mille hostias 20
pacificas optulit, et arcam foederis in
clangore bucinæ et iubilo in locum sibi
praeparatum sollemniter collocavit; et
ego infelix et pauperrimus hominum quo-
modo te in domum meam introducam, 25
qui vix mediam expendere devote novi
horam et utinam vel semel digne fere
mediam?

O mi Deus quantum illi ad placendum
tibi agere studuerunt. Heu quam pu- 30
sillum est quod ago: quam breve expleo



tempus, cum me ad communicandum dispono. Raro totus collectus: rarissime ab omni distractione purgatus. Et certe in tua salutari Deitatis praesentia, nulla
5 deberet occurrere indecens cogitatio; nulla etiam occupare creatura: quia non angelum, sed angelorum dominum suscepturus sum hospitio. Est tamen valde magna distantia inter arcam foederis cum suis
10 reliquiis, et mundissimum corpus tuum cum suis ineffabilibus virtutibus; inter legalia illa sacrificia futurorum praefigurativa: et veram corporis tui hostiam omnium antiquorum sacrificiorum com-
15 pletivam. Quare igitur non magis ad tuam venerabilem inardesco praesentiam, cur non maiori me praeparo sollicitudine ad tua sancta sumenda; quando illi antiqui sancti patriarchae et prophetae, reges
20 quoque et principes cum universo populo, tantum devotionis demonstrarunt affectum erga cultum divinum?

DA-
VID

Saltavit devotissimus rex David coram
arca Dei totis viribus, recolens beneficia
25 olim indulta patribus: fecit diversi generis organa; psalmos edidit, et cantari instituit cum laetitia: cecinit et ipse frequenter in cithara, Spiritus sancti afflatus gratia; docuit populum Israel toto corde Deum
30 laudare: et ore consono diebus singulis benedicere et praedicare. Si tanta agebatur



tunc devotio ac divinae laudis extitit recordatio, coram arca testamenti; quanta nunc mihi et omni populo christiano habenda est reverentia et devotio in praesentia sacramenti, in sumptione excellentissimi corporis Christi?

Currunt multi ad diversa loca pro visitandis reliquiis sanctorum: et mirantur auditis gestis eorum ampla aedificia templorum; inspiciunt et osculantur sericis et auro involuta sacra ossa ipsorum: et ecce tu praesens es hic apud me in altari Deus meus sanctus sanctorum creator hominum et dominus angelorum. Saepe in talibus videndis curiositas est hominum et novitas invisorum; et modicus reportatur emendationis fructus: maxime ubi est tam levis sine vera contritione discursus. Hic autem in sacramento altaris totus praesens es Deus meus homo Christus Iesus; ubi et copiosus percipitur aeternae salutis fructus: quotienscumque fueris digne ac devote susceptus. Ad istud vero non trahit levitas aliqua nec curiositas aut sensualitas: sed firma fides devota spes et sincera caritas.

O invisibilis conditor mundi Deus, quam mirabiliter agis nobiscum; quam suaviter et gratiose cum electis tuis disponis: quibus temet ipsum in sacramento sumendum proponis. Hoc namque omnem in-

tellectum superat: hoc specialiter devoto-
rum corda trahit et accendit affectum.
Ipsi enim veri fideles tui, qui totam vitam
suam ad emendationem disponunt: ex
5 hoc dignissimo sacramento magnam de-
votionis gratiam et virtutis amorem fre-
quenter recipiunt.

O admirabilis et abscondita gratia sacra-
menti; quam norunt tantum Christi fideles:
10 infideles autem et peccatis servientes ex-
periri non possunt. In hoc sacramento
confertur spiritualis gratia; et reparatur
in anima virtus amissa: et per peccatum
deformata redit pulchritudo. Tanta est
15 aliquando haec gratia: ut ex plenitudine
collatae devotionis non tantum mens sed
et debile corpus vires sibi praestitas sentiat
ampliores.

Dolendum tamen valde et miserandum
20 super tepiditate et negligentia nostra;
quod non maiori affectione trahimur ad
Christum sumendum: in quo tota spes
salvandorum consistit et meritum. Ipse
enim est sanctificatio nostra et redemptio:
25 ipse consolatio viatorum et sanctorum
aeterna fruitio. Dolendum itaque valde
quod multi tam parum hoc salutare my-
sterium advertunt: quod caelum laetificat,
et mundum conservat universum. Heu
30 caecitas et duritia cordis humani, tam
ineffabile donum non magis attendere:



et ex cotidiano usu etiam ad inadvertentiam defluere. Si enim hoc sanctissimum sacramentum in uno tantum celebraretur loco, et ab uno tantum consecraretur sacerdote in mundo; quanto putas desiderio ad illum locum et ad talem Dei sacerdotem homines afficerentur: ut divina mysteria celebrari viderent. Nunc autem multi facti sunt sacerdotes, et in multis locis offertur Christus; ut tanto maior appareat gratia et dilectio Dei ad hominem: quanto latius est sacra communio diffusa per orbem. Gratias tibi Iesu bone pastor aeternae; qui nos pauperes et exules dignatus es pretioso corpore et sanguine tuo reficere: et ad haec mysteria percipienda etiam proprii oris tui alloquio invitare dicendo. Venite ad me omnes qui laboratis et onerati estis: et ego reficiam vos.

20

QVOD MAGNA BONITAS ET CARITAS
DEI IN SACRAMENTO HOMINI
EXHIBETVR.

VOX DISCIPVLI.

CAPITVLVM II.

25

SVper bonitate tua et magna misericordia tua Domine confisus, accedo aeger ad Salvatorem: esuriens et sitiens



ad fontem vitae, egenus ad regem caeli;
servus ad dominum, creatura ad crea-
torem: desolatus ad meum pium con-
solatorem. Sed unde hoc mihi; ut venias
5 ad me? Quis ego sum, ut praestes mihi
te ipsum? Quomodo audet peccator coram
te apparere; et tu quomodo dignaris ad
peccatorem venire? Tu nosti servum
tuum: et scis quia nil boni in se habet,
10 unde hoc illi praestes. Confiteor igitur
vilitatem meam; agnosco tuam bonitatem,
laudo pietatem: et gratias ago propter
nimiam caritatem. Propter temet ipsum
enim hoc facis, non propter mea merita;
15 ut bonitas tua mihi magis innotescat,
caritas amplior ingeratur: et humilitas
perfectius commendetur. Quia ergo tibi
hoc placet, et tu sic fieri iussisti; placet
et mihi dignatio tua: et utinam iniquitas
20 mea non obsistat. O dulcissime et be-
nignissime Iesu quanta tibi reverentia
et gratiarum actio cum perpetua laude
pro susceptione sacri corporis tui debetur:
cuius dignitatem nullus hominum ex-
25 plicare potens invenitur. Sed quid co-
gitabo in hac communione in accessu ad
Dominum meum quem debite venerari
nequeo; et tamen devote suscipere de-
sidero? Quid cogitabo melius et salubrius;
30 nisi me ipsum totaliter humiliando coram
te, et tuam infinitam bonitatem exaltando



supra me? Laudo te Deus meus et ex-
alto in aeternum: despicio me et subicio
tibi in profundum vilitatis meae. Ecce
tu sanctus sanctorum: et ego sordes pec-
catorum. Ecce tu inclinas te ad me: 5
qui non sum dignus ad te respicere.
Ecce tu venis ad me: tu vis esse mecum,
tu invitas ad convivium tuum. Tu mihi
dare vis caelestem cibum: et panem ange-
lorum ad manducandum. Non alium sane 10
quam te ipsum panem vivum qui de caelo
descendisti: et das vitam mundo. Ecce
unde dilectio procedit; qualis dignatio
illucescit: quam magnae gratiarum actiones
et laudes tibi pro his debentur. O quam 15
salutare et utile consilium tuum cum istud
instituísti; quam suave et iucundum con-
vivium: cum te ipsum in cibum donasti.
O quam admirabilis operatio tua Domine;
quam potens virtus tua: quam infallibilis 20
veritas tua. Dixisti enim et facta sunt
omnia: et hoc factum est quod ipse ius-
sisti. Mira res et fide digna, ac humanum
vincens intellectum; quod tu Domine Deus
meus, verus Deus et homo sub modica 25
specie panis et vini integer containeris:
et sine consumptione a sumente man-
ducaris. Tu Domine universorum qui
nullius habes indigentiam voluisti per
sacramentum tuum habitare in nobis: 30
conserva cor meum et corpus immacula-



tum; ut laeta et pura conscientia saepius
tua valeam celebrare mysteria et ad meam
perpetuam accipere salutem: quae ad
tuum praecipue honorem et memoriale
5 perenne sanxisti et instituisti.

Laetare anima mea et gratias age Deo
pro tam nobili munere et solacio singu-
lari: in hac lacrimarum valle tibi relicto.
Nam quotiens hoc mysterium recolis et
10 Christi corpus accipis; totiens tuae red-
emptionis opus agis: et particeps omnium
meritorum Christi efficeris. Caritas etenim
Christi numquam minuitur: et magnitudo
propitiationis eius numquam exhauritur.
15 Ideo nova semper mentis renovatione ad
hoc disponere te debes: et magnum salutis
mysterium attenta consideratione pensare.
Ita magnum novum et iucundum tibi
videri debet, cum celebras aut missam
20 audis; ac si eodem die Christus primum
in uterum Virginis descendens homo factus
esset: aut in cruce pendens pro salute
hominum pateretur et moreretur.

QVOD VTILE SIT SAEPE COMMVNICARE.

25

VOX DISCIPVLI.

CAPITVLVM III.

ECce ego ad te venio Domine; ut
bene mihi sit ex munere tuo, et
30 laetificer in convivio sancto tuo: quod



parasti in dulcedine tua pauperi Deus. Ecce in te est totum quod desiderare possum et debeo; tu salus mea et redemptio: spes et fortitudo, decus et gloria. Laetifica ergo hodie animam servi tui: 5 quoniam ad te Domine Iesu animam meam levavi. Desidero te nunc devote ac reverenter suscipere; cupio te in domum meam inducere; quatenus cum Zachaeo merear a te benedici: ac inter 10 filios Abrahae computari. Anima mea corpus tuum concupiscit: cor meum tecum uniri desiderat. Trade te mihi et sufficit: nam praeter te nulla consolatio valet. Sine te esse nequeo: et sine visitatione 15 tua vivere non valeo. Ideoque oportet me frequenter ad te accedere: et in remedium salutis meae recipere; ne forte deficiam in via: si fuero caelesti fraudatus alimonia. Sic enim tu miseri- 20 cordissime Iesu praedicans populis et varios curans languores: aliquando dixisti. Nolo eos ieiunos dimittere in domum suam: ne deficiant in via. Age igitur hoc mecum modo: qui te pro fidelium consolatione 25 in sacramento reliquisti. Tu es enim suavis refectio animae; et qui te digne manducaverit: particeps et heres erit aeternae gloriae. Necessarium quidem mihi est qui tam saepe labor et pecco, 30 tam cito torpesco et deficio; ut per fre-



quentes orationes et confessiones ac sacram
corporis tui perceptionem me renovem
mundem et accendam: ne forte diutius
abstinendo a sancto proposito defluam.
5 Proni enim sunt sensus hominis ad malum
ab adolescentia sua; et nisi succurrat di-
vina medicina: labitur homo mox ad
peiora. Retrahit ergo sancta communio
a malo: et confortat in bono. Si enim
10 modo tam saepe neglegens sum et tepi-
dus quando communico aut celebro; quid
fieret si medelam non sumerem et tam
grande iuvamen non quaererem? Et licet
omni die non sim aptus nec ad celebran-
15 dum bene dispositus; dabo tamen operam
congruis temporibus divina percipere
mysteria, ac tantae gratiae participem me
praebere. Nam haec est una principalis
fidelis animae consolatio quamdiu peregri-
20 natur a te in mortali corpore: ut saepius
memor Dei sui, dilectum suum devota
suscipiat mente.

O mira circa nos tuae pietatis dignatio;
quod tu Domine Deus creator et vivi-
25 ficator omnium spirituum, ad pauperculam
dignaris venire animam: et cum tota
divinitate tua ac humanitate eius im-
pinguare esuriem. O felix mens et beata
anima; quae te Dominum Deum suum
30 meretur devote suscipere: et in tua sus-
ceptione spiritali gaudio repleri. O quam



magnum suscipit dominum; quam dilectum inducit hospitem, quam iucundum recipit socium: quam fidelem acceptat amicum; quam speciosum et nobilem amplectitur sponsum: prae omnibus dilectis et super 5 omnia desiderabilia amandum. Sileant a facie tua dulcissime dilecte meus caelum et terra et omnis ornatus eorum; quoniam quidquid laudis habent ac decoris, ex dignatione tuae est largitatis: nec ad de- 10 corem tui pervenient nominis, cuius sapientiae non est numerus.

QVOD MVLTA BONA PRAESTANTVR DEVOTE COMMVNICANTIBVS.

VOX DISCIPVLI.

15

CAPITVLVM III.

Domine Deus meus praeveni ser-
vum tuum in benedictionibus dul-
cedinis tuae: ut ad tuum magnificum
sacramentum digne ac devote merear ac- 20
cedere. Excita cor meum in te: et a
gravi torpore exue me. Visita me in
salutari tuo ad gustandam in spiritu sua-
vitatem tuam: quae in hoc sacramento
tamquam in fonte plenarie latet. Illumina 25
quoque oculos meos ad intuendum tan-
tum mysterium: et ad credendum illud
indubitata fide me roborata. Est enim



operatio tua: non humana potentia; tua
sacra institutio: non hominis adinventio.
Non enim ad haec capienda et intellegenda
aliquis idoneus per se reperitur: quae
5 angelicam etiam subtilitatem transcendunt.
Quid ergo ego peccator indignus terra et
cinis; de tam alto sacro secreto potero
investigare et capere? Domine in sim-
plicitate cordis mei in bona firma fide
10 et in tua iussione ad te cum spe ac re-
verentia accedo; et vere credo: quia tu
praesens es hic in sacramento Deus et
homo. Vis ergo ut te suscipiam: et me
ipsum tibi in caritate uniam. Vnde tuam
15 precor clementiam, et specialem ad hoc
imploro mihi donari gratiam; ut totus in
te liquefiam et amore pereffluam: atque
de nulla aliena consolatione amplius me
intromittam. Est enim hoc altissimum et
20 dignissimum sacramentum, salus animae et
corporis; medicina omnis spiritalis lan-
guoris: in quo vitia mea curantur, pas-
siones frenantur; temptationes vincuntur,
aut minuuntur: gratia maior infunditur,
25 virtus incepta augetur; firmatur fides, spes
roboratur: et caritas ignescit ac dilatatur.

Multa namque bona largitus es et ad-
huc saepius largiris in sacramento dilectis
tuis devote communicantibus Deus meus,
30 susceptor animae meae: reparator infirmi-
tatis humanae, et totius dator consola-



tionis internae. Nam multam ipsis consolationem adversus variam tribulationem infundis; et de imo deiectionis propriae ad spem tuae protectionis erigis: atque nova quadam gratia eos intus recreas et⁵ illustras; ut qui anxii primum et sine affectione se ante communionem senserant: postea refecti cibo potuque caelesti, in melius se mutatos inveniant. Quod idcirco cum electis tuis dispensanter agis: 10 ut veraciter agnoscant et patenter experiantur quantum infirmitatis ex se ipsis habeant, et quid bonitatis ac gratiae ex te consequantur; quia ex semet ipsis frigidi duri et indevoti: ex te autem fer- 15 ventes alacres et devoti esse merentur. Quis enim ad fontem suavitatis humiliter accedens; non modicum suavitatis inde reportat? Aut quis iuxta copiosum ignem stans, non parum caloris inde percipit? 20 Et tu fons es semper plenus et superabundans: ignis iugiter ardens, et numquam deficiens. Vnde si mihi non licet haurire de plenitudine fontis nec usque ad satietatem potare: apponam tamen os²⁵ meum ad foramen caelestis fistulae; ut saltem modicam inde guttulam capiam ad refocillandam sitim meam: et non penitus exarescam. Et si necdum totus caelestis et tam ignitus ut Cherubin et Seraphin³⁰ esse possum; conabor tamen devotioni



insistere et cor meum praeparare: ut vel
modicam divini incendii flammam ex
humili sumptione vivifici sacramenti con-
quiram. Quidquid autem mihi deest Iesu
5 bone Salvator sanctissime; tu pro me
supple benigne ac gratiose: qui omnes
ad te dignatus es vocare dicens. Venite
ad me omnes qui laboratis et onerati
estis: et ego reficiam vos. Ego quidem
10 laboro in sudore vultus mei, dolore cordis
torqueor: peccatis oneror, temptationibus
inquietor; multis malis passionibus im-
plicor et premor: et non est qui adiuvet,
non est qui liberet et salvum faciat, nisi
15 tu Domine Deus Salvator meus; cui com-
mitto me et omnia mea: ut me custodias
et perducas in vitam aeternam. Suscipe
me in laudem et gloriam nominis tui: qui
corpus tuum et sanguinem in cibum et po-
20 tum mihi parasti. Praesta Domine Deus
salutaris meus: ut cum frequentatione my-
sterii tui crescat meae devotionis affectus.

DE DIGNITATE SACRAMENTI ET STATV SACERDOTALI.

25

VOX DILECTI.

CAPITVLVM V.

SI haberes angelicam puritatem et
sancti Iohannis baptistae sancti-
tatem: non esses dignus hoc sacramentum
30 accipere nec tractare. Non enim hoc




meritis debetur hominum, quod homo
consecret et tractet Christi sacramentum:
et sumat in cibum panem angelorum.
Grande ministerium, et magna dignitas
sacerdotum: quibus datum est quod angelis 5
non est concessum. Soli namque sacer-
dotes rite in ecclesia ordinati: potestatem
habent celebrandi et corpus Christi con-
secrandi. Sacerdos quidem minister est
Dei: utens verbo Dei per iussionem et 10
institutionem Dei. Deus autem ibi prin-
cipalis est auctor et invisibilis operator;
cui subest omne quod voluerit: et paret
omne quod iusserit. Plus ergo credere
debes Deo omnipotenti in hoc excellen- 15
tissimo sacramento: quam proprio sensui
aut alicui signo visibili. Ideoque cum
timore et reverentia: ad hoc opus est
accedendum. Attende tibi: et vide cuius
ministerium tibi traditum est per imposi- 20
tionem manus episcopi. Ecce sacerdos
factus es: et ad celebrandum consecratus.
Vide nunc ut fideliter et devote in suo
tempore Deo sacrificium offeras: et te
ipsum irreprehensibilem exhibeas. Non 25
alleviasti onus tuum; sed artiori iam al-
ligatus es vinculo disciplinae: et ad maio-
rem teneris perfectionem sanctitatis. Sa-
cerdos omnibus virtutibus debet esse
ornatus: et aliis bonae vitae exemplum 30
praeberere. Eius conversatio non cum popu-

laribus et communibus hominum viis: sed cum angelis in caelo, aut cum perfectis viris in terra. Sacerdos sacris vestibus indutus Christi vices gerit: ut Deum pro
5 se et pro omni populo suppliciter et humiliter roget. Habet ante se et retro dominicae crucis signum: ad memorandam iugiter Christi passionem. Ante se crucem in casula portat: ut Christi vestigia dili-
10 genter inspiciat et sequi ferventer studeat. Post se cruce signatus est: ut adversa quaelibet ab aliis illata clementer pro Deo toleret. Ante se crucem gerit: ut propria peccata lugeat, post se, ut aliorum etiam
15 commissa per compassionem defleat: et se medium inter Deum et peccatorem constitutum esse sciat; nec ab oratione et oblatione sancta torpescat: donec gratiam et misericordiam impetrare mereatur.
20 Quando sacerdos celebrat Deum honorat: angelos laetificat, ecclesiam aedificat; vivos adiuvat, defunctis requiem praestat: et sese omnium bonorum participem efficit.

INTERROGATIO DE EXERCITIO 25 ANTE COMMUNIONEM.

VOX DISCIPULI.

CAPITVLVM VI.

Vm tuam dignitatem Domine et meam vilitatem penso: valde contem-
30 misco et in me ipso confundor. Si enim

non accedo, vitam fugio; et si indigne me ingessero: offensam incurro. Quid ergo faciam Deus meus; auxiliator meus et consiliator in necessitatibus? Tu doce me viam rectam; propone breve aliquod 5 exercitium: sacrae communioni congruum. Vtile est enim scire, qualiter scilicet devote ac reverenter tibi praeparare debeam cor meum, ad recipiendum salubriter tuum sacramentum: seu etiam celebrandum tam 10 magnum et divinum sacrificium.

DE DISCVSSIONE PROPRIAE CON- SCIENTIAE ET EMENDATIONIS PROPOSITO.

VOX DILECTI.

15

CAPITVLVM VII.

SVper omnia cum summa humilitate cordis et supplici reverentia, cum plena fide et pia intentione honoris Dei: ad hoc sacramentum celebrandum tractan- 20 dum, et sumendum oportet Dei accedere sacerdotem. Diligenter examina conscientiam tuam: et pro posse tuo vera contritione et humili confessione eam munda et clarifica; ita ut nil grave habeas 25 aut scias quod te remordeat: et liberum accessum impediat. Habeas displicentiam omnium peccatorum tuorum in generali: et pro cotidianis excessibus magis in

speciali doleas et gemas. Et si tempus
patitur: Deo in secreto cordis cunctas
confitere passionum tuarum miserias. In-
gemisce et dole quod adhuc ita carnalis
5 sis et mundanus; tam immortificatus a
passionibus: tam plenus concupiscentia-
rum motibus, tam incustoditus in sensibus
exterioribus; tam saepe multis vanis phan-
tasiis implicatus: tam multum inclinatus
10 ad exteriora, tam negligens ad interiora;
tam levis ad risum et dissolutionem: tam
durus ad fletum et compunctionem; tam
promptus ad laxiora et carnis commoda:
tam segnis ad rigorem et fervorem; tam
15 curiosus ad nova audienda et pulchra in-
tuenda: tam remissus ad humilia et ab-
iecta amplectenda; tam cupidus ad multa
habenda: tam parcus ad dandum, tam
tenax ad retinendum; tam inconsideratus
20 in loquendo: tam incontinens in tacendo;
tam incompositus in moribus tam im-
portunus in actibus: tam effusus super
cibum, tam surdus ad Dei verbum; tam
velox ad quietem tam tardus ad laborem:
25 tam vigilans ad fabulas, tam somnolentus
ad vigilias sacras; tam festinus ad finem,
tam vagus ad attendendum: tam negligens
in horis persolvendis, tam tepidus in
celebrando, tam aridus in communicando;
30 tam cito distractus, tam raro plene tibi
collectus: tam subito commotus ad iram,



tam facilis ad alterius displicentiam; tam pronus ad iudicandum, tam rigidus ad arguendum: tam laetus ad prospera, tam debilis in adversis; tam saepe multa bona proponens: et modicum ad effectum perducens. His et aliis defectibus tuis cum dolore et magna displicentia propriae infirmitatis confessis ac deploratis; firmum statue propositum semper emendandi vitam tuam: et in melius proficiendi. 10 Deinde cum plena resignatione et integra voluntate offer te ipsum in honorem nominis mei in ara cordis tui holocaustum perpetuum: corpus tuum scilicet et animam mihi fideliter committendo; quatenus 15 et sic digne merearis ad offerendum Deo sacrificium accedere: et sacramentum corporis mei salubriter suscipere.

Non est enim oblatio dignior et satisfactio maior pro peccatis diluendis: quam 20 se ipsum pure et integre cum oblatione corporis Christi in missa et in comunione Deo offerre. Si fecerit homo quod in se est, et vere paenituerit; quotienscumque pro venia et gratia ad me accesserit: vivo ego dicit Dominus qui nolo mortem peccatoris, sed magis ut convertatur et vivat; quoniam peccatorum suorum non recordabor amplius: sed cuncta sibi indulta erunt. 30

DE OBLATIONE CHRISTI IN CRUCE ET PROPRIA RESIGNATIONE.

VOX DILECTI.

CAPITVLVM VIII.

5 **S**icut ego me ipsum expansis in cruce
manibus et nudo corpore pro pec-
catis tuis Deo Patri sponte optuli; ita ut
nihil in me remaneret quin totum in
sacrificium divinae placationis transiret:
10 ita debes et tu temet ipsum mihi volun-
tarie in oblationem puram et sanctam
cotidie in missa cum omnibus viribus et
affectibus tuis quanto intimius vales of-
ferre. Quid magis a te requiro; quam
15 ut te studeas mihi ex integro resignare?
Quidquid praeter te ipsum das nihil curo:
quia non quaero datum tuum sed te. Sicut
non sufficeret tibi omnibus habitis praeter
me: ita nec mihi placere poterit quidquid
20 dederis te non oblato. Offer te mihi et
da te totum pro Deo: et erit accepta ob-
latio. Ecce ego me totum optuli Patri
pro te: dedi etiam totum corpus meum
et sanguinem in cibum; ut totus tuus
25 essem: et tu meus permaneres. Si autem
in te ipso steteris nec sponte te ad volun-
tatem meam optuleris; non est plena ob-
latio: nec integra erit inter nos unio.
Igitur omnia opera tua praecedere debet

spontanea tui ipsius in manus Dei oblatio: si libertatem consequi vis et gratiam. Ideo enim tam pauci illuminati et liberi intus efficiuntur: quia se ipsos ex toto abnegare nesciunt. Est firma sententia mea; nisi quis renuntiaverit omnibus: non potest meus esse discipulus. Tu ergo si optas meus esse discipulus: offer te ipsum mihi cum omnibus affectibus tuis.

QVOD NOS ET OMNIA NOSTRA DEO ¹⁰
DEBEMVS OFFERRE ET PRO
OMNIBVS ORARE.

VOX DISCIPVLI.

CAPITVLVM IX.

Domine, omnia tua sunt: quae in ¹⁵
caelo sunt et quae in terra. Desidero me ipsum tibi in spontaneam oblationem offerre: et tuus perpetue permanere. Domine in simplicitate cordis mei offero me ipsum tibi hodie in ser- ²⁰
vum sempiternum: in obsequium et in sacrificium laudis perpetuae. Suscipe me cum hac sancta oblatione tui pretiosi corporis; quam tibi hodie in praesentia angelorum invisibiliter assistentium of- ²⁵
fero: ut sit pro me et pro cuncto populo tuo in salutem.

Domine offero tibi omnia peccata et delicta mea quae commisi coram te et

sanctis angelis tuis a die quo primum
 peccare potui usque ad horam hanc
 super placabili altari tuo: ut tu omnia
 pariter incendas et comburas igne cari-
 5 tatis tuae, et deleas universas maculas
 peccatorum meorum et conscientiam meam
 ab omni delicto emundes; et restituas
 mihi gratiam tuam quam peccando amisi,
 omnia mihi plene indulgendo: et in oscu-
 10 lum pacis me misericorditer assumendo.
 Quid possum agere pro peccatis meis
 nisi humiliter ea confitendo et lamentando;
 et tuam propitiationem incessanter de-
 precando? Deprecor te exaudi me pro-
 15 pitius: ubi asto coram te Deus meus.
 Omnia peccata mea mihi maxime displi-
 cent: nolo ea umquam amplius perpetrare;
 sed pro eis doleo et dolebo quamdiu vixero:
 paratus paenitentiam agere, et pro posse
 20 satisfacere. Dimitte mihi Deus dimitte
 mihi peccata mea propter nomen sanctum
 tuum: salva animam meam quam pretioso
 sanguine tuo redemisti. Ecce committo
 me misericordiae tuae; resigno me mani-
 25 bus tuis: age mecum secundum boni-
 tatem tuam non secundum meam malitiam
 et iniquitatem.

Offero etiam tibi omnia bona mea quam-
 vis valde pauca et imperfecta; ut tu ea
 30 emendes et sanctifices: ut ea grata habeas
 et accepta tibi facias; et semper ad meliora

trahas: nec non ad beatum ac laudabilem finem me pigrum et inutilem homuncionem perducas.

Offero quoque tibi omnia pia desideria devotorum; necessitates parentum, amicorum fratrum, sororum omniumque carorum meorum, et eorum qui mihi vel aliis propter amorem tuum benefecerunt: et qui orationes et missas pro se suisque omnibus dici a me desideraverunt et 10 petierunt; sive in carne adhuc vivant sive iam saeculo defuncti sint: ut omnes sibi auxilium gratiae tuae, opem consolationis, protectionem a periculis, liberationem a poenis advenire sentiant; et 15 ut ab omnibus malis erepti: gratias tibi magnificas laeti persolvant.

Offero etiam tibi preces et hostias placationis pro illis specialiter qui me in aliquo laeserunt contristaverunt aut vituperaverunt, vel aliquod damnum vel gravamen intulerunt; pro his quoque omnibus quos aliquando contristavi conturbavi gravavi et scandalizavi verbis factis scienter vel ignoranter: ut nobis omnibus pariter in- 25 dulgeas peccata nostra et mutuas offensiones. Aufer Domine a cordibus nostris omnem suspicionem indignationem iram et disceptationem; et quidquid potest caritatem laedere: et fraternam dilectionem 30 minuere. Miserere miserere Domine, mi-



sericordiam tuam poscentibus, da gratiam indigentibus; et fac nos tales existere, ut simus digni gratia tua perfrui: et ad vitam proficiamus aeternam. Amen.

5 QVOD SACRA COMMVNIO DE
FACILI NON EST RELINQVENDA.

VOX DILECTI.

CAPITVLVM X.

10 **F**Requenter recurrendum est ad fontem gratiae, et divinae misericordiae: ad fontem bonitatis et totius puritatis; quatenus a passionibus tuis et vitiis curari valeas: et contra universas temptationes et fallacias diaboli fortior
15 atque vigilantior effici merearis. Inimicus sciens fructum et remedium maximum in sacra communione positum: omni modo et occasione nititur fideles et devotos quantum praevalet retrahere et im-
20 pedire. Cum enim quidam sacrae communioni se aptare disponunt: peiores satanae immissiones patiuntur. Ipse nequam spiritus, ut in Iob scribitur venit inter filios Dei: ut solita illos nequitia
25 sua perturbet aut timidos nimium reddat et perplexos; quatinus affectum eorum minuat vel fidem impugnando auferat: si forte aut omnino communionem re-

linquant, aut cum tepore accedant. Sed non est quicquam curandum de versutiis et phantasiis illius quantumlibet turpibus et horridis: sed cuncta phantasmata in caput eius sunt retorquenda. Contem- 5 nendus est miser et deridendus; nec propter insultus eius et commotiones quas suscitatur: sacra est omittenda communio. Saepe etiam impedit nimia sollicitudo pro devotione habenda: et anxietas quaedam 10 de confessione facienda. Age secundum consilium sapientum, et depone anxietatem et scrupulum; quia gratiam Dei impedit: et devotionem mentis destruit. Propter aliquam parvam turbationem vel gravi- 15 tatem, sacram ne dimittas communionem; sed vade citius confiteri: et omnes offensiones aliis libenter indulge. Si vero tu aliquem offendisti; veniam humiliter precare: et Deus libenter indulgebit tibi. 20

Quid prodest diu tardare confessionem; aut sacram differre communionem? Expurga te cum primis: expue velociter venenum. Festina accipere remedium: et senties melius quam si diu distuleris. Si 25 hodie propter istud dimittis, cras forsitan aliud maius eveniet; et sic diu posses a communionem impediri: et magis ineptus fieri. Quanto citius vales a praesenti gravitate et inertia te excutias; quia nihil 30 importat diu anxiam diu cum turbatione



transire: et ob cotidiana obstacula se a
divinis sequestrare. Immo plurimum nocet
diu communionem protelare: nam et gra-
vem torporem consuevit inducere. Pro
5 dolor quidam tepidi et dissoluti moras
confitendi libenter accipiunt; et com-
munionem sacram idcirco differri cupiunt:
ne ad maiorem sui custodiam se dare
teneantur. Heu quam modicam caritatem
10 et debilem devotionem habent: qui sacram
communionem tam faciliter postponunt.
Quam felix ille et Deo acceptus habetur:
qui sic vivit et in tali puritate conscientiam
suam custodit; ut etiam omni die communi-
15 care paratus et bene affectatus esset: si ei
liceret, et sine nota agere posset. Si quis
interdum abstinet humilitatis gratia aut le-
gitima impediante causa: laudandus est de
reverentia. Si autem torpor obrepserit; se
20 ipsum excitare debet et facere quod in se est:
et Dominus aderit desiderio suo pro bona
voluntate quam specialiter respicit. Cum
vero legitime praepeditus est, habebit sem-
per bonam voluntatem et piam intentionem
25 communicandi: et sic non carebit fructu
sacramenti. Potest enim quilibet devotus
omni die et omni hora ad spiritualem
Christi communionem salubriter et sine
prohibitione accedere: et tamen certis
30 diebus et statuto tempore corpus sui
Redemptoris cum affectuosa reverentia

sacramentaliter debet suscipere; et magis laudem Dei et honorem praetendere, quam suam consolationem quaerere. Nam totiens mystice communicat et invisibiliter reficitur; quotiens incarnationis Christi mysterium passionemque devote recolit: et in amore eius accenditur. Qui aliter se non praeparat, nisi instante festo vel consuetudine compellente: saepius inparatus erit. Beatus qui se Domino in holocaustum offert: quotiens celebrat aut communicat. Non sis in celebrando nimis prolixus aut festinus: sed serva bonum communem modum cum quibus vivis. Non debes aliis generare molestiam et taedium; sed communem servare viam secundum maiorum institutionem: et potius aliorum servire utilitati quam propriae devotioni vel affectui.

QVOD CORPVS CHRISTI ET SACRA SCRIPTVRA MAXIME SINT ANIMAE FIDELI NECESSARIA.

VOX DISCIPVLI.

CAPITVLVM XI.



dulcissime Domine Iesu quanta est dulcedo devotae animae tecum epulantis in convivio tuo; ubi ei non alius cibus manducandus proponitur: nisi



tu unicus dilectus eius, super omnia desideria cordis eius desiderabilis. Et mihi quidem dulce foret in praesentia tua ex intimo affectu lacrimas fundere: et cum
5 pia Magdalena pedes tuos lacrimis irrigare. Sed ubi est haec devotio; ubi lacrimarum sanctarum copiosa effusio? Certe in conspectu tuo, et sanctorum angelorum tuorum totum cor meum ar-
10 dere deberet: et ex gaudio flere. Habeo enim te in sacramento vere praesentem: quamvis aliena specie occultatum. Nam in propria et divina claritate te conspicere, oculi mei ferre non possent: sed neque
15 totus mundus in fulgore gloriae maiestatis tuae subsisteret. In hoc ergo imbecillitati meae consulis: quod te sub sacramento abscondis. Habeo vere et adoro quem angeli adorant in caelo; sed ego adhuc
20 interim in fide: illi autem in specie et sine velamine. Me oportet contentum esse in lumine verae fidei, et in ea ambulare donec aspiret dies aeternae claritatis: et umbrae figurarum inclinentur.
25 Cum autem venerit quod perfectum est, cessabit usus sacramentorum; quia beati in gloria caelesti, non egent medicamine sacramentali: gaudent enim sine fine in praesentia Dei, facie ad faciem gloriam
30 eius speculantes; et de claritate in claritatem abyssalis Deitatis transformati:

gustant Verbum Dei caro factum sicut fuit ab initio et manet in aeternum. Memor horum mirabilium, grave mihi fit taedium etiam quodlibet spirituale solacium; quia quamdiu Dominum meum aperte in sua gloria non video: pro nihili duco omne quod in mundo conspicio et audio. Testis es tu mihi Deus; quod nulla res me potest consolari, nulla creatura quietare: nisi tu Deus meus quem desidero aeternaliter 10 contemplari. Sed non est hoc possibile durante me in hac mortalitate; ideo oportet ut me ponam ad magnam patientiam: et me ipsum in omni desiderio tibi submittam. Nam et sancti tui Domine qui 15 tecum iam in regno caelorum exultant: in fide et patientia magna dum viverent adventum gloriae tuae expectabant. Quod illi crediderunt ego credo; quod illi speraverunt ego spero: quo illi pervenerunt, 20 per gratiam tuam me venturum confido. Ambulabo interim in fide exemplis confortatus sanctorum; habebo etiam libros sanctos pro solacio et vitae speculo: atque super haec omnia sanctissimum corpus 25 tuum pro singulari remedio et refugio.

Duo namque mihi necessaria permaxime sentio in hac vita: sine quibus mihi importabilis foret ista miserabilis vita. In carcere corporis huius detentus, duobus 30 me egere fateor: cibo scilicet et lumine.



Dedisti itaque mihi infirmo sacrum corpus
tuum ad refectionem mentis et corporis:
et posuisti lucernam pedibus meis verbum
tuum. Sine his duobus bene vivere non
5 possem; nam verbum Dei lux animae
meae: et sacramentum tuum panis vitae.
Haec possunt etiam dici mensae duae
hinc et inde: in gazophylacio sanctae
ecclesiae positae. Vna mensa est sacri
10 altaris habens panem sanctum id est
corpus Christi pretiosum; altera est di-
vinæ legis continens doctrinam sanctam:
erudiens fidem rectam, et firmiter usque
ad interiora velaminis ubi sunt sancta
15 sanctorum perducens.

Gratias tibi Domine Iesu lux lucis
aeternae, pro doctrinae sacrae mensa:
quam nobis per servos tuos prophetas
et apostolos, aliosque doctores ministrasti.
20 Gratias tibi Creator ac Redemptor homi-
num, qui ad declarandam toti mundo
caritatem tuam cenam parasti magnam;
in qua non agnum typicum, sed tuum
sanctissimum corpus et sanguinem pro-
25 posuisti manducandum: laetificans omnes
fideles convivio sacro, et calice inebrians
salutari; in quo sunt omnes deliciae para-
disi: et epulantur nobiscum angeli sancti,
sed suavitate feliciori.

30 O quam magnum et honorabile est of-
ficiū sacerdotum: quibus datum est



Dominum maiestatis verbis sacris consecrare; labiis benedicere, manibus tenere: ore proprio sumere, et ceteris ministrare. O quam munda debent esse manus illae, quam purum os, quam sanctum corpus, 5 quam immaculatum cor erit sacerdotis: ad quem totiens ingreditur auctor puritatis. Ex ore sacerdotis nihil nisi sanctum nihil nisi honestum et utile procedere debet verbum: qui tam saepe Christi ac- 10 cipit sacramentum. Oculi eius simplices et pudici: qui Christi corpus solent intueri. Manus purae et in caelum elevatae: quae Creatorem caeli et terrae solent contrectare. Sacerdotibus specialiter in 15 lege dicitur. Sancti estote: quoniam ego sanctus sum Dominus Deus vester. Adiuvet nos gratia tua omnipotens Deus; ut qui officium sacerdotale suscepimus: digne ac devote tibi in omni puritate et 20 conscientia bona famulari valeamus. Et si non possumus in tanta innocentia vitae conversari ut debemus; concede nobis tamen digne flere mala quae gessimus: et in spiritu humilitatis ac bonae volun- 25 tatis proposito tibi ferventius de cetero deservire.



QVOD MAGNA DILIGENTIA SE
DEBEAT COMMVNICATVRVS
CHRISTO PRAEPARARE.

VOX DILECTI.

5

CAPITVLVM XII.

Ego sum puritatis amator: et dator
omnis sanctitatis. Ego cor purum
quaero: et ibi est locus requietionis meae.
Para mihi cenaculum grande stratum:
10 et faciam apud te pascha cum discipulis
meis. Si vis ut veniam ad te, et apud
te maneam, expurga vetus fermentum:
et munda cordis tui habitaculum. Ex-
clude totum saeculum et omnem vitiorum
15 tumultum; sede tamquam passer solitarius
in tecto: et cogita excessus tuos in amari-
tudine animae tuae. Omnis namque amans,
suo dilecto amatori optimum et pulcherri-
mum praeparat locum: quia in hoc co-
20 gnoscitur affectus susipientis dilectum.
Scito tamen te non posse satisfacere huic
praeparationi ex merito tuae actionis:
etiam si per integrum annum te praeparares
et nihil aliud in mente haberes. Sed ex
25 sola pietate et gratia mea permitteris ad
mensam meam accedere; ac si mendicus
ad prandium vocaretur divitis, et ille nihil
aliud habeat ad retribuendum beneficiis
eius: nisi se humiliando et ei regratiando.



Fac quod in te est et diligenter facito;
non ex consuetudine non ex necessitate:
sed cum timore et reverentia, et affectu
accipe corpus dilecti Domini Dei tui
dignantis ad te venire. Ego sum qui 5
vocavi, ego iussi fieri; ego supplebo quod
tibi deest: veni et suscipe me. Cum
gratiam devotionis tribuo gratias age Deo
tuo; non quia dignus es: sed quia tui
misertus sum. Si non habes sed magis 10
aridum te sentis; insiste orationi, in-
gemisce et pulsa: nec desistas donec
merearis micam aut guttam gratiae salu-
taris accipere. Tu mei indiges: non ego
tui indigeo. Nec tu me sanctificare venis: 15
sed ego te sanctificare et meliorare venio.
Tu venis ut ex me sanctificeris et mihi
uniaris; ut novam gratiam recipias: et
de novo ad emendationem accendaris.
Noli negligere hanc gratiam; sed prae- 20
para cum omni diligentia cor tuum: et
introduc ad te dilectum tuum. Oportet
autem ut non solum te praepares ad de-
votionem ante communionem: sed ut etiam
te sollicite conserves in ea post sacra- 2
menti perceptionem. Nec minor custodia
post exigitur, quam devota praeparatio
prius. Nam bona postmodum custodia:
optima iterum est praeparatio ad maiorem
gratiam consequendam. Ex eo quippe 30
valde indispositus quis redditur: si statim




fuerit nimis effusus ad exteriora solacia.
Cave a multiloquio; mane in secreto:
et frueri Deo tuo. Ipsum enim habes:
quem totus mundus tibi auferre non potest.
5 Ego sum, cui te totum dare debes; ita
ut iam ultra non in te: sed in me absque
omni sollicitudine vivas.

QVOD TOTO CORDE ANIMA DEVOTA
CHRISTI VNIONEM IN SACRA-
10 MENTO AFFECTARE DEBET.

VOX DISCIPVLI.

CAPITVLVM XIII.

 Vis mihi det Domine, ut inueniam
te solum et aperiam tibi totum
15 cor meum; et fruar te sicut desiderat
anima mea: et iam me nemo despiciat,
nec ulla creatura me moveat vel respiciat;
sed tu solus mihi loquaris et ego tibi:
sicut solet dilectus ad dilectum loqui,
20 et amicus cum amico convivari. Hoc
oro hoc desidero; ut tibi totus uniar,
et cor meum ab omnibus creatis rebus
abstraham: magisque per sacram com-
munionem ac frequentem celebrationem
25 caelestia et aeterna sapere discam. Ah
Domine Deus, quando ero tecum totus
unitus et absorptus: meique totaliter ob-
litus. Tu in me et ego in te: et sic nos

pariter in unum manere concede. Vere tu es dilectus meus electus ex milibus: in quo complacuit animae meae habitare omnibus diebus vitae suae. Vere tu pacificus meus; in quo pax summa et requies vera: extra quem labor et dolor et infinita miseria. Vere tu es Deus absconditus; et consilium tuum non est cum impiis: sed cum humilibus et simplicibus sermo tuus. O quam suavis est Domine spiritus tuus; qui ut dulcedinem tuam in filios demonstrares: pane suavissimo de caelo descendente illos reficere dignaris. Vere non est alia natio tam grandis quae habeat Deos appropinquantes sibi: sicut tu Deus noster ades universis fidelibus tuis; quibus ob cotidianum solacium et cor erigendum in caelum: te tribuis ad edendum et fruendum. Quae est enim alia gens tam inclita sicut plebs christiana; aut quae creatura sub caelo tam dilecta ut anima devota; ad quam ingreditur Deus ut pascat eam carne sua gloriosa? O ineffabilis gratia; o admirabilis dignatio: o amor immensus homini singulariter impensus. Sed quid retribuam Domino pro gratia ista; pro caritate tam eximia? Non est aliud quod gratius donare queam: quam ut cor meum Deo meo totaliter tribuam, et intime coniungam. Tunc exultabunt omnia interiora



mea: cum perfecte fuerit unita Deo anima mea. Tunc dicet mihi. Si tu vis esse mecum, ego volo esse tecum. Et ego respondebo illi. Dignare Domine manere
5 mecum: ego volo libenter esse tecum. Hoc est totum desiderium meum: ut cor meum tibi sit unitum.

DE QVORVNDAM DEVOTORVM
ARDENTI DESIDERIO AD
CORPVS CHRISTI.

10

VOX DISCIPVLI.

CAPITVLVM XIII.



quam magna multitudo dulcedinis
tuae Domine: quam abscondisti
15 timentibus te. Quando recordor devoto-
rum aliquorum ad sacramentum tuum
Domine cum maxima devotione et affectu
accedentium: tunc saepius in me ipso
confundor et erubesco, quod ad altare
20 tuum et sacrae communionis mensam tam
tepide et frigide accedo; quod ita aridus
et sine affectione cordis maneo: quod
non sum totaliter accensus coram te Deo
meo, nec ita vehementer attractus et af-
25 fectus sicut multi devoti fuerunt; qui
prae nimio desiderio communionis et sen-
sibili cordis amore a fletu se non potuerunt
continere: sed ore cordis et corporis


pariter ad te Deum fontem vivum medullitus inhiabant; suam esuriem non valentes aliter temperare nec satiare: nisi corpus tuum cum omni iucunditate et spiritali aviditate accepissent. O vera⁵ ardens fides eorum: probabile existens argumentum sacrae praesentiae tuae. Isti enim veraciter cognoscunt Dominum suum in fractione panis: quorum cor tam valide ardet in eis de Iesu ambulante cum eis.¹⁰ Longe est a me saepe talis affectus et devotio: tam vehemens amor et ardor. . Esto mihi propitius Iesu bone dulcis et benigne: et concede pauperi mendico tuo vel interdum modicum de cordiali affectu¹⁵ amoris tui in sacra communione sentire; ut fides mea magis convalescat, spes in bonitate tua proficiat: et caritas semel perfecte accensa et caeleste manna experta numquam deficiat. Potens est autem²⁰ misericordia tua etiam gratiam desideratam mihi praestare: et in spiritu ardoris cum dies beneplaciti tui venerit me clementissime visitare. Etenim licet tanto desiderio tam specialium devotorum tuo-²⁵rum non ardeo; tamen de gratia tua illius magni inflammati desiderii desiderium habeo: orans et desiderans omnium talium fervidorum amatorum tuorum participem me fieri, ac eorum sancto con-³⁰sortio annumerari.

QVOD GRATIA DEVOTIONIS
HVMILITATE ET SVI IPSIVS
ABNEGATIONE ACQVIRITVR.

VOX DILECTI.

5

CAPITVLVM XV.

 Portet te devotionis gratiam in-
stanter quaerere, desideranter pe-
tere patienter et fiducialiter expectare;
gratanter recipere, humiliter conservare,
10 studiose cum ea operari: ac Deo termi-
num et modum supernae visitationis donec
veniat committere. Humiliare praecipue
te debes cum parum aut nihil devotionis
interius sentis: sed non nimium deici,
15 nec inordinate contristari. Dat saepe Deus
in uno brevi momento: quod longo ne-
gavit tempore. Dat quandoque in fine:
quod in principio orationis distulit dare.
Si semper cito gratia daretur, et pro voto
20 adesset: non esset infirmo homini bene
portabile. Propterea in bona spe et
humili patientia: expectanda est devotionis
gratia. Tibi tamen et peccatis tuis im-
puta: cum non datur vel etiam occulte
25 tollitur. Modicum quandoque est quod
gratiam impedit et abscondit; si tamen
modicum et non potius grande dici debeat:
quod tantum bonum prohibet. Et si hoc
ipsum modicum vel grande amoveris et

perfecte viceris: erit quod petisti. Statim namque ut te Deo ex toto corde traderis, nec hoc vel illud pro tuo libitu seu velle quaesieris, sed integre te in ipso posueris: unitum te invenies et pacatum; quia nil ita bene sapiet et placebit: sicut beneplacitum divinae voluntatis. Quisquis ergo intentionem suam simplici corde sursum ad Deum levaverit; seque ab omni inordinato amore seu displicentia cuiuslibet rei creatae evacua-
verit: aptissimus gratiae percipiendae ac dignus devotionis munere erit. Dat enim Dominus ibi benedictionem suam: ubi vasa vacua invenerit. Et quanto perfectius infimis quis renuntiat, et magis sibi ipsi per contemptum sui moritur; tanto gratia celerius venit, copiosius intrat: et altius liberum cor elevat. Tunc videbit et affluet, et mirabitur et dilatabitur cor eius in ipso; quia manus Domini cum eo: et ipse se posuit totaliter in manu eius usque in saeculum. Ecce sic benedicetur homo, qui quaerit Deum in toto corde suo: nec in vanum accipit animam suam. Hic in accipiendo sacram eucharistiam, magnam promeretur divinae unionis gratiam; quia non respicit ad propriam devotionem et consolationem: sed super omnem devotionem et consolationem ad Dei gloriam et honorem.




QVOD NECESSITATES NOSTRAS
CHRISTO APERIRE ET EIVS
GRATIAM POSTVLARE
DEBEMVS.

5

VOX DISCIPVLI.

CAPITVLVM XVI.

 **dulcissime atque amantissime Do-**
mine quem nunc devote desidero
suscipere: tu scis infirmitatem meam et
10 necessitatem quam patior; in quantis malis
et vitiis iaceo: quam saepe sum gravatus
temptatus turbatus et inquinatus. Pro
remedio ad te venio: pro consolatione et
sublevamine te deprecor. Ad omnia scien-
15 tem loquor, cui manifesta sunt omnia
interiora mea: et qui solus potest me
perfecte consolari et adiuuare. Tu scis
quibus bonis indigeo prae omnibus: et
quam pauper sum in virtutibus. Ecce
20 sto ante te pauper et nudus: gratiam
postulans et misericordiam implorans.
Refice esurientem mendicum tuum; ac-
cende frigiditatem meam igne amoris tui:
illumina caecitatem meam claritate prae-
25 sentiae tuae. Verte mihi omnia terrena
in amaritudinem; omnia gravia et con-
traria in patientiam: omnia infima et creata
in contemptum et oblivionem. Erige cor
meum ad te in caelum: et ne dimittas

me vagari super terram. Tu solus mihi ex hoc iam dulcescas usque in saeculum; quia tu solus cibus et potus meus, amor meus et gaudium meum: dulcedo mea et totum bonum meum. Vtinam me to-⁵ taliter ex tua praesentia accendas comburas et in te transmutes; ut unus tecum efficiar spiritus per gratiam internae unionis: et liquefactionem ardentis amoris. Ne patiaris me ieiunum et aridum a te¹⁰ recedere; sed operare mecum misericorditer: sicut saepius operatus es cum sanctis tuis mirabiliter. Quid mirum si totus ex te ignescerem, et in me ipso deficerem; cum tu sis ignis semper ardens¹⁵ et numquam deficiens, amor corda purificans, et intellectum illuminans?

DE ARDENTI AMORE ET VEHEMENTI AFFECTU SVSCIPIENDI CHRISTVM.

VOX DISCIPVLI.

20

CAPITVLVM XVII.

QVm summa devotione et ardenti amore, cum toto cordis affectu et fervore desidero te Domine suscipere: quemadmodum multi sancti et devotae²⁵ personae in communicando te desideraverunt; qui tibi maxime in sanctitate vitae placuerunt: et in ardentissima devotione



fuerunt. O Deus meus amor aeternus
totum bonum meum felicitas intermina-
bilis; cupio te suscipere cum vehemen-
tissimo desiderio et dignissima reverentia:
5 quam aliquis sanctorum umquam habuit
et sentire potuit. Et licet indignus sum
omnia illa sentimenta devotionis habere;
tamen offero tibi totum cordis mei af-
fectum: ac si omnia illa gratissima in-
10 flammata desideria solus haberem. Sed
et quaecumque potest pia mens concipere
et desiderare: haec omnia tibi cum summa
veneratione et intimo favore praebeo et
offerō. Nihil opto mihi reservare: sed
15 me et omnia mea tibi sponte et liben-
tissime immolare. Domine Deus meus
creator meus et redemptor meus cum
tali affectu reverentia laude et honore
cum tali gratitudine dignitate et amore,
20 cum tali fide spe et puritate te affecto
hodie suscipere; sicut te suscepit et de-
sideravit sanctissima mater tua gloriosa
Virgo Maria quando angelo evangelizanti
sibi incarnationis mysterium humiliter ac
25 devote respondit: ecce ancilla Domini
fiat mihi secundum verbum tuum. Et
sicut beatus praecursor tuus excellen-
tissimus sanctorum Iohannes baptista in
praesentia tua laetabundus exultavit in
30 gaudio Spiritus sancti, dum adhuc ma-
ternis clauderetur visceribus: et post-

modum cernens inter homines Iesum ambulans valde se humilians devoto cum affectu dicebat, amicus autem sponsi qui stat et audit eum gaudio gaudet propter vocem sponsi; sic et ego magnis et sacris 5 desideriiis opto inflammari: et tibi ex toto corde me ipsum praesentare. Vnde et omnium devotorum cordium iubilationes, ardentes affectus, mentales excessus, ac supernaturales illuminationes et caelicas 10 visiones tibi offero et exhibeo cum omnibus virtutibus et laudibus ab omni creatura in caelo et in terra celebratis et celebrandis pro me et omnibus mihi in oratione commendatis; quatinus ab omni- 15 bus digne lauderis: et in perpetuum glorificeris. Accipe vota mea Domine Deus meus et desideria infinitae laudationis ac immensae benedictionis: quae tibi secundum multitudinem ineffabilis magni- 20 tudinis tuae iure debentur. Haec tibi reddo et reddere desidero per singulos dies et momenta temporum: atque ad reddendum mecum tibi gratias et laudes, omnes caelestes spiritus et cunctos fideles 25 tuos precibus et affectibus invito et exoro. Laudent te universi populi tribus et linguae: et sanctum ac mellifluum nomen tuum cum summa iubilatione et ardenti devotione magnificent. Et qui- 30 cumque reverenter ac devote altissimum




sacramentum tuum celebrant et plena fide recipiunt; gratiam et misericordiam apud te invenire mereantur: et pro me peccatore suppliciter exorent. Cumque op-
5 tata devotione ac fruibili unione potiti fuerint, et bene consolati ac mirifice re-
fecti de sacra mensa caelesti abscesserint: mei pauperis recordari dignentur.

QVOD HOMO NON SIT CVRIOSVS
10 SCRVTATOR SACRAMENTI, SED
HVMILIS IMITATOR CHRISTI
SVBDENDO SENSVM SVVM
SACRAE FIDEI.

VOX DILECTI.

15

CAPITVLVM XVIII.

Avendum est tibi a curiosa et in-
utili perscrutatione huius profun-
dissimi sacramenti: si non vis in dubitatio-
nis profundum submergi. Qui scrutator
20 est maiestatis: opprimetur a gloria. Plus
valet Deus operari: quam homo intellegere
potest. Tolerabilis pia et humilis inqui-
sitio veritatis: parata semper doceri, et
per sanas patrum sententias studens am-
25 bulare. Beata simplicitas, quae difficiles
quaestionum relinquit vias: et plana ac
firma pergit semita mandatorum Dei. Multi
devotionem perdiderunt: dum altiora scru-

tari voluerunt. Fides a te exigitur et
 sincera vita: non altitudo intellectus neque
 profunditas mysteriorum Dei. Si non in-
 tellegis nec capis quae infra te sunt,
 quomodo comprehendes quae supra te
 sunt? Subdere Deo et humilia sensum
 tuum fidei: et dabitur tibi scientiae lumen
 prout tibi fuerit utile ac necessarium.
 Quidam graviter temptantur de fide et
 sacramento: sed non est hoc ipsis im-
 putandum sed potius inimico. Noli curare
 noli disputare cum cogitationibus tuis:
 nec ad immissas a diabolo dubitationes
 responde; sed crede verbis Dei crede
 sanctis eius et prophetis: et fugiet a te
 nequam inimicus. Saepe multum prodest:
 quod talia sustinet Dei servus. Nam in-
 fideles et peccatores non temptat quos
 secure iam possidet: fideles autem de-
 votos variis modis temptat et vexat. Perge
 ergo cum simplici et indubitata fide; et
 cum supplici reverentia ad sacramentum
 accede: et quidquid intellegere non vales
 Deo omnipotenti secure committe. Non
 fallit te Deus: fallitur qui sibi ipsi nimium
 credit. Graditur Deus cum simplicibus
 revelat se humilibus; dat intellectum par-
 vulis, aperit sensum puris mentibus: et
 abscondit gratiam curiosis et superbis.
 Ratio humana debilis est et falli potest:
 fides autem vera falli non potest. Omnis

ratio et naturalis investigatio fidem sequi debet: non praecedere nec infringere. Nam fides et amor ibi maxime praecellunt: et occultis modis in hoc sanctissimo et superexcellentissimo sacramento operantur. Deus aeternus et immensus infinitaeque potentiae; facit magna et inscrutabilia in caelo et in terra: nec est investigatio mirabilium operum eius. Si
 10 talia essent opera Dei ut facile ab humana ratione caperentur: non essent mirabilia nec ineffabilia dicenda.



**LIBER INTERNAE
CONSOLATIONIS**

**[DE IMITATIONE CHRISTI
QVAE VVLGO DICITVR
LIBER TERTIVS]**

CAPITVLA LIBRI SEQVENTIS.

	DE interna Christi locutione ad animam fidelem	I
	Quod veritas intus loquitur sine strepitu verborum	II
	Quod verba Dei cum humilitate sunt audienda,	
5	et quod multi ea non ponderant	III
	Quod in veritate et humilitate coram Deo conver-	
	sandum est	IIII
	De mirabili effectu divini amoris	V
	De probatione veri amatoris	VI
10	De occultanda gratia sub humilitatis custodia . .	VII
	De villi aestimatione sui ipsius in oculis Dei . .	VIII
	Quod omnia ad Deum sicut ad finem ultimum sunt	
	referenda	IX
	Quod spreto mundo dulce est servire Deo . .	X
15	Quod desideria cordis examinanda sunt et mode-	
	randa	XI
	De informatione patientiae et luctamine adversus	
	concupiscentias	XII
	De oboedientia humilis subditi ad exemplum Iesu	
20	Christi	XIII
	De occultis Dei iudiciis considerandis ne extollamur	
	in bonis	XIIII
	Qualiter standum sit ac dicendum in omni re de-	
	siderabili	XV
25	Quod verum solacium in solo Deo est quaerendum	XVI
	Quod omnis sollicitudo in Deo statuenda sit . .	XVII
	Quod temporales miseriae exemplo Christi aequa-	
	nimiter sunt ferendae	XVIII
	De tolerantia iniuriarum et quis verus patiens	
30	probetur	XIX
	De confessione propriae infirmitatis et huius vitae	
	miseriis	XX
	Quod in Deo super omnia bona et dona requiescen-	
	dum est	XXI
35	De recordatione multiplicium beneficiorum Dei .	XXII
	De quatuor magnam importantibus pacem . . .	XXIII

CAPITVLA LIBRI SEQVENTIS

De evitacione curiosae inquisitionis super alterius vita	XXIIII
In quibus firma pax cordis et verus profectus consistit	XXV
De eminentia liberae mentis quam supplex oratio magis meretur quam lectio	5 XXVI
Quod privatus amor a summo bono maxime re- tardat	XXVII
Contra linguas obrectatorum	XXVIII
Qualiter instante tribulatione Deus invocandus est et benedicendus	10 XXIX
De divino petendo auxilio et confidentia recu- perandae gratiae	XXX
De neglectu omnis creaturae ut creator possit inveniri	XXXI 15
De abnegatione sui et abdicatione omnis cupidi- tatis	XXXII
De instabilitate cordis et de intentione finali ad Deum habenda	XXXIII
Quod amanti sapit Deus super omnia et in omnibus	20 XXXIIII
Quod non est securitas a temptatione in hac vita	XXXV
Contra vana hominum iudicia	XXXVI
De pura et integra resignatione sui ad optinen- dam cordis libertatem	XXXVII 25
De bono regimine in externis et recursu ad Deum in periculis	XXXVIII
Quod homo non sit importunus in negotiis . . .	XXXIX
Quod homo nihil boni ex se habet et de nullo gloriari potest	XL 30
De contemptu omnis temporalis honoris . . .	XLI
Quod pax non est ponenda in hominibus . .	XLII
Contra vanam et saecularem scientiam . . .	XLIII
De non attrahendo sibi res exteriores . . .	XLIIII
Quod omnibus non est credendum, et de facili lapsu verborum	35 XLV
De confidentia in Deo habenda quando insurgunt verborum iacula	XLVI
Quod omnia gravia pro aeterna vita sunt toleranda	XLVII
De die aeternitatis et huius vitae angustiis . .	XLVIII 40
De desiderio aeternae vitae et quanta sint cer- tantibus bona promissa	XLIX



Qualiter homo desolatus se debet in manus Dei offerre	L
Quod humilibus insistendum est operibus cum deficitur a summis	LI
5 Quod homo non reputet se consolatione dignum, sed magis verberibus reum	LII
Quod gratia Dei non miscetur terrena sapientibus	LIII
De diversis motibus naturae et gratiae	LIII
De corruptione naturae et efficacia gratiae divinae	LV
10 Quod nos ipsos abnegare et Christum imitari de- bemus per crucem	LVI
Quod homo non sit nimis delectus quando in ali- quos labitur defectus	LVII
De altioribus rebus et occultis iudiciis Dei non 15 scrutandis	LVIII
Quod omnis spes et fiducia in solo Deo est figenda	LIX



INCIPIT LIBER INTERNAE CONSOLATIONIS.

DE INTERNA CHRISTI LOCVTIONE
AD ANIMAM FIDЕLEM.

CAPITVLVM I.

A*V*diam quid loquatur in me ⁵
Dominus Deus. Beata anima
quae Dominum in se loquen-
tem audit: et de ore eius con-
solationis verbum accipit. Beatae aures
quae venas divini susurri suscipiunt: et ¹⁰
de mundi huius susurrationibus nihil ad-
vertunt. Beatae plane aures quae non
vocem foris sonantem: sed intus auscultant
veritatem docentem. Beati oculi: qui ex-
terioribus clausi, interioribus autem sunt ¹⁵
intenti. Beati qui interna penetrant: et ad
capienda arcana caelestia, magis ac magis
per cotidiana exercitia se student prae-
parare. Beati qui Deo vacare gestiunt: et
ab omni impedimento saeculi se excutiunt. ²⁰
Animadverte haec anima mea; et claude



sensualitatis tuae ostia: ut possis audire
quid in te loquatur Dominus Deus tuus.
Haec dicit dilectus tuus. Salus tua ego
sum: pax tua et vita tua. Serva te apud me:
5 et pacem invenies. Dimitte omnia trans-
itoria: quaere aeterna. Quid sunt omnia
temporalia; nisi seductoria? Et quid
iuvant omnes creaturae; si fueris a crea-
tore deserta? Omnibus ergo abdicatis,
10 creatori tuo te redde placitam ac fidelem:
ut veram valeas apprehendere beatitu-
tinem.

QVOD VERITAS INTVS LOQVITVR
SINE STREPITV VERBORVM.

15

CAPITVLVM II.

Loquere Domine: quia audit servus
tuus. Servus tuus sum ego: da
mihi intellectum ut sciam testimonia tua.
Inclina cor meum in verba oris tui: fluat
20 ut ros eloquium tuum. Dicebant olim
filii Israel ad Moysen. Loquere tu nobis
et audiemus; non loquatur nobis Domi-
nus: ne forte moriamur. Non sic Domine
non sic oro: sed magis cum Samuele
25 propheta humiliter ac desideranter ob-
secro. Loquere Domine quia audit servus
tuus. Non loquatur mihi Moyses aut ali-
quis ex prophetis: sed tu potius loquere
Domine Deus inspirator et illuminator



omnium prophetarum; quia tu solus sine
eis potes me perfecte imbuere: illi autem
sine te nihil proficient. Possunt quidem
verba sonare: sed spiritum non conferunt.
Pulchriter dicunt: sed te tacente cor non
accendunt: Litteras tradunt: sed tu sen-
sum aperis. Mysteria proferunt: sed tu
reseras intellectum signatorum. Mandata
edicunt: sed tu iuvas ad perficiendum.
Viam ostendunt: sed tu confortas ad am-
bulandum. Illi foris tantum agunt: sed
tu corda instruis et illuminas. Illi ex-
terius rigant: sed tu fecunditatem donas.
Illi clamant verbis: sed tu auditui in-
tellegentiam tribuis. Non ergo loquatur
mihi Moyses sed tu Domine Deus meus
aeterna veritas: ne forte moriar et sine
fructu efficiar si fuero tantum foris ad-
monitus et intus non accensus; ne sit
mihi ad iudicium verbum auditum et non
factum, cognitum nec amatum: creditum
et non servatum. Loquere igitur Domine
quia audit servus tuus: verba enim vitae
aeternae habes. Loquere mihi ad qualem-
cumque animae meae consolationem et
ad totius vitae meae emendationem: tibi
autem ad laudem et gloriam et perpetuum
honorem.





QVOD VERBA DEI CVM HVMILITATE
SVNT AVDIENDA, ET QVOD MVLT
EA NON PONDERANT.

CAPITVLVM III.

5 **A** Vdi fili verba mea verba suavissima:
omnem philosophorum et sapien-
tium huius mundi scientiam excedentia.
Verba mea spiritus et vita sunt: nec hu-
mano sensu pensanda. Non sunt ad vanam
10 complacentiam trahenda; sed in silentio
audienda: et cum omni humilitate atque
magno affectu suscipienda. Et dixi. Beatus
quem tu erudieris Domine: et de lege
tua docueris eum. Vt mitiges ei a diebus
15 malis: et non desoletur in terra. Ego in-
quit Dominus docui prophetas ab initio
et usque nunc non cesso omnibus loqui:
sed multi ad vocem meam surdi sunt et
duri. Plures mundum libentius audiunt
20 quam Deum; facilius sequuntur carnis
suae appetitum: quam Dei beneplacitum.
Promittit mundus temporalia et parva et
servitur ei aviditate magna; ego promitto
summa et aeterna: et torpescunt mor-
25 talium corda. Quis tanta cura mihi in
omnibus servit et oboedit; sicut mundo
et dominis eius servitur? Erubescere Sidon
ait mare. Et si causam quaeris: audi
quare. Pro modica praebenda longa via



curritur: pro aeterna vita a multis vix pes semel a terra levatur. Vile pretium quaeritur, pro uno nummismate interdum turpiter litigatur; pro vana re et parva promissione die noctuque fatigari non 5 timetur: sed pro pudor pro bono incommutabili pro praemio inaestimabili, pro summo honore et gloria interminabili vel ad modicum fatigari pigritatur. Erubescere ergo serve piger et querulose; quod illi 10 paratiores inveniuntur ad perditionem: quam tu ad vitam. Gaudent illi amplius ad vanitatem: quam tu ad veritatem. Equidem a spe sua nonnumquam frustrantur; sed promissio mea neminem fallit: nec 15 confidentem mihi dimittit inanem. Quod promisi dabo; quod dixi implebo: si tamen usque in finem fidelis in dilectione mea quis permanserit. Ego remunerator sum omnium bonorum: et fortis probator omnium devotorum. Scribe verba mea in corde tuo et pertracta diligenter: erunt enim in tempore temptationis valde necessaria. Quod non intellegis cum legis: cognosces in die visitationis. Dupliciter soleo electos 25 meos visitare: temptatione scilicet et consolatione. Et duas lectiones eis cotidie lego; unam increpando eorum vitia: alteram exhortando ad virtutum incrementa. Qui habet verba mea et spernit ea: habet qui 30 iudicet eum in novissimo die.



ORATIO AD IMPLORANDAM
DEVOTIONIS GRATIAM.

Domine Deus meus omnia bona mea
tu es. Et quis ego sum ut audeam
5 ad te loqui? Ego sum pauperrimus ser-
vulus tuus et abiectus vermiculus: multo
pauperior et contemptibilior quam scio
et dicere audeo. Memento tamen Do-
mine: quia nihil sum, nihil habeo, nihil-
10 que valeo. Tu solus bonus iustus et
sanctus; tu omnia potes, omnia praestas
omnia imples: solum peccatorem inanem
relinquens. Reminiscere miserationum
tuarum, et imple cor meum gratia tua:
15 qui non vis esse vacua opera tua. Quo-
modo possum me tolerare in hac misera
vita; nisi me confortaveris misericordia
et gratia tua? Noli avertere faciem tuam
a me, noli visitationem tuam prolongare;
20 noli consolationem tuam abstrahere: ne
fiat anima mea sicut terra sine aqua tibi.
Domine doce me facere voluntatem tuam:
doce me coram te digne et humiliter con-
versari; quia sapientia mea tu es qui in
25 veritate me cognoscis: et cognovisti ante-
quam fieret mundus et antequam natus
essem in mundo.



CAPITVLVM IIII.

Illi. Ambula coram me in veritate: et in simplicitate cordis tui quaere me semper. Qui ambulat coram me in veritate; tutabitur ab incursibus malis: et veritas liberabit eum a seductoribus et detractionibus iniquorum. Si veritas te liberaverit vere liber eris: et non curabis de vanis hominum verbis. Domine verum est. Sicut dicis, ita quaeso mecum fiat. Veritas tua me doceat; ipsa me custodiat: et usque ad salutarem finem conservet. Ipsa me liberet ab omni affectione mala et inordinata dilectione: et ambulabo tecum in magna cordis libertate.

Ego te docebo ait Veritas quae recta sunt: et placita coram me. Cogita peccata tua cum displicentia magna et maerore: et numquam reputes te aliquid esse propter opera bona. Reuera peccator es: et multis passionibus obnoxius et implicatus. Ex te semper ad nihil tendis; cito laberis, cito vinceris: cito turbaris, cito dissolveris. Non habes quicquam unde possis gloriari; sed multa unde te debeas vilificare: quia multo infirmior es quam vales comprehendere. Nil ergo

magnum tibi videatur ex omnibus quae agis. Nil grande nil pretiosum et admirabile, nil reputatione appareat dignum; nil altum nil vere laudabile et desiderabile: nisi quod aeternum est. Placeat tibi super omnia aeterna Veritas: displiceat tibi semper tua maxima vilitas. Nil sic timeas sic vituperes et fugias, sicut vitia et peccata tua: quae magis
10 displicere debent quam quaelibet rerum damna. Quidam non sincere coram me ambulant; sed quadam curiositate et arrogantia ducti volunt secreta mea scire et alta Dei intellegere: se et suam salu-
15 tem neglegentes. Hi saepe in magnas temptationes et peccata propter suam superbiam et curiositatem me eis adversante labuntur. Time iudicia Dei: expavesce iram Omnipotentis. Noli autem
20 discutere opera Altissimi; sed tuas iniquitates perscrutare in quantis deliquisti: et quam multa bona neglexisti. Quidam solum portant suam devotionem in libris; quidam in imaginibus: quidam autem in
25 signis exterioribus et figuris. Quidam habent me in ore: sed modicum est in corde. Sunt alii qui intellectu illuminati et affectu purgati ad aeterna semper anhelant; de terrenis graviter audiunt, ne-
30 cessitatibus naturae dolenter inserviunt: et hi sentiunt quid spiritus veritatis lo-

quitur in eis; quia docet eos terrena despiciere, et amare caelestia: mundum neglegere, et caelum tota die ac nocte desiderare.

DE MIRABILI EFFECTV DIVINI 5 AMORIS.

CAPITVLVM V.

Benedico te Pater caelestis Pater Domini mei Iesu Christi: quia mei pauperis dignatus es recordari. O Pater 10 misericordiarum et Deus totius consolationis gratias tibi: qui me indignum omni consolatione quandoque tua recreas consolatione. Benedico te semper et glorifico cum unigenito Filio tuo et Spiritu Sancto 15 paraclito: in saecula saeculorum. Eia Domine Deus amator sancte meus, cum tu veneris in cor meum: exultabunt omnia interiora mea. Tu es gloria mea: et exultatio cordis mei. Tu spes mea et refugium meum: 20 in die tribulationis meae. Sed quia adhuc debilis sum in amore et imperfectus in virtute: ideo necesse habeo a te confortari et consolari. Propterea visita me saepius et instrue disciplinis sanctis; libera me a 25 passionibus malis: et sana cor meum ab omnibus affectionibus inordinatis; ut intus sanatus et bene purgatus aptus efficiar ad amandum: fortis ad patiendum, stabilis ad perseverandum. 30



Magna res est amor, magnum omnino bonum; quod solum leve facit omne onerosum: et fert aequaliter omne inaequale. Nam onus sine onere portat: et omne
5 amarum dulce ac sapidum efficit. Amor IESV nobilis ad magna operanda impellit: et ad desideranda semper perfectiora excitat. Amor vult esse sursum: nec ullis infimis rebus retineri. Amor vult esse
10 liber, et ab omni mundana affectione alienus: ne internus eius impediatur aspectus; ne per aliquod commodum temporale implicationes sustineat: aut per incommodum succumbat. Nihil dulcius
15 est amore; nihil fortius, nihil altius nihil latius: nihil iucundius nihil plenius nec melius in caelo et in terra; quia amor ex Deo natus est: nec potest nisi in Deo super omnia creata quiescere. Amans
20 volat currit et laetatur: liber est et non tenetur. Dat omnia pro omnibus: et habet omnia in omnibus; quia in uno summo super omnia quiescit: ex quo omne bonum fluit et procedit. Non re-
25 spicit ad dona: sed ad donantem se convertit super omnia bona. Amor modum saepe nescit: sed super omnem modum fervescit. Amor onus non sentit: labores non reputat, plus affectat quam valet;
30 de impossibilitate non causatur: quia cuncta sibi posse et licere arbitratur.



Valet igitur ad omnia; et multa implet
et effectui mancipat: ubi non amans de-
ficit et iacet. Amor vigilat et dormiens
non dormitat; fatigatus non lassatur, ar-
tatus non artatur, territus non conturbatur: 5
sed sicut vivax flamma et ardens facula
sursum erumpit secureque pertransit. Si
quis amat: novit quid haec vox clamet.
Magnus clamor in auribus Dei est: ipse
ardens affectus animae, quae dicit. Deus 10
meus amor meus: tu totus meus, et ego
totus tuus. Dilata me in amore; ut discam
interiori cordis ore degustare quam suave
sit amare: et in amore liquefieri et natare.
Tenear amore: vadens supra me prae 15
nimio fervore et stupore. Cantem amoris
canticum, sequar te dilectum meum in
altum: deficiat in laude tua anima mea
iubilans ex amore. Amem te plus quam
me, nec me nisi propter te, et omnes in 20
te qui vere amant te: sicut iubet lex amoris
lucens ex te. Est amor velox sincerus
pius iucundus et amoenus; fortis patiens
fidelis, prudens longanimis virilis: et se
ipsum numquam quaerens. Vbi enim se 25
ipsum aliquis quaerit: ibi ab amore cadit.
Est amor circumspectus humilis et rectus;
non mollis non levis nec vanis intendens
rebus: sobrius castus stabilis quietus et
in cunctis sensibus custoditus. Est amor 30
subiectus et oboediens praelatis: sibi vilis



et despectus, Deo devotus, et gratificus;
fidens et sperans semper in eo etiam
cum sibi non sapit Deus: quia sine dolore
non vivitur in amore. Qui non est paratus
5 omnia pati et ad voluntatem stare dilecti:
non est dignus amator appellari. Oportet
amantem omnia dura et amara propter
dilectum libenter amplecti: nec ob con-
traria accidentia ab eo deflecti.

10 DE PROBATIONE VERI AMATORIS.

CAPITVLVM VI.

Illi non es adhuc fortis et prudens
amator. Quare Domine? Quia
propter modicam contrarietatem deficis
15 a coeptis: et nimis avide consolationem
quaeris. Fortis amator stat in temptationi-
bus: nec callidis credit persuasionibus
inimici. Sicut ei in prosperis placeo:
ita nec in adversis displiceo. Prudens
20 amator non tam donum amantis con-
siderat: quam dantis amorem. Affectum
potius attendit quam censum: et infra
dilectum omnia data ponit. Nobilis amator
non quiescit in dono: sed in me super
25 omne donum. Non est ideo totum per-
ditum, si quandoque minus bene de me
vel de sanctis meis sentis quam velles.
Affectus ille bonus et dulcis quem inter-
dum percipis: effectus gratiae praesentis

est, et quidam praegustus patriae caelestis. Super quo non nimium innitendum: quia vadit et venit. Certare autem adversus incidentes malos motus animi, suggestionemque spernere diaboli: insigne est virtutis et magni meriti. Non ergo te conturbent alienae phantasiae: de quacumque materia ingestae. Forte serva propositum: et intentionem rectam ad Deum. Nec est illusio quod aliquando in excessum subito raperis: et statim ad solitas ineptias cordis reverteris. Illas enim invite magis pateris quam agis; et quamdiu displicent et reniteris: meritum est et non perditio. Scito quod antiquus inimicus omnino nititur impedire desiderium tuum in bono, et ab omni devoto exercitio evacuare; a sanctorum scilicet cultu a pia passionis meae memoria, a peccatorum utili recordatione a proprii cordis custodia: et a firmo proposito proficiendi in virtute. Multas malas cogitationes ingerit, ut taedium tibi faciat et horrorem: ut ab oratione revocet et sacra lectione. Displicet sibi humilis confessio: et si posset a communione cessare faceret. Non credas ei neque cures illum: licet saepius tibi deceptionis tetenderit laqueos. Sibi imputa: cum mala inserit et immunda. Dicit illi. Vade immunde spiritus, erubescere miser; valde immundus es tu: 30



qui talia infers auribus meis. Discede
a me seductor pessime; non habebis in
me partem ullam: sed Iesus mecum erit
tamquam bellator fortis, et tu stabis con-
5 fusus. Malo mori et omnem poenam sub-
ire: quam tibi consentire. Tace et ob-
mutesce; non audiam te amplius: licet
plures mihi moliris molestias. Dominus
illuminatio mea et salus mea: quem timebo?
10 Si consistent adversus me castra: non
timebit cor meum. Dominus adiutor
meus: et redemptor meus.

Certa tamquam miles bonus; et si
interdum ex fragilitate corruis, resume
15 vires fortiores prioribus confidens de
ampliori gratia mea: et multum praecave
a vana complacentia et superbia. Propter
hoc multi in errorem ducuntur: et in
caecitatem paene incurabilem quandoque
20 labuntur. Sit tibi in cautelam et per-
petuam humilitatem: ruina haec superbo-
rum de se stulte praesumentium.

DE OCCVLTANDA GRATIA SVB HVMILITATIS CVSTODIA.

25

CAPITVLVM VII.

Illi. Vtilius est tibi et securius de-
votionis gratiam abscondere: nec
in altum te efferre, nec multum inde lo-
qui neque multum ponderare; sed magis

temet ipsum despiciere: et tamquam indigno datam timere. Non est huic affectioni tenacius inhaerendum: quae citius potest mutari in contrarium. Cogita in gratia: quam miser et inops esse soles 5 sine gratia. Nec est in eo tantum spiritualis vitae profectus, cum consolationis habueris gratiam: sed cum humiliter et abnegate patienterque tuleris eius subtractionem; ita quod tunc ab orationis 10 studio non torpeas: nec reliqua opera tua ex usu facienda omnino dilabi permittas; sed sicut melius potueris et intellexeris libenter quod in te est facias: nec propter ariditatem seu anxietatem 15 mentis quam sentis te totaliter neglegas. Multi enim sunt, qui cum non bene eis successerit: statim impatientes fiunt aut desides. Non enim semper est in potestate hominis via eius; sed Dei est dare et 20 consolari quando vult et quantum vult et cui vult: sicut sibi placuerit et non amplius. Quidam incauti propter devotionis gratiam se ipsos destruxerunt; quia plus agere voluerunt quam potuerunt, 25 non pensantes suae parvitatatis mensuram: sed magis cordis affectum sequentes quam rationis iudicium. Et quia maiora praesumpserunt quam Deo placitum fuit: idcirco gratiam cito perdiderunt. Facti sunt 30 inopes et viles relictis: qui in caelum


posuerunt nidum sibi; ut humiliati et depauperati discant non in alis suis volare: sed sub pennis meis sperare. Qui adhuc novi sunt et inperiti in via Domini:
5 nisi consilio discretorum se regant, faciliter decipi possunt et elidi. Quod si suum sentire magis sequi quam aliis exercitatis credere volunt; erit eis periculosus exitus: si tamen retrahi a proprio conceptu no-
10 luerint. Raro sibi ipsis sapientes: ab aliis regi humiliter patiuntur. Melius est sapere modicum cum humilitate et parva intellegentia: quam magni scientiarum thesauri cum vana complacentia. Melius
15 est tibi minus habere: quam multum unde posses superbire. Non satis discrete agit, qui se totum laetitiae tradit: obliviscens pristinae inopiae suae et casti timoris Domini, qui timet gratiam oblatam amit-
20 tere. Nec etiam satis virtuose sapit; qui tempore adversitatis et cuiusque gravitatis nimis desperate se gerit: et minus fidenter de se quam oportet recogitat ac sentit. Qui tempore pacis nimis se-
25 curus esse voluerit: saepe tempore belli nimis deiectus et formidolosus reperietur. Si scires semper humilis et modicus in te permanere; nec non spiritum tuum bene moderare et regere: non incideres
30 tam cito in periculum et offensam. Consilium bonum est, ut fervoris spiritu con-

cepto: mediteris quid futurum sit abs-
 cedente lumine. Quod dum contigerit,
 recogita et denuo lucem posse reverti:
 quam ad cautelam tibi, mihi autem ad
 gloriam ad tempus subtraxi. Vtilior est
 saepe talis probatio: quam si semper
 prospera pro tua haberes voluntate. Nam
 merita non sunt ex hoc existimanda si
 quis plures visiones aut consolationes
 habeat: vel si peritus sit in scripturis,¹⁰
 aut in altiori ponatur gradu; sed si vera
 fuerit humilitate fundatus et divina cari-
 tate repletus: si Dei honorem pure et
 integre semper quaerat; si se ipsum nihil
 reputet, et in veritate despiciat: atque ab¹⁵
 aliis etiam despici et humiliari magis
 gaudeat quam honorari.

DE VILI AESTIMATIONE SVI IPSIVS IN OCVLIS DEI.

CAPITVLVM VIII.

20

 *Quar ad Dominum meum: cum sim*
pulvis et cinis. Si me amplius re-
 putauero; ecce tu stas contra me, et
 dicunt testimonium verum iniquitates
 meae: nec possum contradicere. Si autem²⁵
 me vilificauero, et ad nihilum redegero:
 et ab omni propria reputatione defecero,
 atque sicut sum pulverizauero; erit mihi
 propitia gratia tua et vicina cordi meo



lux tua: et omnis aestimatio quantula-
cumque minima in valle nihileitatis meae
submergetur et peribit in aeternum. Ibi
ostendis me mihi, quid sum quid fui et
5 quo deveni: quia nihil sum et nescivi.
Si mihi ipsi relinquor: ecce nihil et tota
infirmetas. Si autem subito me respexeris;
statim fortis efficior: et novo repleor gaudio.
Et mirum valde, quod sic repente sub-
10 levor et tam benigne a te complector:
qui proprio pondere semper ad ima feror.
Facit hoc amor tuus gratis praeveniens
me, et in tam multis subveniens necessi-
tatibus; a gravibus quoque custodiens
15 me periculis: et ab innumeris ut vere
dicam eripiens malis. Me siquidem male
amando me perdidi; et te solum quae-
rendo et pure amando me et te pariter
inveni: atque ex amore profundius ad ni-
20 hilum me redegi. Quia tu o dulcissime
facis mecum supra meritum omne: et
supra id quam audeo sperare vel rogare.
Benedictus sis Deus meus; quia licet
ego omnibus bonis sim indignus: tua
25 tamen nobilitas et infinita bonitas num-
quam cessat benefacere etiam ingratis et
longe a te aversis. Converte nos ad te,
ut simus grati humiles et devoti: quia
salus nostra tu es, virtus et fortitudo
30 nostra.

QVOD OMNIA AD DEVM SICVT AD
FINEM VLTIMVM SVNT
REFERENDA.

CAPITVLVM IX.

Illi. Ego debeo esse finis tuus su- 5
premus et ultimatus: si vere de-
sideras esse beatus. Ex hac intentione
purificabitur affectus tuus: saepius ad se
ipsum et ad creaturas male incurvatus.
Nam si te ipsum in aliquo quaeris: statim 10
in te deficis et arescis. Omnia ergo ad
me principaliter referas: quia ego sum
qui omnia dedi. Sic singula considera
sicut ex summo bono manantia: et ideo
ad me tamquam ad suam originem cuncta 15
sunt reducenda. Ex me pusillus et magnus,
pauper et dives, tamquam ex fonte vivo
aquam vivam hauriunt; et qui mihi sponte
et libere deserviunt: gratiam pro gratia
accipient. Qui autem extra me voluerit 20
gloriarı, vel in aliquo privato bono de-
lectari; non stabilietur in vero gaudio,
neque in corde suo dilatabitur: sed multi-
pliciter impediatur et angustiaabitur. Nihil
ergo tibi de bono ascribere debes: nec 25
alicui homini virtutem attribuas; sed totum
da Deo: sine quo nihil habet homo. Ego
totum dedi; ego totum rehabere volo: et
cum magna districtıone gratiarum actiones

requiro. Haec est veritas: qua fugatur gloriae vanitas. Et si intraverit caelestis gratia et vera caritas; non erit aliqua invidia, nec contractio cordis: neque privatus
5 amor occupabit. Vincit enim omnia divina caritas: et dilatat omnes animae vires. Si recte sapis in me solo gaudebis, in me solo sperabis; quia nemo bonus nisi solus Deus: qui est super omnia lau-
10 dandus et in omnibus benedicendus.

QVOD SPRETO MVNDO DVLCE EST SERVIRE DEO.

CAPITVLVM X.

NVnc iterum loquar Domine et non
15 **N**silebo; dicam in auribus Dei mei, Domini mei et Regis mei: qui est in excelso. O quam magna multitudo dulcedinis tuae Domine: quam abscondisti timentibus te. Sed quid es amantibus;
20 quid toto corde tibi servientibus? Vere ineffabilis dulcedo contemplationis tuae: quam largiris amantibus te. In hoc maxime ostendisti mihi dulcedinem caritatis tuae, quia cum non essem fecisti me: et cum
25 errarem longe a te, reduxisti me ut servirem tibi: et praecepisti ut diligam te. O fons amoris perpetui. Quid dicam de te? Quomodo potero tui oblivisci; qui mei dignatus es recordari, etiam post-

quam contabui et perii? Fecisti ultra
 omnem spem misericordiam cum servo
 tuo: et ultra omne meritum gratiam et
 amicitiam exhibuisti. Quid retribuam tibi
 pro gratia ista? Non enim omnibus datum
 est, ut omnibus abdicatis saeculo re-
 nuntient: et monasticam vitam assumant.
 Numquid magnum est ut tibi serviam;
 cui omnis creatura servire tenetur? Non
 magnum mihi videri debet servire tibi;
 sed hoc potius magnum mihi et miran-
 dum apparet: quod tam pauperem et in-
 dignum dignaris in servum recipere et
 dilectis servis tuis adunare. Ecce omnia
 tua sunt: quae habeo et unde tibi servio.
 Verumtamen vice versa tu magis mihi ser-
 vis quam ego tibi. Ecce caelum et terra quae
 in ministerium hominis creasti praesto
 sunt: et faciunt cotidie quaecumque man-
 dasti. Et hoc parum est: quin etiam angelos
 in ministerium hominis ordinasti. Tran-
 scendit autem haec omnia, quia tu ipse
 homini servire dignatus es: et te ipsum
 daturum ei promisisti. Quid dabo tibi
 pro omnibus istis milibus bonis? Vtinam
 possem tibi servire cunctis diebus vitae
 meae. Vtinam vel uno die dignum ser-
 vitium exhibere sufficerem. Vere tu es
 dignus omni servitio: omni honore et
 laude aeterna. Vere Dominus meus es,
 et ego pauper servus tuus; qui totis viri-

bus teneor tibi servire: nec umquam in laudibus tuis debeo fastidire. Sic volo sic desidero: et quidquid mihi deest, tu digneris supplere.

NOTA Magnus honor magna gloria tibi servire: et omnia propter te contemnere. Habebunt enim gratiam magnam: qui sponte se subiecerint tuae sanctissimae servituti. Invenient suavissimam Spiritus
10 sancti consolationem: qui pro amore tuo omnem carnalem abiecerint delectationem. Consequentur magnam mentis libertatem; qui artam pro nomine tuo ingrediuntur viam: et omnem mundanam neglexerint
15 curam. O grata et iucunda Dei servitus: qua homo veraciter efficitur liber et sanctus. O sacer status religiosi famulatus; qui hominem angelis reddit aequalem, Deo placabilem, daemonibus terri-
20 bilem: et cunctis fidelibus commendabilem. O amplectendum et semper optandum servitium, quo summum promeretur bonum: et gaudium acquiritur sine fine mansurum.

QVOD DESIDERIA CORDIS EXAMINANDA SVNT ET MODERANDA.
25

CAPITVLVM XI.

Illi. Oportet te adhuc multa addiscere: quae necdum bene didicisti. Quae sunt haec Domine? Vt

desiderium tuum ponas totaliter secundum beneplacitum meum; et tui ipsius amator non sis: sed meae voluntatis cupidus aemulator. Desideria te saepe accendunt et vehementer impellunt: sed 5 considera an propter honorem meum an propter tuum commodum magis movearis. Si ego sum in causa: bene contentus eris quomodocumque ordinavero. Si autem de proprio quaesito aliquid latet: ecce 10 hoc est quod te impedit et gravat. Cave ergo ne nimium innitaris super desiderio praeconcepto me non consulto; ne forte postea paeniteat aut displiceat: quod primo placuit et quasi pro meliore zelasti. Non 15 enim omnis affectio quae videtur bona statim est sequenda: sed neque omnis contraria affectio ad primum fugienda. Expedit interdum refrenatione uti etiam in bonis studiis et desideriiis: ne per im- 20 portunitatem mentis distractionem incurras; ne aliis per indisciplinationem scandalum generes: vel etiam per resistantiam aliorum subito turberis et corruas. Interdum vero oportet violentia uti et viriliter 25 appetitui sensitivo contraire; nec advertere quid velit caro et quid non velit: sed hoc magis satagere, ut subiecta sit etiam nolens spiritui. Et tamdiu castigari debet et cogi servituti subesse, donec parata sit 30 ad omnia; paucisque contentari discat et



simplicibus delectari: nec contra aliquod
inconueniens mussitare.

DE INFORMATIONE PATIENTIAE
ET LVCTAMINE ADVERSVS
5 CONCVPISCENTIAS.

CAPITVLVM XII.

Domine Deus ut video, patientia est
mihi valde necessaria: multa enim
in hac vita accidunt contraria. Nam
10 qualitercumque ordinauero de pace mea:
non potest esse sine bello et dolore vita
mea. Ita est fili. Sed volo te non talem
quaerere pacem quae temptationibus careat
aut contraria non sentiat; sed tunc etiam
15 aestimare te pacem inuenisse: cum fueris
variis tribulationibus exercitatus, et in
multis contrarietatibus probatus. Si dixeris
te non posse multa pati; quomodo tunc
sustinebis ignem purgatorii? De duobus
20 malis minus est semper eligendum. Vt
ergo aeterna futura supplicia possis eva-
dere: mala praesentia studeas pro Deo
aequanimiter tolerare. An putas quod
homines saeculi huius nihil vel parum
25 patiantur? Nec hoc inuenies: etiam si
delicatissimos quaesieris. Sed habent in-
quis multas delectationes et proprias se-
quuntur voluntates: ideoque parum pon-
derant suas tribulationes. Esto ita sit:

ut habeant quidquid voluerint. Sed quam-
 diu putas durabit? Ecce quemadmodum
 fumus deficient abundantes in saeculo:
 et nulla erit recordatio praeteritorum gau-
 diorum. Sed et cum adhuc vivunt: non 5
 sine amaritudine et taedio ac timore in
 eis quiescunt. Ex eadem namque re unde
 sibi delectationem concipiunt: inde doloris
 poenam frequenter recipiunt. Iuste illis fit,
 ut quia inordinate delectationes quaerunt 10
 et sequuntur: non sine confusione et
 amaritudine eas expleant. O quam breves,
 quam falsae: quam inordinatae et turpes
 omnes sunt. Verumtamen prae ebrietate
 et caecitate non intellegunt: sed velut 15
 muta animalia propter modicum corrupti-
 bilis vitae delectamentum mortem animae
 incurrunt. Tu ergo fili post concupiscentias
 tuas non eas: et a voluntate tua avertere.
 Delectare in Domino: et dabit tibi peti- 20
 tiones cordis tui. Etenim si veraciter vis
 delectari et abundantius a me consolari;
 ecce in contemptu omnium mundanorum
 et in abscissione omnium infimarum de-
 lectationum erit benedictio tua: et copiosa 25
 tibi reddetur consolatio. Et quanto te
 plus ab omni creaturarum solacio sub-
 traxeris: tanto in me suaviores et poten-
 tiores consolationes invenies. Sed primo
 non sine quadam tristitia et labore cer- 30
 taminis ad has pertinges. Obsistet inolita

consuetudo: sed meliori consuetudine devincetur. Remurmurabit caro: sed fervore spiritus frenabitur. Instigabit et exacerbabit te serpens antiquus; sed oratione fugabitur: insuper et labore utilitatis ei magnus obstruetur.

DE OBOEDIENTIA HUMILIS SUBDITI AD EXEMPLUM IESU CHRISTI.

CAPITVLVM XIII.

10 **I**lli. Qui se subtrahere nititur ab oboedientia: ipse se subtrahit a gratia. Et qui quaerit habere privata: amittit communia. Qui non libenter et sponte suo superiori se subdit; signum
15 est quod caro sua necdum perfecte sibi oboedit: sed saepe recalcitrat et remurmurat. Disce ergo celeriter superiori tuo te submittere: si carnem propriam optas subiugare. Citius namque exterior vincitur inimicus: si interior homo non fuerit
20 devastatus. Non est molestior et peior animae hostis: quam tu ipse tibi, non bene concordans spiritui. Oportet omnino verum te assumere tui ipsius contemptum: si vis praevalere adversus carnem et sanguinem. Quia adhuc nimis inordinate te diligis: ideo plene te resignare aliorum voluntati trepidas. Sed quid magnum, si tu qui pulvis es et nihil,

propter Deum te homini subdis; quando ego omnipotens et altissimus qui cuncta creavi ex nihilo me homini propter te humiliter subieci? Factus sum omnium humillimus et infimus: ut tuam superbiam 5 mea humilitate vinceret. Disce obtemperare pulvis; disce te humiliare terra et limus: et sub omnium pedibus incurvare. Disce voluntates tuas frangere: et ad omnem subiectionem te dare. Ex- 10 ardesce contra te, nec patiaris tumorem in te vivere; sed ita subiectum et parvulum te exhibe: ut omnes super te ambulare possint, et sicut lutum platearum conculcare. Quid habes homo inanis con- 15 queri: quid sordide peccator potes contradicere exprobrantibus tibi; qui totiens Deum offendisti, et infernum multotiens meruisti? Sed pepercit tibi oculus meus; quia pretiosa fuit anima tua in conspectu 20 meo: ut cognosceres dilectionem meam et gratus semper beneficiis meis existeres; et ut ad veram subiectionem et humilitatem te iugiter dares: patienterque proprium contemptum ferres. 25





DE OCCVLTIS DEI IVDICIIS CON-
SIDERANDIS: NE EXTOLLAMVR
IN BONIS.

CAPITVLVM XIII.

5 **I**ntonas super me iudicia tua Do-
mine; et timore ac tremore con-
cutis omnia ossa mea: et expavescit anima
mea valde. Sto attonitus et considero:
quia caeli non sunt mundi in conspectu
10 tuo. Si in angelis repperisti pravitatem
nec tamen pepercisti; quid fiet de me?
Ceciderunt stellae de caelo; et ego pulvis
quid praesumo? Quorum opera vide-
bantur laudabilia ceciderunt ad infima;
15 et qui comedebant panem angelorum:
vidi siliquis delectari porcorum. Nulla
est ergo sanctitas si manum tuam Do-
mine subtrahas: nulla prodest sapientia,
si gubernare desistas; nulla iuvat forti-
20 tudo, si conservare desinas: nulla segura
castitas, si eam non protegas; nulla propria
prodest custodia: si non assit tua sacra
vigilantia. Nam relictī mergimur et per-
imus: visitati vero erigimur et vivimus.
25 Instabiles quippe sumus sed per te con-
firmamur: tepescimus, sed a te accendi-
mur. O quam humiliter et abiecte mihi
de me ipso sentiendum est: quam nihili
pendendum si quid boni videar habere.
30 O quam profunde submittere me debeo

sub abyssalibus iudiciis tuis Domine: ubi nihil aliud me esse invenio, quam nihil et nihil. O pondus immensum; o pelagus intransnatabile: ubi nihil de me reperio quam in toto nihil. Vbi est ergo latebra⁵ gloriae; ubi confidentia de virtute concepta? Absorpta est omnis gloriatio vana, in profunditate iudiciorum tuorum super me. Quid est omnis caro in conspectu tuo? Numquid gloriabitur lutum contra¹⁰ formantem se? Quomodo potest erigi vaniloquio; cuius cor in veritate subiectum est Deo? Non eum totus mundus eriget: quem veritas sibi subiecit; nec omnium laudantium ore movebitur: qui¹⁵ totam spem suam in Deo firmavit. Nam et ipsi qui loquuntur, ecce omnes nihil; deficient enim cum sonitu verborum: veritas autem Domini manet in aeternum.


QUALITER STANDVM SIT AC 20
DICENDVM IN OMNI RE
DESIDERABILI.

CAPITVLVM XV.

Illi. Sic dicas in omni re. Domine si tibi placitum fuerit: fiat hoc²⁵ ita. Domine si fuerit honor tuus: fiat hoc in nomine tuo. Domine si mihi videris expedire et utile esse probaveris: tunc dona mihi hoc uti ad honorem tuum. Sed si mihi nocivum fore cognoveris nec³⁰

animae meae saluti prodesse: aufer a me
tale desiderium. Non enim omne de-
siderium est a Spiritu sancto: etiam si
homini videatur rectum et bonum. Dif-
5 ficile est pro vero iudicare, utrum spiritus
bonus, an alienus te impellat ad deside-
randum hoc vel illud: an etiam ex proprio
movearis spiritu. Multi in fine sunt de-
cepti: qui primo bono spiritu videbantur
10 inducti. Igitur semper cum timore Dei
et cordis humilitate desiderandum est et
petendum, quidquid desiderabile menti oc-
currit: maximeque cum propria resigna-
tione mihi totum committendum est, at-
15 que dicendum. Domine tu scis, qualiter
melius est: fiat hoc vel illud sicut volueris.
Da quod vis et quantum vis: et quando
vis. Fac mecum sicut scis, et sicut tibi
magis placuerit: et maior honor tuus
20 fuerit. Pone me ubi vis: et libere age
mecum in omnibus. In manu tua sum:
gyra et reversa me per circuitum. En
servus tuus ego, paratus ad omnia; quoniam
non desidero mihi vivere sed tibi: utinam
25 digne et perfecte.


ORATIO PRO BENEPLACITO DEI
PERFICIENDO.

 Oncede mihi benignissime Iesu gra-
tiam tuam; ut mecum sit et mecum
30 laboret: mecumque usque in finem per-

severet. Da mihi hoc semper desiderare
et velle: quod tibi magis acceptum est
et carius placet. Tua voluntas mea sit:
et mea voluntas tuam semper sequatur
et optime ei concordet. Sit mihi unum⁵
velle et nolle tecum; nec aliud posse
velle aut nolle: nisi quod tu vis et nolis.
Da mihi omnibus mori quae in mundo
sunt: et propter te amare contemni et
nesciri in hoc saeculo. Da mihi super¹⁰
omnia desiderata in te requiescere: et
cor meum in te pacificare. Tu vera pax
cordis tu sola requies: extra te dura sunt
omnia et inquieta. In hac pace, in id
ipsum: hoc est in te uno summo aeterno¹⁵
bono dormiam et requiescam. Amen.

QVOD VERVM SOLACIVM IN SOLO DEO EST QVAERENDVM.

CAPITVLVM XVI.

 Vidquid desiderare possum vel cogi-²⁰
tare ad solacium meum: non hic
expecto, sed in posterum. Quod si omnia
solacia mundi solus haberem et omni-
bus deliciis frui possem: certum est quod
diu durare non possent. Vnde non poteris²⁵
anima mea plene consolari nec perfecte
recreari: nisi in Deo consolatore pauperum
ac susceptore humilium. Expecta modi-
cum anima mea; expecta divinum pro-

missum : et habebis abundantiam omnium bonorum in caelo. Si nimis inordinate ista appetis praesentia: perdes aeterna et caelestia. Sint temporalia in usu: 5 aeterna in desiderio. Non potes aliquo bono temporali satiari: quia ad haec fruenda non es creata. Etiam si omnia creata bona haberes, non posses esse felix et beata; sed in Deo qui cuncta 10 creavit, tota beatitudo tua et felicitas consistit: non qualis videtur et laudatur a stultis mundi amatoribus; sed qualem expectant boni Christi fideles, et praegustant interdum spirituales ac mundi- 15 cordes: quorum conversatio est in caelis. Vanum est et breve omne humanum solacium. Beatum et verum solacium: quod intus a veritate percipitur. Devotus homo ubique secum fert consolatore 20 torem suum Iesum: et dicit ad eum. Adesto mihi Domine Iesu in omni loco et tempore. Haec mihi sit consolatio: libenter velle carere omni humano solacio. Et si tua defuerit consolatio: sit mihi 25 tua voluntas et iusta probatio pro summo solacio. Non enim in perpetuum irasceris: neque in aeternum comminaberis.



QVOD OMNIS SOLLICITVDO IN DEO STATVENDA SIT.

CAPITVLVM XVII.

Fili. Sine me tecum agere quod volo:
ego scio quid expedit tibi. Tu 5
cogitas sicut homo: tu sentis in multis
sicut humanus suadet affectus. Domine
verum est quod dicis. Maior est sollici-
tudo tua pro me: quam omnis cura quam
ego gerere possum pro me. Nimis enim 10
casualiter stat: qui non proicit omnem
sollicitudinem suam in te. Domine dum-
modo voluntas mea recta et firma ad te
permaneant: fac de me quidquid tibi pla-
cuerit. Non enim potest esse nisi bonum: 15
quidquid de me feceris. Si me vis esse
in tenebris sis benedictus; et si me vis
esse in luce: sis iterum benedictus. Si
me dignaris consolari sis benedictus; et
si me vis tribulari: sis aequè semper 20
benedictus. Fili, sic oportet te stare: si
mecum desideras ambulare. Ita promptus
esse debes ad patiendum: sicut ad gau-
dendum. Ita libenter debes esse inops
et pauper: sicut plenus et dives. Domine, 25
libenter patiar pro te: quidquid volueris
venire super me. Indifferenter volo de
manu tua bonum et malum dulce et ama-
rum laetum et triste suscipere: et pro



omnibus mihi contingentibus gratias agere.
Custodi me ab omni peccato: et non
timebo mortem nec infernum. Dummodo
in aeternum me non proicias, nec deleas
5 de libro vitae: non mihi nocebit quid-
quid venerit tribulationis super me.

QVOD TEMPORALES MISERIAE
EXEMPLO CHRISTI AEQVA-
NIMITER SVNT FERENDAE.

10

CAPITVLVM XVIII.

Illi. Ego descendi de caelo pro tua
salute; suscepi tuas miserias non
necessitate sed caritate trahente: ut patien-
tiam disceres, et temporales miserias non
15 indignanter ferres. Nam ab hora ortus
mei, usque ad exitum in cruce: non de-
fuit mihi tolerantia doloris. Defectum
rerum temporalium magnum habui; multas
querimonias de me frequenter audivi: con-
20 fusiones et obprobria benigne sustinui;
pro beneficiis ingratitudinem recepi: pro
miraculis blasphemias, pro doctrina re-
prehensiones. Domine, quia tu patiens
fuisti in vita tua, in hoc maxime implendo
25 praeceptum Patris tui; dignum est ut ego
misellus peccator secundum voluntatem
tuam patienter me sustineam: et donec
ipse volueris onus corruptibilis vitae pro
salute mea portem. Nam et si onerosa




sentitur praesens vita: facta est tamen iam per gratiam tuam valde meritoria, atque exemplo tuo et sanctorum tuorum vestigiis infirmis tolerabilior et clarior; sed et multo magis consolatoria quam 5 olim in lege veteri fuerat: cum porta caeli clausa persisteret, et obscurior etiam via ad caelum videbatur; quando tam pauci regnum caelorum quaerere curabant: sed neque qui tunc iusti erant et 10 salvandi ante passionem tuam et sacrae mortis debitum caeleste regnum poterant introire. O quantas tibi gratias teneor referre: quod viam rectam et bonam dignatus es mihi et cunctis fidelibus ad 15 aeternum regnum tuum ostendere. Nam vita tua via nostra: et per sanctam patientiam ambulamus ad te qui es corona nostra. Nisi tu nos praecessisses et docuisses; quis sequi curaret? Heu quanti 20 longe retroque manerent: nisi tua praecleara exempla inspicerent. Ecce adhuc tepescimus auditis tot signis tuis et doctrinis; quid fieret si tantum lumen ad sequendum te non haberemus? 25



DE TOLERANTIA INIVRIARVM ET QVIS VERVS PATIENS PROBETVR.

CAPITVLVM XIX.


Vid est quod loqueris fili? Cessa
5  conqueri: considerata mea et alio-
rum sanctorum passione. Nondum usque
ad sanguinem restitisti. Parum est quod
tu pateris in comparatione eorum qui
tam multa passi sunt, tam fortiter temp-
10 tati, tam graviter tribulati: tam multi-
pliciter probati et exercitati. Oportet te
igitur aliorum graviora ad mentem re-
ducere: ut levius feras tua minima. Et
si tibi minima non videntur: vide ne et
15 hoc tua faciat impatientia. Sive tamen
parva sive magna sint: stude cuncta pa-
tienter sufferre. Quanto melius ad patien-
dum te disponis: tanto sapientius agis et
amplius promereris; feres quoque levius:
20 animo et usu ad hoc non segniter paratis.
Nec dicas, non valeo haec ab homine
tali pati; nec huiuscemodi mihi patienda
sunt, grave enim intulit damnum, et im-
properat mihi quae numquam cogita-
25 veram: sed ab alio libenter patiar, et
sicut patienda videro. Insipiens est talis
cogitatio, quae virtutem patientiae non
considerat, nec a quo coronanda erit:
sed magis personas et offensas sibi illatas

perpendit. Non est verus patiens qui pati non vult nisi quantum sibi visum fuerit: et a quo sibi placuerit. Verus autem patiens non attendit a quo homine utrum a praelato suo, an ab aliquo aequali 5 aut inferiori: utrum a bono et sancto viro vel a perverso et indigno exerceatur; sed indifferenter ab omni creatura quantumcumque et quotienscumque ei aliquid adversi acciderit, totum hoc de manu Dei 10 gratanter accipit et ingens lucrum reputat: quia nil apud Deum quamlibet parvum pro Deo tamen passum poterit sine merito transire. Esto itaque expeditus ad pugnam: si vis habere victoriam. Sine 15 certamine, non potes venire ad patientiae coronam. Si pati non vis: recusas coronari. Si autem coronari desideras: certa viriliter, sustine patienter. Sine labore non tenditur ad requiem: nec sine pugna 20 pervenitur ad victoriam. Fiat Domine mihi possibile per gratiam: quod mihi impossibile videtur per naturam. Tu scis quod modicum possum pati: et quod cito deicior levi exurgente adversitate. Ef- 25 ficiatur mihi quaelibet exercitatio tribulationis pro nomine tuo amabilis et optabilis: nam pati et vexari pro te, valde salubre est animae meae.



DE CONFESSIONE PROPRIAE
INFIRMITATIS ET HVIVS
VITAE MISERIIS.

CAPITVLVM XX.

5  onfitebor adversum me iniustitiam
meam: confitebor tibi Domine in-
firmitatem meam. Saepe parva res est:
quae me deicit et contristat. Propono
me fortiter acturum; sed cum modica
10 temptatio venerit: magna mihi angustia
fit. Valde vilis quandoque res est: unde
gravis temptatio provenit. Et dum puto
me aliquantulum tutum cum non sentio:
invenio me nonnumquam paene devictum
15 ex levi flatu. Vide ergo Domine humili-
tatem meam et fragilitatem tibi undique
notam; miserere et eripe me de luto ut
non infigar: ne permaneam deiectus usque-
quaque. Hoc est quod me frequenter
20 reverberat et coram te confundit: quod
tam labilis sum et infirmus ad resisten-
dum passionibus. Et si non omnino ad
consensionem; tamen mihi etiam molesta
et gravis est earum insectatio: et taedet
25 valde sic cotidie vivere in lite. Ex hinc
nota mihi fit infirmitas mea: quia multo
facilius irruunt abominandae semper phan-
tasiae quam discedunt. Vtinam fortissime
Deus Israel zelator animarum fidelium

respicias servi tui laborem et dolorem: assistasque illi in omnibus ad quaecumque perrexerit. Robora me caelesti fortitudine; ne vetus homo misera caro spiritui necdum plene subacta praevaleat⁵ dominari: adversus quam certare oportebit, quamdiu spiratur in hac vita miserima. Heu qualis est haec vita; ubi non desunt tribulationes et miseriae, ubi plena laqueis et hostibus sunt omnia?¹⁰ Nam una tribulatione seu temptatione recedente alia accedit; sed et priore adhuc durante conflictu: alii plures superveniunt et insperate. Et quomodo potest amari vita tantas habens amaritudines;¹⁵ tot subiecta calamitatibus et miseriis? Quomodo etiam dicitur vita; tot generans mortes et pestes? Et tamen amatur: et delectari in ea a multis quaeritur. Reprehenditur frequenter mundus quod fallax²⁰ sit et vanus; nec tamen facile relinquitur: quia concupiscentiae carnis nimis dominantur. Sed alia trahunt ad amandum: alia ad contemnendum. Trahunt ad amorem mundi, desiderium carnis, desiderium²⁵ oculorum et superbia vitae: sed poenae ac miseriae iuste sequentes ea, odium mundi pariunt et taedium. Sed vincit pro dolor delectatio prava mentem mundo deditam; et esse sub sentibus delicias³⁰ reputat: quia Dei suavitatem et internam

virtutis amoenitatem nec vidit nec gustavit. Qui autem mundum perfecte contemnunt, et Deo vivere sub sancta disciplina student; isti divinam dulcedinem
5 veris abrenuntiatoribus promissam non ignorant: et quam graviter mundus errat et varie fallitur, clarius vident.

QVOD IN DEO SVPER OMNIA BONA
ET DONA REQVIESCENDVM EST.

10

CAPITVLVM XXI.

SVper omnia et in omnibus requiesces
anima mea in Domino semper:
quia ipse sanctorum aeterna requies. Da
mihi dulcissime et amantissime Iesu in
15 te super omnem creaturam requiescere;
super omnem salutem et pulchritudinem,
super omnem gloriam et honorem: super
omnem potentiam et dignitatem, super
omnem scientiam et subtilitatem; super
20 omnes divitias et artes, super omnem
laetitiam et exultationem: super omnem
famam et laudem, super omnem suavi-
tatem et consolationem; super omnem
spem et promissionem, super omne meri-
25 tum et desiderium: super omnia dona et
munera quae potes dare et infundere;
super omne gaudium et iubilationem,
quam potest mens capere et sentire:
denique super angelos et archangelos et

super omnem exercitum caeli; super omnia
 visibilia et invisibilia: et super omne
 quod tu Deus meus non es. Quia tu
 Domine Deus meus super omnia optimus
 es: tu solus altissimus tu solus poten- 5
 tissimus; tu solus sufficientissimus, et
 plenissimus: tu solus suavissimus et so-
 laciosissimus, tu solus pulcherrimus et
 amantissimus; tu solus nobilissimus et
 gloriosissimus super omnia: in quo cuncta 10
 bona simul et perfecte sunt et semper
 fuerunt et erunt; atque ideo minus est
 et insufficiens quidquid praeter te ipsum
 mihi donas: aut de te ipso revelas vel
 promittis te non viso nec plene adepto. 15
 Quoniam quidem non potest cor meum
 veraciter requiescere nec totaliter con-
 tentari, nisi in te requiescat: et omnia
 dona, omnemque creaturam transcendat.

O mi dilectissime sponse Iesu Christe 20
 amator purissime dominator universae
 creaturae; quis mihi det pennas verae
 libertatis ad volandum et pausandum in
 te? O quando ad plenum dabitur mihi
 vacare et videre quam suavis es Domine 25
 Deus meus? Quando ad plenum me
 recolligam in te: ut prae amore tuo non
 sentiam me, sed te solum supra omnem
 sensum et modum: in modo non omnibus
 noto. Nunc autem frequenter gemo: 30
 et infelicitatem meam cum dolore porto.



Quia multa mala in hac valle miseriarum
occurrunt quae me saepius conturbant
contristant et obnubilant; saepius im-
pediunt et distrahunt, alliciunt et im-
5 plicant: ne liberum habeam accessum
ad te, et ne iucundis fruam amplexibus
praesto semper beatis spiritibus. Moveat
te suspirium meum et desolatio multiplex
in terra: o Iesu splendor aeternae gloriae,
10 solamen peregrinantis animae. Apud te
est os meum sine voce: et silentium
meum loquitur tibi. Vsquequo tardat
venire Dominus meus? Veniat ad me
pauperculum suum: et laetum faciat.
15 Mittat manum suam: et miserum eripiat
de omni angustia. Veni veni: quia sine
te nulla erit laeta dies aut hora: quia
tu laetitia mea et sine te vacua est mensa
mea. Miser sum et quodammodo incar-
20 ceratus et compedibus gravatus; donec
luce praesentiae tuae me reficias ac liber-
tati dones: vultumque amicabilem de-
monstres. Quaerant alii pro te aliud
quodcumque libuerit; mihi aliud interim
25 nil placet nec placebit: nisi tu Deus meus
spes mea, salus aeterna. Non reticebo
nec deprecari cessabo; donec gratia tua
revertatur: mihique tu intus loquaris.
Ecce assum; ecce ego ad te: quia in-
30 vocasti me. Lacrimae tuae et desiderium
animae tuae: humiliatio tua et contritio

cordis inclinaverunt me et adduxerunt ad te. Et dixi. Domine vocavi te, et desideravi frui te: paratus omnia respuere propter te. Tu enim prior excitasti me: ut quaererem te. Sis ergo benedictus 5 Domine: qui fecisti hanc bonitatem cum servo tuo secundum multitudinem misericordiae tuae. Quid habet ultra dicere servus tuus coram te: nisi ut humiliet se valde ante te, memor semper propriae 10 iniquitatis et vilitatis? Non enim est similis tui: in cunctis mirabilibus caeli et terrae. Sunt opera tua bona valde; iudicia vera: et providentia tua reguntur universa. Laus ergo tibi et gloria o Patris 15 sapientia; te laudet et benedicat os meum: anima mea et cuncta creata simul.

DE RECORDATIONE MVLTIPPLICIVM BENEFICIORVM DEI.

CAPITVLVM XXII.

20



Peri Domine cor meum in lege tua: et in praeceptis tuis doce me ambulare. Da mihi intellegere voluntatem tuam; et cum magna reverentia ac diligenti consideratione beneficia tua tam in 25 generali quam in speciali memorari: ut digne tibi ex hinc valeam gratias referre. Verum scio et confiteor: nec pro minimo

puncto me posse debitas gratiarum laudes
 persolvere. Minor ego sum omnibus
 bonis mihi praestitis; et cum tuam no-
 bilitatem attendo: deficit prae magnitudine
 5 spiritus meus. Omnia quae in anima
 habemus et corpore, et quaecumque ex-
 terius vel interius naturaliter vel super-
 naturaliter possidemus tua sunt beneficia;
 et te beneficum pium ac bonum com-
 10 mendant: a quo bona cuncta accepimus.
 Et si alius plura alius pauciora accepit;
 omnia tamen tua sunt: et sine te nec
 minimum potest haberi. Ille qui maiora
 accepit non potest merito suo gloriari:
 15 neque super alios extolli, nec minori in-
 sultare; quia ille maior et melior qui
 sibi minus ascribit: et in regratiando
 humilior est atque devotior. Et qui om-
 nibus viliozem se existimat et indigno-
 20 rem se iudicat: aptior est ad percipienda
 maiora. Qui autem pauciora accepit:
 contristari non debet nec indignanter ferre,
 neque ditiori invidere; sed te potius at-
 tendere et tuam bonitatem maxime lau-
 25 dare: quod tam affluenter, tam gratis et
 libenter sine personarum acceptione tua
 munera largiris. Omnia ex te: et ideo
 in omnibus es laudandus. Tu scis quid
 unicuique donari expediat; et cur iste
 0 minus et ille amplius habeat, non nostrum
 sed tuum est hoc discernere: apud quem

singulorum definita sunt merita. Vnde Domine Deus pro magno etiam reputo beneficio non multa habere unde exterius et secundum homines laus et gloria apparet: ita ut considerata quis paupertate⁵ et vilitate personae suae non modo gravitatem aut tristitiam vel deiectionem inde concipiat; sed potius consolationem et hilaritatem magnam: quia tu Deus pauperes et humiles atque huic mundo de-¹⁰ spectos, tibi elegisti in familiares et domesticos. Testes sunt ipsi apostoli tui: quos principes super omnem terram constituisti. Fuerunt tamen sine querela conversati in mundo: tam humiles et sim-¹⁵ plices sine omni malitia et dolo; ut etiam pati contumelias gauderent pro nomine tuo: et quae mundus abhorret ipsi amplecterentur affectu magno. Nihil ergo amatorem tuum et cognitorem beneficio-²⁰ rum tuorum ita laetificare debet: sicut voluntas tua in eo et beneplacitum aeternae dispositionis tuae; de qua tantum contentari debet et consolari: ut ita libenter velit esse minimus sicut aliquis optaret²⁵ esse maximus; et ita pacificus et contentus in novissimo sicut in loco primo: atque ita libenter despicabilis et abiectus nullius quoque nominis et famae, sicut ceteris honorabilior et maior in mundo.³⁰ Nam voluntas tua et amor honoris tui

omnia excedere debet; et plus eum consolari magisque placere: quam omnia beneficia sibi data vel danda.

5 DE QVATVOR MAGNAM IMPOR-
TANTIBVS PACEM.

CAPITVLVM XXIII.

Illi, nunc docebo te viam pacis et
verae libertatis. Fac Domine quod
dicis: quia hoc mihi gratum est audire.
10 Stude fili alterius potius facere voluntatem
quam tuam. Elige semper minus quam
plus habere. Quaere semper inferiorem
locum: et omnibus subesse. Opta semper
et ora: ut voluntas Dei integre in te
15 fiat. Ecce talis homo ingreditur fines
pacis et quietis. Domine sermo tuus
iste brevis: multum in se continet per-
fectionis. Parvus est dictu: sed plenus
sensu et uber in fructu. Nam si posset
20 a me fideliter custodiri: non deberet tam
facilis in me turbatio oriri. Nam quotiens
me impacatum sentio et gravatum: ab hac
doctrina me recessisse invenio. Sed tu
qui omnia potes et animae profectum
25 semper diligis; adauge maiorem gratiam:
ut possim tuum complere sermonem, et
meam perficere salutem.

ORATIO CONTRA COGITATIONES MALAS.

Domine Deus meus ne elongeris a me: Deus meus in auxilium meum respice; quoniam insurrexerunt in me 5 variae cogitationes et timores magni: affligentes animam meam. Quomodo pertransibo illaesus? Quomodo perfringam eas? Ego inquit ante te ibo: et gloriosos terrae humiliabo. Aperiam ianuas car- 10 ceris: et arcana secretorum revelabo tibi. Fac Domine ut loqueris: et fugiant a facie tua omnes iniquae cogitationes. Haec spes et unica consolatio mea, ad te in omni tribulatione confugere; tibi con- 15 fidere, ex intimo invocare: et patienter consolationem tuam expectare.

ORATIO PRO ILLUMINATIONE MENTIS.

Glorifica me Iesu bone claritate in- 20 terni luminis: et educ de habitaculo cordis mei tenebras universas. Cohibe evagationes multas: et vim facientes elide temptationes. Pugna fortiter pro me et expugna malas bestias concupi- 25 scentias dico illecebrosas; ut fiat pax in virtute tua: et abundantia laudis tuae resonet in aula sancta hoc est in conscientia pura. Impera ventis et tem-

pestatibus; dic mari quiesce, et aquiloni
ne flaveris: et erit tranquillitas magna.
Emitte lucem tuam et veritatem ut luceant
super terram; quia terra sum inanis et
5 vacua: donec illumines me. Effunde
gratiam desuper, perfunde cor meum rore
caelesti; ministra devotionis aquas, ad
irrigandam faciem terrae: ad producen-
dum fructum bonum et optimum. Eleva
10 mentem pressam mole peccatorum: et
ad caelestia totum desiderium meum
suspende; ut gustata suavitate supernae
felicitatis: pigeat de terrenis cogitare.
Rape me et eripe ab omni creaturarum
15 indurabili consolatione: quia nulla res
creata appetitum meum valet plenarie
quietare et consolari. Iunge me tibi in-
separabili dilectionis vinculo; quoniam
tu solus sufficis amanti: et absque te
20 frivola sunt universa.

DE EVITATIONE CVRIOSAE INQVIGATIONIS SVPER ALTERIVS VITA.

CAPITVLVM XXIIII.

25 **I**lli, noli esse curiosus: nec vacuas
gerere sollicitudines. Quid hoc
vel illud ad te: tu me sequere. Quid
enim ad te utrum ille sit talis vel talis;
aut iste sic et sic agit vel loquitur? Tu

non indiges respondere pro aliis: sed pro te ipso rationem reddes. Quid ergo te implicas? Ecce ego omnes cognosco et cuncta quae sub sole fiunt video; et scio qualiter cum unoquoque sit, quid cogitet, quid velit: et ad quem finem tendat eius intentio. Mihi igitur omnia committenda sunt, tu vero serva te in bona pace: et dimitte agitantem agitare quantum voluerit. Veniet super eum quidquid fecerit vel dixerit: quia me fallere non potest. Non sit tibi curae de magni nominis umbra; non de multorum familiaritate: nec de privata hominum dilectione. Ista enim generant distractiones: et magnas in corde obscuritates. Libenter loquerer tibi verbum meum et abscondita revelarem; si adventum meum diligenter observares: et ostium cordis mihi aperires. Esto providus, et vigila in orationibus: et humilia te in omnibus.

IN QVIBVS FIRMA PAX CORDIS ET VERVS PROPECTVS CONSISTIT.

CAPITVLVM XXV.

Illi. Ego locutus sum pacem re-
linquo vobis pacem meam do vobis:
non quomodo mundus dat ego do vobis.
Pacem omnes desiderant: sed quae ad
veram pacem pertinent non omnes curant.

Pax mea cum humilibus et mansuetis i
 corde. Pax tua erit in multa patientia.
 Si me audieris et vocem meam secutus
 fueris: poteris multa pace frui. Quid
 5 igitur faciam? In omni re attende tibi
 quid facias et quid dicas; et omnem in-
 tentionem tuam ad hoc dirige, ut mihi
 soli placeas: et extra me nihil cupias vel
 quaeras; sed et de aliorum dictis vel
 10 factis nil temere iudices, nec cum rebus
 tibi non commissis te implices: et poterit
 fieri ut parum vel raro turberis. Num-
 quam autem sentire aliquam turbationem,
 nec aliquam pati cordis vel corporis mo-
 15 lestiam; non est praesentis temporis: sed
 status aeternae quietis. Non ergo aestimes
 te veram pacem invenisse si nullam sen-
 seris gravitatem; nec tunc totum esse
 bonum, si neminem pateris adversarium:
 20 nec hoc esse perfectum si cuncta fiant
 secundum tuum affectum; neque tunc
 aliquid magni te reputes, aut specialiter
 dilectum existimes: si in magna fueris
 devotione atque dulcedine; quia in istis
 25 non cognoscitur verus amator virtutis:
 nec in istis consistit profectus et per-
 fectio hominis. In quo ergo Domine?
 In offerendo te ex toto corde tuo volun-
 tati divinae; non quaerendo quae tua sunt
 30 nec in parvo nec in magno, nec in tem-
 pore nec in aeternitate; ita ut una aequali

facie in gratiarum actione permaneas,
inter prospera et contraria: omnia aequa
lance pensando. Si fueris tam fortis et
longanimus in spe, ut subtracta interiori
consolatione, etiam ad ampliora sustinenda
cor tuum praeparaveris; nec te iustifica-
veris quasi haec tantaque pati non deberes:
sed me in omnibus dispositionibus iusti-
ficaveris et sanctum laudaveris; tunc in
vera et recta via pacis ambulas: et spes
indubitata erit, quod rursus in iubilo
faciem meam sis visurus. Quod si ad
plenum tui ipsius contemptum perveneris:
scito quod tunc abundantia pacis per-
frueris secundum possibilitatem tui in-
colatus.

DE EMINENTIA LIBERAE MENTIS
QVAM SVPPLEX ORATIO MAGIS
MERETVR QVAM LECTIO.

CAPITVLVM XXVI.

20

Domine hoc opus est perfecti viri:
numquam ab intentione caelestium
animum relaxare; et inter multas curas
quasi sine cura transire, non more tor-
pentis, sed praerogativa quadam liberae
mentis: nulli creaturae inordinata af-
fectione adhaerendo.

Obsecro te piissime Deus meus prae-
serva me a curis huius vitae ne nimis

implicer; a multis necessitatibus corporis,
 ne voluptate capiar: ab universis animae
 obstaculis, ne molestiis fractus deiciar.
 Non dico ab his rebus quas toto affectu
 5 ambit vanitas mundana; sed ab his miseriis
 quae animam servi tui communi male-
 dicto mortalitatis poenaliter gravant et
 retardant: ne in libertatem spiritus quotiens
 libuerit valeat introire.

10 O Deus meus dulcedo ineffabilis; verte
 mihi in amaritudinem, omnem consolatio-
 nem carnalem ab aeternorum amore me
 abstrahentem: et ad se intuitu cuiusdam
 boni delectabilis praesentis male allicien-
 15 tem. Non me vincat Deus meus non
 vincat caro et sanguis; non me decipiat
 mundus et brevis gloria eius: non me
 supplantet diabolus et astutia illius. Da
 mihi fortitudinem resistendi; patientiam
 20 tolerandi: constantiam perseverandi. Da
 pro omnibus mundi consolationibus sua-
 vissimam spiritus tui unctionem: et pro
 carnali amore tui nominis infunde amo-
 rem. Ecce cibus potus vestis, ac cetera
 25 utensilia ad corporis sustentaculum per-
 tinentia: ferventi spiritui sunt onerosa.
 Tribue talibus fomentis temperate uti:
 non desiderio nimio implicari. Abicere
 omnia non licet: quia natura sustentanda
 30 est. Requirit autem superflua et quae
 magis delectant lex sancta prohibet: nam

alias caro adversus spiritum insolesceret. Inter haec quaeso manus tua me regat et doceat: ne quid nimium fiat.

QVOD PRIVATIVS AMOR A SVMMO
BONO MAXIME RETARDAT. 5


CAPITVLVM XXVII.

Fili. Oportet te dare totum pro toto: et nihil tui ipsius esse. Scito quod amor tui ipsius magis nocet tibi: quam aliqua res mundi. Secundum amo- 10 rem et affectum quem geris: quaelibet res plus vel minus adhaeret. Si fuerit amor tuus purus simplex et bene ordinatus: eris sine captivitate rerum. Noli concupiscere: quod non licet habere. 15 Noli habere: quod te potest impedire et libertate interiori privare. Mirum quod non ex toto fundo cordis te ipsum mihi committis cum omnibus quae desiderare potes vel habere. Quare vano maerore 20 consumeris; cur superfluis curis fatigaris? Sta ad beneplacitum meum: et nullum patieris detrimentum. Si quaeris hoc vel illud, et volueris esse ibi vel ibi propter tuum commodum et proprium 25 beneplacitum magis habendum: numquam eris in quietudine, nec liber a sollicitudine; quia in omni re reperietur aliquis defectus: et in omni loco erit qui



adversetur. Iuvat igitur non quaelibet
res adepta vel multiplicata exterius: sed
potius contempta et decisa ex corde radi-
citus. Quod non tantum de censu aeris
5 et divitiarum intellegas; sed de honoris
etiam ambitu ac vanae laudationis de-
siderio: quae omnia transeunt cum mundo.
Munit parum locus: si deest spiritus fer-
voris. Nec diu stabit pax illa quaesita
10 forinsecus: si vacat a vero fundamento
status cordis. Hoc est nisi steteris in
me: permutare te potes sed non melio-
rare. Nam occasione orta et accepta:
invenies quod fugisti et amplius.

15 ORATIO PRO PURGATIONE CORDIS
ET CAELESTI SAPIENTIA.

 Onfirma me Deus per gratiam sancti
Spiritus. Da virtutem corroborari in
interiori homine et cor meum ab omni in-
20 utili sollicitudine et angore evacuare; nec
variis desideriis trahi cuiuscumque rei
vilis aut pretiosi: sed omnia inspicere
sicut transeuntia, et me pariter cum illis
transituum; quia nihil permanens sub
25 sole: ubi omnia vanitas et afflictio spiritus.
O quam sapiens qui ita considerat. Da
mihi Domine caelestem sapientiam ut
discam te super omnia quaerere et in-
venire; super omnia sapere et diligere:

et cetera secundum ordinem sapientiae
 tuae prout sunt intellegere. Da prudenter
 declinare blandientem: et patienter ferre
 adversantem; quia haec magna sapientia,
 non moveri omni vento verborum, nec
 aurem male blandienti praebere Sirenae:
 sic enim incepta pergitur via secure.

CONTRA LINGVAS OBTRACTATORVM.

CAPITVLVM XXVIII.

10

Illi. Non aegre feras si quidam de
 te male senserint: et dixerint quod
 non libenter audias. Tu deteriora de te
 ipso sentire debes: et neminem infirmio-
 rem te credere. Si ambulas ab intra:
 non multum ponderabis volantia verba.
 Est non parva prudentia silere in tem-
 pore malo et introrsus ad me converti:
 nec humano iudicio disturbari. Non sit
 pax tua in ore hominum. Sive enim bene
 sive male interpretati fuerint: non es
 ideo alter homo. Vbi est vera pax et
 vera gloria? Nonne in me? Et qui
 non appetit hominibus placere nec timet
 displicere: multa perfruetur pace. Ex
 inordinato amore et vano timore: oritur
 omnis inquietudo cordis et distractio sen-
 suum.



QUALITER INSTANTE TRIBV-
LATIONE DEVS INVOCANDVS
EST ET BENEDICENDVS.

CAPITVLVM XXIX.

SIt nomen tuum Domine benedictum
in saecula: qui voluisti hanc temp-
tationem et tribulationem venire super
me. Non possum eam effugere; sed ne-
cesse habeo ad te confugere: ut me ad-
10 iuves et in bonum mihi convertas. Do-
mine, modo sum in tribulatione; et non
est cordi meo bene: sed multum vexor
a praesenti passione. Et nunc Pater di-
lecte quid dicam? Deprehensus sum inter
15 angustias. Salvifica me ex hora hac. Sed
propterea veni in hanc horam, ut tu clari-
ficeris: cum fuero valide humiliatus et
per te liberatus. Complacet tibi Domine
ut eruas me: nam ego pauper quid agere
20 possum; et quo ibo sine te? Da patien-
tiam Domine: etiam hac vice. Adiuva
me Deus meus: et non timebo quantum-
cumque gravatus fuero. Et nunc inter
haec quid dicam? Domine fiat voluntas
25 tua: ego bene merui tribulari et gravari.
Oportet utique ut sustineam; et utinam
patienter: donec transeat tempestas et
melius fiat. Potens est autem omnipotens
manus tua etiam hanc temptationem a me

auferre; et eius impetum mitigare ne penitus succumbam: quemadmodum et prius saepius egisti mecum Deus meus misericordia mea. Et quanto mihi difficilius: tanto tibi facilius est haec mutatio dexterarum Excelsi.

DE DIVINO PETENDO AVXILIO ET CONFIDENTIA RECUPERANDAE GRATIAE.

CAPITVLVM XXX.

10

Illi. Ego Dominus confortans in die tribulationis. Venias ad me: cum tibi non fuerit bene. Hoc est quod maxime consolationem impedit caelestem: quia tardius te convertis ad orationem. 15 Nam antequam me intente roges; multa interim solacia quaeris: et recreas te in externis. Ideoque fit ut parum omnia prosint; donec advertas quia ego sum qui eruo sperantes in me: nec est extra 20 me valens auxilium; neque utile consilium: sed neque durabile remedium. Sed iam resumpto spiritu post tempestatem, reconvalesce in luce miserationum mearum; quia prope sum dicit Dominus 25 ut restaurem universa non solum integre: sed et abundanter ac cumulate. Numquid mihi quicquam est difficile; aut ero similis dicenti et non facienti? Vbi est fides tua?

Sta firmiter, et perseveranter. Esto longanimis, et vir fortis: veniet tibi consolatio in tempore suo. Expecta me expecta: veniam et curabo te. Temptatio est quae te
5 vexat: et formido vana quae te exterret. Quid importat sollicitudo de futuris contingentibus; nisi ut tristitiam super tristitiam habeas? Sufficiat diei malitia sua. Vanum est et inutile de futuris conturbari vel
10 gratulari: quae forte numquam evenient. Sed humanum est huiusmodi imaginationibus illudi; et parvi adhuc animi signum: tam leviter trahi ad suggestionem inimici. Ipse enim non curat utrum veris an falsis
15 illudat et decipiat: utrum praesentium amore, aut futurorum formidine prosterнат. Non ergo turbetur cor tuum: neque formidet. Crede in me: et in misericordia mea habeto fiduciam. Quando tu
20 putas te elongatum a me: saepe sum propinquior. Quando tu aestimas paene totum perditum: tunc saepe maius merendi instat lucrum. Non est totum perditum: quando res accidit in contrarium. Non
25 debes iudicare secundum praesens sentire; nec sic gravitati alicui undecumque venienti inhaerere et accipere: tamquam omnis spes sit ablata emergendi. Noli putare te relictum ex toto; quamvis ad
30 tempus tibi miserim aliquam tribulationem: vel etiam optatam subtraxerim con-

solationem. Sic enim transitur ad regnum
 caelorum. Et hoc sine dubio magis ex-
 pedit tibi et ceteris servis meis ut ex-
 ercitemini adversis: quam si cuncta ad
 libitum haberetis. Ego novi cogitationes
 absconditas: quia multum expedit pro
 salute tua ut interdum sine sapore relin-
 quaris; ne forte eleveris in bono suc-
 cessu: et tibi ipsi placere velis in eo quod
 non es. Quod dedi auferre possum: et 10
 restituere cum mihi placuerit. Cum dedero
 meum est: cum retraxero tuum non tuli;
 quia meum est omne datum bonum: et
 omne donum perfectum. Si tibi admisero
 gravitatem aut quamlibet contrarietatem: 15
 ne indigneris, neque concidat cor tuum;
 ego cito sublevare possum: et omne onus
 in gaudium transmutare. Verumtamen
 iustus sum, et recommendabilis multum:
 cum sic facio tecum. Si recte sapis et 20
 in veritate aspicias: numquam debes prop-
 ter adversa tam deiecte contristari; sed
 magis gaudere et gratias agere, immo hoc
 unicum reputare gaudium: quod affligens
 te doloribus non parco tibi. Sicut dilexit 25
 me Pater, et ego vos diligo, dixi dilectis
 discipulis meis: quos utique non misi ad
 gaudia temporalia sed ad magna certa-
 mina; non ad honores, sed ad despec-
 tiones: non ad otium sed ad labores; non 30
 ad requiem: sed ad afferendum fructum

multum in patientia. Horum memento
fili mi verborum.

DE NEGLECTV OMNIS CREATVRAE VT CREATOR POSSIT INVENIRI.

5

CAPITVLVM XXXI.

Domine, bene indigeo adhuc maiori
gratia, si debeam illuc pervenire:
ubi me nemo poterit nec ulla creatura
impedire. Nam quamdiu res aliqua me
10 retinet: non possum libere ad te volare.
Cupiebat libere volare: qui dicebat. Quis
dabit mihi pennas sicut columbae; et
volabo et requiescam? Quid simplici
oculo quietius? Et quid liberius; nil
15 desiderante in terris? Oportet igitur
omnem supertransire creaturam et se
ipsum perfecte deserere: ac in excessu
mentis stare et videre te omnium con-
ditorem cum creaturis nil simile habere.
20 Et nisi quis ab omnibus creaturis fuerit
expeditus: non poterit libere intendere
divinis. Ideo enim pauci inveniuntur
contemplativi: quia pauci sciunt se a
perituris et creaturis ad plenum seque-
25 strari. Ad hoc magna requiritur gratia:
quae animam levet, et supra semet ipsam
rapiat. Et nisi homo sit in spiritu ele-
vatus et ab omnibus creaturis liberatus
ac Deo totus unitus; quidquid scit, quid-

quid etiam habet: non est magni ponderis. Diu parvus erit et infra iacebit: qui aliquid magnum aestimat nisi solum unum immensum aeternum bonum. Et quidquid Deus non est: nihil est, et pro nihilo computari debet. Est magna differentia, sapientia illuminati et devoti viri: et scientia litterati atque studiosi clerici. Multo nobilior est illa doctrina quae desursum ex divina influentia manat: quam 10 quae laboriose humano acquiritur ingenio. Plures reperiuntur contemplationem desiderare: sed quae ad eam requiruntur non student exercere. Est magnum impedimentum quia in signis et sensibilibus 15 rebus statur: et parum de perfecta mortificatione habetur. Nescio quid est, quo spiritu ducimur, et quid praetendimus qui spirituales dici videmur; quod tantum laborem et ampliolem sollicitudinem 20 pro transitoriis et vilibus rebus agimus: et de interioribus nostris vix raro plene recollectis sensibus cogitamus. Pro dolor statim post modicam recollectionem foras erumpimus: nec opera nostra districta 25 examinatione trutinamus. Vbi iacent affectus nostri non attendimus: et quam impura sint omnia non deploramus. Omnis quippe caro corruerat viam suam: et ideo sequebatur diluvium magnum. Cum 30 ergo interior affectus noster multum cor-

DE INSTABILITATE CORDIS ET DE
INTENTIONE FINALI AD DEVM
HABENDA.

CAPITVLVM XXXIII.

5 **I**lli noli credere affectui tuo qui nunc
est: cito mutabitur in aliud. Quam-
diu vixeris mutabilitati subiectus es etiam
nolens; ut modo laetus modo tristis, modo
pacatus modo turbatus: nunc devotus
10 nunc indevotus; nunc studiosus nunc ace-
diosus: nunc gravis nunc levis inveniariis.
Sed stat super haec mutabilia sapiens et
bene doctus in spiritu; non attendens quid
in se sentiat vel qua parte flet ventus in-
15 stabilitatis: sed ut tota intentio mentis
eius ad debitum et optatum proficiat finem.
Nam sic poterit unus et idem inconcussus-
que permanere: simplici intentionis oculo
per tot varios eventus ad me inpraeter-
20 misse directo. Quanto autem purior fuerit
intentionis oculus: tanto constantius inter
diversas itur procellas. Sed in multis
caligat oculus purae intentionis: respici-
tur enim cito in aliquod delectabile quod
25 occurrit: nam et raro totus liber quis in-
venitur a naevo propriae exquisitionis.
Sic Iudaei olim venerant in Bethaniam
ad Martham et Mariam, non propter Iesum
tantum: sed et ut Lazarum viderent. Mun-

dandus est ergo intentionis oculus ut sit simplex et rectus: atque ultra omnia varia media ad me dirigendus.

QVOD AMANTI SAPIT DEVS SVPER
OMNIA ET IN OMNIBVS.

5

CAPITVLVM XXXIIII.

ECce Deus meus et omnia. Quid volo amplius; et quid felicius desiderare possum? O sapidum et dulce verbum; sed amanti Verbum: non mun-¹⁰ dum nec ea quae in mundo sunt. Deus meus et omnia. Intellegenti satis dictum est: et saepe repetere iucundum est amanti. Te siquidem praesente iucunda sunt omnia: te autem absente, fastidiunt¹⁵ cuncta. Tu facis cor tranquillum et pacem magnam: laetitiamque festivam. Tu facis bene sentire de omnibus et in omnibus te laudare: nec potest aliquid sine te diu placere; sed si debet gratum esse²⁰ et bene sapere: oportet gratiam tuam adesse, et condimento tuae sapientiae condiri. Cui tu sapis, quid ei recte non sapiet? Et cui tu non sapis; quid ei ad iucunditatem esse poterit? Sed deficiunt²⁵ in sapientia tua mundi sapientes et qui carnem sapiunt: quia ibi plurima vanitas, et hic mors invenitur. Qui autem te per contemptum mundanorum et carnis morti-

ficationem sequuntur; vere sapientes esse
cognoscuntur: quia de vanitate ad veri-
tatem de carne ad spiritum transferuntur.
Istis sapit Deus; et quidquid boni in-
5 venit in creaturis: totum ad laudem
referunt sui conditoris. Dissimilis tamen
et multum dissimilis sapor creatoris et
creaturae, aeternitatis et temporis: lucis
increateae et lucis illuminatae. O lux per-
10 petua, cuncta creata transcendens lumina:
fulgura coruscationem de sublimi pene-
trantem omnia cordis mei intima. Puri-
fica laetifica, clarifica et vivifica spiritum
meum cum suis potentiis: ad inhaeren-
15 dum tibi iubilosis excessibus. O quando
veniet haec beata et desiderabilis hora;
ut tua me saties praesentia: et sis mihi
omnia in omnibus. Quamdiu hoc datum
non fuerit: nec plenum gaudium erit.
20 Adhuc pro dolor vivit in me vetus homo:
non est totus crucifixus, non est perfecte
mortuus; adhuc concupiscit fortiter contra
spiritum, bella movet intestina: nec regnum
animae patitur esse quietum. Sed tu qui
25 dominaris potestatis maris et motum
fluctuum eius mitigas: exurge adiuva me.
Dissipa gentes quae bella volunt: contere
eas in virtute tua; ostende quaeso mag-
nalia tua: et glorificetur dextera tua;
30 quia non est spes alia nec refugium mihi:
nisi in te Domine Deus meus.

QVOD NON EST SECVRITAS A TEMPTATIONE IN HAC VITA.

CAPITVLVM XXXV.

Illi. Numquam securus es in hac
vita: sed quoad vixeris semper arma
spiritualia tibi sunt necessaria. Inter
hostes versaris: et a dextris et a sinistris
impugnaris. Si ergo non uteris undique
scuto patientiae: non eris diu sine vulnere.
Insuper si non ponis cor tuum fixe in
me cum mera voluntate cuncta patiendi
propter me: non poteris ardorem istum
sustinere, nec ad palmam pertingere beato-
rum. Oportet te ergo viriliter omnia per-
transire: et potenti manu uti adversus
obiecta. Nam vincenti datur manna: et
torpenti relinquitur multa miseria.

Si quaeris in hac vita requiem; quo-
modo tunc pervenies ad aeternam requiem?
Non ponas te ad multam requiem: sed
ad magnam patientiam. Quaere veram
pacem non in terris sed in caelis; non
in hominibus nec in ceteris creaturis:
sed in Deo solo. Pro amore Dei debes
omnia libenter subire, labores scilicet et
dolores; temptationes, vexationes anxie-
tates necessitates infirmitates iniurias ob-
locutiones reprehensiones humiliationes:
confusiones correctiones et despectiones.

Haec iuvant ad virtutem; haec probant Christi tironem: haec fabricant caelestem coronam. Ego reddam mercedem aeternam pro brevi labore: et infinitam gloriam pro
5 transitoria confusione.

Putas tu quod semper habebis pro tua voluntate consolationes spirituales? Sancti mei non semper habuerunt tales; sed multas gravitates et temptationes varias:
10 magnasque desolationes. Sed patienter sustinuerunt se in omnibus; et magis confisi sunt Deo quam sibi: scientes quia non sunt condignae passionis huius temporis ad futuram gloriam promerendam.
15 Vis tu statim habere; quod multi post multas lacrimas et magnos labores vix optinuerunt? Expecta Dominum viriliter age, et confortare; noli diffidere noli discedere: sed corpus et animam expone
20 constanter pro gloria Dei. Ego reddam plenissime: ego tecum ero in omni tribulatione.

CONTRA VANA HOMINVM IVDICIA.

CAPITVLVM XXXVI.

25 **I**lli. Iacta cor tuum firmiter in Domino; et humanum ne metuas iudicium: ubi te conscientia pium reddit et insontem. Bonum est et beatum taliter pati: nec hoc erit grave humili cordi,

et Deo magis quam sibi ipsi confidenti.
 Multi multa loquuntur: et ideo parva fides
 est adhibenda. Sed et omnibus satis esse:
 non est possibile. Et si Paulus omnibus
 studuit in Domino placere, et omnibus 5
 omnia factus est: tamen etiam pro minimo
 duxit quod ab humano die iudicatus fuit.
 Egit satis pro aliorum aedificatione et
 salute quantum in se erat et poterat: sed
 ne ab aliis aliquando iudicaretur vel non 10
 despiceretur, cohibere non potuit. Ideo
 totum Deo commisit qui totum noverat:
 et patientia ac humilitate contra ora lo-
 quentium iniqua, aut etiam vana ac men-
 dosa cogitantium atque pro libitu suo quae- 15
 que iactantium se defendit. Respondit
 tamen interdum: ne infirmis ex sua taci-
 turnitate generaretur scandalum. Quis
 tu, ut timeas a mortali homine? Hodie
 est: et cras non comparet. Deum time: 20
 et hominum terrores non expavesces.
 Quid potest aliquis in te verbis aut in-
 iuriis? Sibi potius nocet quam tibi: nec
 poterit iudicium Dei effugere quicumque
 est ille. Tu habe Deum prae oculis: et 25
 noli contendere verbis querulosis. Quod
 si ad praesens tu videris succumbi, et
 confusionem pati quam non meruisti: ne
 indigneris ex hoc, neque per impatientiam
 minuas coronam tuam; sed ad me potius 30
 respice in caelum, qui potens sum eripere

ab omni confusione et iniuria: et unicuique reddere secundum opera sua.

DE PVRA ET INTEGRA RESIGNATIONE SVI AD OPTINENDAM
5 CORDIS LIBERTATEM.

CAPITVLVM XXXVII.

Illi. Relinque te: et invenies me.
Sta sine electione et omni proprietate: et lucraberis semper. Nam et
10 adicietur tibi amplior gratia: statim ut te resignaveris, nec resumpseris. Domine quotiens me resignabo; et in quibus me relinquam? Semper et omni hora: sicut in parvo sic et in magno. Nihil excipio:
15 sed in omnibus te nudatum inveniri volo. Alioquin quomodo poteris esse meus et ego tuus; nisi fueris ab omni propria voluntate intus et foris spoliatus? Quanto celerius hoc agis tanto melius habebis;
20 et quanto plenius et sincerius: tanto mihi plus placebis, et amplius lucraberis. Quidam se resignant: sed cum aliqua exceptione; non enim plene Deo confidunt: ideo sibi providere satagunt. Quidam
25 etiam primo totum offerunt; sed postea temptatione pulsati ad propria redeunt: ideo minime in virtute proficiunt. Hi ad veram puri cordis libertatem, et iucundae familiaritatis meae gratiam non pertingent,

nisi integra resignatione et cotidiana sui immolatione prius facta: sine qua non stat nec stabit unio fruitiva. Dixi tibi saepissime: et nunc iterum dico. Relinque te, resigna te: et frueris magna interna pace. Da totum pro toto, nil exquire, nil repete; sta pure et inhaesitanter in me: et habebis me. Eris liber in corde: et tenebrae non conculcabunt te. Ad hoc conare, hoc ora, hoc desidera: ut ab omni proprietate possis expoliari et nudus nudum Iesum sequi; tibi mori: et mihi aeternaliter vivere. Tunc deficient omnes vanae phantasiae: conturbationes iniquae, et curae superfluae. Tunc etiam recedet immoderatus timor: et inordinatus amor morietur.

DE BONO REGIMINE IN EXTERNIS ET RECVRSV AD DEVM IN PERICVLIS.

20

CAPITVLVM XXXVIII.

Illi. Ad istud diligenter tendere debes, ut in omni loco et actione seu occupatione externa sis intimus liber et tui ipsius potens; et sint omnia sub te et tu non sub eis: ut sis dominus actionum tuarum et rector, non servus nec empticius; sed magis exemptus verusque Hebraeus in sortem ac libertatem



transiens filiorum Dei: qui stant super praesentia et speculantur aeterna; qui transitoria sinistro intuentur oculo et dextro caelestia: quos temporalia non strahunt ad inhaerendum; sed trahunt ipsi magis ea ad bene serviendum prout ordinata sunt a Deo et instituta, a summo opifice: qui nil inordinatum in sua reliquit creatura.

- 10 Si etiam in omni eventu stas non in apparentia externa, nec oculo carnali lustras visa vel audita; sed mox in qualibet causa intras cum Moyse in tabernaculum ad consulendum Dominum; audies non-
15 numquam divinum responsum: et redies instructus de multis praesentibus et futuris. Semper enim Moyses recursum habuit ad tabernaculum pro dubiis et quaestionibus solvendis: fugitque ad orationis adiutorium pro periculis et improbitatibus
20 hominum sublevandis. Sic et tu confugere debes in cordis tui secretarium: divinum intentius implorando suffragium. Propterea namque Iosue et filii Israel
25 a Gabaonitis leguntur decepti, quia os Domini prius non interrogaverunt: sed nimium creduli dulcibus sermonibus, falsa pietate delusi sunt.



QVOD HOMO NON SIT IMPORTVNVS IN NEGOTIIS.

CAPITVLVM XXXIX.

Fili. Committe mihi semper causam
tuam: ego bene disponam in tem-⁵
pore suo. Expecta ordinationem meam:
et senties inde profectum. Domine satis
libenter tibi omnes res committo: quia
parum potest cogitatio mea proficere.
Vtinam non multum adhaererem futuris ¹⁰
eventibus: sed ad beneplacitum tuum in-
cunctanter me offerrem.

Fili. Saepe homo rem aliquam vehe-
menter agitatur quam desiderat: sed cum
ad eam pervenerit, aliter sentire incipit; ¹⁵
quia affectiones circa idem non sunt
durabiles: sed magis de uno ad aliud
impellunt. Non est ergo minimum etiam
in minimis se ipsum relinquere. Verus
profectus hominis: est abnegatio sui ipsius. ²⁰
Et homo abnegatus: valde liber est et
securus. Sed antiquus hostis omnibus
bonis adversans a temptatione non cessat;
sed die noctuque graves molitur insidias:
si forte in laqueum deceptionis possit ²⁵
praecipitare incautum. Vigilate et orate
dicit Dominus: ut non intretis in temp-
tationem.



QVOD HOMO NIHIL BONI EX SE
HABET, ET DE NVLLO GLORIARI
POTEST.

CAPITVLVM XL.

5 **D**omine quid est homo quod memor
 es eius; aut filius hominis quia
 visitas eum? Quid promeruit homo; ut
 dares illi gratiam tuam? Domine quid
 possum conqueri si me deseris; aut quid
 10 iuste obtendere possum si quod peto non
 feceris? Certe hoc in veritate cogitare
 possum et dicere. Domine nihil sum,
 nihil possum; nihil boni ex me habeo:
 sed in omnibus deficio, et ad nihil semper
 15 tendo. Et nisi a te fuero adiutus et in-
 terius informatus: totus efficior tepidus
 et dissolutus. Tu autem Domine semper
 idem ipse es et permanes in aeternum
 semper bonus iustus et sanctus: bene
 20 iuste ac sancte agens omnia et disponens
 in sapientia; sed ego qui ad defectum
 sum magis pronus quam ad profectum,
 non sum semper in uno statu perdurans:
 quia septem tempora mutantur super me.
 25 Verumtamen cito melius fit cum tibi
 placuerit et manum porrexeris adiutricem:
 quia tu solus sine humano suffragio poteris
 auxiliari, et in tantum confirmare; ut
 vultus meus amplius in diversa non mu-

tetur: sed in te uno cor meum convertatur et quiescat. Vnde si bene scirem omnem humanam consolationem abicere, sive propter devotionem adipiscendam: sive propter necessitatem qua compellor te⁵ quaerere, quia non est homo qui me consoletur; tunc possem merito de gratia tua sperare: et de dono novae consolationis exultare.

Gratias tibi unde totum venit: quotiens-¹⁰ cumque mihi bene succedit. Ego autem vanitas et nihilum ante te: inconstans homo et infirmus. Vnde ergo possum gloriari; aut cur appeto reputari? Numquid de nihilo? Et hoc vanissimum est.¹⁵ Vere inanis gloria mala pestis vanitas maxima; quia a vera trahit gloria: et caelesti spoliatur gratia. Dum enim homo complacet sibi displicet tibi: dum inhiat laudibus humanis privatur veris virtutibus.²⁰ Est autem vera gloria et exultatio sancta, gloriari in te et non in se: gaudere in nomine tuo non in propria virtute: nec in aliqua creatura delectari nisi propter te. Laudetur nomen tuum non meum:²⁵ magnificetur opus tuum non meum; benedicatur nomen sanctum tuum: nihil mihi autem attribatur de laudibus hominum. Tu gloria mea tu exultatio cordis mei; in te gloriabor et exultabo tota die: pro³⁰ me autem nihil nisi in infirmitatibus meis.

Quaerant Iudaei gloriam quae ab invicem
est: ego hanc requiram quae a solo Deo
est. Omnis quidem gloria humana, omnis
honor temporalis, omnis altitudo mundana,
5 aeternae gloriae tuae comparata: vanitas
est et stultitia. O veritas mea et miseri-
cordia mea Deus meus Trinitas beata;
tibi soli laus honor virtus gloria: per
infinita saeculorum saecula.

10 DE CONTEMPTV OMNIS
TEMPORALIS HONORIS.

CAPITVLVM XLI.

Illi. Noli tibi attrahere, si videas
alios honorari et elevari: te autem
15 despici et humiliari. Erige cor tuum ad
me in caelum: et non contristabit te con-
temptus hominum in terris. Domine in
caecitate sumus: et vanitate cito seduci-
mur. Si recte me inspicio; numquam
20 mihi facta est iniuria ab aliqua creatura:
unde nec iuste habeo conqueri adversum
te. Quia autem frequenter et graviter
peccavi tibi: merito armatur contra me
omnis creatura. Mihi igitur iuste debetur
25 confusio et contemptus: tibi autem laus
honor et gloria. Et nisi me ad hoc prae-
paravero quod velim libenter ab omni
creatura despici et relinqui, atque penitus
nihil videri; non possum interius paci-

ficari et stabiliri: nec spiritualiter illuminari neque plene tibi uniri.

QVOD PAX NON EST PONENDA IN HOMINIBVS.

CAPITVLVM XLII.

5

Hlli. Si ponis pacem tuam cum aliqua persona propter tuum sentire et convivere: instabilis eris et implicatus. Sed si recursum habes ad semper viventem et manentem veritatem: non contristabit amicus recedens aut moriens. In me debet amici dilectio stare; et propter me diligendus est quisquis tibi bonus visus est: et multum carus in hac vita. Sine me non valet nec durabit amicitia; 15 nec est vera et munda dilectio: quam ego non copulo. Ita mortuus debes esse talibus affectionibus dilectorum hominum: ut quantum ad te pertinet sine omni humano optares esse consortio. Tanto 20 homo Deo magis appropinquat: quanto ab omni solacio terreno longius recedit. Tanto etiam altius ad Deum ascendit: quanto profundius in se descendit et plus sibi ipsi vilescit. Qui autem sibi aliquid 25 boni attribuit; gratiam Dei in se venire impedit: quia gratia Spiritus sancti cor humile semper quaerit. Si scires te perfecte adnihilare atque ab omni creato



amore evacuare: tunc deberem in te cum magna gratia emanare. Quando tu respicis ad creaturas: subtrahitur tibi aspectus Creatoris. Disce te in omnibus propter
5 Creatorem vincere: tunc ad divinam valebis cognitionem pertingere. Quantumcumque modicum sit si inordinate diligitur et respicitur: retardat a summo et vitiat.

10
CONTRA VANAM ET SAECVLAREM
SCIENTIAM.

CAPITVLVM XLIII.

Hlli. Non te moveant pulchra et subtilia hominum dicta. Non enim est regnum Dei in sermone: sed in vir-
15 tute. Attende verba mea quae corda accendunt et mentes illuminant: inducunt compunctionem et variam ingerunt consolationem. Numquam ad hoc legas verbum: ut doctior aut sapientior possis
20 videri. Stude mortificationi vitiorum: quia hoc amplius tibi proderit quam notitia multarum difficilium quaestionum. Cum multa legeris et cognoveris: ad unum semper oportet redire principium. Ego
25 sum, qui doceo hominem scientiam; et clariorem intellegentiam parvulis tribuo: quam ab homine possit doceri. Cui ego loquor cito sapiens erit: et multum in spiritu proficiet. Vae eis qui multa curiosa

ab hominibus inquirunt: et de via mihi
 serviendi parum curant. Veniet tempus
 quando apparebit magister magistrorum
 Christus dominus angelorum, cunctorum
 auditurus lectiones: hoc est singulorum ⁵
 examinaturus conscientias; et tunc scru-
 tabitur Ierusalem in lucernis: et mani-
 festa erunt abscondita tenebrarum, ta-
 cebuntque argumenta linguarum. Ego sum
 qui humilem in puncto elevo mentem; ¹⁰
 ut plures aeternae veritatis capiat rationes:
 quam si quis decem annis studuisset in
 scholis. Ego doceo sine strepitu verborum,
 sine confusione opinionum: sine fastu
 honoris, sine pugnatione argumentorum. ¹⁵
 Ego sum qui doceo terrena despicere
 praesentia fastidire; aeterna quaerere,
 aeterna sapere: honores fugere, scandala
 sufferre; omnem spem in me ponere,
 extra me nil cupere: et super omnia me ²⁰
 ardentem amare. Nam quidam amando
 me intime, didicit divina: et loquebatur
 mirabilia. Plus profecit in relinquendo
 omnia: quam in studendo subtilia. Sed
 aliis loquor communia aliis specialia; ²⁵
 aliquibus in signis et figuris dulciter
 appareo: quibusdam vero in multo lu-
 mine revelo mysteria. Vna vox libro-
 rum sed non omnes aequae informat;
 quia intus sum doctor veritas scrutator ³⁰
 cordis cogitationum intellectus, actionum



promotor: distribuens singulis sicut dignum iudicavero.

DE NON ATTRAHENDO SIBI RES EXTERIORES.

5

CAPITVLVM XLIIII.

Illi. In multis oportet te esse inscium; et aestimare te tamquam mortuum super terram: et cui totus mundus crucifixus sit. Multa etiam oportet surda aure
10 pertransire: et quae tuae pacis sunt magis cogitare. Vtilius est oculos a rebus displicentibus avertere; et unicuique suum sentire relinquere: quam contentiosis sermonibus deservire. Si bene steteris cum
15 Deo, et eius iudicium aspexeris: facilius te victum portabis.

O Domine quousque venimus? Ecce damnum defletur temporale, pro modico quaestu laboratur et curritur: et spiri-
20 tuale detrimentum in oblivionem transit, et vix sero reditur. Quod parum vel nihil prodest attenditur; et quod summe necessarium est neglegenter praeteritur: quia totus homo ad externa defluit. Et
25 nisi cito resipiscat: libens in exterioribus iacet.



QVOD OMNIBVS NON EST
CREDENDVM, ET DE FACILI
LAPSV VERBORVM.

CAPITVLVM XLV.

DA mihi auxilium Domine de tribu-⁵
latione: quia vana salus hominis.
Quam saepe ibi non inveni fidem: ubi
me habere putavi. Quotiens etiam ibi
repperi: ubi minus praesumpsi. Vana
ergo spes in hominibus: salus autem ¹⁰
iustorum in te Deus. Benedictus sis
Domine Deus meus, in omnibus quae
accidunt nobis. Infirmi sumus et insta-
biles: cito fallimur et permutamur. Quis
est homo, qui ita caute et circumspecte ¹⁵
in omnibus se custodire valet; ut ali-
quando in aliquam deceptionem vel per-
plexitatem non veniat? Sed qui in te
Domine confidit, ac simplici ex corde
quaerit: non tam facile labitur. Et si in-²⁰
ciderit aliquam tribulationem; quocumque
modo fuerit etiam implicatus, citius per
te eruetur, aut a te consolabitur: quia
tu non deseres in te sperantem usque
in finem. Rarus fidus amicus, in cunctis ²⁵
amici perseverans pressuris. Tu Domine,
tu solus es fidelissimus in omnibus: et
praeter te non est alter talis.

O quam bene sapuit sancta illa anima,
quae dixit. Mens mea solidata est: et in ³⁰



Christo fundata. Si ita mecum foret:
non tam facile timor humanus me sollici-
taret, nec verborum iacula moverent.
Quis omnia praevidere; quis praecavere
5 futura mala sufficit? Si praevisa saepe
etiam laedunt; quid improvisa nisi gra-
viter feriunt? Sed quare mihi misero
non melius providi? Cur etiam tam
facile aliis credidi? Sed homines sumus,
10 nec aliud quam fragiles homines sumus:
etiam si angeli a multis aestimamur et
dicimur. Cui credam Domine? Cui nisi
tibi? Veritas es quae non fallis, nec
falli potes. Et rursum omnis homo men-
15 dax, infirmus, instabilis, et labilis maxime
in verbis; ita ut statim vix credi debeat:
quod rectum in facie sonare videtur.
Quam prudenter praemonuisti cavendum
ab hominibus; et quia inimici hominis
20 domestici eius: nec credendum si quis
dixerit ecce hic aut ecce illic. Doctus
sum damno meo: et utinam ad cautelam
maiores et non ad insipientiam mihi.
Cautus esto ait quidam cautus esto: serva
25 apud te quod dico. Et dum ego sileo et
absconditum credo; nec ille silere potest
quod silendum petiit: sed statim prodit
me et se et abiit. Ab huiusmodi fabulis
et incautis hominibus protege me Domine
30 ne in manus eorum incidam: nec um-
quam talia committam. Verbum verum

et stabile da in os meum: et linguam callidam fac a me. Quod pati nolo: omnimode cavere debeo.

O quam bonum et pacificum, de aliis silere; nec indifferenter omnia credere,⁵ neque de facili ulterius effari: paucis se ipsum revelare; te semper inspectorem cordis quaerere, nec omni vento verborum circumferri: sed omnia intima et externa secundum placitum tuae volun-¹⁰tatis optare perfici. Quam tutum pro conservatione caelestis gratiae humanam fugere apparentiam; nec appetere quae foris admirationem videntur praebere: sed ea tota sedulitate sectari quae vitae¹⁵ emendationem dant et fervorem. Quam multis nocuit virtus scita ac praepropere laudata; quam sane profuit gratia silentio servata in hac fragili vita: quae tota temptatio fertur et militia.

20

DE CONFIDENTIA IN DEO HABENDA QVANDO INSVRGVNT VERBORVM IACVLA.

CAPITVLVM XLVI.

Illi. Sta firmiter et spera in me.²⁵
Quid enim sunt verba nisi verba?
Per aerem volant: sed lapidem non laedunt. Si reus es: cogita quod libenter emendare te velis. Si nihil tibi conscius

es: pensa quod velis libenter pro Deo
 hoc sustinere. Parum satis est ut verba
 verba interdum sustineas: qui necdum
 fortia verbera tolerare vales. Et quare
 5 tam parva tibi ad cor transeunt; nisi quia
 adhuc carnalis es, et homines magis quam
 oportet attendis? Nam quia despici me-
 tuis reprehendi pro excessibus non vis:
 et excusationum umbracula quaeris. Sed
 10 inspice te melius, et agnosces quia vivit
 adhuc in te mundus: et vanus amor pla-
 cendi hominibus. Cum enim bassari re-
 fugis et confundi pro defectibus; constat
 utique quod nec verus humilis sis: nec
 15 vere mundo mortuus, nec mundus tibi
 crucifixus. Sed audi verbum meum: et
 non curabis decem milia verba hominum.
 Ecce si cuncta contra te dicerentur quae
 fingi malitiosissime possent; quid tibi
 20 nocerent, si omnino transire permetteres,
 nec plus quam festucam perpenderes?
 Numquid vel unum capillum tibi ex-
 trahere possent? Sed qui cor intus non
 habet nec Deum prae oculis: faciliter
 25 verbo movetur vituperationis. Qui autem
 in me confidit nec proprio iudicio stare
 appetit: absque humano terrore erit. Ego
 enim sum iudex et cognitor omnium secre-
 torum; ego scio qualiter res acta est:
 30 ego iniuriantem novi et sustinentem. A
 me exiit verbum istud; me permittente

hoc accidit: ut revelentur ex multis cor-
dibus cogitationes. Ego reum et inno-
centem iudicabo: sed occulto iudicio
utrumque ante probare volui. Testi-
monium hominum saepe fallit; meum⁵
iudicium verum est: stabit et non sub-
vertetur. Latet plerumque et paucis ad
singula patet; numquam tamen errat nec
errare potest: etiam si oculis insipientium
non rectum videatur. Ad me ergo cur-¹⁰
rendum est in omni iudicio: nec proprio
innitendum arbitrio. Iustus enim non
conturbabitur: quidquid a Deo ei acci-
derit. Etiam si iniuste aliquid contra
eum prolatus fuerit: non multum curabit.¹⁵
Sed nec vane exultabit: si per alios
rationabiliter excusetur. Pensat namque
quia ego sum scrutans corda et renes:
qui non iudico secundum faciem et hu-
manam apparentiam. Nam saepe in oculis²⁰
meis reperitur culpabile: quod hominum
iudicio creditur laudabile. Domine Deus
iudex iuste fortis et patiens, qui homi-
num nosti fragilitatem et pravitatem; esto
robur meum et tota fiducia mea: non²⁵
enim mihi sufficit conscientia mea. Tu
nosti quod ego non novi: et ideo in omni
reprehensione humiliare me debui et
mansuete sustinere. Ignosce quoque mihi
propitius, quotiens sic non egi: et dona³⁰
iterum gratiam amplioris sufferentiae.



Melior est enim mihi tua copiosa misericordia ad consecutionem indulgentiae: quam mea opinata iustitia pro defensione latentis conscientiae. Et si nihil mihi
5 conscius sum: tamen in hoc iustificare me non possum: quia remota misericordia tua non iustificabitur in conspectu tuo omnis vivens.

10 QVOD OMNIA GRAVIA PRO
AETERNA VITA SVNT
TOLERANDA.

CAPITVLVM XLVII.

Illi. Non te frangant labores quos
assumpsisti propter me nec tribu-
15 lationes te deiciant usquequaque: sed
mea promissio in omni eventu te roboret
et consoletur. Ego sufficiens sum ad
reddendum supra omnem modum et men-
suram. Non diu hic laborabis: nec sem-
20 per gravaberis doloribus. Expecta pau-
lisper: et videbis celerem finem malorum.
Veniet una hora: quando cessabit omnis
labor et tumultus. Modicum est et breve:
omne quod transit cum tempore. Age
25 quod agis; fideliter labora in vinea mea:
ego ero merces tua. Scribe lege canta,
geme tace ora; sustine viriliter contraria:
digna est his omnibus et maioribus proeliis
vita aeterna. Veniet pax in die una quae



nota est Domino; et erit non dies neque nox huius scilicet temporis: sed lux perpetua claritas infinita, pax firma et requies segura. Non dices tunc quis me liberabit de corpore mortis huius; neque clamabis heu mihi quia incolatus meus prolongatus est: quoniam praecipitabitur mors, et salus erit indefectiva; anxietas nulla, iucunditas beata: societas dulcis et decora.

10

O si vidisses sanctorum in caelo coronas perpetuas: quanta quoque nunc exultant gloria, qui huic mundo olim contemptibiles et quasi vita ipsa indigni putabantur; profecto te statim humiliare usque ad terram, et affectares potius omnibus subesse quam uni praeesse: nec huius vitae laetos dies concupisceres; sed magis pro Deo tribulari gauderes: et pro nihilo inter homines computari maximum lucrum duceres. O si tibi haec saperent et profunde ad cor transirent; quomodo auderes vel semel conqueri? Nonne pro vita aeterna cuncta laboriosa sunt toleranda? Non est parvum quid, perdere aut lucrari regnum Dei. Leva igitur faciem tuam in caelo; ecce ego et omnes sancti mei mecum: qui in hoc saeculo magnum habuere certamen. Modo gaudent modo consolantur; modo securi sunt modo requiescunt:



et sine fine mecum in regno Patris mei
permanebunt.

DE DIE AETERNITATIS ET HVIVS VITAE ANGVSTIIS.

5

CAPITVLVM XLVIII.



supernae civitatis mansio beatis-
sima. O dies aeternitatis clari-
sima; quam nox non obscurat: sed summa
veritas semper irradiat; dies semper laeta
10 semper segura: et numquam statum mu-
tans in contraria. O utinam dies illa
illuxisset: et cuncta haec temporalia finem
accepissent. Lucet quidem sanctis per-
petua claritate splendida: sed non nisi
15 alonge et per speculum peregrinantibus
in terra. Norunt caeli cives quam gau-
diosa sit illa: gemunt exules filii Evae
quod amara et taediosa sit ista. Dies
huius temporis parvi et mali; pleni dolo-
20 ribus et angustiis: ubi homo multis pec-
catis inquinatur, multis passionibus irre-
titur; multis timoribus stringitur, multis
curis distenditur: multis curiositatibus
distrahitur, multis vanitatibus implicatur;
25 multis erroribus circumfunditur, multis
laboribus atteritur temptationibus gra-
vatur: deliciis enervatur, egestate crucia-
tur. O quando finis horum malorum;
quando liberabor a misera servitute vitio-

rum? Quando memorabor Domine tui
 solius; quando ad plenum laetabor in te?
 Quando ero sine omni impedimento, in
 vera libertate sine omni gravamine mentis
 et corporis? Quando erit pax solida pax 5
 imperturbabilis et segura; pax intus et
 foris, pax ex omni parte firma? Iesu
 bone quando stabo ad videndum te, quando
 contemplabor gloriam regni tui; quando
 eris mihi omnia in omnibus? O quando 10
 ero tecum in regno tuo; quod praeparasti
 dilectis tuis ab aeterno? Relictus sum
 pauper et exul in terra hostili: ubi bella
 cotidiana, et infortunia maxima. Consolare
 exilium meum; mitiga dolorem meum: 15
 quia ad te suspirat omne desiderium
 meum. Nam onus mihi totum est: quid-
 quid hic mundus offert ad solacium. De-
 sidero te intime frui: sed nequeo appre-
 hendere. Opto inhaerere caelestibus: 20
 sed deprimunt res temporales et immorti-
 ficatae passionες. Mente omnibus rebus
 superesse volo: carne autem invite sub-
 esse cogor. Sic ego homo infelix mecum
 pugno; et factus sum mihi met ipsi gravis: 25
 dum spiritus sursum et caro quaerit esse
 deorsum. O quid intus patior dum mente
 caelestia tracto: et mox carnalium turba
 occurrit oranti. Deus meus ne elongeris
 a me: neque declines in ira a servo tuo. 30
 Fulgura coruscationem tuam et dissipa

eas: emitte sagittas tuas et conturbentur
 omnes phantasiae inimici. Recollige sen-
 sus meos ad te: fac me oblivisci omnium
 mundanorum: da cito abicere et con-
 5 temnere phantasmata vitiorum. Succurre
 mihi aeterna veritas: ut nulla me moveat
 vanitas; adveni caelestis suavitas: et
 fugiat a facie tua omnis impuritas. Ignosce
 quoque mihi et misericorditer indulge:
 10 quotiens praeter te aliud in oratione re-
 volvo. Confiteor etenim vere: quia valde
 distracte me habere consuevi. Nam ibi
 multotiens non sum, ubi corporaliter sto
 aut sedeo; sed ibi magis sum: quo cogi-
 15 tationibus feror. Ibi sum ubi cogitatio
 mea est: ibi est frequenter cogitatio mea,
 ubi est quod amo. Hoc mihi cito oc-
 currit: quod naturaliter delectat aut ex
 usu placet. Vnde tu veritas aperte dixisti.
 20 Vbi enim est thesaurus tuus: ibi est et cor
 tuum. Si caelum diligo: libenter de cae-
 lestibus penso. Si mundum amo; mundi
 felicitatibus congaudeo: et de adversita-
 tibus eius tristor. Si carnem diligo: quae
 25 carnis sunt saepe imaginor. Si spiritum
 amo: de spiritualibus cogitare delector.
 Quaecumque enim diligo; de his libenter
 loquor et audio: atque talium imagines
 mecum ad domum reporto. Sed beatus
 30 ille homo, qui propter te Domine omni-
 bus creaturis licentiam abeundi tribuit;

qui naturae vim facit: et concupiscentias
carnis fervore spiritus crucifigit; ut sere-
nata conscientia puram tibi orationem
offerat: dignusque sit angelicis interesse
choris, omnibus terrenis foris et intus 5
exclusis.

DE DESIDERIO AETERNAE VITAE,
ET QVANTA SINT CERTANTIBVS
BONA PROMISSA.

CAPITVLVM XLIX.

10

Fili. Cum tibi desiderium aeternae
beatitudinis desuper infundi sentis,
et de tabernaculo corporis exire concu-
piscis, ut claritatem meam sine vicissi-
tudinis umbra contemplari possis: dilata 15
cor tuum et omni desiderio hanc sanctam
inspirationem suscipe. Redde amplissi-
mas supernae bonitati gratias: quae te-
cum sic dignanter agit; clementer visitat
ardenter excitat potenter subleuat: ne 20
proprio pondere ad terrena labaris. Neque
enim hoc cogitatu tuo aut conatu accipis:
sed sola dignatione supernae gratiae et
divini respectus; quatinus in virtutibus
et maiori humilitate proficias: et ad futura 25
certamina te praepares; mihi que toto
cordis affectu adhaerere: ac ferventi
voluntate studeas deservire.

Fili. Saepe ignis ardet: sed sine fumo
flamma non ascendit. Sic et aliquorum 30



desideria ad caelestia flagrant: et tamen
a temptatione carnalis affectus liberi non
sunt. Idcirco nec omnino pure pro ho-
nore Dei agunt: quod tam desideranter
5 ab eo petunt. Tale est et tuum saepe
desiderium: quod insinuasti fore tam im-
portunum. Non enim est hoc purum et
perfectum: quod propria commoditate est
infectum. Pete non quod tibi est delec-
10 tabile et commodum; sed quod mihi est
acceptabile atque honorificum: quia si
recte iudicas, meam ordinationem tuo
desiderio et omni desiderato praeferre
debes ac sequi. Novi desiderium tuum:
15 et frequentes gemitus audiui. Iam velles
esse in libertate gloriae filiorum Dei; iam
te delectat domus aeterna et caelestis
patria gaudio plena: sed nondum venit
hora ista; sed est adhuc aliud tempus:
20 scilicet tempus belli tempus laboris et
probationis. Optas summo repleti bono:
sed non potes hoc assequi modo. Ego
sum: expecta me dicit Dominus donec
veniat regnum Dei. Probandus es adhuc
25 in terris: et in multis exercitandus. Con-
solatio tibi interdum dabitur: sed copiosa
satietas non conceditur. Confortare igitur
et esto robustus: tam in agendo quam
in patiando naturae contraria. Oportet
30 te novum induere hominem: et in alterum
virum mutari. Oportet te saepe agere

quod non vis: et quod vis oportet relin-
 quere. Quod aliis placet processum ha-
 bebit: quod tibi placet ultra non proficiet.
 Quod alii dicunt audietur: quod tu dicis
 pro nihilo computabitur. Petent alii et
 accipient: tu petes nec impetrabis. Erunt
 alii magni in ore hominum: de te autem
 tacebitur. Aliis hoc vel illud committetur:
 tu autem ad nihil utile iudicaberis. Prop-
 ter hoc natura quandoque contristabitur: 10
 et magnum si silens portaveris. In his
 et similibus multis probari solet fidelis
 Domini servus: qualiter se abnegare et
 in omnibus frangere quiverit. Vix est
 aliquid tale in quo tantundem mori in- 15
 diges sicut videre et pati quae voluntati
 tuae adversa sunt: maxime autem cum
 disconvenientia et quae minus utilia tibi
 apparent fieri iubentur. Et quia non audes
 resistere altiori potestati sub dominio con- 20
 stitutus; ideo durum tibi videtur ad nutum
 alterius ambulare: et omne proprium sen-
 tire omittere. Sed pensa filii horum fruc-
 tum laborum, celerem finem atque prae-
 mium nimis magnum; et non habebis inde 25
 gravamen: sed fortissimum patientiae tuae
 solamen. Nam et pro modica hac volun-
 tate quam nunc sponte deseris: habebis
 semper voluntatem tuam in caelis. Ibi
 quippe invenies omne quod volueris, 30
 omne, quod desiderare poteris: ibi aderit



tibi totius facultas boni, sine timore amit-
tendi. Ibi voluntas tua una semper me-
cum: nil cupiet extraneum vel privatum.
Ibi nullus resistet tibi, nemo de te con-
5 queretur: nemo impediet, nihil obviabit;
sed cuncta desiderata simul erunt prae-
sentia: totumque affectum tuum reficient
et adimplebunt usque ad summum. Ibi
reddam gloriam pro contumelia perpressa;
10 pallium laudis pro maerore: pro loco no-
vissimo sedem regni in saecula. Ibi
apparebit fructus oboedientiae; gaudebit
labor paenitentiae: et humilis subiectio
coronabitur gloriose. Nunc ergo inclina
15 te humiliter sub omnium manibus; nec
sit tibi curae quis hoc dixerit vel iusserit:
sed hoc magnopere curato; ut sive prae-
latus seu iunior aut aequalis aliquid a te
exposcerit vel innuerit, pro bono totum
20 accipias: et sincera voluntate studeas ad-
implere. Quaerat alius hoc alius illud;
glorietur ille in illo, et iste in isto, lau-
deturque milies mille: tu autem nec in
isto nec in illo; sed in tui ipsius gaude
25 contemptu: et in mei solius beneplacito
ac honore. Hoc optandum est tibi: ut
sive per vitam sive per mortem Deus
semper in te glorificetur.



QUALITER HOMO DESOLATVS SE DEBET IN MANVS DEI OFFERRE.

CAPITVLVM L.

Domine Deus sancte Pater sis nunc
et in aeternum benedictus; quia⁵
sicut vis sic factum est: et quod facis
bonum est. Laetetur in te servus tuus;
non in se nec in aliquo alio: quia tu
solus laetitia vera; tu spes mea et corona
mea: tu gaudium meum et honor meus¹⁰
Domine. Quid habet servus tuus; nisi
quod a te accepit etiam sine merito suo?
Tua sunt omnia quae dedisti, et quae
fecisti. Pauper sum et in laboribus meis
a iuventute mea; et contristatur anima¹⁵
mea nonnumquam usque ad lacrimas:
quandoque etiam conturbatur ad se propter
imminentes passiones. Desidero pacis
gaudium; pacem filiorum tuorum flagito:
qui in lumine consolationis a te pascuntur.²⁰
Si das pacem, si gaudium sanctum in-
fundis; erit anima servi tui plena modu-
latione: et devota in laude tua. Sed si
te subtraxeris sicut saepissime soles; non
poterit currere viam mandatorum tuorum:²⁵
sed magis ad tundendum pectus genua
eius incurvantur; quia non est illi sicut
heri et nudius tertius quando splendebat
lucerna tua super caput eius: et sub umbra

alarum tuarum protegebatur a temptationibus irruentibus.

Pater iuste et semper laudande: venit hora ut probetur servus tuus. Pater amande: dignum est, ut hac hora patiatur pro te aliquid servus tuus. Pater perpetue venerande venit hora quam ab aeterno praesciebas affuturam; ut ad modicum tempus succumbat foris servus
10 tuus: vivat vero semper apud te intus.

Paululum vilipendatur; humilietur et deficiat coram hominibus: passionibus conteratur et languoribus; ut iterum tecum in aurora novae lucis resurgat: et in
15 caelestibus clarificetur. Pater sancte; tu sic ordinasti et sic voluisti: et hoc factum est quod ipse praecepisti. Haec est enim gratia ad amicum tuum; pati et tribulari in mundo pro amore tuo: quotienscum-
20 que et a quocumque id permiseris fieri.

Sine consilio et providentia tua: et sine causa nihil fit in terra. Bonum mihi Domine quod humiliasti me ut discam iustificationes tuas: et omnes elationes
25 cordis atque praesumptiones abiciam. Vtile mihi quod confusio cooperuit faciem meam: ut te potius quam homines ad consolandum requiram. Didici etiam ex hoc inscrutabile iudicium tuum expa-
30 vescere; qui affligis iustum cum impio: sed non sine aequitate et iustitia. Gratias

tibi quia non pepercisti malis meis; sed
 attrivisti me verberibus amaris: infligens
 dolores et immittens angustias foris et
 intus. Non est qui me consoletur ex
 omnibus quae sub caelo sunt: nisi tu 5
 Domine Deus meus caelestis medicus
 animarum; qui percutis et sanas: deducis
 ad inferos et reducis. Disciplina tua super
 me: et virga tua ipsa me docebit. Ecce
 Pater dilecte in manibus tuis sum ego: 10
 sub virga correctionis tuae me inclino;
 percutite dorsum meum et collum meum:
 ut incurvem ad voluntatem tuam tortuosi-
 tatem meam. Fac me pium et humilem
 discipulum sicut bene facere consuevisti: 15
 ut ambulem ad omnem nutum tuum. Tibi
 me et omnia mea ad corrigendum com-
 mendo: melius est hic corripui quam in
 futuro. Tu scis omnia et singula: et nil
 te latet in humana conscientia. Ante- 20
 quam fiant nosti ventura: et non opus
 est tibi ut quis te doceat aut admoneat
 de his quae geruntur in terra. Tu scis
 quid expedit ad profectum meum: et
 quantum deservit tribulatio ab rubiginem 25
 vitiorum purgandam. Fac mecum de-
 sideratum beneplacitum tuum; et ne de-
 spicias peccaminosam vitam meam: nulli
 melius nec clarius quam tibi soli notam.
 Da mihi Domine scire quod sciendum 30
 est, hoc amare quod amandum est: hoc



laudare quod tibi summe placet; hoc reputare quod tibi pretiosum apparet: hoc vituperare quod oculis tuis sordescit. Non me sinas secundum visionem oculorum exteriorum iudicare; neque secundum auditum aurium hominum imperitorum sententiare: sed in iudicio vero de visibilibus et spiritualibus discernere; atque super omnia voluntatem beneplaciti
10 tui semper inquirere. Falluntur saepe hominum sensus in iudicando: falluntur et amatores saeculi visibilia tantummodo amando. Quid est homo inde melior; quia reputatur ab homine maior? Fallax
15 fallacem, vanus vanum caecus caecum infirmus infirmum decipit dum exaltat: et veraciter magis confundit dum inaniter laudat. Nam quantum unusquisque est in oculis tuis, tantum est et non amplius:
20 ait humilis sanctus Franciscus.

QVOD HVMILIBVS INSISTENDVM
EST OPERIBVS CVM DEFICITVR
A SVMMIS.

CAPITVLVM LI.

25 **I**lli non vales semper in ferventiori desiderio virtutum stare: nec in altiori gradu contemplationis consistere; sed necesse habes interdum ob originalem corruptelam ad inferiora descendere: et

onus corruptibilis vitae etiam invite et cum taedio portare. Quamdiu mortale corpus geris: taedium senties et gravamen cordis. Oportet ergo saepe in carne de carnis onere gemere: eo quod non vales³ spiritualibus studiis et divinae contemplationi indiesinenter inhaerere. Tunc expedit tibi ad humilia et exteriora opera confugere: et in bonis actibus te recreare; adventum meum et supernam visitationem firma confidentia expectare: exilium tuum et ariditatem mentis patienter sufferre; donec iterum a me visiteris: et ab omnibus anxietatibus libereris. Nam faciam te laborum oblivisci, et interna¹⁵ quiete perfrui; expandam coram te prae scripturarum: ut dilatato corde currere incipias viam mandatorum meorum. Et dices. Non sunt condignae passioness huius temporis: ad futuram gloriam quae²⁰ revelabitur in nobis.

QVOD HOMO NON REPVET SE
CONSOLATIONE DIGNVM SED
MAGIS VERBERIBVS REVM.

CAPITVLVM LII.

25

Domine non sum dignus consolatione tua: nec aliqua spirituali visitatione. Et ideo iuste mecum agis: quando me inopem et desolatum relinquis.



Si enim ad instar maris lacrimas fundere
possem: adhuc consolatione tua dignus
non essem. Vnde nihil dignus sum quam
flagellari et puniri; quia graviter et saepe
5 te offendi: et in multis valde deliqui.
Ergo vera pensata ratione: nec minima
sum dignus consolatione. Sed tu clemens
et misericors Deus qui non vis perire
opera tua ad ostendendum divitias boni-
10 tatis tuae in vasa misericordiae, etiam
praeter omne proprium meritum dignaris
consolari servum tuum supra humanum
modum. Tuae enim consolationes: non
sunt sicut humanae confabulationes. Quid
15 egi Domine; ut mihi conferres aliquam
caelestem consolationem? Ego nihil boni
me egisse recolo; sed semper ad vitia
prorum: et ad emendationem pigrum
fuisse. Verum est: et negare non possum.
20 Si aliter dicerem, tu stares contra me:
et non esset qui defenderet. Quid merui
pro peccatis meis; nisi infernum et ignem
aeternum? In veritate confiteor quoniam
dignus sum omni ludibrio et contemptu:
25 nec decet me inter tuos devotos com-
memorari. Et licet hoc aegre audiam;
tamen adversum me pro veritate pec-
cata mea arguam: ut facilius misericor-
diam tuam merear impetrare. Quid dicam
30 reus, et omni confusione plenus? Non
habeo os loquendi nisi hoc tantum verbum;

QVOD HOMO NON SIT NIMIS DE-
IECTVS QVANDO IN ALIQVOS
LABITVR DEFECTVS.

CAPITVLVM LVII.

Illi. Magis placent mihi patientia 5
et humilitas in adversis: quam
multa consolatio et devotio in prosperis.
Vt quid te contristat parvum factum contra
te dictum? Si amplius fuisset: com-
moveri non debuisses. Sed nunc per- 10
mitte transire. Non est primum nec
novum: nec ultimum erit si diu vixeris.
Satis virilis es: quamdiu nil obviat ad-
versi. Bene etiam consulis et alios nosti
roborare verbis; sed cum ad ianuam tuam 15
venit repentina tribulatio: deficis consilio
et robore. Attende magnam fragilitatem
tuam: quam saepius experiris in modicis
obiectis. Tamen pro salute tua ista fiunt:
cum haec et similia contingunt. Pone 20
ut melius nosti ex corde; et si te tetigit:
non tamen deiciat nec diu implicet. Ad-
minus sustine patienter: si non potes
gaudenter. Etiam si minus libenter audis
et indignationem sentis; reprime te: nec 25
patiaris aliquid inordinatum ex ore tuo
exire unde parvuli scandalizentur. Cito
conquiescet commotio excitata: et dolor
internus revertente dulcorabitur gratia.
Adhuc vivo ego dicit Dominus iuvare 30



te paratus et solito amplius consolari:
si confisus fueris mihi et devote invoca-
veris. Animaequior esto: et ad maiorem
sustinentiam accingere. Non est totum
5 frustratum: si te saepius percipis tribu-
latum vel graviter temptatum. Homo es
et non Deus. Caro es, non angelus.
Quomodo tu posses semper in eodem
statu virtutis permanere; quando hoc de-
10 fuit angelo in caelo, et primo homini in
paradiso? Ego sum qui maerentes erigo
sospitate; et suam cognoscentes infirmi-
tatem: ad meam proveho divinitatem.
Domine benedictum sit verbum tuum:
15 dulce super mel et favum ori meo. Quid
facerem in tantis tribulationibus et an-
gustiis meis; nisi me confortares tuis
sanctis sermonibus? Dummodo tandem
ad portum salutis perveniam: quid curae
20 est quae et quanta passus fuero? Da finem
bonum: da felicem ex hoc mundo trans-
itum. Memento mei Deus meus: et dirige
me recto itinere in regnum tuum. Amen.

25 DE ALTIORIBVS REBVS ET
OCCVLTIS IVDICIIS DEI
NON SCRVTANDIS.

CAPITVLVM LVIII.

Illi. Caveas disputare de altis ma-
teriis et de occultis Dei iudiciis:
30 cur iste sic relinquitur, et ille ad tantam

gratiam assumitur; cur etiam iste tantum
 affligitur: et ille tam eximie exaltatur.
 Ista omnem humanam facultatem ex-
 cedunt: nec ad investigandum iudicium
 divinum ulla ratio praevalet vel dispu- 5
 tatio. Quando ergo haec tibi suggerit
 inimicus, vel etiam quidam curiosi in-
 quirunt homines: responde illud pro-
 phetae. Iustus es Domine: et rectum
 iudicium tuum. Et illud. Iudicia Do- 10
 mini vera, iustificata in semet ipsa. Iudicia
 mea metuenda sunt, non discutienda: quia
 humano intellectui sunt incomprehen-
 sibilia. Noli etiam inquirere, nec dis-
 putare de meritis sanctorum: quis alio 15
 sit sanctior, aut quis maior fuerit in regno
 caelorum. Talia generant saepe lites et
 contentiones inutiles: nutriunt quoque
 superbiam et vanam gloriam unde oriuntur
 invidiae et dissensiones; dum iste illum 20
 sanctum: et alius alium conatur superbe
 praeferre. Talia autem velle scire et in-
 vestigare nullum fructum afferunt; sed
 magis sanctis displicent: quia non sum
 Deus dissensionis sed pacis; quae pax 25
 magis in humilitate vera: quam in propria
 exaltatione consistit. Quidam zelo di-
 lectionis trahuntur ad hos vel ad illos
 ampliori affectu: sed humano potius quam
 divino. Ego sum qui cunctos condidi 30
 sanctos; ego donavi gratiam: ego prae-



stiti gloriam. Ego novi singulorum merita;
ego praeveni eos in benedictionibus dul-
cedinis meae: ego praescivi dilectos ante
saecula. Ego eos elegi de mundo non
5 ipsi me praelegerunt: ego vocavi per
gratiam, attraxi per misericordiam. Ego
perduxi eos per temptationes varias; ego
infudi consolationes magnificas; ego dedi
perseverantiam: ego coronavi eorum pa-
10 tientiam. Ego primum et novissimum
agnosco: ego omnes inaestimabili di-
lectione amplector. Ego laudandus sum
in omnibus sanctis meis; ego super omnia
benedicendus sum et honorandus in sin-
15 gulis: quos sic gloriose magnificavi et
praedestinavi sine ullis praecedentibus
propriis meritis. Qui ergo unum de
minimis meis contempserit; nec magnum
honorat: quia pusillum et magnum ego
20 feci. Et qui derogat alicui sanctorum:
derogat et mihi et ceteris omnibus in
regno caelorum. Omnes unum sunt per
caritatis vinculum; idem sentiunt idem
volunt: et omnes in unum se diligunt.
25 Adhuc autem quod multo altius est: plus
me quam se et sua merita diligunt. Nam
supra se rapti et extra propriam dilectio-
nem tracti, toti in amorem mei pergunt:
in quo et fruitive quiescunt. Nihil est
30 quod eos avertere possit aut deprimere;
quippe qui aeterna veritate pleni, igne

ardescunt inextinguibilis caritatis. Taceant igitur carnales et animales homines de sanctorum statu disserere: qui non norunt nisi privata gaudia diligere. Demunt et addunt pro sua inclinatione: non prout⁵ placet aeternae veritati. In multis est ignorantia: eorum maxime qui parum illuminati, raro aliquem perfecta dilectione spirituali diligere norunt. Multum adhuc naturali affectu et humana amicitia ad¹⁰ hos vel ad illos trahuntur; et sicut in inferioribus se habent: ita et de caelestibus imaginantur. Sed est distantia incomparabilis quae imperfecti cogitant: et quae illuminati viri per revelationem supernam¹⁵ speculantur.

Cave ergo fili de istis curiose tractare quae tuam scientiam excedunt; sed hoc magis satage et intende: ut vel minimus in regno Dei queas inveniri. Et si quis-²⁰ piam sciret quis alio sanctior esset vel maior haberetur in regno caelorum; quid ei haec notitia prodesset, nisi se ex hac cognitione coram me humiliaret et in maiorem nominis mei laudem exurgeret?²⁵ Multo acceptius Deo facit qui de peccatorum suorum magnitudine et virtutum suarum parvitate cogitat, et quam longe a perfectione sanctorum distat: quam is qui de eorum maiestate vel parvitate³⁰ disputat. Melius est sanctos devotis preci-



bus et lacrimis exorare, et eorum gloriosa
suffragia humili mente implorare: quam
eorum secreta vana inquisitione perscru-
tari. Illi bene et optime contentantur:
5 si homines scirent contentari et vani-
loquia sua compescere. Non gloriantur
de propriis meritis; quippe qui sibi nihil
bonitatis ascribunt sed totum mihi: quon-
iam ipsis cuncta ex infinita caritate mea
10 donavi. Tanto amore divinitatis et gaudio
supereffluenti replentur; ut nihil eis desit
gloriae: nihilque possit deesse felicitatis.
Omnes sancti quanto altiores in gloria
tanto humiliores in se ipsis: et mihi
15 viciniore et dilectiores existunt. Ideo-
que habes scriptum; quia mittebant coronas
suas ante Deum et ceciderunt in facies
suas coram Agno: et adoraverunt viven-
tem in saecula saeculorum.

20 Multi quaerunt quis maior sit in regno
Dei: qui ignorant an cum minimis erunt
digni computari. Magnum est vel mini-
mum esse in caelo, ubi omnes magni
sunt: quia omnes filii Dei vocabuntur
25 et erunt. Minimus erit in mille: et pec-
cator centum annorum morietur. Cum
enim quaererent discipuli quis maior esset
in regno caelorum: tale audierunt re-
sponsum. Nisi conversi fueritis et ef-
30 ficiamini sicut parvuli: non intrabitis in
regnum caelorum. Quicumque ergo hu-

miliaverit se sicut parvulus iste: hic maior est in regno caelorum. Vae eis qui cum parvulis humiliare se sponte dedignantur: quoniam humilis ianua regni caelestis eos non admittet intrare. Vae etiam divitibus,⁵ qui habent hic consolationes suas; quia pauperibus intrantibus in regnum Dei: ipsi stabunt foras eiulantes. Gaudete humiles, et exultate pauperes; quia vestrum est regnum Dei: si tamen in veritate am-¹⁰ bulatis.

QVOD OMNIS SPES ET FIDVCIA IN SOLO DEO EST FIGENDA.

CAPITVLVM LIX.

Domine quae est fiducia mea quam¹⁵ in hac vita habeo; aut quod maius solacium meum ex omnibus apparentibus sub caelo? Nonne tu Domine Deus meus; cuius misericordiae non est numerus? Vbi mihi bene fuit sine te? Aut quando²⁰ male esse potuit praesente te? Malo pauper esse propter te: quam dives sine te. Eligo potius tecum in terra peregrinari: quam sine te caelum possidere. Vbi tu ibi caelum; atque ibi mors et²⁵ infernus: ubi tu non es. Tu mihi in desiderio es: et ideo post te gemere clamare et exorare necesse est. In nullo denique possum plene confidere qui in ne-

cessitatibus auxilietur opportunis: nisi
in te solo Deo meo. Tu es spes mea
tu fiducia mea: tu consolator meus et
fidelissimus in omnibus. Omnes quae
5 sua sunt quaerunt; tu salutem meam et
profectum meum solummodo praetendis:
et omnia in bonum mihi convertis. Etiam
si variis temptationibus et adversitatibus
exponas; hoc totum ad utilitatem meam
10 ordinas: qui mille modis dilectos tuos
probare consuevisti. In qua probatione
non minus diligere debes et laudari: quam
si caelestibus consolationibus me repleres.
In te ergo Domine Deus pono totam spem
15 meam et refugium: in te omnem tribulationem
et angustiam meam constituo; quia
totum infirmum et instabile invenio: quid-
quid extra te conspicio. Non enim proderunt
multi amici, neque fortes auxiliarii ad-
20 iuvare poterunt: nec prudentes consilarii
responsum utile dare, neque libri docto-
rum consolari; nec aliqua pretiosa sub-
stantia liberare, nec locus aliquis secretus
et amoenus contutari: si tu ipse non
25 assistas iuves confortes consoleris in-
struas et custodias. Omnia namque quae
ad pacem videntur esse et felicitatem
habendam; te absente nihil sunt: nihil-
que felicitatis in veritate conferunt. Finis
30 ergo omnium bonorum et altitudo vitae,
et profunditas eloquiorum tu es: et in



te super omnia sperare fortissimum solacium servorum tuorum. Ad te sunt oculi mei: in te confido Deus meus misericordiarum Pater. Benedic et sanctifica animam meam benedictione caelesti,⁵ ut fiat habitatio sancta tua et sedes aeternae gloriae tuae; nihilque in templo tuae dignitatis inveniatur: quod oculos tuae maiestatis offendat. Secundum magnitudinem bonitatis tuae, et multitudinem miserationum¹⁰ tuarum respice in me: et exaudi orationem pauperis servi tui longe exulantis in regione umbrae mortis. Protege et conserva animam servuli tui inter tot discrimina vitae corruptibilis: ac comitante¹⁵ gratia tua dirige per viam pacis ad patriam perpetuae claritatis. Amen.



**LIBELLVS DE DISCIPLINA
CLAVSTRALIVM**

CAPITVLA LIBRI SEQVENTIS.

In quibus consistit disciplina claustralis	I
De diversis temptationibus et insidiis diaboli . .	II
De vera conversione ad Deum qui est summum	
5 bonum	III
De oboedientia humilis subditi erga praelatum suum	IIII
De custodia cordis et reditu ad interiora	V
De custodia oris et exercitio laboris	VI
De recommendatione cellae et solitudinis	VII
10 De choro et divino officio peragendo	VIII
De discretione in omni spiritali exercitio servanda	IX
Oratio de felici consummatione in virtutibus . .	X
De caritate Dei et proximi et odio vitiorum . . .	XI
De abstinentia et castitate	XII
15 De utili exercitio in vita et passione Christi . .	XIII
De commemoratione et invocatione beatissimae vir-	
ginis Mariae	XIIII
De suffragiis sanctorum sedule petendis	XV
De desiderio animae ad caeleste regnum	XVI



INCIPIT LIBELLVS DE DISCIPLINA
CLAVSTRALIVM.

IN QVIBVS CONSISTIT DISCIPLINA
CLAVSTRALIS.

CAPITVLVM I.

5

A*pprehendite disciplinam: ne
quando irascatur Dominus et
pereatis de via iusta. Dis-*
ciplina claustralis si strenue
servetur, ad magnam perfectionem ducit; 10
ab aeterna damnatione liberat: et in
caelesti regno altissime coronat. Con-
sistit autem disciplina in tribus prae-
cipue: ut silentium bene servetur; ut
divinum officium devote celebretur: et 15
opus manuum impigre exerceatur. Vbi
disciplina viget: ibi maior pax et spiri-
tualis profectus invenitur. Vbi disciplina
perit, ibi dissolutio crescit; ibi vitia
intran: et virtutes enervantur. Vbi dis- 20
ciplina custoditur, ibi adest gratia cae-

lestis; ibi devotio floret, ibi lectio sapit,
ibi meditatio dulcescit: ibi oratio fervet,
ibi gratiarum actio et vox laudis resonant,
mens iubilat; ibi intellectus illustratur:
5 ibi caro marcescit, et spiritus elevatur.
Qui amat disciplinam, laetificat conscien-
tiam; acquirit bonam famam: et adauget
sibi gloriam aeternam. Amator disciplinae
custodit os suum; quaerit secretum, fugit
10 tumultum, vitat risum, diligit luctum, ut
inveniat Iesum sibi propitium et amicum.
Qui extra disciplinam esse quaerit, diaboli
laqueos incurrit: et devotionem mentis
perdit.

15 In tribus locis libenter esto cum fra-
tribus propter communem disciplinam:
in choro ad psallendum, in cella ad scri-
bendum et legendum: in refectorio ad
sobrie comedendum et verbum Dei audien-
20 dum. Vbicumque verbum Dei legitur,
ibi Spiritus sanctus occulte operatur; qui
malos de peccato redarguit, et bonos per
spem et consolationem scripturarum con-
fortat: ut amplius proficiant, et discipli-
25 nam ordinis fortiter teneant. Hinc Paulus
admonet dicens. In disciplina perseverate:
et tamquam filiis vobis offert se Deus.
Hinc David orat, dicens. Bonitatem et
disciplinam et scientiam doce me. Et
30 alibi multum eam commendans ait. Et
disciplina tua correxit me in finem. Et



disciplina tua ipsa me docebit. Magnum donum Dei est habere scientiam scripturarum: sed magis praeferendum videtur servare ordinis disciplinam. Hinc summus magister Christus docens discipulos suos 5 legem vitae et disciplinae: sic ait. Si haec scitis: beati eritis si feceritis ea Nam tanto fit quisque beatior coram Deo: quanto ferventior est pro observantia disciplinae. 10

Duo bona praetendit omnis regularis disciplina; ut statuta diligenter serventur: et negligentes pro culpis suis corrigantur. Devoti et boni fratris est violentiam sibi facere contra pravitatem naturae, et sponte 15 se subdere disciplinae: nec aliquid ordinatum praeterire. Nam qui amat disciplinam sapiens est: et ditabitur virtutibus multis. Qui autem odit correptiones insipiens est: et honore carebit. 20

Considera mores fratris disciplinati; quia non est levis verbis nec oculis vagus, sed ambulat in timore Dei, et facit opera sua cum diligentia: custodiens silentium et amans cellae quietem. Non murmurat 25 non detrahit: sed Deo omne iudicium committit, et se ipsum prae oculis habet; et quae sibi commissa non sunt, de illis tacet: ut liberius sibi ipsi vacet. Nam nimis insipiens est qui propria negligit: 30 et alienis rebus se implicat. Disciplinam

ergo ubique serva: et erit tibi pax et gloria magna. Omne quod non decet: studeas cavere. Quicquid Deo placet, fac cum alacritate: nec propter hominum
5 displicentiam, infringe ordinis disciplinam. Stulte agit qui contra conscientiam facit: et Dei offensam propter homines incurrit. Nam qui ordinem suum non servat: per praevaricationem legis Deum inhonorat.
10 Si videris quempiam neglegenter agentem, corripe illum ut fratrem, et trahe ad emendationem, sed noli sequi eius errorem; nec tantum diligas ut in malo ei consentias: ne cum ipso cadas et
15 pereas. Quisquis pro ordinis disciplina zelat et libenter ac gratanter admonitiones capit: specialem gratiam a Deo obtinebit, et in die exitus sui de corpore ab auditione mala non timebit: sed cum electis de
20 praemio laboris sui gaudebit Christo dicente. Euge serve bone; quia in pauca fuisti fidelis intra in gaudium Domini tui. Qui neglegens est et dissolutus Deum offendit et homines: et peior est paralytico iacente in grabato; quia iste defectum patitur a natura: ille vincitur cordis inertia. Virtuosius est passiones domare: quam daemones fugare. Et maioris caritatis est neglegentem admonere: quam
30 eleemosynam dare. Quem taedet orare et delectat fabulari; qualis fervor est in

eo? Prorsus nullus. Nam si ferveret
 intus: vitaret vaniloquia foris. Sed quo-
 modo potest quis accendi ad fervorem
 spiritus? In faciendo sibi frequenter
 violentiam contra consuetudinem malam: 5
 et tenendo ordinis rigorem secundum
 formam sibi praescriptam. Tepidus semper
 conqueritur de gravitate disciplinae: fer-
 vidus amplectitur cum hilaritate. Sed
 dicis. Timeo frangere caput meum: et in- 10
 currere debilitatem. Quid loqueris tepide
 et dissolute? Nescis quid pateris. Times
 parva: et non times magna? Times do-
 lorem in corpore: et non times gravi-
 tatem malae conscientiae? Times ieiunare, 15
 times vigilare, times silentium servare;
 et non times in igne cremari, a daemoni-
 bus torqueri, et a regno Dei excludi?
 Vanus est timor iste; de modica afflictione
 corporis frequenter cogitare praesentia 20
 mala solummodo perpendere: et minus
 ponderare quae aeternaliter animam sal-
 vant aut damnant. Revertere ad cor tuum;
 convertere ad Deum qui fecit te: spera
 in eo et iuvabit te. Si non potes ei ser- 25
 vire sano capite: tunc servias ei debili
 capite; et coronabit te rosis ac liliis sua-
 vissimis cum martyribus sanctis in caelis:
 quia sustinuisti dolores et labores in terris.
 Noli ergo propter modicum corruptibilis 30
 vitae amorem illicita admittere; noli saecu-

laria solacia quaerere: separa te ab ineptis fabulis, intende sacris studiis; serva disciplinam, subiuga carnem, imple oboedientiam: et salvabis animam tuam
 5 iuxta Christi sententiam. Qui odit inquit animam suam in hoc mundo: in vitam aeternam custodit eam. Cum indisciplinato non habeas familiaritatem; ne discas levitates eius: et similis ei fias
 10 in confusionem ordinis tui. Iunge te religioso morigerato et devoto fratri: ut aedificeris semper in bono. Vnus indisciplinatus et verbosus multos inquietat: et qui eum compescit optime facit. Talis
 15 saepe est admonendus et increpandus, ut suas dissolutiones dimittat: et ad devota exercitia se convertat. Nemo se per alium vitiose excuset; sed de propria salute cogitet: et tempus sibi indultum
 20 fructuose expendere curet sicut et beatus Paulus dicit. Dum tempus habemus: operemur bonum ad omnes. Ille ad omnes bonum operatur, qui strenue servat disciplinam: et ceteris in conventu
 25 dat bonum exemplum. Benedictus ille frater: qui in omnibus se vincere nititur: quia coronabitur pro omni quod pro Christo patitur. Ad tenendam formam spiritualis disciplinae: beatus Paulus discipulos suos diligenter exhortatur dicens.
 30 Quaecumque sunt vera quaecumque pu-

dica, quaecumque iusta, quaecumque sancta, quaecumque amabilia, quaecumque bonae famae, si qua virtus si qua laus disciplinae: haec cogitate, quae et didicistis et accepistis et audistis et vidistis in me. Ecce quam sollicitus fuit beatus Paulus pro observatione disciplinae: et pro bono exemplo posteris relinquendo. Nam maximum meritum sibi in caelestibus accumulat: quisquis disciplinam in se et in aliis amat.

De diversis temptationibus et insidiis diaboli.

CAPITVLVM II.

Vbique diabolus insidiatur bonis et devotis: maxime tamen religiosis personis in ordine sub disciplina constitutis. Idcirco primus sanctae ecclesiae pastor beatus Petrus fideles admonet dicens. Vigilate; quia adversarius vester diabolus tamquam leo rugiens, circuit quaerens quem devoret: cui resistite fortes in fide. Hinc etiam beatus Iohannes in Apocalypsi clamat: praemuniens ad cautelam. Vae terrae et mari: quia descendit diabolus ad vos habens iram magnam. Siquidem propter excellentiam status religiosorum deiciendam diabolus acrius servos Dei temptat; et frequentius eos quam

saeculares impugnat: quia invidet gloriae
 sanctitatis devotorum continenter viven-
 tium. Scit enim, quod illi altius prae-
 miabuntur in caelo: qui purius vixerint
 5 in mundo. Vnde quanto graviores temp-
 tationes sustinent, si viriliter resistunt,
 et se ipsos vincunt: tanto gloriosiores
 erunt apud Deum in futuro quia fortiter
 certaverunt. Ex quo diabolus proiectus
 10 est de caelo propter superbiam suam, non
 cessat circuire terram; quaerens quem
 pravis suggestionibus decipiat, et vulneret
 per delectationem morosam ad perdendam
 Dei gratiam: ac secum tandem trahat in
 15 aeternam damnationem. Et sicut olim
 temptavit primum hominem in paradiso
 et filios Israel in deserto; ita nunc temptat
 et persequitur religiosos in claustro: ut
 remisse vivant, et statuta sua frangant;
 20 ut praelatis suis resistent et inoboedientes
 fiant: quatenus huiusmodi contagiis de-
 pravati caelestem gloriam perdant; et
 causam contra eos habeat: unde in iudicio
 graviter eos accuset. Vigilandum igitur
 25 omni tempore, et in omni loco caute
 respiciendum: ne desides et inermes ser-
 vos Dei satanas inveniatur; quia ipse num-
 quam dormit nec fatigatur: sed a dextris
 et a sinistris insidiatur. Desides faciliter
 30 capit; et hi sunt qui parum laborant: et
 bene comedere volunt. Inermes cito vul-

nerat; et hi sunt qui raro orant: et in corde modicum de sacra lectione servant. Foris evagantes illecebris inficit; otiose stantes fabulis conectit: ut opera sua neglegant, et alios impedian. Bene etiam ⁵ agentes a bono incepto revocat; legere vel orare volentes dormire facit: surgere conantes in lectulo tenet. Non est locus in claustro quem satanas hostis monachorum non perlustrat: ut unam ¹⁰ saltem oviculam de grege Christi rapiat et perdat. Quapropter pastor caelestis alta voce cornu salutis sufflat, et ovibus suis ait. Vigilate et orate: ut non intretis in temptationem. Ac si dicat. Lupus ¹⁵ rapax circuit tabernacula vestra: serpens antiquus callide quaerit foramen intrandi ad interiora cordis vestri; ut dentem infigat per iram: aut osculo mulceat per turpitudinem. Vos ergo vigilate animo, ²⁰ et orate corde et ore die ac nocte; quia ab omni parte vobis instat bellum, et nil tutum sub caelo, et adversarii multi docti ad proelium mittentes sagittas acutas, et laqueos abscondentes pedibus vestris: ut ²⁵ cadatis in itinere recto, et a sancto proposito recedatis. Sed state firmiter et pugnate fortiter pro animabus vestris: ego Dominus ero vobiscum. Observate autem caute quales imagines vobis in- ³⁰ geruntur; sive de mundo sive de carne

sint: et claudite ostium cordis vestri ac signo crucis vos armate ne diabolus intret; quia temptare vos venit, et ad consensum peccati trahere: ut Deum offendatis et
 5 eius gratiam perdatis. O religiosi amici Dei attendite a callidis et mortiferis diaboli immissionibus ne moram in his faciatis; sed mox ut sentitis motus illicitos, mentem vestram avertite et nomen Domini
 10 invocate: dolentes de malo vobis ingesto; et bonam cogitationem de Deo et spirituali materia assumite: et in compunctione sancta vos exercete. Sic autem facientes fugiet diabolus confusus; et accedent
 15 angeli sancti vobis in solacium missi: qui confortabunt manus vestras contra aereas potestates. State ergo in timore Dei: et semper circa initium temptationis vigilate et orate cum gemitu cordis in spiritu
 20 humilitatis; nil grande nil laudabile de vobis ipsis sentientes: sed fragiles homines et inutiles servos veraciter vos agnoscentes. Quidquid etiam boni sapitis vel agitis: non vestrae hoc industriae
 25 et labori sed divinae gratiae et misericordiae ex integro ascribatis. Neminem tantum diabolus timet et refugit: sicut humilem: et semet ipsum despicientem. Et contra nullum tantum
 30 praevalet: sicut contra superbum et de se praesumentem.

*De vera conversione hominis ad Deum
qui est summum bonum.*

CAPITVLVM III.

Multae sunt aversiones nostrae a
 5 Deo summo bono; quia ex propria
 iniquitate et magna fragilitate, cito labi-
 mur ad inferiora et terrena concupiscenda:
 quae nos satiare non valent, nec etiam
 permanere nobiscum. Opus est ergo
 10 cotidiana conversione ad Deum: a quo
 saepius avertimur ad nos ipsos inordinate
 nos diligendo; aut aliquas creaturas vane
 aspiciendo, vel etiam male utendo: et plus
 de temporalibus quam de divinis rebus
 15 cogitando. Saepe etiam odimus perverse
 salutaria et quae sunt pro disciplina; et
 affectamus habere quae commoda sunt
 et iucunda: non attendentes quid dicit
 conscientia: et quantum displicet Deo
 20 aversio nostra ab ipso ad ista caduca.
 Et quamvis aliquem iustum et bonum
 scimus, si contrariatur voluntati nostrae,
 et aliquam proponit restrictionem inducere
 ex virtute; incipimus ei improbe resistere,
 25 et viliter de eo sentire: et dicimus quod
 sibi non sit credendum. Et hic error in
 plerisque religiosis invenitur: qui contra
 beneplacitum Dei et superioris sui sen-
 sum appetunt prosecui intentum suum;

minus ponderantes grave iudicium sibi imminere: si plus quam oportet in causis propriis de semet ipsis confidunt. Quod ex elatione cordis et agitatione diaboli procedit: qui in spiritu proficere conantes ad laxationem carnis trahere quaerit. Non enim sufficit ad veram hominis conversionem saecularis habitus mutatio, quae una die vel hora fieri potest; sed illa est vera et religiosa conversio: cum quis 10 nititur vitia sua vincere, et magno fervore pro virtutibus instat. Debemus igitur quantum possibilitas admittit nos qui religiosum habitum gerimus cor nostrum ab omnibus materialibus et visibilibus rebus 15 avertere et ad invisibilem conditoris nostri faciem contemplandam elevare et anhelare semper ad caelestia; atque per singulos dies omnique hora immo totiens quotiens evagatio mentis accidit pro venia humiliter 20 supplicare: et cum propheta gemebunde dicere. Convertite nos Deus salutaris noster, et averte iram tuam a nobis. Quando ita facimus Deus libenter suscipit preces nostras; et gaudent angeli sancti in caelo 25 de nobis quia convertimur ex toto corde ad Dominum Deum nostrum: qui est beatitudo omnium sanctorum. Sed satan e contrario conatur ab hoc summo bono religiosam animam abstrahere et per 30 diversas occasiones et temptationes eam

impedire; immittitque cogitationes superbiae irae gulae impudicitiae, invidiae discordiae, duritiae, fallaciae blasphemiae diffidentiae pusillanimitatis, inconstantiae
 5 dissolutionis et neglegentiae ceterorumque malorum quae enumerare longum est: quatenus a caelestium dulcedine et angelica puritate retardet, et in infimis et vanis rebus diutius teneat; necnon ut
 10 propter nimiam difficultatem vincendi temptationes Deum quaerere et invocare cesset: et sic tandem omnem spiritualem profectum et laborem pro custodia cordis quasi ex taedio boni postponat. Haec
 15 sunt opera inimici: a facie Dei caeli proiecti. Nam cum ipse totus sit a Deo aversus machinatur omne malum contra bene agentes: et praecipue cum orare et ad interiora se convertere voluerint, atque
 20 pro delictis suis deprecari. Heu nequam pessimus, insidiatur callide omnibus bonis. Nam rete suum per totum mundum subtiliter texit ac latissime expandit; monachos et moniales subditos et praelatos
 25 solitarios et officiales circumdat et temptat: ut vel unum pisciculum hamo concupiscentiae illicitat, et de piscina claustralis custodiae ad litus saeculi trahat; ubi per visum auditum, iocum et risum aliquo
 30 peccati contagio inficiat: quatenus nullus sine periculo evadat. Quapropter religiosus

servus Dei vias suas diligenter custodiat; et evagationes tam mentis quam corporis compescat: ne summum bonum amittat, quod cum infimis teneri non potest; sed mox, ut se abstrahi et impediri sentit ad Deum per orationem et contritionem redeat et cum sancto David oret et dicat. Oculi mei semper ad Dominum: quoniam ipse evellet de laqueo pedes meos. Sicut enim peccando et in creaturis delectando 10 homo captivatur et a Deo separatur: sic paenitendo ad eum revertitur et sanatur. Nam peccando fit sordidus frigidus et aridus; sed iterum paenitendo orando et flendo pro commissis, intus mundatur 15 accenditur et irrigatur. Et saepe ad maiorem cautelam et rigorem servandum: per facilitatem lapsus sui eruditur et solidatur. Ille autem vere conversus est nec in vacuum nomen religiosi et habitum portat; qui 20 saeculo moritur et Christo vivere delectatur: qui omnia opera sua et cogitationes ad Deum finaliter refert; qui honorem Dei et laudem nominis eius in omnibus dictis et factis suis quaerit et desiderat: 25 nil de privato amore et proprio commodo cupiens habere; sed semet ipsum cum omni bono quod fit in caelo et in terra offert et elevat: gratias immensas Deo summo bono referendo, a quo omne 30 bonum creatum descendit et emanat.

*De oboedientia humilis subditi erga
praelatum suum.*

CAPITVLVM IIII.

Ad bonum subditum pertinet man-
 5 datum oboedientiae hilariter am-
 plecti et nihil de propria voluntate re-
 tinere; sed exemplo Christi in manus
 Dei et praelati sui sponte se resignare:
 quia hoc est gratissimum donum quod
 10 potest Deo offerre. Caveat ergo omnis
 bonus subditus ne praelatum suum te-
 mere iudicet; nec vias eius curiose scru-
 tetur: sed potius eius dicta et facta in
 melius interpretetur. Et si quaedam minus
 15 utilia apparent et aliqua defectuosa in eo
 reperiuntur; non despiciat nec arguat
 eum: sed excuset et pie toleret; et cari-
 tative si ita convenit admoneat: aut pa-
 terne obsecret per se vel per alium magis
 20 idoneum, quia magnum onus super se
 habet. Saepius etiam pro eo secreta-
 ret; ut Deus eum custodiat et confortet:
 cum nullus sit in tota domo qui tantam
 cotidie sollicitudinem pro omnibus gerat.
 25 Raro namque invenitur praelatus: qui
 possit cuilibet satisfacere vel placere pro
 voto. Ideo iuvari debet a subditis et
 honorari; atque portari ab omnibus et
 excusari coram infirmis: qui cito suspi-

cantur, dum ipsis resistitur, et aliquid negatur. Ipse est utique qui omnes tolerare habet, et in ore omnium ventilatur; cui et facile imputatur quod male gestum est: aut neglectum aestimatur. Sed hoc virtuosum non est: immo aemulorum studium, qui quaerunt in praelato quod reprehendant. Non est credendum ei nec consentiendum qui superiori suo detrahit, et ad resistendum sibi rationes quaerit; nolens acquiescere vicario Christi: qui loquitur ex ore Dei pro salute subditi, sub potestate praesidentis constituti. Nam multum superbe sapit, et periculose agit; qui pertinaciter in sensu suo abundat: ut proprium videre ordinationi praelati sui praeponat. Sed qui meritum sanctae oboedientiae attendit et oboedientiam Christi et sanctorum vitam pensat: absque mora et mussitatione verbum sibi mandatum implere satagit, nec curiose discutit; sed etiam quod frivole sonat, propter virtutem oboedientiae dignanter capit: et ad profectum animae suae convertit. Hoc enim valde laudabile est et honestum; et inter opera meritoria summe meritorium: et conscientiae propriae magis securum. Subditorum est humiliter acquiescere consiliis maiorum et sine recalcitratione oboedire praelatis. Hoc pro

magna sapientia tene; si de propria sapientia nihil habes: et simplicem oboedientiam omnibus rationibus et privatis rebus praefers. Qui hoc facit Deo placet; et praelato suo carus erit: qui pro eo rationem reddet. Talis subditus multum alleviat onus praelati sui; et providet sibi optime in futuro: ne sub gravi discrimine cadat in iudicio coram Deo. Qui vult summae perfectioni cito propinquare: studeat ante omnia oboedientiam servare. Magna et egregia virtus simplex et pura oboedientia nesciens tarda molimina nec parans argumenta: sed implens iussa sine querela. Ideoque magna ei debetur corona: et cum martyribus percipiet palmam; quia certavit fortiter et subegit naturam, oboediendo usque ad mortem. Quoniam quidem fortissimum vincendi genus est, semet ipsum perfecte vincere et abnegare propter oboedientiam; quae monachorum est laus maxima: et omnium religiosorum corona pulcherrima.

O felix et venerabilis oboedientia: quam praedicavit et servavit Iesus Christus Dominus noster aeterna Patris sapientia dicens. Quia descendi de caelo non ut faciam voluntatem meam: sed voluntatem eius qui misit me. Et cum iret ad locum passionis: ita oravit cum abnegatione pro-

priae voluntatis. Pater si non potest hic calix transire nisi bibam illum: fiat voluntas tua. Hanc etiam promptissime exhibuit et plenissime expressit beatissima mater Iesu virgo Maria: his verbis 5 dicens ad angelum. Ecce ancilla Domini: fiat mihi secundum verbum tuum. Sic decet omnino sic debet niti facere, et etiam dicere bonus subditus coram praelato suo cum humilitate et reveren- 10 tia. Ecce pater sicut dicitis et consulitis: ita libenter faciam pro viribus meis. Haec namque virtus praefertur victimis et donis; haec praeterita mala delet, a futuris custodit: poenam laxat et ab aeterna 15 damnatione salvat. Per hanc fit homo dilectus Deo; et tam familiaris Christo: ut frater eius esse mereatur. Quicumque inquit fecerit voluntatem Patris mei qui in caelis est: ipse meus frater, et soror 20 et mater est.

O quam pretiosa est haec virtus in subditis: ut securi coram Deo appareant de culpis sibi obiectis. Qui hanc eligit et tenet; recto cursu ad patriam tendit, 25 quam Adam et Eva inoboediendo amiserunt: sed Christus et Maria pro nobis oboediendo recuperarunt. Haec sancta et simplex oboedientia plus prodest quam alta doctrina; utilior est, quam potentia: 30 et securior quam dignitas aut praelatura.

Quod si cum scientia et dignitate invenitur oboedientia; multum commendanda est illa anima: et magni meriti inter sanctos reputanda. Exemplum perfectae oboedientiae claret in Abraham patriarcha; qui oboediendo Deo exiit de terra et cognatione sua ac demum unicum dilectum filium immolare paratus fuit. Propter quod caelesti voce benedici meruit et pater multarum gentium nominari: atque per omne saeculum honorari. Ad hanc sane oboedientiae utilissimam virtutem, beatus Paulus hortatur: scribens ad Hebraeos. Oboedite inquit praepositis vestris: et subiaceite eis. Ipsi enim pervigilant quasi rationem reddituri pro animabus vestris: ut cum gaudio hoc faciant, et non gementes. Hoc enim non expedit vobis. Hanc sanctam oboedientiam quae ad salutem maxime est necessaria commendant veteris ac novi Testamenti plura testimonia: et sanctorum devotissima exempla. Hanc leges et iura dictant maioribus et praelatis exhibendam: cum humili subiectione et reverentia. Cogitet ergo cui grave est oboedire et qui saepius nititur se excusare aut callide ab oboedientia subtrahere quales subditos ipse vellet habere: quia utique bonos et humiles et non rebelles. Igitur studeat iam esse talis ad suum praelatum: quales

optaret habere si eligeretur ad praesidendum. Discat primitus alteri humiliter subesse, et reverenter oboedire: ut dignus sit alios instruere et utiliter regere possit; ne maiori periculo stringatur, si hoc ab aliis exigit: quod ipse minime impendit. Quomodo enim potest servari status religionis et regimen domus in claustris; nisi omnes subditi oboediant praelatis suis? Nam si omnes regere volunt, et quilibet agere contendit quod ei placuerit; erit confusio magna et turbatio frequens: peribit disciplina crescet dissolutio; abscedet timor Dei: et libertas carnis regnabit. Vbi enim oboedientia non curatur, et praelatus parum revere- tur: ibi bonum regimen annullatur.

De custodia cordis et reditu ad interiora.

CAPITVLVM V.

Quamvis de facili homo ad exteriora sit inclinatus, et libenter capit aliquam consolationem a creaturis ex appetitu sensualitatis; tamen niti debet redire ad se ipsum per contritionem spiritus: ne perdat maiorem gratiam intus. Nam efficitur vagus et lubricus: si sequitur affectiones suas in curiosis rebus videndis et habendis. Igitur semper sta super custodiam cordis tui: et ad in-

teriora tempestive redi etiam violenter
 te compelle intrare ad cordis secretum;
 quia cum intus non est pax: non erit
 tibi bene quidquid foris hauseris in ter-
 5 renis. Multum valet pro pace et custodia
 cordis si exteriora tua discrete ordina-
 veris, et quaedam exercitia spiritualia
 apud te conservaveris; ut scias quando
 legere, quando orare, quando operari,
 10 quando meditari: quando tacere, quando
 loqui, quando solus, quando cum aliis
 esse debeas; ut omnia in tempore suo,
 cum bona deliberatione facias: et nullo
 tempore a sancto opere et pio exercitio
 15 vaces.

Quaedam omnino fugere debes; ut
 fabulas leves et saeculi rumores, homines
 saeculares, mulierum allocutiones, iuve-
 num familiaritates, amicorum visitationes,
 20 hospitum salutationes: quia ista distrahunt
 mentem et maculant conscientiam: et
 qui talibus delectatur: ab internis bonis
 minoratur.

Quaedam sunt fortiter tenenda; ut rigor
 25 disciplinae in silentio et ieiunio in vigiliis
 et aliis laboribus ad castigationem cor-
 poris pertinentibus: quia nisi corpus sub
 freno subiectionis teneatur, fit spiritui
 contrarium; et multas temptationes in
 30 anima suscitatur, unde intellectus hominis
 excaecatur: et fervor devotionis refri-

gescit. Sunt quaedam patienter toleranda; ut defectus temporalium, damna bonorum, vexationes adversariorum, aegritudines corporum mores imperfectorum, austeritates verborum, subtractiones solaciorum, 5 et afflictiones amicorum: in quibus homo probatur, et tamquam in igne purgatur; et si bene utitur istis contrarietatibus: cedent sibi ad magnum meritum aeternae retributionis. 10

Sunt etiam quaedam statim respuenda; ut aperta vitia et peccata Dei praeceptis et virtutibus contraria. Interdum aliqua latenter se ingerunt sub specie licitae dispensationis; quando tamen cupiditas 15 vel tepiditas agitat negotium ultra necessitatis terminum: ubi cavendum est seductionis venenum. Igitur secundum sapientis consilium omni custodia serva cor tuum: ne aliquid impurum intret quod 20 Deum offendat. Si te sentis aliquo vitio moveri adhibe tempestive remedium: ne diutius differendo passio crescat et deterior fiat. Non est vitium tam grave quin curari possit si vulnus aperiatur: 25 et spiritualis medici consilium requiratur. Sed aliud est scire remedium aliud adhibere remedium. Multi sciunt quid agendum sit quidve cavendum; sed non adhibent diligentiam ad cordis orisque 30 custodiam: ideo ex levi occasione tra-

huntur ad consueta vitia. In hac vita
 quae tota temptatio dicitur, oportet cotidie
 certare et firmiter proponere, et gratiam
 divinam implorare: donec status huius
 5 lubricae vitae et intestini certaminis fuerit
 finitus. Non invenitur hic aliquod re-
 medium quo plene omnes vitiorum morbi
 sanentur; ita quod nullus motus con-
 cupiscentiae sentiatur: quia hoc futurae
 10 beatitudinis est donum sanctis promissum.
 Sed tamen gratia Dei iuvante possunt
 mali motus refrenari; et occasiones pec-
 candi vitari: atque maculae contractae per
 singulos dies paenitendo lavari. Magnus
 15 labor est cor custodire ab irruentibus
 vitiis: et non affici ad aliqua sensibilia
 foris. Aut enim creator te movet aut
 creatura: et secundum statum mentis
 moventur leviter corporis membra; et
 20 nihil fit in verbo vel opere: quod ex
 radice cordis non procedit. Bonus homo
 de bono thesauro cordis sui profert bo-
 num: et malus profert malum ait Domi-
 nus. Debes ergo maxime vigilare circa
 25 custodiam cordis: et considerare quales
 cogitationes et affectiones intus geris; ut
 malas cito respuas et bonas assumes: ac
 de utilitate animae tuae semper sollicite
 pensare: iuxta illud prophetae verbum.
 30 Anima mea in manibus meis semper: et
 legem tuam non sum oblitus. Si hoc

fecit David sanctus et rex terrenus curam totius regni possidens; quanto magis religiosus Deo professus omnibus curis terrenis neglectis, debet habere animae suae salutem prae oculis? Ad puritatem 5 cordis valde iuvant solitudo et silentium: studere, legere, orare, meditari, et nil velle scire de statu mundi; quia saepe plus nocent mala audita: quam bona prosunt in libris lecta. Vix enim reperitur 10 actio tam bona: cui aliquid mali non admiscetur. Et in omni verbo vel facto adversarius tendit laqueos: ut ab interna vacatione retrahat mentem. Novit quippe cor humanum: quia si non delectatur in 15 bono cito labitur in malum.

De custodia oris et exercitio laboris.

CAPITVLVM VI.

Magnam ori tuo custodiam adhibe: quia de omni verbo otioso oportet 20 te reddere rationem. Qui non refrenat linguam suam ait beatus Iacobus apostolus: huius vana est religio. Nam ex incustodia linguae multa mala solent provenire; a quibus homo taciturnus liber 25 est: nec indiget culpam confiteri. Velis ergo libenter tacere et ab otiosis verbis te cavere; quia longa fabulatio devotionem extinguit, dissolutionem generat,

tempus male expendit: conscientiam laedit,
 et alios offendit. Silentium est antiquum
 statutum religiosorum a sanctis patribus in-
 troducedum: et cum multa diligentia custo-
 5 ditum. Qui hoc leviter frangit: Deum et
 omnes sanctos graviter offendit. Christus
 dixit. Sit sermo vester est est: non non.
 Quod amplius est: a malo est. Breviter
 ergo et plane loqui docuit quando licet: sed
 10 quando non licet tacendum est. Si vis bene
 servare silentium, fuge publicum; et vade
 in secretum locum ut ores: vel ad cellam
 ut legas vel scribas. Melius esset quod
 legeres unum psalmum vel orationem
 15 dominicam pro peccatis tuis vel amicis:
 quam sic stares fabulando de materiis
 vanis. Non est vera recreatio dicenda
 otiosi et fabulari; sed magis execratio
 nominanda: quando opus Dei negligitur,
 20 et nugae recitantur. Vade ergo ad opus
 tuum, et labora in vinea Dei pro denario
 aeternae vitae; ne tibi impropere pater
 familias, quid hic stas tota die otiosus?
 Laudat scriptura bene operantem; remu-
 25 nerat Christus servum fidelem: arguit
 pigrum et negligentem; iubet ab eo tolli
 gratiam concessam: et dari eam ferven-
 tius operanti. Veniet namque tempus
 quando non poteris amplius operari: nec
 30 unum quidem verbum loqui prae infirmi-
 tate. Hoc modo debes praecogitare; et

De recommendatione cellae et solitudinis.

CAPITVLVM VII.

Qui cellam amat et libenter in ea commoratur: a multis peccatis et temptationibus custoditur. Quanto studiosius inhabitatur: tanto plus placet et amatur. Quanto neglegentius servatur, et rarius intratur: tanto magis horretur et fastiditur. Bene illi qui eam diligit et incolit: quia unctio Spiritus sancti eum docebit. Beatus, cui inhabitare cellam donatum est: et qui usque ad terminum vitae suae in ea perseverat. Vae illi qui levi occasione eam deserit, et cui extra manere placet: quia cito seducetur, et capietur, et laedetur. Multi quia eam studiose non custodierunt: per varias occasiones inter saeculi actiones proiecti sunt et male perierunt. Heu quod tam diu in ea perseverare nequimus: donec fructum maturum ex ea percipiamus. Sic se homo deberet tenere: quasi cotidie iturus in sepulchrum. Nam tali homini non est cella fastidium: sed pacis domicilium. Et sicut stabili homini cella est paradisos: ita vago carcer videtur et cippus. Bonum tamen est et laudabile: si quis velit ibi propter Deum libenter incarcerari. Nam plures sancti martyres propter

Iesum incarcerati et vincti fuerunt. Elige
 ergo ibi sponte ligari: ut sanctorum meritis
 possis coaequari. Liget te potius timor
 Dei quam ferrum: et caritas magis quam
 indicta necessitas. Si non amor: saltem
 timor Dei te coerceat. Non es male
 ligatus: si timore inferni compunctus pro
 peccatorum tuorum paenitudine te in-
 cluseris. Male ligati sunt: qui corde et
 corpore evagari quaerunt. Bene ligatus
 est, qui Deo professus est: et extra cellam
 ire inclinatus non est. Si vis in ea durare:
 numquam sis otiosus. Acedia et otium:
 expellunt monachum verbosum de cella.
 Amans silentium et operans cum quiete:
 bonus erit custos cellae. Si taedium
 passus fueris, pro Christo agoniza: nec
 patiaris te expelli ex levi causa. Si man-
 seris stabilis: cito vertetur carcer tuus
 in paradisum voluptatis. Sancti in car-
 ceribus pro Christo detenti, ab angelis
 sanctis frequenter sunt visitati et abun-
 dantius consolati. Tu quoque si te in
 cella patienter pro Christo cluseris, veniet
 tibi cito Deo miserante lumen caelitus:
 bonae conscientiae gaudium, et magnum
 spiritualis profectus lucrum. Qui in cella
 residet: a multis periculis liber est. Qui
 foris vagatur: innumeris periculis patet.
 Bona cellae nequeunt sufficienter ex-
 plicari: sicut nec detrimenta extra va-

gantium. Custos cellae custos est linguae;
 non audit detractioes, non percipit ru-
 mores: non videt vanitates, non trahitur
 ad levitates. Bonus cellita aut legit, aut
 5 orat, aut gemit aut meditatatur; aut scribit
 aut corrigit libros: aut aliquid aliud boni
 operatur. Bonus cellita civis est caeli;
 amicus Dei, socius angelorum, cognitor
 secretorum, inspector supernorum, victor
 10 temptationum, expulsor daemonum, bel-
 lator vitiorum, contemptor mundanorum:
 neglector curarum, possessor quietis, ob-
 tentor pacis amator scripturarum; specu-
 lator veritatis, gustator puritatis, con-
 15 tinuator orationis, collector sanctae medi-
 tationis, et destructor omnis evagationis.
 Cogita Deum et te solum esse in mundo:
 et habebis magnam requiem in corde tuo.
 Memento quia angelus invenit Mariam
 20 in camera sua orantem: non foris cum
 hominibus loquentem. Nam qui appetit
 caelestia secreta cognoscere: oportet eum
 ab hominibus elongari. Sic enim Moyses
 fecit; qui relictis hominum turbis, mansit
 25 solus cum Domino in monte: ut legem
 Domini suscipere mereretur. Haec quando-
 que perlege: ut dulcescat tibi inhabitatio
 cellae.



De choro et divino officio peragendo.

CAPITVLVM VIII.

Chorus est Dei et sanctorum angelorum locus sacratus; ubi divinum agitur officium, praesentibus ecclesiae ministris: cum reverentia et devotione psallentibus. Sicut angeli in caelo: sic religiosi ordinati sunt in choro. Opus angelorum est Deum semper laudare: opus religiosorum est intenta mente psallere et orare. Sic sta in choro et canta: quasi in medio angelorum stares. Recordare dilecti Domini tui Iesu in praeseptio iacentis; aut in cruce pendentis, aut in caelo ad dextram Patris sedentis: tamquam coram eo assisteres et cantares. Ipse sit in corde tuo et in labiis tuis, ad pronuntiandum aperte et distincte verba Spiritus sancti: cuius ope et arte divinum officium ordinatum est. Statue Iesum ad dexteram tuam et Mariam ad sinistram: et omnes sanctos in circuitu eorum. Omnes fratres tui sint tibi tamquam angeli Dei. Et cum quibus nunc psallis in terris: spera etiam te cantaturum in caelis. Vita pura et conscientia libera: gaudet in divinis. Vagus et tepidus homo: cum taedio psallit et somno. Si viceris acediam et cor ab evagatione

restrinxeris; viam devotioni paras: et
semper in fine gaudebis. Multae curae
suffocant verbum Dei: et longae locu-
tiones faciunt distractionem mentis. Quic-
5 quid homo ante exercet: hoc sibi fre-
quenter postmodum in oratione occurrit.
Inimicus ibi non venit: nisi ut zizania
superseminet. Devotus choralis soli Deo
et sibi intendit: tamquam in caelesti choro
10 translatus et elevatus esset. Finitis his
quae in divino officio celebrantur, non
statim te effundas ad exteriora; ne per-
das gratiam quam consecutus es orando:
sed potius post vota labiorum tuorum te
15 recollige; et in maiori gratiarum actione
ab omni strepitu solus permane, rumi-
nando quae audisti cantare. Quid prodest
una hora Deum laudare; et altera saecu-
laria et inania pertractare? Noli pretio-
20 sum fructum orationum tuarum, et labo-
rem divini operis: pro vilibus exponere
iocis et nugis. Nam cito perit devotio:
quae non custoditur sub silentii freno.
Quando autem taedium sentis ex longiori
25 officio: pensa quia isto finito evolabis
ad caelum. Et si hoc te non iuvat, me-
mento quia levius est tribus vel quatuor
horis vigilare, et cantare: quam una hora
in purgatorio ardere. Magni quidem meriti
30 est sacris canonicis horis interesse: et
laudes Dei alacriter cum multis fratribus

persolvere in ecclesia sancta. Et si non possumus sine intermissione orare aut cum perfectis contemplari; debemus tamen certis horis ad hoc deputatis omnem diligentiam adhibere: ut intente et devote psallamus. Neque enim in tam sancto opere tibi ipsi solum proficis aeternam a Domino mercedem promerendo; sed etiam cunctis Christi fidelibus et praecipue animabus defunctis prodesse potes, gratiam et veniam in cotidianis horis et missis implorando; et tanto plenius: quanto saepius et ferventius pro omnibus oraveris. Nam et pro quolibet verbo attente prolato: iusto praemio non privaberis. Quicquid etiam neglegenter persolvis, inde districte punieris. Non enim est leve peccatum in praesentia Dei et sanctorum vago corde stare: et ad sacra verba parum attendere. Heu quanta irreverentiae est ibi inania dicta vel facta revolvere: ubi omnibus praetermissis negotiis, solum divinis congruit intendere actionibus et secretis. In hoc cognoscitur verus et internus religiosus: si in Dei laudibus fuerit ferventer intentus; si nil cogitare libet aut agere quam ea quae Deo maxime placent: et cum angelicis spiritibus communionem habent. Et hoc est semper orare, Deum scilicet ex toto corde laudare benedicere et glorificare quemadmodum

David in psalmo dicit. Benedicam Dominum in omni tempore: semper laus eius in ore meo. Qui ergo a Dei laudibus torpescit aut tacet aut se absentat: non
 5 est amicus Dei nec civis caeli; quia angeli semper in laudibus Dei sunt: et voce consona sanctus, sanctus, sanctus in laudem summae Trinitatis cantant. Qui etiam aves caeli recte nominantur: quia
 10 alarum suarum sonitu ad cantandum nos hortantur. Inter omnes operationes animae fidelis non est tam fructuosus labor, et tam acceptabilis Deo servitus: sicut frequenter devote orare et Deum toto
 15 cordis affectu laudare. Vae igitur illis qui divino amore non calent; sed ad extraneas fabulas se convertunt: qui nec orant, nec alios orare permittunt; et ubi peccata sua emendare deberent: ibi ve-
 20 teribus malis nova superaddunt. Tales sunt qui ecclesiam tarde intrant, et citius exeunt; qui breves missas diligunt, et longas epulationes exercent: qui saturati lusibus delectantur et iocis; et pro bene-
 25 ficiis Dei breves gratias vix debite solvunt: eo quod plus corpus quam animam pascere gaudent. Non sic faciet bonus religiosus Dei servitio mancipatus; sed memor omnium beneficiorum Dei quae
 30 a saeculo sunt: cum Iesu studeat pernoctare in orationibus hymnos et psalmos

canendo; sacras hostias offerendo et devotis meditationibus insistendo: et cor suum ad Deum semper erigendo.

*De discretione in omni spirituali exercitio
servanda*

5

CAPITVLVM IX.


Servus Dei cum discretionis moderamine omnia agere debet. Stude ergo viam regiam tenere; ut neque nimis laxus ad carnem: nec nimis rigidus per 10 fervorem, corruas ante finem. Si vis stabilem bene vivendi ordinem servare: inter duo extrema per medium iter incede; ut nihil per arrogantiam ultra vires attemptes: et quae commode agere prae- 15 vales per inertiam non omittas. Non requirit Deus a te corporis destructionem: sed vitiorum refrenationem. Non exigit aliqua impossibilia: sed saluti tuae utilia. Dat sana consilia: providet vitae neces- 20 saria; ut bene utaris corporis servitio ad animae profectum: et in nullo excedas discretionis modum. Nam hodie currere et cras lassus iacere; non est in via Dei proficere: sed se ipsum confundere, et 25 profectum impedire. Nunc nihil velle habere et cras superflua sumere; non est paupertatem diligere: sed cupiditatem fovere. Nunc necessaria recusare, et cras

singularia quaerere; non est abstinentiam
facere: sed gulam excitare. Nunc apposita
nolle comedere, et cras de defectu cibo-
rum murmurare; non est abstinentis
5 animae signum: sed impatientiae mon-
strum. Nunc tam multum legere vel
scribere, ut dolor capitis sequatur; non
est animam pascere: sed impotentem ad
alia bona opera reddere. Hodie nihil
10 loqui, et cras dissolutum fieri aut silen-
tium frangere; non est zelum ordinis
habere: sed multos in ordine scandalizare.
Hodie tam alte cantare ut cras nequeas
resonare aut vix os ad cantandum aperire;
15 non est Deum laudare: sed alios in choro
turbare. Quidquid modum excedit et dis-
cretionem non tenet: nec Deo placet, nec
diu durare solet. Necessarium est ergo
in omni spirituali actione ad perficiendum
20 opus debite inceptum, ut communem ser-
ves institutionem, et singularitatis caveas
notam; atque in dubiis et obscuris causis
superioris sequaris consilium: et cum
discretionis moderamine, oboedientiam
25 custodias sine fictione. Semper in summo
devotionis gradu posse consistere, non
est fragilitatis humanae; et nimis ad ex-
teriora declinare et terrenis involvi non
est profectus hominis spiritualis: sed per-
30 ditio totius religiositatis. Quod si speciali
gratia fueris a Deo visitatus et inebriatus;

hominem te noveris esse non angelum,
 carnis sarcinam adhuc gerere non animae
 stolam: datam gratiam recale non in-
 natam. Cave igitur ne velis sapere plus
 quam oportet sapere: sed gaudium tem- 5
 pera timore; nec velis altiora praesumere:
 ne postea humiliatus desperatione fran-
 garis. Cum exterius laboraveris et ne-
 cessaria negotia tractaveris; non totus in
 visibilibus defluas: sed frequenti medi- 10
 tatione te sursum ad Deum erigas. Pensa
 ad quid exteriora ista fiunt et exercentur;
 quia servum Dei iuvare debent non im-
 pedire: quatenus terrenis bene moderatis
 ad aeterna et invisibilia facilius tendatur. 15
 Vt autem virtutem discretionis in operando
 et donum sapientiae possideas in vacando;
 melius hoc impetrabis devote orando, et
 humiliter a Deo petendo: quam propriae
 industriae vel labori confidendo. 20

*Oratio de felici consummatione in
 virtutibus.*

CAPITVLVM X.

 Ro te Domine Pater sanctissime, qui
 omnia in numero et pondere et men- 25
 sura fecisti; qui famulatum tibi debitum
 ab omni creatura rationali vis exhiberi:
 et praecipue in servis tuis spontaneum
 servitium diligis et exquiris; dirige actus

meos spontaneos in beneplacito tuo, et
ad imperium aeternae dispositionis tuae
rebelles motus carnis meae reflecte:
propriasque voluntates ex integro fran-
5 gere mihi concede. Sic ordina cunctas
affectiones meas ut malas statim ab initio
respuam; bonas fortiter teneam, puras
diligam: teque sine corporea imagina-
tione contemplari discam. Sic tempera
10 vires meas et operationes exterius, ut
non totus inhaeream infimis; sed sem-
per potens sim me convertere ad in-
terna: et sine gravi tardatione ascendam
ad caelestia. Sic me conserva in aeter-
15 norum desiderio, in amore sanctarum
virtutum, in fruitione caelestium: ut tu
Domine Deus ampliorem inde habeas
honorem: et ego salubriorem profectum
suscipiam. Non mihi veniat ex tua visi-
20 tatione pes superbiae: nec me vexet
pestis vanae gloriae. Non me sinas sa-
tanae decipi illusionem, neque falsa rapi-
dulcedine: nec privata devotione extra
communitatem recedere, neque immode-
25 rata frangi exercitatione; sed da mihi
cuncta cum discretione agere, sine sol-
lerti consilio nil praetendere: cum timore
et reverentia maiestatis tuae in conspectu
tuo munde ac libere sine omni passione
30 et corruptibilium rerum affectione in-
cedere. Da humilem et quietum spiritum

possidere; effusum et immoderatum numquam esse: nulli quoque creaturae vitioso affectu inhaerere, sed tibi soli cor meum mundum et tranquillum conservare; ut semper ad caelum mente erectus, et tibi 5 Deo meo secrete intentus, a nulla re visibili capiar: sed verus mundi contemptor permaneam. Sic exteriora pro loco et tempore da congruenter perficere: ut nullum interioribus meis sint detrimen- 10 tum; sed omnis labor et actio pro te assumpta: ad liberius postmodum vacandum iuvamen mihi praestent et ducatum. Omne etiam quod ago exterius, aut quicquid interius intellegere possum: da mihi 15 simpliciter et pure, pro maiore nominis tui honore et beneplacentioris voluntatis tuae amore perficere: meque ipsum tibi in omni re desiderabili aut naturae contraria prompte resignare; patienter quo- 20 que praesentis vitae sarcinam quoadusque iusseris et meae vocationis terminus venerit perferre: corpus quoque et animam tibi creatori meo fideliter commendare. Memento mei Deus in hora extremae 25 necessitatis; et fac misericorditer cum servo tuo: qui non in meritis meis, sed in tua miseratione et pietate confido.



*De caritate Dei et proximi et odio
vitiorum.*

CAPITVLVM XI.

DEus est beatitudo animae; nec ullo
5 **Q**uoniam bono creato fit anima beata, nec
veraciter sapiens: nisi Deum super omnia
amando, et omnia infra Deum ex corde
vilipendendo. Vnde Paulus dicit. Omnia
arbitratus sum ut stercora: ut Christum
10 lucrifaciam. Caritas nobilis est virtus et
ex Deo nata: quae animam quam replet,
caelestem facit, et mundo alienam. Ca-
ritas odit vitia, damnat delicias; per-
sequitur malum, et vim facit naturae: ut
15 vincat quicquid Deo et virtutibus est
contrarium. Sicut aqua et ignis contra-
riantur: sic caritas Dei et amor mundi
non sociantur. Quanto magis se ipsum
quis vincit et defectus suos emendat:
20 tanto plus amor Dei in eo crescit: et
carnis affectus marcescit et decrescit.
Qui male se habet et de hoc non dolet,
sed incorrigibilis manet: laedit caritatem
et dissipat bonum pacis. Non est aptus
25 ad concordiam, nisi qui relinquit suos
perversos mores: quibus offendere potest
Deum et secum habitantes. Si vis habere
caritatem Dei, et servare pacem inter
fratres; frange propriam voluntatem, et

nihil age per elationem: sed in omnibus humilia temet ipsum. Via ad caritatem: est descendere per humilitatem. Nam qui elate de se sentit: longe a caritate recedit. 5

Saepe putatur esse caritas: et est magis carnalitas. Libenter bibere vinum et loqui cum feminis: caro est. Laute comedere et ornate vestiri: caro est. Diu fabulari et parum operari: caro est. Raro orare et frequenter foris vagari: caro est. Ad mensam festinare et ad ecclesiam tardare: caro est. Ille veram probatur habere caritatem; qui funditus odit mundi vanitatem: et carnalem fugit familiaritatem. Sancta 15 quippe caritas non quaerit in hominibus solacium terrenum: sed spirituales profectum. Nam animam potius pensat ad Dei imaginem factam: carnem vero ad malum proclivam refugit ut sibi nocivam. 20 Caritas non debet dici ubi zelus non est iustitiae: nec fervor disciplinae. Quisquis Deum et proximum veraciter amat: iniuriam Dei et animarum damnum dissimulare non debet. Pax cum virtutibus 25 bona est: cum vitiis vero numquam, sed semper mala. Ibi est bonus status et pax in domo: ubi defectus emendantur et vitia cito resecantur.



De abstinentia et castitate.

CAPITVLVM XII.


SObrius victus et potus: sanitas est
 animae et corporis. Inopia rerum:
 5 paupertatem docet amare. Rara virtus:
 continentia in deliciis. Abundantia tem-
 poralium occasio est iurgiorum: et mater
 vitiorum. Tutior est castitas in pauper-
 tate: quam in divitiis multis. Corporalis
 10 egestas: medicina est animae fidelis. Dolor
 cordis prohibet risum: et timor Dei oculos
 claudit petulantes. Sicut nocet visus im-
 pudicus: ita impedit auditus de inhonestis.
 Cavendum est animae sanctae de corporis
 15 propinquatione: quia caro cito afficit car-
 nem. Diligere pulchra et appetere mollia:
 non est pro virtute castitatis. Qui autem
 abiecta et amara amplectitur propter casti-
 tatem: potest facilius vincere carnem.
 20 Quanto enim caro plus premitur: tanto
 spiritus plus elevatur. Qui se elongat
 ab omni tactu corporis: percipiet in anima
 suavitatem castitatis. Qui diligit solitu-
 dinem: purior erit a sorde mundanorum.
 25 Qui reputat corpus suum carcerem esse
 animae; non curabit illud ornare nec
 ostentare: quia cito convertetur in lutum
 et foetorem. Exteriora hominis con-
 siderare, et in pūlchritudine vel forti-

tudine gloriari: vanissimum est et vitiosum. In multa abstinence et castigatione corporis conversati sunt sancti: et pro afflictione praesenti receperunt consolationem Spiritus sancti. Non est dignus a Deo consolari: qui in transitoriis bonis delectatur, et de penuria contristatur. Qui patienter sustinet laborem et dolorem in servitio Christi: recipiet plenam mercedem etiam pro minimo passo. Castitas multos habet impugnatores; sed qui veraciter se humiliant, et Deum adiutorem sollicite quaerunt, ac sensus suos caute custodiunt: victoriam Christo duce obtinebunt.

15

De utili exercitio in vita et passione Christi.

CAPITVLVM XIII.

ptimum exercitium et suavissimum solacium quod in hac vita potest haberi est vita et passio Domini nostri Iesu Christi; quia tam in vita activa quam contemplativa perfectissime hominem docet, sine errore et multis argumentis: quod in aliis scientiis raro invenitur. Igitur firmissima et tutissima via ad perfectionem et mentis illuminationem atque aeternae vitae introductio-

nem: est conformari filio Dei in omnibus
 virtutibus et moribus suis. Disce ergo
 ad eius amorem et honorem cuncta ex-
 exercitia tua trahere et ordinare: et tam-
 5 quam praesentem Iesum in omni loco
 et tempore attendere: et cum multa re-
 verentia et singulari devotione ad audi-
 tionem et prolationem dulcissimi nominis
 eius caput humiliter inclina: genua flecte;
 10 et cum omnibus angelis et archangelis
 et universo coetu sanctorum maiestatem
 eius atque divinitatem adora, benedic et
 collauda. Et hoc est Christum per fidem
 et dilectionem habitare in corde tuo,
 15 oculos mentis ab eius imaginatione num-
 quam avertere: ad eius beneplacitum
 semper tendere, et nihil eius amoris prae-
 ponere; sed quicquid boni audieris vel
 legeris aut feceris in ipsum totaliter re-
 20 ducere et finaliter referre: quia ipse fons
 vitae et sapientiae et disciplinae; apud
 quem non perit nec minima cogitatio de
 eius memoria habita: nec vacua erit
 oratio ad eum cum gemitu fusa. Con-
 25 forma ergo te sanctissimae vitae Iesu:
 eius paupertatem humilitatem patien-
 tiam et contemptum in hoc mundo pro
 tuo modulo imitando. Pensa qualiter ab
 initio sanctae nativitatis suae usque ad
 30 exitum mortis in cruce pro te labora-
 vit; pro te sustinuit, et se totum tibi

impendit: quod nullus angelorum nec aliquis sanctorum fecit; ut merito super omnia diligendus sit et sine intermissione recolendus: ac summo cum honore venerandus. Istud beato Paulo sapuit super omnem sapientiam et doctrinam: cogitare scilicet Iesum Christum et hunc crucifixum. Et si alia multa noverat vel legerat; nil tamen ea aestimavit, ob eminentiam passionis et caritatis Christi: 10 quae tanta est ut nulla creatura possit digne Deo pro minimo puncto regratiari. Ideoque omnibus postpositis rebus mundi et subactis carnis passionibus: dicebat idem Deo iam plenus. Mihi vivere Chri- 15 stus est et mori lucrum. O dulce et salutare verbum, numquam oblivioni tradendum. Quam felix et sancta anima quae hoc dicere potest: cui Christus totum est quicquid vivit, quicquid sapit, 20 quicquid legit quicquid intellegit; quicquid credit, quicquid sperat, quicquid amat: quicquid cogitat, quicquid loquitur, quicquid boni operatur. Vere vivit et beate vivit: cui Christus est omnia in 25 omnibus et super omnia singulariter dilectus; qui magis in Christo quam in se ipso manet: nihil de se ipso tenens, sed in Christo dulciter ac fruitive quiescens. Sic vivere est Christo vivere: et 30 hoc est sibi ipsi mori et a se ipso de-

ficere et a maxime lucrari; quia hoc est mortem perdere et vitam aeternam invenire: in Christo Iesu Domino nostro. Talis anima licet adhuc sit in mundo et
 5 carnis nube tecta et diversis molestiis pressa; tamen sursum mente habitat in caelo: ubi Christus est in dextera Patris sedens. Ad quem cotidie suspirat, desideranterque tendit: et donec optineat,
 10 laborare et orare non desistit.

*De commemoratione et invocatione
 beatissimae virginis Mariae.*

CAPITVLVM XIII.

Gloriosae virginis Mariae benedictae
 15 & matris Iesu memoriam agere per omnia decet; cuius meritis et precibus cotidie te recommendare debes, et ad ipsam in cunctis necessitatibus confugere: sicut filius plagis percussus ad matrem
 20 suam dilectam. Nam dulce nomen Mariae: fiduciam donat eam invocanti et nominanti. Et ipsa consequenter parata est loqui verbum bonum ad filium suum Iesum: pro anima tribulata et miseriam
 25 patiente. Nisi enim Maria cotidie cum sanctis in caelo pro mundo oraret; quomodo mundus adhuc stare posset qui tam multis peccatis Deum offendit et

tam parum se emendat? Invocanda est ergo Maria ab omnibus Christi fidelibus: a iustis et a peccatoribus et praecipue a religiosis et devotis personis; qui continentiae propositum tenent, et per sancta desideria ad caelestia anhelant: et nihil cum mundo habere agere volunt. Sed quid petendum est? Primum pete indulgentiam peccatorum tuorum; deinde continentiae virtutem atque humilitatis donum Deo gratissimum: ut semper humilis in conspectu Dei inveniaris vilisque et abiectus desideres reputari; nec de aliquo bono velis gloriari: ne perdas totum quod videris habere. Dole quod tam longe es adhuc a veris virtutibus; a profunda humilitate, a sancta paupertate, a perfecta oboedientia, a purissima castitate, a devotissima oratione, a ferventissima caritate: quae omnia plenissime fuerunt in Maria matre Iesu. Ideo pro-
 cide ad pedes eius sicut pauper et mendicus; ut saltem minimum gradum de his virtutibus optineas qui ad summum ascendere non vales propter desidiam
 tuam. Quicquid habere desideras per manus beatæ Mariae humiliter roga: quia per eius gloriosa merita, iuvantur qui in purgatorio sunt et in terra. Magna gratia magna gloria eius in salutari suo Iesu, super omnes sanctos in caelo: sed

totum pro omnibus nobis qui degimus
in mundo. Secure ergo fidelitati eius te
committe cuius orationes Deo sunt ac-
ceptae; nil aliud tamen petens nec quae-
5rens, nisi quod sibi et dilecto filio suo
placet et saluti tuae expedit: prout ipsi
melius noscunt. Pro peccatis orare et
cor in humilitate custodire: multum placet
Deo et beatae virgini. Nam ipsa de sola
10humilitate gloriata est ante Deum, et de
ceteris tacuit; et quantamcumque gratiam
habuit: ab humilitate non recessit. Oret
ergo voce pia pro nobis virgo Maria: ut
digni simus gratia Dei.

15 *De suffragiis sanctorum sedule
petendis.*

CAPITVLVM XV.

Sanctorum cum Christo regnantium
suffragia instanter petere non negle-
20gas; quia sicut cernis in valle lacrima-
rum degis, et inter hostes cotidie ver-
saris: et adhuc longe a Deo peregrinaris.
Stude ergo cum sanctis et amicis Dei
tempore incolatus tui amicitiam facere;
25et ad eos specialem familiaritatem habere:
et hominum notitiam et allocutiones in-
utiles declinare. Melior est tibi unius
sancti oratio: quam omnium saecularium

amicorum visitatio. Plus te consolabitur
 Christus in silentio: quam longa homi-
 num loquacitas in convivio et risu multo.
 Habet iustus internum gaudium: quod
 non percipit animalis homo inhians ter-
 renis. Si paupertatem et simplicitatem
 diligis: aderit tibi frequenter Iesus cum
 angelis sanctis. Et si non manifeste:
 tamen invisibiliter et occulte consolabitur
 te in scripturis. Beatus qui recreationes
 suas quaerit non ab hominibus: sed in
 lectionibus sacris et precibus devotis ad
 bene vivendum et ad caelestia amanda:
 sicut fecerunt sancti visibilia contem-
 nentes. Qualis unusquisque est, tales
 etiam socios diligit; devotus devotum,
 pudicus pudicum, sanctus sanctum: vagus
 vagum, dissolutus quaerit dissolutum. Si
 ergo desideras cum sanctis regnare in
 caelo: oportet te multa pati pro Deo et
 cum sanctis humiliari in mundo; quia
 parum prodest sanctos labiis honorare:
 et moribus contraire. Si vis Deo et sanctis
 placere: doma carnem, frange propriam
 voluntatem: certa contra vitia, labora pro
 virtutibus, inspicere vitam sanctorum, lege
 doctrinam eorum; ut cum sanctis sanctus
 fias a sanctis erudiaris, per sanctos ad-
 iuveris a sanctis exaudiaris: cum sanctis
 coroneris. Placet eis frequens gemitus
 in caelum: dolor pro peccatis silentium

oris; firmum propositum emendandi, de-
 siderium proficiendi, patientia in ad-
 versis: gratiarum actio pro beneficiis
 collatis. Delectat etiam sanctos cantus
 5 devotus, alacritas in vigiliis, laus psal-
 modiae; confessio peccatorum, postu-
 latio veniae, celebratio missarum, ora-
 tionum lacrimae: et omnis observantia
 regularis disciplinae. Qui ab istis bonis
 10 tepescit et recedit, perdit devotionis
 gratiam; nec est Deo acceptus neque
 angelis carus: sed Deo et sanctis om-
 nibus contrarius. Nam qui ex Deo
 est, verba Dei audit, verba Dei libenter
 15 legit et scribit; libenter vigilat et orat:
 libenter abstinet et laborat, libenter tacet
 et Deo vacat; libenter est in cella et in
 ecclesia, nunc istum nunc illum sanctum
 invocando: et flexis genibus gratiam
 20 postulando pro passionibus vincendis, pro
 temptationibus resistendis quibus adhuc
 graviter impugnatur; ut eorum precibus
 gloriosis devotus permaneat et post huius
 vitae agonem ad aeternae quietis man-
 25 sionem pertingat: ubi omnes sancti cum
 Christo feliciter regnant. Non enim erit
 frustra petitio coram sanctis: quae pia
 intentione eis offertur ad honorem. Nam
 qui tam sedule oravere pro inimicis suis,
 30 dum premerentur ab adversariis; quanto
 libentius nunc orabunt pro suis suppli-

cibus, ut sibi citius valeant associari in caelestibus gaudiis: quos norunt in Dei servitio cotidie laborare et pro aeterna vita multis suspiriis et lacrimis Christum exorare. Dat magnam fiduciam rogandi sanctos: quia et ipsi fuerunt homines mortales et peccatores multis criminibus et variis passionibus dudum involuti et gravati; sed per gratiam Dei liberati et iustificati, maximas nunc gratias Christo referunt pro omnibus malis quae evaserunt: laeti in aeterna beatitudine, quam gratia divina opitulante percipere meruerunt.

De desiderio animae ad caeleste regnum. 15

CAPITVLVM XVI.


Vnicum et singulare desiderium sanctorum in hac vita fuit, nihil commune habere cum hoc saeculo: sed per contemptum terrenorum tendere semper ad praesentiam Christi et consortium angelorum. Vnde et beatus Paulus vehemens amator Christi omnia terrena perfecte despiciebat: et ad caelestia aestuans, dicebat. Cupio dissolvi: et esse cum Christo. Non est omnium tale desiderium: sed perfectorum qui dicere

possunt, nostra conversatio in caelis est. Nam valde pauci ita nudati inveniuntur, qui totum affectum suum ad aeterna erigunt: et de terrenis divitiis et honoribus nihil ambiunt. Qui autem amore Christi accensi in paupertate et contemptu sui gaudent; atque cor in humilitate deprimunt, et de parvis neglegentiis etiam stricte se ipsos reprehendunt: qui
 10 necessaria vitae sobrie et cum timore capiunt, et potius minus quam amplius requirunt; hi sunt veri contemptores mundi, et amici Dei ad patriam festinantes, parati de corpore exire, et ad
 15 Christum citius pervenire: non habentes quod possit eos in saeculo delectabiliter retinere. Felix anima cui tale desiderium inest, et per singulos dies fervorem addit fervori; non desistens orare
 20 et clamitare ad Christum donec aperiat-
 tur sibi porta caeli: et ingrediatur regnum Dei cunctis fidelibus promissum. O beata patria, ubi perpetua laetitia, pax summa, clara Dei notitia: caritas
 25 perfecta et beatitudo consummata. Ibi melior est dies una quam hic mille milia; quia ibi penuria nulla: hic miseria multa, pax rara, cognitio parva. Quid miseri loqui possunt de felicitate
 30 superna, quid mortales capere sciunt de aeternitate vera et vita sempiterna; nisi

sub quadam caligine et scripturarum
velamine tecta? Gemat ergo anima
fidelis mundi circumfusa tenebris ad gau-
dia lucis aeternae, ad societatem patriae
caelestis; indesinenter oculum mentis
sursum elevans: ubi Christus est in
gloria Patris, per aeterna saecula regnans.
Amen.

EXPLICIT LIBELLVS DE DISCIPLINA
CLAVSTRALIVM.

10



EPISTVLA DEVOTA AD
QVENDAM REGVLAREM.



Ista sunt praecipue necessaria et utilia pro conservatione devotionis et pace cordis, pro profectu virtutum et aedificatione aliorum; scilicet solitudo silentium, opus manuum, oratio lectio, meditatio scripturarum: paupertas, sobrietas, oblivio patriae, fuga saeculi, quies claustrum: visitatio chori et custodia cellae. Cum his observationibus, fit homo compunctus internus et devotus. Nimia occupatio in externis, magnum impedimentum est interiorum: et infrigidat a caelestibus. Duo sunt quae valde nocent religiosis quod tam parum illuminantur; quia sunt nimis multiplices in exercitiis corporalibus non considerantes ad quid omnia ordinata sunt: et quia non examinant sollicite interiora sua quibus affectionibus moventur ad virtutes vel ad vitia, et quantum distant ab unione cum Deo habenda. Nam tanto quis Deo unitur et plus illuminatur: quanto a mundi curis magis elongatur. Multa

EPISTVLA DEVOTA AD QVENDAM REGVLAREM

non sunt homini necessaria scire nec
habere: sed curiositas et avaritia trahunt
ad multa animae nociva. Placeat tibi
propter Christum simplex vestitus et
5 sobria mensa: nec quaeras pretiosa orna-
menta. Christus amat cor purum, non
cappam pulchram: neque casulam seri-
cam mira varietate contextam. Non optes
ut monasterium tuum abundet divitiis et
10 altis aedificiis: sed ut floreant omnes
fratres bonis moribus et virtutibus sanctis.
Et si alicubi pulchra et sumptuosa videas,
excusare potes et tolerare pro honore
Dei et reverentia loci: sed non debes
15 similia affectare.

Quando relinquis amicos propter Chri-
stum et non quaeris consolationes homi-
num, sed permanes in cella faciendo opus
tuum: tunc aderit tibi gratia caelestis
20 illuminando cor tuum; et gaudebunt super
te angeli sancti, et custodient te ab im-
pugnationibus inimici ne dominantur tibi:
sed viriliter ages et precibus eis resistes.

Quae ad saecularem scientiam et re-
25 putationem humunam trahunt omnino
caveas: sed semper humilia sectare sicut
fecerunt Iesus et beata virgo Maria. At-
tende quoque vitam doctrinam et patien-
tiam sanctorum: qui habuerunt veram
30 sapientiam per quam soli Deo placere
studuerunt. Pius Dominus non derelinquit

EPISTVLA DEVOTA AD QVENDAM REGVLAREM

electos suos in mundo afflictos; sed tollit quandoque eos tempestive de laqueis superventuris ne deteriora mala incurrant: quae forte tolerare nequirent.

Debes sollicite cogitare de defectibus⁵ tuis et saepe ingemiscere: ne vincaris, vel seducaris. Ora primo pro propriis miseriis: deinde pro aliis amicis vivis vel defunctis sicut fraterna caritas exigit. Plus tamen confidere debes de Dei gratia¹⁰ et misericordia et sanctorum meritis: quam de tuis precibus et actibus bonis. Habeas firmum propositum te emendandi; et si centum annis posses adhuc vivere, cogita quod propter nihil aliud velis vivere: ¹⁵ nisi ut Deo possis perfectius servire.

Contra tria vitia oportet cotidie certare, quae raro plene vincuntur: scilicet contra superbiam, contra gulam et acediam. Superbia latet in corde et multi-²⁰ pliciter extollit stultum in propria aestimatione sua; apparet saepe in vestitu, aperitur in voce: notatur in incessu et levitate morum. Gula grave est vitium: quae si refrenata non fuerit, facit homi-²⁵ nem dissolutum, pigrum et ad spiritualia ineptum: inducit somnolentiam et excitat libidinem. Acedia multum retrahit a spirituali exercitio ab intenta oratione, et sacrae lectionis studio; quaerit carnis³⁰ mollitiem, fugit laborem, odit cellam, diligit

EPISTVLA DEVOTA AD QVENDAM REGVLAREM

fabulari: delectatur vanis rumoribus, at-
taediatur interesse divinis. Qui non certat
viriliter adversus ista tria vitia parum
proficiet in bona vita: et cito cadet ad
5 alia peiora mala ex istis nascentia.

Dilectio Dei probatur magis in con-
temptu sui et omnium terrenorum: quam
in pulchritudine verborum. Plus Deus
delectatur in humili prece contriti cordis:
10 quam in alto clamore curiosae vocis.
Semper humilis invenit gratiam; et qui
se dat ad simplicem oboedientiam: opti-
mam habebit conscientiam et quietissi-
mam vitam.

15 Saepe est occultae superbiae signum
desiderare habere magnam devotionem
vel revelationem: potius te iudica divina
consolatione indignum. Nam de defecti-
bus tuis atque excessibus cogitare magis
20 placet Deo et utilius est tibi: quam in-
dagare de caelestibus secretis. Quamdiu
non es verus humilis et totus ab intra
mortificatus, ita quod laudibus non de-
lectaris nec maledictis moveris: non ex-
25 pedit tibi altiora perscrutari. Christus
saepe compescuit apostolos de multis
futuris, et subtilibus materiis loqui. Cur
ergo tu vis scire quae excedunt scientiam
tuam? Munda conscientiam tuam et cave
30 praesumptionem: et stude divinam discere
et facere voluntatem non propriam. Sic

EPISTVLA DEVOTA AD QVENDAM REGVLAREM

enim orat sanctus David magnus cognitor
caelestium secretorum. Domine ad te
confugi: doce me facere voluntatem tuam.
Quicquid ergo humiliorem te non facit
et ad maius beneplacitum Dei non tendit,⁵
noli cupere nec curare: quia Deo obligaris
mundam servare conscientiam, et saeculi
abicere vanitatem.

Verba Domini nostri Iesu Christi cum
magna diligentia attende; et Davidicos¹⁰
psalmos saepe rumina: quia in illis est
vera sapientia et salus tua. Passionem
Christi et vulnera Iesu in corde tuo quasi
in libro scribe: et totam spem tuam in
meritis Christi et sanctorum precibus¹⁵
pone. Quid enim nos fragiles agere
possumus: nisi quod multum humilie-
mus nos sub potenti manu Dei, et coram
ipso prostrati veniam petamus?

Resistendo vitiis et insistendo bonis²⁰
exercitiis concupiscentiae et passiones
paulatim minuuntur in nobis: et virtutes
amplius roborantur, ita ut homo delectetur
in eis frequenter; et maxime si honorem
Dei et non suum commodum vel pacem²⁵
propriam quaerat: quia aliter non esset
purum nec vere virtuosum. Nam qui ad
Deum omnia opera sua pure non refert:
superbus est et vanus. Quicquid boni
homo facit, cogitare debet quia donum³⁰
Dei est, et non se reputet inde. Nam

EPISTVLA DEVOTA AD QVENDAM REGVLAREM

tenetur Deo regratiari et magis se humiliare: ne imputetur sibi ad peccatum et gravius de ingratitude iudicetur. Omne opus bonum in Deo factum gratiam
5 maiorem meretur: laetificat mentem, et delectat operantem: quia Deum habet adiuvantem. Qui desiderat a Deo consolari taceat de mundanis, oret saepius et raro sit foris. Omne enim peccatum
10 generat tristitiam, corrumpit naturam et meretur poenam. Attende donum Dei in alio et dilige illud sicut vere est donum Dei. Erit autem tuum si diligis illud tamquam tuum, semper tamen totum ad
15 Deum humiliter referendo, ne perdas bonum male utendo. Tunc male uteris bono, si inde extolleris et vane gloriaris. Tunc bene uteris malo, si inde humiliaris et contristaris et per paenitentiam emendas,
20 das, nec te superbe excusas. Status huius vitae debilis est et plenus periculis, ideo ad Deum semper currendum est et orandum ut nos custodiat et adiuvet in omni luctamine et opere bono usque in finem.



**LIBELLVS SPIRITVALIS
EXERCITII**

INCIPIVNT CAPITVLA LIBELLI SEQUENTIS.

	De fervida exhortatione ad virtutes	I
	De firmo proposito servando per diem	II
5	De elevatione et directione cordis ad Deum	III
	De custodia cellae et sensuum exteriorum	IIII
	De hora surgendi et officio divino	V
	De refectorio et cibis sumendis	VI
	De fabulis et otio vitandis	VII
10	De beneplacito Dei et confidentia in adversis habenda	VIII
	De examinatione conscientiae completorio finito	IX
	De scrutinio conscientiae in speciali	X
	De hora dormitionis et nocturnae quietis	XI
	De virtute sanctae oboedientiae	XII



INCIPIT LIBELLVS SPIRITVALIS EXERCITII.

DE FERVIDA EXHORTATIONE AD
VIRTUTES.

CAPITVLVM I.

R*enovamini autem spiritu mentis* 5
vestrae: ait beatus Paulus apo-
stolus. Solent boni religiosi
habere devota exercitia: quibus
ad spiritualem profectum et virtutis amo-
rem cotidie excitentur. Tales secretum 10
petunt: et tumultus fugiunt populares.
Vitam suam sollicite discutiunt; et si in
aliquo offenderint: mox illud digna con-
tritione purgare nituntur. Vigilant circa
cogitationes suas; et quibus affectionibus 15
moventur animadvertunt: atque contra
evagationem cordis frequenti oratione ac
sacrae lectionis meditatione se muniunt
et dicunt. Viam iniquitatis amove a me:
et de lege tua miserere mei. Necesse 20
est enim cor in diversa rapi, et vitiis


repente sordidari: quod internis ac devotis exercitiis non insistit. Omnium exercitiorum primum et utile magis ad purgationem mentis est, passiones vitiorum agnoscere: et remedia eorum a Deo cum gemitu et lacrimis postulare. Nam pauperes aegroti et vulneribus corporis afflicti: luctuosis precibus opem curationis a transeuntibus sedule petunt. Misericors autem et pius Dominus non despiciet orationem contriti spiritus: pro aeterna salute gementis. Habeas igitur exercitia tuae conversationi congrua: quae te instruant, renouent, et accendant. Non debent haec privata excludere communia; sed ad ea te promptiorem magis reddere: ut in nullo detrimentum internae pacis incurras. Quod si ab inceptis tuis occasione aliqua impederis: quantocius vales, stude ad te ipsum habere recursum. Frequenter etiam tuum inspicere libellum: ut clarius tibi innotescat internus profectus tuus sive defectus. Secundum datam tibi gratiam: praeforma tuae institutionis normam. Nemo melius instruitur ad omne bonum, quam Spiritu sancto intus agente: cuius unctionem mitis et humilis facilius promeretur.

Sapientis est ordinare vitam suam: et debitum actibus suis imponere finem. Oportet etiam convenientia media in-

quirere: quibus ad principale perveniatur
intentum. Plus proficit una determinata
actio sapientis: quam magna occupatio
stulti. Qui importune et inconsiderate
agit facile offendit: et dolebit ipse of- 5
fensus. Qui autem matura utitur pro-
videntia: de salubri semper fine gaudebit.
Esto memor propriae fragilitatis, etiam
dum bene tibi successerit: et altum de
te sapere noli. Est qui elatos humiliat, 10
Deus malleus superborum.

DE FIRMO PROPOSITO SERVANDO PER DIEM.

CAPITVLVM II.

 Mni mane proponendum est: qua- 15
liter praesens dies utilius expen-
datur. Contra vitia quae magis infestant:
diligentiolem adhibe curam. Cotidiana ex-
ercitatio, gratiae meretur augmentum: et
perseverantia boni, ad virtutis culmen 20
ducit agentem. Forte ultima dies ista;
forte novissima hora: forte cras te non
inveniet. Custodi propositum, tempus
neglegere noli: non redit hora transacta.
Certa bonum certamen; ora pro gratia: 25
et dabitur tibi de caelo victoria sancta.
Stude minora vincere: ne ad deteriora
labaris ignavia praevalente.


Semper lex Dei in corde tuo versetur:
gratiarum actio et vox laudis ab ore tuo 30

non tepescat. Omne tempus cum Deo
non expensum: plange velut amissum.
Cave otiosos texere sermones: et inutiles
circuitus devita per aedes. Stet in ostio
5 cellae pro signo notabile breve; quod te
praemoneat exeuntem: et redarguat diu
tardantem. Periculum tuum inter homines
multos.

Orto iam die benedic Creatorem caeli
10 et terrae; qui tibi adhuc spatium bene
vivendi concessit: et solem suum pro
variis usibus super te fecit oriri. Christus
vivere tibi sit: et cuncta opera tua ad
Christi dirige laudem. Ipse spes tua tota
15 et praemium aeternale quod expectas:
gratiam autem humanam non quaeras
nec affectes. Si non vis decipi: noli
laudibus stultis delectari. Novit Deus cor
tuum: quam impurum sit et vanum. Ne
20 credas adulanti; sed potius increpantem
ausculta: qui bene consulit dum tua cor-
ripit errata. Habeas semper ad manum
orationis usum: contra omnia adversantia
invincibile scutum.

25 DE ELEVATIONE ET DIRECTIONE CORDIS AD DEVM.

CAPITVLVM III.

 Nte opus externum: prius eleva cor
ad Deum. Quitquid boni feceris
30 aut dixeris, non magni pendas: sed in-

utilem te servum veraciter reputabis. Offendit enim oculos divinae maiestatis: etiam levis elatio cordis. Vtinam unam saltem diem vel mediam fere horam: cum Deo integre expendas. Heu nimis instabilis es et impurgatus: etiam ubi devotior esse deberes.


Opere finito aut horis persolutis gratias age de bene peractis: et de neglegentiis intercursis veniam flebiliter pete. Magna ablutio est delictorum: humilis veniae deprecatio coram Deo et angelis sanctis.

Ad singulas horas angelicam salutationem lege: aut quod facile te recolligat cum Deo et citius inflammet. Qui non colligit mecum inquit Iesus: dispergit. Et qui non est mecum intus collectus: contra me est vagando in externis. Hic enim pronior est ad malum, infirmiorque ad resistendum: quia intima sua reliquit et Deum. Nomen Iesu et Mariae crebro in ore, semper in corde: pro solacio primo. In extremis senties: quantum profuit amor Iesu internus. Sanctorum quoque nomina: cum omni reverentia invoca et honora. Mira devotorum experimenta: fidem praebent verbis ostensis: Nec pigeat dicere aliqua suffragia: cum festum agitur in ecclesia sancta. Homo tristis et gravatus: ad amicos accedit sibi magis fideles. Et tu ergo ad Dei sanctos humiliter accede:

et cum bona fiducia necessitatem tuam
 precando revela. Licet enim modo in
 magna sint gloria: fuerunt tamen ali-
 quando in miseria nostra. Norunt ergo
 5 miseris caritate pleni, plenius misereri.
 Sive intus sis sive foras transieris: anima
 tua in manibus tuis semper. Nec pro-
 positi tui hodierni obliviscaris: quod heu
 nimis cito per incuriam perit. Oculi tui
 10 super vias tuas: quia ubique insidiae
 hostis maligni ad capiendum animas vagas.

DE CVSTODIA CELLAE ET SENSIVVM EXTERIORVM.

CAPITVLVM IIII.

15  Vstodi diligenter cellam tuam: et
 custodiet te. Tutior locus non est
 servo Dei in hoc mundo: quam latere
 in secreto: ubi Patrem oret libera mente
 ostio cubiculi clauso. Periculosus semper
 20 exitus cellae: mansio eius quies devotis-
 simae vitae. Qui assuescit cellam suam
 incolere, cito pacem cordis hauriet: et
 tutabitur a periculis maximis et multis.
 Solitudo, devotionis est mater: turba vero
 25 conturbat. Christus qui non potuit im-
 pediri in turba: declinavit tamen a turba.
 Vita solitaria, Deo et angelis grata: pacis
 semper amica. Qui potest capere capiat:
 solitarius regnum Dei in silentio habet.

Finis religiosi est omnibus terrenis abdicatis: Deo vacare in puritate cordis et custodia oris. Fortis qui contemnit saeculum; fortior qui vincit se ipsum, abnegando omne proprium: propter Christum pauper sponte effectus. Si non vis distrahi et laedi: noli alienis rebus implicari. Quod tibi non est commissum: taceat super hoc os tuum. Si videris geri non recta: ne temere iudices tamen facta tibi ignota. Bene delibera antequam loquaris: ne capiaris in verbo.

Cave a frequenti exitu: et ubi opus non habes ne accedas. Si oboedientia iubet vel utilitas requirit, vade cum decenti disciplina: et cito ad tua revertere secreta. Foris oculos custodi; aures obtura a rumoribus: refrena linguam et bonam meditationem assume. Antequam exeas orationem praemitte: pro diligenti custodia viae. Lege. Dirige Domine Deus meus, in conspectu tuo viam meam. Perfice gressus meos in semitis tuis: ut non moveantur vestigia mea. Iesus et Maria: sint mecum semper in via. 25

Inter opera tua memor sis dilecti tui Iesu cuncta cernentis sub caelo: qui corda rimatur in omnibus locis et horis. Si non vis irretiri: noli circumspicere multum. Oculi duces sensuum: cito cor vagum inficiunt. Quid prodest videre, 30

quod non licet habere? Foris saepe hauritur: unde interior homo inquinatur. Difficile est res pulchras videre: et non affici visis. Imago semel inspecta et non
 5 statim evulsa: aut noxam generat aut rixam in corde carnali. Ad cavendum ergo laqueos apertos vel occultos: libentius sis intus quam foris.

Rediens itaque ad cellam velut ad tran-
 10 quillitatis portum: fige in ea stabilitatis ancoram, per orationem ferventem et lectionem devotam. Non enim patitur cella tepidum et otiosum, in se diu morari. Flecte statim genua vel caput in-
 15 clina ante Crucifixum: et saluta praecipue Iesu matrem dominam nostram. Dicito attente: et replica saepe hunc versum. Haec requies mea in saeculum saeculi: hic habitabo quoniam elegi eam. Domine
 20 bonum est nos hic esse super omnia desiderabilia terrae: locus enim iste sanctus est. Quamdiu ergo spiritus tuos rexerit artus; sit cella, requietionis tuae domus ac tumulus: donec tibi aperiatur para-
 25 disus caelestis. Est enim via brevis de cella ad caelum: si in ea caelicam duxeris vitam.

Deinde gestus tuos retracta: quid operatus sis foris et locutus. Plange quod
 30 tam fragilis sis: quod levi etiam motu resilis a proposito sancto. Quid lucratus

es, si Deum perdidisti propter fabulas? Ecce sine Deo omnia vanitas: meditari autem de Deo mira mentis suavitas. Vtinam damno tuo erudiaris ad cautelam ampliorem foris habendam. Redi tandem ⁵ ad te ipsum: licet inquinatus et distractus. Recupera in secreto: quod in publico amisisti. Heu raro exitur sine periculo: rarius sine culpa reditur. Reversus gemens tace: et omnia tibi nociva exclude. Memor ¹⁰ sis Dei solius: nec te moveat de cetero spatiandi discursus. Vidi frequenter evagantes: et nullum fructum inde ferentes.

Tempore laboris vel scripturae: ad breves orationes recurre. Rumina ex psalterio ¹⁵ versiculum, aut evangelicum repete verbum: quod te commonefaciat et taedium pellat. Oportet quod sis diligens operator aut devotus orator: si in Dei servitio proficere ac perseverare contendis. Quam- ²⁰ vis igitur saepissime evagationes patiaris mentis impurae: ad solita tamen orationum arma et bonarum meditationum studia citius te converte.

Omni die specialem articulum de Christi ²⁵ passione assume: nec non memoriam beatae virginis, tuis intersere exercitiis pro devotione collectis. Libenter sacros codices scribe; quatinus libro vitae merearis inscribi: et a Christo pro modico labore ³⁰ perenni praemio ditari.

DE HORA SVRGENDI ET OFFICIO DIVINO.

CAPITVLVM V.

Via religiosus es idcirco altioribus
5 sanctitatis studiis obligaris. Re-
cedat igitur somnolentia ab oculis: torpor
evanescat et mollities carnis. Virilem
animum indue: ad divinum opus perge
mature. Esto paratus ad singula quae
10 noveris facienda: erit enim merces operi
tuo magna et gloria infinita.

Cum fuerit hora surgendi ne tardes in
lecto; sed assuesce surgere cito: et signa
te sanctae crucis signaculo trino. Re-
15 cordare verbi Domini Iesu discipulos
excitantis. Surgite inquit vigilate et orate:
ut non intretis in temptationem. Lege
et Pauli verbum. Hora est iam nos de
somno surgere: et aperti sunt oculi nostri
20 surgere ad Christum.

Pulsato ad chorum signo, occurre tem-
pestive cum primis: et loquere cum regi-
bus sanctis. Hoc signum magni regis
est: eamus, et inquiramus eum. Sta in
25 choro cum metu et reverentia: et psalle
nomini Domini altissime. Sis integre tibi
collectus: ac Deo firmiter intentus. Dili-
genter ausculta Dei verba: quae ibi le-
guntur et cantantur. Noli taedio vinci:

sed coge corpus spiritui servire. Datur enim frequenter nova gratia devote psallenti. Si non ad primum oris tui sonum lectio sapit aut psalmus; expecta Domini gratiam: et persevera usque in finem.⁵ Veniet incunctanter Dominus: et visitabit desideranter ad se clamantem. Tunc mirabitur et dilatabitur cor tuum: in omnibus quae audieris et legeris. Et scies quia multiplex eius lex; et beatus¹⁰ quem ipse docuerit testimonia sua: ad faciendum ea omni tempore cum diligentia magna.

Inclinationes et prostrationes, ac alias bonas consuetudines cum omni humilitate¹⁵ observa: quibus torpentia corda excitantur, ne dormitent prae taedio corpore lasso. Nam cuncta si debite agantur: ad meritum non exiguum computantur. Ipse Dominus noster Iesus Christus in²⁰ stante hora passionis suae: flexis genibus et vultu prostrato oravit ad Patrem. Sanctus quoque protomartyr Stephanus positus genibus: pro lapidantibus se supplicavit. Beatus Petrus apostolus, curvatis in ora²⁵ tione genibus: viduam mortuam suscitavit. Maria Magdalena inclinans se et prospiciens in monumentum: vidit angelos sanctos. Stes ergo reverenter sicuti decet Christi servum; aut prosterne te³⁰ humiliter uti oportet: nil praetereundo

quae sacra institutio iubet. Pigritiam in
sedendo: et levitatem in eundo vel stando,
ubique devita. Modestiam, cum religiosa
hilaritate prout religioso congruit: mori-
5 bus ostende. Ne autem distraharis ab
astantibus, aut aliquid confuse ibi agen-
tibus perturberis; respice coram te: et
divinis sic fixe intende arcanis, ut non
movearis diabolico instinctu; cuius astutia
10 saepe confusio fit et risus ex levi facto
et modico tumultu: quod lamentandum
est et omnimodis praecavendum.

In loco sancto temere quicquam agere:
impune non cedit. In praesentia Dei et
15 angelorum frequentia, nil praeter divina
cogitare licet; nulla terrena pertractare
decet: praecipue in horis et missis, ad
devote canendum et silenter orandum
deputatis.

20 Transiens per ecclesiam vel coemete-
rium: recordare obitus tui diem tibi igno-
tum. Intuere quoque sepulchra mortuo-
rum; quos sequeris in brevi humo simili
operiendus: et oblivioni tamquam mor-
25 tuus a corde tradendus. Terra es, et in
terram ibis: hominum pedibus mox con-
culcandus. Memento ultimi finis: ecce
cuncta velut umbra declinant, et in inter-
itum vadunt.



DE REFECTORIO ET CIBIS SVMENDIS.

CAPITVLVM VI.

ANte refectionis horam: non negligas pro benefactoribus et amicis defunctis orare. Hoc enim pium est et valde salubre. Hoc teneris ex debito fraternae caritatis: et iure divino pro beneficiis tibi impensis. Sicut tibi optas fieri post mortem ita te nunc exhibeas amicis defunctis in celebrando et orando fidelem.

In mensa recordare dominicae cenae: quid Christus Dominus egerit et dixerit discipulis suis. Sit praelatus tuus in medio fratrum tamquam verus vicarius Christi: reliqui fratres convescentes sicut apostoli sancti. Ordo quippe tuae professionis ex apostolica vita sumpsit exordium: ut docet regula beatissimi patris Augustini. Attende sacrae lectioni magis, quam epulis insumendis. Et ne appetitus gulae alliciat nimis, et increseat: amarum fel Christi et acetum in cruce potatum tuis poculis intermisce. Ante sumptionem cibi: levatis oculis mentis in caelum, ora cum propheta. Cibabis nos Domine pane lacrimarum: et potum dabis in lacrimis in mensura. Modeste et cum timore

Dei comedendum est: quia eleemosynae
fidelium sunt et labores egenorum. Semper
ad commune refectorium vadas quia ibi
maior animae fructus: et puriori inde con-
5 scientia cum gratiarum actione prandio
facto resurges. Ibi cum debita mensura et
maiori disciplina necessitas sumitur natu-
rae: et superflua resecantur. Ibi susurria
nullatenus audiuntur: sed verbum Dei sine
10 murmure cum silentio pertractatur. Qui
autem in privato libenter comedunt infir-
mitate non cogente: aut disciplinam fugi-
tant, aut gula vincuntur. Officiales propter
hospites et necessitates urgentes: saepius
15 adesse non possunt. Bonum tamen ex-
emplum in edendo et loquendo aliis dare
tenentur; ne occasione officii liberiores
effecti, extra disciplinam tendant: qui
ceteros sub disciplina servare iubentur.

20 DE FABVLIS ET OTIO VITANDIS.

CAPITVLVM VII.

Prandio facto ori tuo frenum im-
pone: quia tunc promptior est
homo ad loquendum et ridendum. Memor
25 sis pauperis Lazari ab angelis in sinum
Abrahamae deportati: qui hic in egestate
magna et doloribus vixit. Dives autem
deliciis et scurrilitatibus vacans: sepultus
est in inferno numquam inde exiturus.

Disce formam vitamque Iesu, in omni humilitate et simplicitate cordis imitari. Tolle quoque cotidie crucem tuam vincendo defectus tuos: ac temptationibus viriliter resistendo. Nam corpore refecto, 5 caro plus temptat: ideo laboribus et studiis est refrenanda diurnis. Si graviora non potes agere: fac libentissime parva. Numquam otio vaces, neque fabulis delecteris. Custodiam tibi, et bonum exemplum fratri 10 exhibere teneris.

DE BENEPLACITO DEI ET CONFIDENTIA IN ADVERSIS HABENDA.

CAPITVLVM VIII.

15

IN omni igitur re facienda intus vel foris, beneplacitum Dei perquire: et eius honorem maiorem omnibus utilitatibus tuis praeponere. Dum triste aliquid adversumque occurrerit: ne paveas 20 repentino timore; sed ad Dominum humiliter confuge: qui non deserit sperantes in se. Nam de se praesumentes Deus humiliat: et confundit in sua astutia confidentes. Omnes electi adversis multis 25 probati sunt, et cotidie probantur; ut in veritate humiliati, et purgati in praesenti: in futuro gloriosius exaltentur. Quando in aliquo excedis non concidat cor tuum:

nec desperes consuetudine prava vel subita commotione devictus; sed agnosce reatum tuum, confitereque delictum: proponens firmiter emendare et cavere de
5 cetero prout oportet.

Praesumptuosus cito desperat in adversis; humilis vero contemptus et exprobratus magis in Deo confidit: oppressusque convalescit. Qui honores non
10 desiderat, nec propria commoda quaerit: securus et gaudens pergit ubique. Angustias patietur: quisquis terrena sectatur. Ex caritate fraterna et oboedientia sancta, relinque privata: et fac quae tibi senseris
15 adversa. Omnia supplebit Dominus: et multo melius quam tu poteris cogitare. Si iniuria tibi fit: pensa quia bene meruisti. Libenter iniurias remitte a quocumque inflictas: ut Deus iterum tibi
20 cunctas dimittat offensas. Cum audieris aliquem tibi durius loqui: noli contendere verbis austeris; sed patienter fer fratriis infirma: et indisciplinatum doce ratione prudenti. Qui verbo non offendit:
25 ille perfectus est vir: ait beatus Iacobus. Vtinam tot bona et sancta verba studeas proferre: quot prius vana dixisti. In recompensatione igitur levium nocentiumque verborum tace compunctus: vel lo-
30 quere sollertiori modo praevisus.

DE EXAMINATIONE CONSCIENTIAE COMPLETORIO FINITO.


CAPITVLVM IX.

SEro iam facto examinanda est conscientia de statu defectus hodierni: si solito pigrior vel ferventior extitisti. Non parcas tibi ipsi in defectibus corrigendis: sed argue quae propria iniquitate commisisti. Tu reus es: tu haec et illa fecisti. Recogita quid in choro, quid in missa, quid in conventu, quid in mensa: quid foris quid in cella hodie egisti vel omisisti. Quando totum emendabis; quando satisfacies Deo et angelis, et hominibus? Debitor es omnium: et ad solvenda debita peccatorum, vix unum habes integrum nummum. Quis iste nummus? Confessio oris ex vera contritione cordis. Loquere ergo cum propheta pro venia impetranda. Confitebor adversum me iniustitiam meam Domino: et tu remisisti impietatem peccati mei. Pro hac orabit ad te omnis sanctus in tempore opportuno. Siquidem tempus magis opportunum ad recollectionem cordis variis occupationibus per diem distracti videtur esse hora completorii: ad quietem sanctae vacationis pro serenatione conscientiae purgandae deputata.

Vae illi qui hanc horam neglegenter praeterit: et de die in diem, de hora in horam locutiones protrahit; nec statum cordis moresque et actus vix semel in die examinat: quod omni hora facere necessarium foret. Quamvis enim tu neglegas intima tua discutere: Deus tamen nil patietur inultum abire. Vsque ad minimum namque quadrantem: exiget talentum tibi commissum. Dedit siquidem unicuique sensus; et legem vitae ad disciplinae constituit ad bene agendum: et ad meliora semper proficiendum: nullum vero tempus otiose vaneque consumendum. Ad te ipsum vel sero revertere miser homo totus deditus externis; qui ignoras quando veniet Dominus: et quam velox tibi instat exitus mortis.

DE SCRVTINIO CONSCIENTIAE IN SPECIALI.

CAPITVLVM X.

 Voniam igitur iustus in principio sermonis accusator est sui: ideo diligentius perscrutanda est cotidiana conversatio in speciali. Stultus odit increpationes, vanus non curat; superbus se excusat, piger dissimulat: dissolutus irridet. Sapiens vero vias suas considerat; praeterita retractat, futura praecogitat,

vitia abhorret: scripturas amat, precibus insudat. Doce sapientem, et amabit te. Securus in bonis ambulas: si mala non lateant.

Capitulum ergo culparum tibi noveris⁵ diligentissime esse servandum. Multi computant pecunias et expensas rerum: pauci conscientiam et negligentias temporum discutunt. Ideoque magis deficiunt, quam proficiunt. Loquuntur bona¹⁰ et non faciunt; detestantur mala in aliis: se ipsos autem neglegunt in multis. Tu vero aliter institutus es. Et si vere proficere velis: omni vespere te discutere non omittas. Quod si feceris, renovaberis¹⁵ spiritu mentis: et pacem habebit tabernaculum tuum. Secure dormies: et non erit qui exterreat quiescentem in Christo. Mirum valde et tremendum nimis; quod quis audeat ire dormitum, aliquo gravi²⁰ delicto occupatus: non compunctus neque confessus. Pro dolor, plures percepi in sua malitia et peccatorum faecibus subita morte extinctos: et omnium amicorum solacio destitutos. Ad caven-²⁵ dam ergo detestabilem negligentiam in examinatione conscientiae propriae de omni verbo et opere, iudicium tibi hora congruenti statue: et rationem villicationis tuae a te ipso exige stricte. Serve³⁰ male et piger, dic qualiter hunc diem

expendisti? Ecce notavi quod hodie
 suscitatus non statim alacriter surrexisti;
 pigritasti in lecto, vix ad ultimum signum
 te erexisti: et post alios tardior venisti.
 5 Non cantasti fortiter: nec attendisti dili-
 genter. Vana retractasti: et prae inopia
 devotionis etiam dormitasti. Accelerasti
 ad finem et ad lectum: et hoc mihi valde
 est suspectum; quia sicut imprae paratus
 10 chorum intrasti: sic indevotus existi.
 Verba multa prompsisti: parvum fructum
 retulisti. Tarde etiam hodie ad opus ac-
 cessisti; acediose laborasti: locutus es
 inutilia, interrogasti curiose; iudicasti
 15 suspiciose, risisti saepe dissolute: de-
 traxisti, commotus fuisti. Corde et oculis
 evagatus es in choro in mensa: et modi-
 cum ad lecta attendisti. Saecularia caute
 auscultasti: verba Christi et sanctorum
 20 dicta male retinuisti. De cibo et potu
 cogitasti: et avide comedisti. Gavisus
 es de melioribus ferculis; desiderasti
 amplius: de vilioribus murmurasti. Non
 fuisti patiens in modico defectu; nec
 25 continens a meliori: sed magis tibi quam
 fratri assidenti id adaptasti. Quaesivisti
 te in parvis: et maiora scilicet fidelitatem
 et caritatem perdidisti. Neglegenter horas
 legisti: sine devotione, sine debita atten-
 30 tione, et sine distincta prolatione ver-
 borum. Vide ubi corruisti: et desine

superbire, et gloriari in bonis a Deo perceptis. Gemens deplora interioris hominis statum: multis passionibus implicatum. Scrutare abdita cordis: si ira si invidia, si concupiscentia, si avaritia,⁵ si impatientia, aut tristitia: te movit et superavit. Nec solum de malis peractis investigandum est: sed etiam de bonis neglectis perquirendum. Si beneficia Dei cum gratiarum actione cogitasti; si pro¹⁰ amicis et adversariis orasti: si reverentiam praelato, et minoribus fratribus dulcedinem caritatis exhibuisti; si infirmis et temptatis compassus fuisti: si petenti auxilium, si maerenti solacium impen-¹⁵ disti. Si denique honorem Dei simpliciter et pure quaesisti: si humanam laudem strenue vitasti, si propriam voluntatem prompte abnegasti; si te nulli praetulisti: si patienter correctiones accepisti. Si²⁰ paenitentiam iniunctam humiliter implesti: si nemini molestus fuisti; si laesus clementer indulxisti, si ab iniuriato veniam postulasti. Si devote celebrasti; si attente cantasti; si pertinax non fuisti, si ad²⁵ humilia opera festinasti: si contemptus non contradixisti; si malum pro malo reddere non cogitasti: sed in bono malum vincere studuisti. His sacris scrutiniis mens tua invigilet: istis se frequenter³⁰ discutiat, increpet, et emundet; ut gra-

tiam caute conserves, amissam recuperes et ad spiritualem profectum vehementius inciteris: deflens omne malum quod hac die perpetrasti.

5 DE HORA DORMITIONIS ET NOCTVRNAE QVIETIS.

CAPITVLVM XI.

Ntequam vadas dormitum: bona meditatione et oratione te studeas
10 praemunire. De passione Domini vel iudicio futuro: quod te magis compungit seriose memento. Invoca Iesum et Mariam et angelos sanctos ut te custodiant, ac illusiones nocturnas longius repellant;
15 ne sit somnus tuus bestialis: sed sobrius pudicus et quietus. Ad sobrium somnum: iuvat bona custodia cordis ac sensuum per diem. Quae enim vigilando exercentur: horum imagines in somnis libenter
20 ter apparent. Signa frontem os et pectus: ut Deus cor tuum ab omni malo praeservet renesque constringat. Sit lectus tuus velut sepulchrum, in quo quieturus es modicum: paulo post iterum surrec-
25 turus ad vigiliis et Dei laudes celebrandas. Quanto praeparatius transis dormitum: tanto expeditior eris ad resurgendum. Devotos hymnos et psalmos rumina corde et ore: donec incipias suaviter

obdormire. Verbum Christi in cruce ultime dictum, in memoriam mortis eius et tuae expirationis tribus vicibus lege: sursum ad caelum oculis elevatis. Pater in manus tuas commendo spiritum meum: 5 redemisti me Domine Deus veritatis per filium tuum maximae caritatis.

Honeste et verecunde membra tua componas: nuditatem veles, nec crebro te vertas; sed quiete et custodite iaceas, 10 memor Christi in cruce pendentis: qui in patibulo non in molli lecto moriens obdormivit. Si caro titillat, si tetra imago incidit: si quaevis alia passio movet nec quiescere te sinit; ad orationem conver- 15 tere: signum crucis tibi imprime, flagellum, coronam spineam, lanceam ac totam armaturam crucifixi oppone; ante cuius virtutem non potest hostis stare malignus: nec temptationis illusio perdurare. Ad- 20 hibe quoque ignem aeternum; supplicia sanctorum martyrum, confessorum constantiam: et virginum fortia trophaea. Attende craticulam Laurentii; fustes Marcelli, ungulas Vincentii: vepres et urticas 25 Benedicti, flammam sanctae Agnetis; acutissimas testulas Agathae, bullientes aquas Caeciliae: dentes bestiarum, horridos carceres, nec non dura vincula pedum sanctorum. Sic Deo iuvante, et ista te 30 cogitante, ignem igne superabis; diabolum

confundes, sanctos honorabis: et in pace Christi dormies et requiesces.

DE VIRTUTE SANCTAE OBOEDIENTIAE.

5

CAPITVLVM XII.

SEcurissima via ad caelum est stare in oboedientia; et vivere sub disciplina: nec propria uti libertate. Qui perfecte se subicit homini propter Deum; 10 dabit ei Dominus gratiam specialem in praesenti: et exaltabit eum in gloria sanctorum. Tam diu erit lis in homine: quam diu manserit in propria voluntate. Deus sufficiens est causa et ratio: ad oboedien- 15 dum praelatis nostris. Multo tutius est oboedire: quam praecipere. Cito erit in pace: qui cito se subicit et oboedit. Vir oboediens loquitur victorias ait sapiens: et qui recalcitrat stimulum patietur et 20 cadet. Si vita alicuius praelati non est ita perfecta et laudabilis sicut status et ordo requirit; tu tamen benefacis oboediendo in bono: quia non ab homine, sed a Deo praemium accipies. Disce 25 praesentem quem habes patienter ferre: ut mitius feras sequentem. Si hunc non haberes: forsitan duriores sustinebis. Oportet te unum habere nec pro tuo libitu inuenies aliquem: etiam si plures

fueris perscrutatus. Bonus discipulus tam malum magistrum non habuit: quin ei in bonum cessit quod humiliter obtemperavit. Exemplo igitur Christi et sanctorum eius studeas simpliciter et pure oboedire; propter Christum, propter conscientiam et bonam famam: propter pacem cordis, et aeternae vitae gloriam promerendam. Nemo tam quiete vivit, nemo tam secure moritur: sicut verus oboediens, et in omnibus Deo et hominibus subiectus.

EXPLICIT LIBELLVS SPIRITVALIS EXERCITII.



**LIBELLVS DE RECOGNITIONE
PROPRIAE FRAGILITATIS**

**INCIPIVNT CAPITVLA LIBELLI
SEQVENTIS.**

	De recognitione propriae fragilitatis	I
	De contemptu vanae gloriae	II
5	De fideli et veraci amico	III
	De supportatione fraternae infirmitatis	IIII
	De spirituali inopia ex subtractione suavitatis internae	V
	De humili subiectione et propria resignatione . . .	VI
	De laude Dei in tribulatione	VII
10	De laude Dei ex devotione	VIII



DE RECOGNITIONE PROPRIAE FRAGILITATIS.

CAPITVLVM I.

Cognovi Domine quia aequitas
iudicia tua: et in veritate tua
humiliasti me. Haec verba
sunt sancti prophetae, et hu-
milis regis David. Quid ergo tu vilis
homo ad haec dicis; qui terra es et cinis?
Quid grande aliquid de te imaginaris; et 10
alta vanitate delectaris? Aut cur te alicui
bono homini comparare audes; cum sis
revera peccator, et totus in peccatis na-
tus et totus vitiis ac concupiscentiis ple-
nus? Vere si in veritate te discutis et 15
intueris: omnibus deteriorem te recte iu-
dicabis. Dic mihi qualem meretur con-
fusionem et poenam; qui Dominum terrae
aut principem regni contumeliosis verbis
et factis indignis offendit? Vel certe 20
quantae vituperationis iaculo ille feriendus
esset; qui in conspectu regis et ministro-

DE RECOGNITIONE PROPRIAE FRAGILITATIS

rum suorum foetidissimum cadaver tangeret, aut lutum immundum revolveret? Nonne statim confusibiliter expellendus esset; aut etiam carceri tradendus, ab
5 omnibus iudicaretur? Tu es pro pudor stultus ille: qui pessimam hanc rem fecisti. Nam ecce in praesentia divinae maiestatis, et sanctorum angelorum eius: peccare non timuisti. Multa etiam illicita
10 phantasmata versaris quae citissime respuere deberes: et plusquam lutum platearum detestari. Insuper permittis cor tuum in omne paene saeculum vagari; etiam tempore orationis et in loco sacro,
15 ubi cum maiori reverentia et sollicitiori attentione iuberis assistere: ac soli Deo et tibi ipsi firmissime vacare. Quomodo ergo digne dicendus es religiosus; tam longe a Deo et a corde tuo abstractus? Nonne
20 propter tua gravia et multa demerita, velut canis immundus meruisses a conventu sanctorum fratrum expelli, ac duris increpationibus castigari; ut fieret ultio de inimicis regis, quem offendisti peccatis
25 quam plurimis, nec adhuc peccare desistis? Sed o quanta est misericordia Dei super te homo miserrime; quod etiam post tantas offensiones patitur te Deus in hac luce vivere: et pro tantis malis,
30 tam multa bona largitur indigno et ingrato. Si quis in faciem tuam spuisset,

aut verbis contumeliosis confudisset: quantam indignationem adversus eum de illatis iniuriis conciperes; vel quali eum correptione puniendum censeret? Sed quis tu et cuius potestatis in comparatione 5 Dei; cuius faciem offendisti? Vere magna misericordia Dei super te: quod iam consumptus non es, quod adhuc iudicium differt, nec furorem suum in te exagitat; sed clementissime tuam emendationem 10 expectat, et propter paenitentiam vindicare suam iniuriam dissimulat: ut cognoscas, quia suavis et mitis est, et multae misericordiae Deus in omnibus operibus suis. Quomodo poteris oblivisci 15 omnium misericordiarum Domini, ab initio vitae tuae usque ad hanc horam? Proinde sis gratus et humilis; sis mansuetus ad omnia ferenda contraria: propter peccata tua delenda, et propter iram 20 Domini super te mitigandam. Nisi enim citius ac diligenter vitam tuam emendaveris, et in alterum virum te mutaveris: veniet super te calamitas, quam nescis; et stabunt contra te caelum et terra: et 25 omnes creaturae conclamabunt adversus iniquitates tuas; quia indigno serviunt ad necessitates varias: et tu creatori tuo digne non servis. Sed ne divina iustitia super te repente et furibunde oriatur, et 30 stipulam siccam persequatur et conterat;

DE RECOGNITIONE PROPRIAE FRAGILITATIS

dum tempus adhuc miserendi est, et locus veniam inquirendi remanet: loquere cum propheta in psalmo, et ora humiliter et confidenter dicens. Fiat misericordia tua
5 ut consoletur me: secundum eloquium tuum servo tuo.

DE CONTEMPTU VANAE GLORIAE.

CAPITVLVM II.

Rerum mundi facies indicat: quod
10 mundus amari non debet. Cum enim tam facile se variat: profecto corruptibilem se demonstrat. Nulli fidem firmam servat; sed modicum in apparentia blanditur: et in fine decipit et
15 illudit. Non ergo pulchritudines hominum, non divitiae rerum, non laudes adulantium non favores potentium te moveant et delectent; quia vana sunt et mortifera quaecumque a summo bono
20 retrahunt: et ad infima cogitatum inclinant. Omnis quippe caro faenum: et omnis gloria eius quasi flos faeni. Igitur humanas laudes non affectes; nec vane aliquem extollas: nescis enim quid futura
25 pariet dies. Saepe novissimi sunt primi, et primi novissimi. Fuge laudari tamquam venenum: ne seducaris et perdas boni operis meritum. Vani sunt et stulti: qui laudibus delectantur humanis. Laudetur

Deus: non homo fragilis. Sapiens plus
facta ponderat quam verba. Res bene
gesta se ipsam laudat. Qui verba tantum
sectatur: nihil inveniet. Virtus in Deo
facta: a Deo gloriam recipiet. Si ponis 5
vitam tuam in ore hominum; eris modo
aliquid, modo nihil: numquam tamen
liber et quietus. Iustus verbis non mo-
vetur ornatis: sed quod Deo placet at-
tendit. Saepe homines laudant: quod 10
improbat Deus. Multotiens Deus accep-
tat: quod homines vituperant et spernunt.
Ille ergo digne laudatur: quem Deus
omnia sciens commendat. Ille adiutus
est et valet: quem adiuvat Deus. Ametur 15
veritas, non hominum loquacitas; qui
saepe pro odio vel amore moventur:
nescientes quid sit in homine velatum.
Redi ergo ad conscientiam tuam ubi
veritas videt; et scito te infirmum esse 20
et peccatorem: atque cito morituum.
Siquidem in mortis articulo patebit, quam
fallax fuit omnis gratia mundi: quam
stulta laetitia, laus ab hominibus quaesita.

DE FIDELI ET VERACI AMICO. 25

CAPITVLVM III.

Amicus tuus est qui in Deo te amat:
et propter Deum te tolerat. Vere
ille amicus tibi est, qui salutem animae

DE RECOGNITIONE PROPRIAE FRAGILITATIS

tuae diligit: non qui foris blanditur et
applaudit. Ille tibi dilectus est qui pro
malis tuis dolet et orat; qui profectui
tuo congaudet: et corripit in caritate.
5 Non est fidus amicus nisi in Deo: et
qui sua non quaerit. Qui enim se ipsum
neglegit; quid alteri persuadere poterit?
Cum tua bene curaveris: facile proximo
persuadebis. Si diligis fratris salutem:
10 tuam operari non omittas. Si ordinate
procedis: a te ipso inchoabis. Propriae
saluti nil anteferendum est: ne tibi ob-
iciatur, medice cura te ipsum. In te
praedisce: quid alteri dicas. Doce vivens
15 verbum: te ipsum exemplum ponas, non
alterum te neglecto.

Esto bonus et fidelis: et invenies ami-
cum fidelem. Amor Dei amicum fidelem
constituit: sine Deo nulla amicitia stabit.
20 Sed ubi talis? qui in omnibus fideliter
agit? O quam pretiosus talis: qui amore
Dei sit plenus. Amor mundanus cito de-
ficit: et in necessitate vacuum relinquit.
Time Deum: et iungetur tibi amicus
25 fidelis. Serva nomen bonum: et invenies
socium bonum. Et cum inveneris, utere
sapienter: et dilige sicut te ipsum. Multi
amici in prosperis: in adversitate vix
unus adhaerebit. Non eris tamen de-
30 solatus: si Deum habes semper prae
oculis. Si Deo non places: non prod-

erunt amici mortales. Si inveneris iustum ac Deum timentem: magis dilige quam potentem. Sustine verbum amici; et memento quia homo est sicut et tu, quoniam solus Deus qui non errat: et in⁵ quem peccatum non cadit. Quod non vis sciri: dicito nulli. Arduum et rarum, celare verbum. Sic refer secretum: ut non erubescas cum fuerit detectum. Qui nescit tacere: non diu servabit amicum.¹⁰ Quando multa audisti et perlegisti; si hoc posses retinere ut scires quando deberes loqui et quando tacere: bene didicisses. Det Deus hoc magnum bonum: quia vere egregium donum: quod pauci ha-¹⁵ bent: scire loqui, quando et quomodo et quibus oportet.

DE SVPPORTATIONE FRATERNAE INFIRMITATIS.

CAPITVLVM IIII.

20

Optima doctrina: patientia in angustia. Salutare verbum: factum verbi. Qui implet mandatum: tremendum iudicium non pavebit. Confundit se ipsum: qui promissum non servat, nec facit quod²⁵ dicit. Sustine patienter et longanimiter aliorum defectus: quos Deus omnia videns sustinet. A multis Deus contemnitur: et tacet usque ad tempus. Quae emen-

DE RECOGNITIONE PROPRIAE FRAGILITATIS

dare non vales, fer bono modo tacendo:
et converte te ad Deum magis orando.
Siquidem et tu in multis deficis: nec
semper facis quod proponis aut dicis.
5 Pronus ad vindictam: non effugiet iram.
Qui se semper vult vindicare: paucos
habebit amicos. Displiceat semper malum:
placeat tolerantia mali. Tristitiam facile
vincit: qui nil terrenum novit amare.
10 Exterminat seminarium litis: qui abicit
vitium cupiditatis. Sive divitiae sive
honores excreverint: non satiant amatores
suos, sed implicant et torquent. Desine
concupiscere: et desines indignari. Nil
15 stabile sub sole: sed cuncta mutantur,
et res et honores. Stabilitur nemo: nisi
in solo Deo. Dilectio Dei, stabile funda-
mentum: humilitas autem meretur hanc
gratiam. Qui in Deo confidit: sustinet
20 omnia patienter. Et qui Deum pure
quaerit: facile contentus erit. Qui se
ipsum quaerit: se ipsum inveniet. Sentiet
detrimentum: qui loqui vult ad omne
verbum. Fluctuat semper animus: quam-
25 diu consolari quaerit in terrenis. In Deo
vera laetitia cordis: extra Deum non
est pax nec requies.



DE SPIRITVALI INOPIA ET SVB- TRACTIONE SVAVITATIS INTERNAE.

CAPITVLVM V.

Paupertas gratiae: gravior omni pau- 5
pertate naturae. Inopia spiritualis:
dura afflictio est animae. Castigatur saepe
iustus: interno solacio occulte subtracto.
Eruditur tamen animus flagellis: ne de se
praesumat in bonis. Novit ergo Dominus: 10
quid tibi sit utilius. Saepe obest saluti:
quod tu vehementer affectas. Est etiam
saepe pro te: quod tu aestimas tibi ad-
versari. Placita sibi cupit infirmus: sed
medicus dat quod novit salubrius esse. 15
Sanius iaces humi prostratus: quam stabas
intus elatus. Liberior est pauper in mo-
dicis: quam dives in opibus multis. Nulla
res prodest exterius: si interior gratia
desit et virtus. Si Deus dulcedinem 20
suam tibi subtrahit, ne mireris; quia
multis sic accidit: ne sibi ipsis hanc gra-
tiam ascribant. Lucundius est esse in
tormentis et in carcere, cum gratia:
quam in domo pulchra cum conscientia 25
mala. Qui consolationem Dei est ex-
pertus: omnibus fastidit quae mundus
sensibus offert. Cum senseris te caelesti
rore perfusum: totum Deo humiliter re-

DE RECOGNITIONE PROPRIAE FRAGILITATIS

funde. Si aridum inveneris cor tuum et obtenebratum; ne cesses ad Dominum clamare pro lumine gratiae et oleo misericordiae: ne deficias in via recta prae labore. Dabit enim Pater caelestis spiritum bonum animae quaerenti se.

DE HVMILI SVBIECTIONE ET PROPRIA RESIGNATIONE.

CAPITVLVM VI.

SI vis a malo liberari et in bono
10 confortari: humilia te sub Deo, et propter Deum sub omni creatura. Testatur hoc sanctus David qui dicit. Humiliatus sum, et liberavit me. Non est
15 bonum rebellare Deo: et contradicere sermonibus sancti. Idcirco inclina aurem tuam ordinationi divinae humiliter: maioribus et minoribus subiectus. Humilitas pacem parit et concordiam: et novit
20 omne onus portare. Et homini utilior contemptus suus: quam favor laudis inanis. Felix humiliatio animae dolentis, quae cognitionem propriae infirmitatis sibi aperit: ut plangat intense quod propria
25 iniquitate commisit. Suppleat semper humilitas: ubi deficit perfecta caritas. Cito illi ignoscendum est: qui reatum suum humiliter confitetur. Facile placat iratum: qui humile dat responsum. Valde

magnam rem facit: qui propter Deum se resignat, et in omnibus vincit. Nam qui victor est sui: Dominus est mundi, et haeres caeli. Qui se ipsum non vincit in parvis; quando maiora superabit? Illi 5 Deus est ad votum: qui se reliquit ex toto.

DE LAVDE DEI IN TRIBVLATIONE.

CAPITVLVM VII.

Disce Dominum laudare in tribula- 10
tione quam pateris: et fac de necessitate virtutem; ut meritum tuum augeat: et poena minuatur peccatorum. Vis murmurare contra Deum; quia te flagellat et probat? Hoc tibi non expedit: 15 sed magis ora ut malis tuis non parcat. Confitere ergo Domino quia bonus in donis suis: confitere etiam, quia iustus in flagellis tuis. Bonitas sua sine meritis tuis contulit tibi bona; iniquitas autem 20 tua quid meruit nisi flagella? Dic igitur ei in oratione prostratus. Domine Deus ego nil aliud ex me promerui, quam pati et flagellari; nec dignus sum vel minimam a te consolationem recipere: quon- 25 iam in multis te offendi. Sis igitur in omnibus benedictus: in quibus me affligis et uris. Si minus est: addes amplius. Modicum est totum secundum quod merui.

DE RECOGNITIONE PROPRIAE FRAGILITATIS

Afflictio mea, laus tua sit et gloria. Gloriarari enim me oportet hoc modo in cruce Domini mei Iesu Christi. Duret et valeat dolor meus: quantum tibi placuerit. Laudem tuam imple in me: scio enim quod nihil iniuste agere potes. Voluntatem tuam et summum beneplacitum, peto in me perfici usque in finem. Gaudio dixi. Quid tu mihi sine Iesu salutari meo? Nolo in me venias: nisi dixerit Iesus. Dolor mihi dulcior est et erit, quam tu: propter Iesum qui diligens me affligit. Nam salus ubi crux. Et plerumque sub gaudio dolus est occultus: et risus decipit multos. Vir autem sapiens vix tacite ridebit; nam futura metuens mala: considerat quam cito laeta labuntur. Plus te gravare debet culpa commissa: quam quaelibet poena inflicta. Et si remurmurat caro infirma: spiritus tamen debet esse promptus ad omnia ferenda. Itaque dicas. Libenter Domine portabo virgam tuam per gratiam tuam: et quicquid patiendum est pro salute mea aeterna. Multo enim melius ac levius est modo cum bonis et electis affligi: quam postea cum malis aeterno igne cremari. Esto igitur severus iudex in propria causa: ut Deus tibi indulgeat universa mala commissa. Dei enim es creatura etiam cum peccas; ideoque correctioni eius te humiliter submitte: ut

veniam consequaris et salutem. Nam salus iustorum a Domino: et protector eorum in tempore tribulationis.

DE LAVDE DEI EX DEVOTIONE.

CAPITVLVM VIII.

5

Omnes sancti, omnes fideles et omnes creaturae Deum laudare tenentur: quia exaltatum est nomen eius super omnes. Qui Deum laudant: laudabiles erunt. Qui vero Deum non laudant; confusione sunt digni: et omni honore privandi. Honorabile servitium est, et delectabile officium: corde et voce Deum laudare, et sancta vita glorificare. Si Deum laudas, facis quod debes: et ad quod creatus es. Si Deum non laudas; ingratus es et peccas: luesque ingratitude tuae poenas acerbis. Angelorum opus est, et sanctorum omnium gaudium singulare: Deum ac creatorem suum, incessabili mentis affectu laudare, benedicere, et glorificare. Imitantur autem eos qui divino officio libenter intersunt, et in ecclesia Dei devote orant: aut in choro debitis horis alacriter psallunt. Numquam a laude Dei et gratiis cessandum est, quia Deus numquam benefacere cessat: nec communem gratiam cunctis influere tardat. Ipse namque singulorum

DE RECOGNITIONE PROPRIAE FRAGILITATIS

curam gerit; paratus ampliora tibi dona largiri, si viderit in minimis te fidelem: et ad regratiandum esse ferventem. Ad quid accepisti os et linguam; nisi ut Deo
5 referas laudem gloriam et honorem? Si tu alicui benefacis aut in melius provehis; nonne aegre capis, si gratias non rependit? Quapropter divinis insta laudibus: et in canore iubilo Deum lauda
10 cum omnibus creaturis; ne contra te testimonium ferant et clament: quod ipsis Deum benedicientibus et ad nutum ob-
oedientibus, tu tacuisti a gratiarum actione et laude divina. Ad excitandam ergo
15 mentem tuam in Dei nominis laudem: lege dum vacat orationem hanc subsequentem si placet.

ORATIO AD LAUDANDVM DEVM FERVENTER.

20 **D**Eus meus laus mea et gloria mea. Cupio te laudare tam excelsa voce et tam devota mente: sicut umquam laudatus es ab aliqua creatura in caelo et in terra. Desidero te honorificare tam
25 magno et digno honore: sicut umquam honorificatus es ab aliquo sancto in regno tuo caelesti. Opto te venerari et amare tam ardenti affectu et amoroso corde: sicut aliquis devotus et perfectus homo

te dilexit et diligit in hoc mundo. Renovetur semper in me tui amoris sacer et purus affectus; et velut ignis desuper accensus renes meos et cor meum exurat: omnia quoque interiora mea purget⁵ et inflammet; ut nil vitiorum in me remaneat: quod oculos tuae claritatis offendat. O Deus meus cordis mei scrutator verus; coram te est omne desiderium meum et multiplex gemitus meus¹⁰ pro defectibus meis: nam prae inopia internae suavitatis ac caritatis deficit saepe spiritus meus. Offero igitur tibi desiderium desiderii mei in laudem nominis tui; accipe vota mea in holocaustum¹⁵ matutinum: et oratio mea sicut incensum vespertinum ad te ascendat et placeat in aeternum. Amen.

EXPLICIT LIBELLVS DE RECOGNITIONE
PROPRIAE FRAGILITATIS.

20



**RECOMMENDATIO
HVMILITATIS**



INCIPIT RECOMMENDATIO HVMILITATIS
QVAE EST FVNDAMENTVM OMNIS
SANCTITATIS.

D*iscite a me quia mitis sum et
humilis corde: dicit Dominus. 5*
Summus magister et legifer
noster Dominus Iesus Christus
humilitatem discere nos hortatur; quam
qui bene servaverit cito perfectus erit:
sine qua nulla lectio ad salutem valet; 10
quia in vacuum laborat: qui sine humili-
tate aliquid scire conatur. Est autem
prima lectio Christi, humilitas cordis
quasi fundamentum omnis virtutis: et
necessaria ad perventionem aeternae sa- 15
lutis. Advertat igitur hanc sacram lectio-
nem: quicumque desiderat habere nunc
gratiam, et in futuro vitam aeternam.
Qui vero istam humilitatem negligit;
quitquid agit et cogitat: totum destruit et 20
amittit. Doctrinam igitur Christi audiant
omnes christiani; omnes religiosi, omnes

sacerdotes, omnes praelati omnes subditi
 omnes nobiles et vulgares, omnes docti
 pariter et indocti: quia non elata sed
 humilia docet Christus; non vana sed
 5 utilia, non falsa sed vera: non terrena
 sed caelestia. Cito igitur doctus erit et
 beatus, quisquis Christum fuerit humiliter
 imitatus. Est enim humilitas singularis
 virtus Christi: contraria diabolo et odi-
 10 bilis mundo. Qui hanc corde et opere
 tenet, Deo et angelis placet: et securior
 ex hoc saeculo migrabit sicut Christus
 dicit. Beati pauperes spiritu: quoniam
 ipsorum est regnum caelorum. Itaque
 15 sine humilitate non est salus: nec virtus
 nec actio Deo grata. Omnis labor quam-
 vis magnus quamvis diuturnus: sine hac
 efficitur nullus. Nam profunda humilitas,
 arcem tenet virtutum: et triumphat semper
 20 de inimicis. Exultat de gratia Christi
 quae illi datur tamquam amico fideli;
 quia sponte se subdit Creatori, totum
 bonum ei ascribendo: et sese in cunctis
 deprimendo. Absque humilitate vera va-
 25 cuum geritur nomen sanctitatis; nec prod-
 est foris honestas: si intus humilitas desit.
 Cum humilitate ad summum scanditur
 bonum: sine ea de summo ruitur in in-
 fernum. Testes sunt humilis publicanus:
 30 et pharisaeus elatus. Horre Luciferum
 de caelo cadentem; intueri Lazarum

humiliter iacentem: et ab angelis in sinum Abrahae laetanter elevatum. Vnde humilis mater Iesu dixit in cantico suo. Deposuit potentes de sede: et exaltavit humiles. Exempla sunt plura in scripturis sanctis: et cotidie apparent pericula de sua virtute superbientibus. Qui enim appetit hominibus placere, et magnus reputari: Deo vilescit et sicut fumus evanescit. Omnis superbus coram Deo im- 10 mundus; nescit se ipsum: nec suum praevidet casum. Qui erigitur in superbiam: iusto Dei iudicio cadit in reprobum sensum. Qui alteri se praefert et altum de se sapit: cadit ab alto humili stante. La- 15 tens superbia pestis iniqua: foris blanda intus amara; in prosperis laeta: in adversis turbulenta. Qui alium quaerit confundere et se iustificare: se ipsum confundit et suam superbiam demonstrat. 20 Superbi est sibi ipsi placere, et plus sibi quam alteri credere: et aliorum facta cito reprehendere, et simplices deridere. Hic est proclivus ad omne malum. Perversum namque gerit iudicium, qui magna de se 25 sentit: et de aliis peiora confingit. Superbia numquam melius vincitur: nisi per frequentem exercitationem in operibus despectis et iniuriis multis et locis extremis. Cui grave est subesse et seniori 30 oboedire: longe est a vera humilitate.

Radix virtutum humilitas; pretiosum ex se producit oboedientiae fructum: et maturescit in caritate. Ad verum humilem spectat proprios defectus respicere; se ipsum iudicare: et die noctuque sua commissa deflere. Humilis frater praelatum suum non iudicat, ne Deum iudicem offendat: socium non contristat, seniore honorat; imperfectum tolerat, pro temptato orat: succurrit indigenti. Duo humiles bene concordant: duo superbi pro vili etiam re contendunt. Verus humilis potest secure laudari; quia in veritate fragilem se cognoscit: et acutos Dei oculos in omni facto et cogitatu suo expavescit. Multum valet ad humiliandum se occulta Dei iudicia timere: et de extremo fine semper cogitare. Vere humilis est: quem laus humana non movet. Et qui caelestem gloriam attendit: omnem temporalem honorem faciliter contemnit. Qui autem propriam gloriam quaerit, in veritate non stat: nec Deum perfecte super omnia amat.

Humilis praelatus Deo carus: et omni honore dignus. Humilis subditus: magno praemio coronabitur in caelis. Sobrius et castus: angelorum socius et hominum decus. Qui saeculi tumultum fugit: castior manebit. Devotus et internus homo secretum diligit: ut Deo liberius vacet.

Tacitus monachus frequenter orans: cum
 Deo ambulat et caelum penetrat. Bene
 operans et iniuriam patiens: fructus col-
 ligit optimos in futuro. Qui subtilia cogitat
 et humilia negligit: foveam parat in quam 5
 nescius cadit. Qui ad altiora anhelat:
 suspendio animam necat. Prudens homo
 nihil praecipitanter agit. Fidelis nil neg-
 legit: nec fraudem committit. Iustus
 causas rerum examinat, antequam iudicat. 10
 Sub specie boni, fere decipimur omnes.
 Qui nimis sibi confidit: periculo se ex-
 ponit. Consultius agit: qui experto et
 doctiori acquiescit. Consilium quaerere
 et orationes petere: humilitatis est in- 15
 diciū. Saepe Deus per alium loquitur:
 quod homini per se non revelat. In hoc
 magna humilitas et oboedientia apparet;
 cum quis verbum Dei ab homine im-
 perito audit: et mansuete iracundo re- 20
 spondit. Res plena laude: ad iniuriam
 tacere. Res confusione digna superiori
 contradicere: nec obtemperare praeceptis
 aut monitis virtuosis. Verus humilis
 oboedit etiam in asperis, et vilibus iussis. 25
 Plus omnibus in spiritu proficit: qui pro-
 fundius se humiliat. Hostem suum uno
 ictu prosternit: qui proprium videre citius
 frangit. Quid tam rarum et mirandum;
 sicut magna agere, et humiliter de se 30
 sentire? Quid plus? Gratia Dei non

abuti: neque potestate concessa. Ad evadendum igitur pericula diabolica, a dextris et a sinistris instantia; non est tam potens armatura sicut humilitas vera: et
5 oratio devota cum conscientia pura. Superbus tot habet laqueos: quot cogitationes iniquas et elatas. Humilis mens in bonis non elevatur: sed gratias agit de omni bono quod accepit. Qui se tempestive
10 humiliat sapienter facit: ne deteriora sibi contingant. Per humilitatem placatur Deus de omnibus offensis; aedificatur proximus in aliquo laesus: confunditur diabolus; aperitur peccatori caelum: purgatur omne
15 delictum. Vis non timere diabolus? Humilia temet ipsum. Sola enim humilitas universos diaboli laqueos evadit: potentiamque prosternit. Quotquot deiectioni sunt et decepti: per mentis elationem inflati
20 ceciderunt. Esto ergo humilis et vilis in oculis tuis: ne Deo displiceas et cum diabolo corruas. Nam caelum non suscipit nisi humiles; nec Deus eligit nisi humiles: nec iustos approbat nisi sint humiles.



DE MORTIFICATA VITA



DE MORTIFICATA VITA PRO CHRISTO.

Gloriosus apostolus Paulus docet me mortificatam gerere vitam, dicens. *Existimate vos mortuos mundo: viventes autem Deo in sanctificatione.* Et in alio loco dicit. *Si commortui sumus: et convivemus.* Idcirco mortificatio est mihi necessaria; et quod in omni re me relinquam et vincam propter Christum: qui pro me mortuus est et resurrexit a morte. In vita Domini nostri invenio perfectam mortificationem mei ipsius secundum affectionem naturae et inclinationem sensualitatis: quae debet utique refrenari et subiugari. Invenio etiam in morte Christi quandam spiritualem et internam vitam gratia et virtutibus plenam: cum qua resurgo ab omnibus perituris rebus et ad haesionibus creaturarum, extra me vel in

me cum aliqua dilectione aut aversione. Et quando ab omnibus vacuus sto et inoccupatus maneo: tunc ad caelum pergo cum Christo; nec ulla res me tunc delectat neque ullum solacium recreat: sed solum unio Christi, sua gloria et esse cum ipso. O quam felix est ista mortificatio: quae mihi aperit ianuam aeternae vitae.

10 Beatus Iohannes evangelista audivit vocem de caelo dicentem sibi. *Beati mortui qui in Domino moriuntur. Amodo enim iam dicit Spiritus: ut requiescant a laboribus suis.* Vere caeleste est verbum: mori peccato, et vim facere naturae. Nec prius vera interna pax invenitur; nisi homo sibi ipsi sit mortuus et mundo: atque cotidie de novo mori se disponat. Quoniam omni die oportet
20 me proponere, velle, mori propter Christum, et de novo incipere vitam meam emendare; et ad patiendum et moriendum disponere: et me ipsum vincere. Immo omni hora et tempore oportet me niti
25 exire a me ipso et ad fundum me relinquere propter Christum: atque in eius amore mei ipsius amorem abnegare et nihilare. Nam tantum lucratur: quantum pro Christo dimitto; et tantum proficio:
30 quantum a me exeo. Vbi me relinquo ibi me invenio: et ubi me ipsum quaero

ibi me perdo. Vbi me ipsum praetendo
ad commodum: ibi me laedo. Adhuc in
multis habeo mihi ipsi mori: non est
mihi cum una morte faciendum. Volo
autem libenter mori secundum spiritum: 5
quamvis caro sit infirma et rebellis.
Oportet me saepius agere quod invite
facerem: et saepe dimittere quod libenter
agere vellem. Et in istis tota pugna mea
et victoria consistit. Beatus qui in om- 10
nibus se relinquere scit et frangere: quia
coronam aeternae vitae a Deo accipiet.
Hominum praemium vile est et par-
vum atque nimis cito perditum; sed
apud Deum nihil potest amitti: nec in 15
tempore nec in aeternitate. Ego volo
apud dilectum Dominum nostrum ma-
nere: transeat mecum qualitercumque
potest. Quia si deliqui: ipse mihi libenter
vult indulgere; et si bene egi: ipse bene 20
remunerabit. Huius rei ipsum accipio
testem.

O dilecte Iesu hoc mihi favere digneris:
quia ego nihil sum. Bene possum de me
conqueri, et valde me ipsum lamentari: 25
quia egomet sum totum quod me impedit
et gravat, cum recte aspicio et considero.
Confiteor Deo, quod est culpa mea. Et
quanto melius me humilio et despicio
pro omni causa impediante, eo facilius 30
ad veniam pervenio: et omne onus cum



humili sufferentia oneris Christi vinco.
Quid mihi prodest, quod impedimentum
meum alteri impono? Si ius habeo;
bonum est mihi quod taceo et sustineo:
5 quia multa querimonia non meliorat me.
Et si iniustitiam habeo: tunc potius cedo
tempestive quam tarde.

O dilecte Iesu iuva me portare onus
meum: quia sine te nihil possum. Tu
10 es fidelissimus amicus et auxiliator opti-
mus: quando necessitas rei incumbit.
Oportet quod permittam omnia transire
super me: et tam iustum quam iniustum
aequaliter portem, quamvis sit mihi sae-
15 pius grave; tamen me ipsum resignabo:
quia mox erit hic finitum tam gaudium
quam lamentum. Beatus est qui divina
promissa expectare scit: et permittit Deum
secum agere omni tempore pro meliori
20 beneplacito suo, sine electione et exqui-
sitione. Regrator tibi Domine de omni
gravamine et omni bono quod mihi ad-
venit: quo etiam indignus sum. Lau-
datus sis et benedictus in aeternum: pro
25 omni consolatione, quam umquam sensi.
In brevissimo tempore a pressura mea
liberatus sum, et statim satis habeo ad
portandum: quia nulla res durabilis est
sub sole. Taliter huc venit: et sic ulterius
30 procedit. Pati in hoc tempore nulli de-
ficiet: ubicumque quis fuerit vel quit-

quid habuerit. Benedictus Deus, ego bene promerui pati: et recte ad me pertinet tribulari et contemni. Adiuva me amande Iesu: ad bonum et salubrem pertingere finem. Spero quod adhuc totum⁵ melius fiet: quamvis saepe titubanter et contrarie in hoc tempore transit. Super quo possum confidere; nisi super misericordia tua dilecte Domine, unicum refugium meum? Quid prodest omne solacium hominum, quando tu me deseris? Aut quid me impedire potest; cum tu mihi assistis? Sed tu saepe nimis remotus es et absconsus. Non possum confidere in aliquo solacio et bono sentimento¹⁵ cordis mei: nam saepe privatus sum omnibus antequam scio vel aestimo. In istis oportet ut iterum discam mihi ipsi mori: et omnem internam consolationem abnegem, et in voluntate Domini nostri²⁰ voluntatem meam deponam; atque exilium meum et pressuram et caliginem studeam sufferre: donec sibi complaceat mei pauperis creaturae iterum misereri et me consolari. Oportet gratiam Dei²⁵ expectare, et cum paupertate me iuvare: et pensare quia nec unius assis valore dignus sum. Deus autem omnium bonorum principium est et finis. Ipse repente ditat et depauperat, infrigidat et inflamat; ³⁰ exaltat et deprimit illustrat et obscurat:

multa mira intus agens quae faciliter ne-
queunt enarrari. Eia dilecte Iesu fac
sicut tibi melius videtur: quia ad pro-
fundum non intellego me ipsum. Tibi
5 soli notum est, quid mihi utilius sit. Ego
committo me tibi: fac mecum secundum
praecariorem voluntatem tuam. Quando
aliquid mihi obest hoc cito percipio:
quia inquietudo cordis non est delecta-
10 bilis ad portandum. Omnis impeditio
et perturbatio: ex propria exquisitione
venit. Natura semper quae sua sunt
quaerit, diversis modis foris et intus,
in magnis et parvis: et valde invite
15 vult mori et se ipsam abdicare. Verum-
tamen oportet ipsam mori et devinci:
si spiritus debet quietari et cum Deo
uniri.

Eia dilecte Domine fac me participem
20 gratiae tuae; et ne derelinquas me in
necessitatibus meis: quia adhuc plura
habeo ad superandum. Necdum ad fun-
dum me reliqui; neque totaliter mihi
ipsi sum mortuus: nec ab omnibus creatis
25 rebus et affectionibus adhaesivis solutus
et evacuatus; sed natura adhuc fortiter
in me vivit, et operatur partem suam:
et dat mihi intellegere quod Iebusaeus
adhuc in terra mea moratur. Benefac
30 dilecte Domine propter gratiam tuam:
quia in virtute tua mox ad nihilum cadunt

i. e. fomes
peccati

i. e. in carne

omnes inimici mei. Vnico enim verbo et in ictu oculi: omnes ante te sunt effugati. Verum me oportet semper stare in timore et numquam mihi ipsi confidere; quia licet frequenter eripior et liberor: tamen non sum securus. Super nullo sapore nec commodo nec solacio confidere possum: sed tantummodo super gratia tua o dulcis misericors Domine. Sine te sum mihi ipsi onus et impedimentum: sed tecum et in te efficior firmus et liber et potens mei ipsius. Non possum ponere cor meum super aliquem locum quantumcumque pulcher ille fuerit; quia totum transitorium est quicquid hic quaeritur extrinsecus: totum est instabile et insecure, in hominibus, in rebus, in domibus, in clausuris; et ubique invenitur defectus contrarietas et resistentia in uno vel in altero: et omnino super pati et premi ab intra vel extra venire vult res quaelibet in praesenti. Nihil quippe iuvat quando passio venit quam decorus sit locus: vel quanta bona habeantur. Qui bene cum paupertate se gerere scit, et melius pati pro Deo ac potius semper minus desiderat quam amplius: ille maiorem pacem obtinebit, et altiore laetitia apud Deum. Quamdiu aliquid temporale nimium diligitur: non poterit diu interna pax possideri. Cum simplici oculo

et puro corde cuncta terrena sunt aspi-
cienda; et cavendum ne cum delectatione
sensualitatis res considerentur: sic enim
absque nocumento et purus in conscientia
homo permanebit. Omnibus rebus mundi
et cunctis gaudiis caeli: praeponenda est
voluntas Dei.



DE BONA PACIFICA VITA



DE BONA PACIFICA VITA CVM RESIGNATIONE PROPRIA.

SI vis Deo digne vivere: debes te ipsum illi resignare. Pone cor tuum ad quod esse debet: 5 tunc pacem habes ubique. Praepone graviora portare: tunc minora facilius supportabis. Disce in omnibus te vincere: tunc pacem intus habebis. Quod debeo hoc volo: et sic caelum habeo. 10 Cum patientia et silentio: maior pax acquiritur. Sapiens est: qui bene patiens est. Si debeam me et omnia vincere: tunc oportet me a mortificatione inchoare. Ante omnia mortificatio mihi necessaria 15 est et bona. Quamvis haberem istud vel illud: tamen mihi non sufficeret. Depone ex corde placet et displicet: et nihil te urgebit. Eris quietus ab intra: si te non fundis nimis ad extra. Noli sollicitari 20 de bonis terrenis: ne perdas aeterna bona in caelis quae Christus promisit amicis suis. Quicquid scitur vel habetur: nihil est, nisi Deus ad votum habeatur. Qui omnia parvi pendit quae sub caelo delectant; potest 25

supra caelos tollere mentem: et aliquam de caelestibus gaudiis capere partem.

Heu quomodo potest hoc esse: quod utique volumus aliquid esse. Nil tamen
5 in veritate sumus: quamvis nobis ipsis aliquid esse videmur. Quid vis multum conqueri, et hinc indeque discurrere; quocumque vadis et venis, non omnia prospera invenies: quia ubique occurrit
10 aliquid ad patiendum. Et si inde nescis gaudere; oportet te tamen sustinere, et tandem ad pacem te ponere: sicque in patientia omnia superare. Totum nihil est: nisi desistas te ipsum in aliquo quaerere.
15 Quamdiu hic vixeris contra te ipsum certare habes: et adversarium sustinere. In hoc crescit meritum tuum: si propter Deum sustines quod tibi est molestum. Qui pati fugit, ipsum sequetur: quia ista
20 vita plena est defectibus et pressuris. Quamvis libenter esses liber a passionibus cunctis: tamen non esset semper profectus tuus. Patienter ergo sustine: si vis Deo placere et multum promereri.
25 Nam totum tibi cedit in bonum: si de manu Dei accipis omne infortunium tamquam animae lucrum. Recta via ad caelum: est pati propter Deum. In humili sufferentia: cognoscitur virtuosa vita et caelestis sapientia.
30



DE ELEVATIONE MENTIS



DE ELEVATIONE MENTIS AD
INQVIRENDVM SVMMVM
BONVM.



*V*acate et videte quoniam ego
sum Deus. Ecce inquiero te
Deus meus non per sensus
corporeos, neque per sensi-
biles imagines sed in me super rationes
intellectuales; ubi tu luces intellectui
meo veritas aeterna bonitas immensa in- 10
comprehensibilis claritas, omnem crea-
turae comprehensionem excedens, om-
nem aciem mentis reperiens, et super
omnes caelestes spiritus secundum quid-
ditatem te incognite servans: et tamen 15
secundum cuiuslibet beati spiritus capaci-
tatem te totum communicans, atque om-
nibus et singulis infinitam deitatis tuae
gloriam et superessentialem naturae tuae
substantiam manifestans. O Trinitas unus 20
verus Deus Pater et Filius et Spiritus
sanctus aeterna gloria et summa beati-

tudo sanctorum; omniumque caelestium
virtutum aeterna fruitio: ex quo omnia
per quem omnia in quo omnia, procedunt,
consistunt, et terminantur. Notas mihi
5 fac vias tuas et semitas tuas edoce me:
quoniam viae tuae viae pulchrae, et
omnes semitae tuae pacificae. Beati mundo
corde et beati pacifici: viae sunt et se-
mitae ad cognitionem vitae contempla-
10 tivae. Laborandum ergo diligenter et
orandum: ut ab omni faece vitiorum cor
mundetur: et sic liber ad Deum pateat
accessus.

Oro te Deus meus et precor te ex totis
15 intimis meis: libera me et eripe distrac-
tum et captivum animum ab omnibus
mundi concupiscentiis et corporalibus
imaginibus; ut te ipsum in me ipso illu-
minata ratione inveniam: qui me ad tuam
20 pretiosam et incorruptibilem fecisti imagi-
nem. Non enim in aliqua mundi crea-
tura tanta relucet sapientiae tuae pulchri-
tudo et similitudo; sicut in hominis anima
quam tui capacem fecisti: et omnibus
25 creaturis per rationem intellectualem ex-
cellentissime praefecisti. Eleva ergo men-
tem meam ab omnibus terrenis, et puri-
fica cordis mei affectiones: renova me
secundum interiorem hominem, et re-
30 forma imaginem tuam per septiformem
Spiritus sancti gratiam; quam immortalem

invisibilem et incorpoream, omnibus
 virtutibus habilem aeternae veritatis
 capacem, sui intellegibilem, rationis
 compotem, bestiis eminentem: omnibus
 sensibilibus et visibilibus digniorem ad
 imaginem et similitudinem tuam creasti.
 Repelle a me et expelle quidquid potest
 imaginem tuam maculare et obfuscare;
 ne indigna conspectui tuo fiat: et oculos
 maiestatis tuae offendat. Dignare hanc
 pretiosam et nobilissimam imaginem tuam
 caritate informare; intellegentia illumi-
 nare, et sine intermissione visitare: quam
 sine medio intueris et in esse conservas.
 Recordare quam alto consilio ipsam prius
 de nihilo sed non pro nihilo condidisti:
 quam magno sacroque commercio de pec-
 cati vinculo ipsam rursus redemisti; et
 tantae dignitatis creaturam ne sinas sub-
 sterni mortali vitio: sed ab omni de-
 fende malo ac dita per gratiam. Multi-
 plica in ea dona largitatis tuae; et quod
 minus valet ex infectione corruptae na-
 turae: suppleatur ex supervenienti dono
 gratiae. O veritas mea et misericordia
 mea; da mihi te videre sine forma cor-
 poreae: sine specie imaginaria, et sine
 omni luce creata. Da purae mentis in-
 tellegentia te conspicere: qui mundis cor-
 dibus te videndum promisisti. Beati in-
 quis mundo corde: quoniam ipsi Deum

videbunt. Alta et magna promissio: sed puris ac illuminatis mentibus congrua. Quae dum terrena cuncta relinquunt, et corporea universa transcendunt: recto
5 iudicio aeternae veritatis lucem contemplari merentur. Et quanto longius a creata luce et conditarum rerum ratione recedunt: tanto eminentius supra se in divinae claritatis secretum rapiuntur. O
10 qualis visus, quam purus intuitus, quam beatus ille oculus: quo sine imaginibus et corporum similitudinibus cernitur veritas Deus. Oportet cor esse liberum et ab omni inordinata affectione purga-
15 tum; oportet mentem esse inoccupatam ab omni strepitu et imaginatione corporum: si debeat aliquid comprehendere de aeterno incircumscripto lumine illuminante totum mundum. Da mihi Do-
20 mine, ut in lumine tuo videam lumen; non lumen caeli non lumen terrae, non angelicum non humanum lumen: sed lumen aeternum increatum immensum ineffabile incomprehensibile superessen-
25 tiale et incommutabile lumen. O quam gravis est mihi sarcina carnis, quam onerosa lex peccati in membris meis: quae impedit et retrahit ab aspectu caelestis luminis; a vultu gloriae Dei, a
30 gustu felicitatis aeternae, ab introitu civium supernorum: quos laetitia sempi-

terna circumdat et implet. Largire obsecro Deus in tempore brevi servo tuo gratiam et benedictionem caelestem: qui necdum dignus sum haurire de fonte pleno aquae vivae salientis in vitam aeternam. Visita me frequenter clementissime Iesu, et in amore tuo vehementer accende; ut discam omnia inferiora et creata despiciere: et te solum aeternum et increatum bonum pure quaerere, et super omnia te propter te veraciter amare.

DE VERBO INCREATO AETERNO
ET IMMENSO SVPER OMNES
DOCENTES ANIMAM
ILLVMINANTE.

15

I*ncerna pedibus meis verbum tuum: et lumen semitis meis.* O Verbum Dei in excelsis, quod omnia praecedit, omnia illuminat; omnia ad perfectum perducit: et nihil inordinatum in creaturis relinquit. Verbum tuum Domine lux mea et gaudium animae meae; sine quo in tenebris sum et in maerore: cum quo gaudio perfungor et lumine. Aperi mihi Domine portam claritatis aeternae: ad inveniendum Verbum tuum in caelo. In caelo permanet Verbum tuum: in generationem et generationem veritas tua. O aeternum et immensum Verbum, per

quod facta sunt omnia: quod omnia novit,
omnia iuste et recte disponit. Huius
altitudinem caeli non capiunt; profundi-
tatem iudiciorum abyssi expavescunt:
5 latitudinem orbis terrae non attingit.
Aeternum Dei Verbum, multis verbis non
exprimitur; nec variis imaginationibus
concipitur: nec ab aliquo creato intellectu
penetratur: sed super ineffabile et in-
10 comprehensibile praedicatur. Credi potest
et amari: plene concipi non potest, nec
effari; quia hoc Verbum Dei Deus: sicut
testatur beatus evangelista Iohannes. In
principio, inquit erat Verbum; et Ver-
15 bum erat apud Deum: et Deus erat
Verbum.

O ineffabile et nimis amabile Verbum;
dulce ad audiendum, iucundum ad cogi-
tandum: felicissimum ad fruendum. Hoc
20 multipliciter animae loquitur; videlicet
per scripturas, per praedicatores, per
angelos et arcanas revelationes: sed multo
iucundius et sublimius, cum per se Ve-
ritas menti ultro illabatur.

25 O si possem vacare et videre quam
suave sit hoc Verbum verum animae
lumen, vita viventium, beatitudo regnan-
tium; credo quod nulla me frangeret
pressura laborum, nulla me teneret copia
30 bonorum: sed cito vilesceret et deperiret
omne terrenum.

O quam bonum et iucundum est adhaerere Deo, frui Verbo; de Verbo concipere, Verbo vivere: et immortales fructus parere. Non est hoc Verbum quod sono finitur aut mente imaginatur: sed omnem transcendit imaginationem et loquelam. Nam hominis verbum transit; Verbum autem Dei aeternum et immutabile manet: atque cuncta mutabilia immutabiliter disponit. In homine reperitur prius et posterius, et in omni creatura est esse mensuratum; nec quicquam perfectum et simpliciter per se bonum, nisi summum aeternum bonum: quod omnibus dat esse, et cuncta conservat in esse. 15

O unicum Dei Verbum; non ex tempore factum nec in tempore productum, sed ex Patre aeternaliter genitum: pro mortalibus autem in tempore ex virgine incarnatum. O aeternum Dei Verbum, immensum et infinitum, angelorum esca et hominum: quod sumptum non consumitur, nec in edentem transfertur; sed sumentem in se transmutat: et ab omni creato bono, ad aeternum incomprehensibile bonum transducit. 25

O quid est cognoscere Verbum Dei; quid est audire Verbum Dei, non hominis non angeli: non alicuius creaturae existentis sub caelo. In sinu Patris est Verbum: in secreto manet unigenitus 30

Patri coaeternus et coaequalis. O quis potest comprehendere illud aut cognoscere; nisi per verbum Verbi? Hinc Verbum in carne ait. Nemo novit Filium nisi
 5 Pater; neque Patrem quis novit nisi Filius: et cui Filius voluerit revelare. Opus est ergo revelatione Verbi: ut intellegatur Verbum. Orat propheta ad capiendum Verbum: intellectum inquit
 10 da mihi et vivam. Vita et salus animae credere Verbo, diligere Verbum: et in Verbo supersperare. Cupit anima fidelis frui Verbo; sed non datur videre illi nec prius experiri: nisi voluntate et revelatione
 15 Verbi. Conari potest, desiderare potest; sed comprehendere non potest: nisi se ipsum voluerit in spiritu revelare. Praepara ergo te anima mea: et fac quod potueris. Sede sola, tace ab omni strepitu
 20 vitiorum; nec quicquam te moveat foris: nec intus conturbet. Amore summi boni: despice omne temporale. Converte te ex toto interius: ascende paulisper superius. Leva te supra te, transcende
 25 omne quod in tempore fit: relinque omne quod creatum est, exclude quidquid modum habet vel gradum quantumlibet altum; ut invenias Verbum increatum: super omnem creaturae cognitionem exaltatum.
 30 Quantum te Verbum iuvat tantum poteris; quantum te illuminat tantum videbis:

quantum te accendit tantum ardebis et amabis. In Verbo vinces mundum: in Verbo praevalebis adversus omne malum. In Verbo firmaberis in virtute: in Verbo exaltaberis supra virtutem. Propter Verbum Dei relinques omnia, patrem et matrem, amicos et proximos; id est quidquid caro et sanguis suggerit despicias: et adhaerebis Verbo, ut unus spiritus cum Verbo per amorem fias; ita ut nihil aliud 10 velle aut nolle in parvo vel in magno, in tempore vel in futuro velis aut affectes: nisi quod aeternae Veritati summe placeat. Propter hoc unicum Verbum cognoscendum et amandum: omnia nobis 15 scripta sunt et dicuntur. Dixerunt autem sancti Dei magna et plurima scripserunt sicut datum est et capabile hominibus fuit: non tamen prout est in se Verbum dicere umquam potuerunt. Omnia sacra 20 verba ex illuminatione aeterni Verbi; ex ipso omne verum omne bonum omne sanctum: omnis virtus omnis potestas omnis sapientia et intellectus. Per exteriores autem voces et verborum signi- 25 ficationes paravit nobis iter ad quaerendum se et inveniendum; ut qui ipsum liquido capere non possumus: per verba sacrae scripturae modo creaturae congruo paulatim attingamus. Non tamen contentari 30 debemus auditu sermonis exterioris: nec

pulchritudine sententiarum delectari exterius; sed semper niti ad interiora et quaerere longe supra nos aeterna: immo unum summum bonum aeternum. Hoc
 5 angelos pascit sine medio: hoc fideles sacro erudit eloquio; et quandoque per internas illuminationes ad se libere volare facit: donans sentire quod omnem rationem et modum excedit.

10 DE AESTVANTI DESIDERIO ANIMAE
 CVM FVERIT VISITATA A VERBO
 VNICO SPONSO SVO DILECTO.

D*omine ante te omne desiderium
 meum: et gemitus meus a te non
 15 est absconditus. En aestuat cor meum ad desiderium aeternitatis; atque memorando aeterna et desiderando caelestia grave est pondus propriae actionis: taedium fit nimis quidquid video in terrenis.*
 20 *Displicet omne humanum solacium; nec invenio doloris mei remedium: nisi cor meum fuerit tecum perfecte unitum. Tu Domine Deus tu doloris mei causa; tu auctor languoris: tu importabilis aestus*
 25 *amoris. Tu me vulneras sagittis occultis; tu me incendis, tu me totaliter penetras: et omnes vires meas consumis. Cur me dimittis languidum iacere; et in suo aestuante desiderio anxie gemere? Quare*

fugis tam repente in regionem longinquam et in inaccessibilem caliginem; ubi te sequi non valeo? Noli amator sancte, noli desiderantem te videre despicere: noli te diu abscondere; sed da veniam inquirenti et cito revertere: quia sine te non possum durare nec vivere. Quod si me affligere vis et probare; fac sicut vis et placet: verumtamen gratiam et misericordiam tuam noli mihi penitus auferre. Inveniam obsecro gratiam in conspectu tuo: et inter electos tuos me digneris cognoscere. Noli me in tenebris relinquere, nec patiaris me opprimi tristitia; sed porrige mihi dexteram tuam: et lucem miserationum tuarum mihi restitue.


ORATIO DE ABRENVNTIATIONE OMNIVM MVNDANORVM.

Domine Iesu Christe spes mea et totum refugium meum; solacium vitae meae et informatio morum, hodie abrenuntio omnibus quae in mundo sunt propter amorem tuum, et haec perficere cupio ad tui nominis honorem. Abrenuntio omnibus amicis parentibus cognatis et propinquis, caris notis et sodalibus universis, omnibus quoque civitatibus castellis villis, montibus et vallibus,

rivulis et fontibus, campis pratis et ne-
 moribus, omnibus ornatibus et pulchris
 aedificiis, psalteriis citharis organis mu-
 sicis cantilenis, floribus odoribus, omni-
 5 bus iucunditatibus societatibus conviviiis,
 colloctionibus visitationibus, salutatio-
 nibus favoribus honoribus et deliciis ho-
 minum, omnibus scurrilitatibus rumoribus
 ludis iocis risibus, evagationibus discur-
 10 sibus tumultibus et inutilibus occupatio-
 nibus omnibus divitiis rebus proprietatibus
 curis dignitatibus, solaciis recreationibus
 externis, et quibuscumque potest caro
 temptari allici et delectari et spiritus im-
 15 pediri et inquinari. Te vero hodie eligo
 mihi in Deum protectorem meum, in
 gubernatorem vitae meae, in provisorem
 omnium necessitatum mearum, in con-
 solatorem omnium dolorum et angustia-
 20 rum ac temptationum omniumque labo-
 rum meorum, quibus laborare me necesse
 est numero dierum vitae meae pro amore
 tuo et animae meae salute. Tu refugium
 meum tu domus mea, tu civitas mea, tu
 25 habitatio mea, tu cibus meus, tu potus
 meus, tu requies et refectio, tu socius
 dilectus, tu intimus amicus, tu cognatus
 et proximus, tu frater et soror, tu pater
 et patronus, tu pastor et custos totius
 30 vitae meae, cui me et omnia mea fideliter
 commendo, quia non est salus extra te,

nec tuta vita absque te. Fiat ergo misericordia tua Domine super me, et gratia tua in omnibus comitetur mecum, sitque oculus tuus super me die ac nocte, et manus tua protegat me semper a dextris⁵ et a sinistris, ac recto itinere me digneris perducere in domum habitationis gloriae tuae, ubi te merear laudare et benedicere sine fine. Amen.

ORATIO DE FELICI CONSVM-¹⁰
MATIONE IN VIRTVTIBVS.

 Ro te Domine Pater sanctissime qui omnia in numero et pondere, et mensura fecisti, qui famulatum tibi debitum ab omni creatura rationali vis¹⁵ exhiberi, et praecipue in servis tuis spontaneum servitium diligis et exquiris, dirige actus meos spontaneos in beneplacito tuo, et ad imperium aeternae dispositionis tuae rebelles motus carnis meae reflecte,²⁰ propriasque voluntates ex integro frangere mihi concede. Sic ordina cunctas affectiones meas ut malas statim ab initio respuam, bonas fortiter teneam, puras diligam teque sine corporea imaginatione²⁵ contemplari discam. Sic tempera vires meas et operationes exterius ut non totus inhaeream infimis, sed semper potens sim me convertere interiorius, et sine gravi

tardatione ascendam ad caelestia. Sic me
 conserva in aeternorum desiderio, in
 amore sanctarum virtutum in fruitione
 caelestium, ut tu Domine Deus ampliorem
 5 inde habeas honorem et ego salubriorem
 profectum suscipiam. Non mihi veniat
 ex tua visitatione pes superbiae nec me
 vexet pestis vanae gloriae, non me sinas
 satanae decipi illusionem neque falsa rapi
 10 dulcedine nec privata devotione extra
 communitatem recedere, neque immode-
 rata frangi exercitatione, sed da mihi
 cuncta cum discretione agere, sine sollerti
 consilio nil praetendere, cum timore et
 15 reverentia maiestatis tuae in conspectu
 tuo munde ac libere sine omni passione
 et corruptibilium rerum affectione in-
 cedere. Da humilem et quietum spiritum
 possidere, effusum et immoderatum num-
 20 quam esse nulli quoque creaturae vitioso
 affectu inhaerere, sed tibi soli cor meum
 mundum et tranquillum conservare: ut
 semper ad caelum mente erectus et tibi
 Deo meo secrete intentus, a nulla re
 25 visibili capiar, sed verus mundi con-
 temptor permaneam. Sic exteriora pro
 loco et tempore da congruenter perficere,
 ut nullum interioribus meis sint detri-
 mentum, sed omnis labor et actio pro
 30 te assumpta ad liberius postmodum va-
 candum iuvamen mihi praestent et duca-


tum. Omne etiam quod ago exterius, aut quicquid interius intellegere possum, da mihi simpliciter et pure pro maiore nominis tui honore et beneplacentioris voluntatis tuae amore perficere, meque ipsum tibi in omni re desiderabili aut naturae contraria prompte resignare, patienter quoque praesentis vitae sarcinam quoadusque iusseris et meae vocationis terminus venerit perferre, corpus quoque et animam tibi Creatori meo fideliter commendare. Memento mei Deus in hora extremae necessitatis, et fac misericorditer cum servo tuo, qui non in meritis meis, sed in tua miseratione et pietate confido.

EXHORTATIO AD HUMILIATIONEM ET COMPVNCTIONEM.

Inclina te anima mea humiliter et sponte sub Deo incurva te pro- funde sub omni creatura propter Deum. Fac te minimum in corde tuo, nec te dignum aestimes communi hac luce frui, quia Deum et sanctos peccatis tuis offendisti, nec debitam reverentiam eis exhibuisti. Cito ergo ad lacrimas recurre, et cum magna cordis contritione veniam deprecare, ut tibi misericorditer Deus indulgeat, quicquid contra eius benigni-

tatem deliquisti. Antequam dies extrema et mortis hora veniat, lacrimis et precibus studeas faciem pii Conditoris reconciliare, et tuam vitam deinceps ex toto in melius mutare proponas.

ORATIO DE LACRIMOSA CONTRITIONE PECCATORVM.

 misericordissime Deus cuius natura bonitas et opus misericordia
10 est, da mihi secundum multitudinem miserationum tuarum perfectam peccatorum meorum habere contritionem, ut dolore cordis intrinsece compunctus amarissime flere valeam, et scelera mea atque
15 delicta universa, digna castigatione extorquere, eaque sacro paenitentiae lavacro abluere possim et purgare, quatinus remissionem omnium peccatorum meorum te propitiante merear percipere, atque in
20 tua miseratione respirare. Da mihi zelo iustitiae adversum me armari et tamquam contra pessimum peccatorem, et iniquum latronem commoveri et insurgere, quoniam te Deum meum Creatorem caeli et
25 terrae gravissime offendi gloriam et honorem tibi debitum non reddidi sed saepe furatus sum mihi aliquid boni attribuendo animam meam iaculis peccatorum frequenter confodi, graviter vulneravi, et

faciliter consentiendo temptationibus carnis spiritum letaliter occidi. Da ergo mihi Domine Deus iudex iuste fortis et patiens tantam contritionem peccatorum meorum et dolorem, quantam dignam⁵ noveris peccatis meis deberi, magisque in praesenti punias et castiges quam in futuro iudicio mala mea reserves et condemnes. O pie o clemens Deus esto propitius mihi indigno et maximo pec-¹⁰ catori, qui propter peccatores et iniustos in hunc mundum venire dignatus es atque pro eorum reconciliatione ex caritate crucifigi et morte turpissima condemnari non recusasti.

15

ORATIO DE AMORE VIRTUTVM ET ODIO VITIORVM.

Domine Deus virtutum, cuius est totum quod est optimum insere cordi meo amorem tui dulcissimi nominis.²⁰ Planta in me radices verarum virtutum, et germina sanctae meditationis cum viriditate boni operis fac excrescere et sursum pullulare, ne velut infructuosa arbor stem in domo tua otiosus, sed potius²⁵ tamquam, olivam fructiferam me excole, et quicquid vitiosum in me reppereris radicitus extrahe et ad nihilum redige. Da mihi odium vitiorum meorum, victo-

riam passionum, mortificationem concupiscentiarum et superborum motuum suppressionem, extinctionem invidiae, mitigationem iracundiae expulsionem acediae, detestationem avaritiae repulsionem malae tristitiae, contemptum gloriae, fugam honoris et omnium consolationum terrenarum abiectiorem, ita ut nil terrenum nil caducum nil vanum nil curiosum, nil
 10 carnale nil blandum nil asperum, nil cupidum nil lividum nil falsum nil fictum, cor meum tangat moveat vel alliciat, capiat illaqueet aut seducat. Da fastidium omnium terrenorum desiderium aeternorum,
 15 amorem omnis boni assecutionem omnis virtutis, cognitionem summae veritatis fruitionem aeternae felicitatis. Concede beatam ac felicem mortis horam invenire et in timore tuo et caritate
 20 semper ambulare. Evacua cor meum ab omni creatura et ab omni quod me impedire potest et obtenebrare. Sim simplex purus et totus in te fixus ac suspensus. Da veram internam et divinam pacem,
 25 et sine omni perturbatione mentem possidere tranquillam. Da ad aliquid temporale vitiose non affici, nec ab hominibus velle agnosci nec curari nec stulte amari quia omnes seducunt et seducuntur, qui
 30 extra te aliquid inordinate cupiunt vel diligunt. Nullum ad me hominem, per

blandimenta aut obsequia fac me trahere, sed omnes a me sapienter remove-
ad te vero salubriter dirigere, nilque in
homine aut aliqua creatura respicere et
amare nisi quod tuum est et propter⁵
quod facti sunt.

ORATIO. DE PATIENTIA IN TRIBV-
LATIONE ET ANGVSTIA CORDIS.

Domine Deus dilecte sancte Pater
meus non sum dignus a te con-¹⁰
solari et visitari, sed duris verberibus
castigari et flagellari. Ego merui gravi-
tates multas, et varias tribulationes habere
quia valde peccavi, et innumeris bene-
ficiis tuis ingratus extiti. Ego non sum¹⁵
dignus sicut ceteri boni fideles et devoti
fratres mei divinis consolationibus re-
creari, et inter caelestes convivas com-
putari. Sed obsecro te Pater sancte dulcis
ac pie Domine fac me unum ex minimis²⁰
vernaculis tuis ut sim saltem novissimus
pedisequus eorum, quorum vestigia non
sum dignus osculari. Habeant ipsi con-
solationes multas et magnas, quos spe-
ciali amore diligis et honoras, mihi minimo²⁵
et infelici magnum et acceptabile sit
quod me affligendo doloribus et contra-
rietatibus diversis mihi non parcis. Da
patientiam pie Domine, et sit mihi omnis

tribulatio et angustia super omnem consolationem desiderabilis et beneventa. Et hoc singulariter pro honore tuo patiar et gratum habeam, non pro meo lucro
 5 ampliando vel mercede potiori speranda. Meum lucrum maius non sit quam libenter pro honore tuo pati et usque ad imum desiderare vilipendi et annullari atque
 10 subici et humiliter substerni. Infulge cordi meo veritas summa Deus meus lux sempiterna, ut mihi ipsi vilescam, meque despiciam, et tamquam exulem peregrinum et pauperem ignotum, sicut
 15 solitarium neglectum ab omni creatura relictum ac omni consolatione humana indignum, in hoc mundo me teneam et praeter in te spem et solacium nullibi quaeram, sed me tamquam mortuum super
 20 terram et mundo sepultum existimem, cuius memoria iam diu praeteriit, nec est invenire aliud vestigium, nisi vile latens sub terra sepulchrum. Da mihi aeterna sapientia Patris haec intenta mente
 25 saepius percogitare, et considerare novissima mea semper et ad futurum iudicium me praeparare, faciemque tuam praevenire precibus et lamentis.



**BREVIS ADMONITIO
SPIRITVALIS EXERCITII**



INCIPIT BREVIS ADMONITIO SPIRITVALIS EXERCITII.

AB exterioribus pervenitur ad interiora; ab inferioribus ad superiora: a corporalibus ad⁵ spiritualia. Paulatim proficit homo: et hoc per cotidiana exercitia. Et licet primo multa sint gravia: tamen in consuetudinem ducta, fiunt levia et sapida. Tria sunt omni religioso necessaria: sine¹⁰ quibus non potest diu stare in bona vita. Haec sunt oratio lectio, operatio. In istis omni die se exercere debet: et semper in aliquo horum occupari.

DE ORATIONE.

15

Oratio illuminat, oratio purgat; oratio consolatur, oratio laetificat: oratio impetrat favorem, oratio alleviat laborem, oratio nutrit devotionem; oratio praebet fiduciam, oratio expellit pigritiam: oratio²⁰

fugat daemonem, oratio vincit temptationem. Non pigeat te orare: si vis a vitiis liberari. Oratio semper est necessaria sicut et gratia: sine qua vivere spiritualiter non possumus. Orare debemus pro gratia: quia gratia est qua tantum indigemus. Melius est orare quam legere: et in tempore suo utrumque est agendum.

DE LECTIONE.

10 **L**ectio debet esse quasi oratio: et antequam legis praecedat oratio. Lectio sacra ignorantiam nostram erudit: dubia solvit, errores corrigit, bonos mores instruit; facit cognoscere vitia, hortatur ad
15 virtutes, excitat ad fervorem, incutit timorem: recolligit mentem, recreat fastidiosum animum. Et quia non potes continue orare vel legere: debes aliquid utile exterius operari. In qua operatione oratio
20 praeceat oratio intercurrat: oratio totum finiat.

DE OPERATIONE.

Operari manibus bonum est corpori, deservit spiritui; aedificatio est
25 proximi: et reparatio est sensus nostri. Et si interdum pigri sumus: tamen perseverando vincimus. O quam devoti fuerunt sancti qui sine intermissione orabant;


quam studiosi, qui numquam sacra lectione satiari potuerunt: quam ferventes, qui frangi laboribus non valuerunt. Qui propter Deum sibi aliquam violentiam facit, Deus sibi gratiam maiorem dabit: et cito in 5 virum perfectum mutabitur. Consuetudo mala per bonam consuetudinem vincitur: et bona consuetudo tandem in naturam vertitur; ut quod primo fuit difficile: postea videatur leve ac facile. 10

DE CHORO.

Ista tria oratio, lectio, operatio occurrunt nobis facienda in choro: quia ibi praecipue frequentatur oratio, in psalmis, hymnis et collectis. Ibi etiam lectio 15 sacra recitatur in matutinis in epistulis et evangelis; nec umquam deest ibi perfecta eruditio: si fuerit diligens advertentia. Ibi loquitur Iesus nobiscum: cum cantatur. Salus populi ego sum. Et iterum 20 nos loquimur cum Iesu: cum dicimus. Spes mea Domine a iuventute mea: adiutor in opportunitatibus in tribulatione. Ibi est operatio bona et perfecta: cum corpore stamus et ore cantamus. Non 25 est parvus nec infructuosus labor: die noctuque chorum frequentare. Non est etiam otiosus qui devote orat: immo maximus labor ad orationem se dare,

cum orare non libet. Non est otiosus qui scripturas legit aut legere audit: aut de eis meditatur et ruminat. Fit homini chorus paradisus: si incipit delectari in
5 omnibus divinis scripturis.

DE VIGILIIS MATVTINIS.

mni media nocte statim ut suscitatus fueris surge alacriter: et praepara cor tuum ad vigilandum et psallendum
10 Domino in laetitia et exultatione. Si non habes devotionem in choro, psalle aequo animo: et expecta gratiam Domini de caelo. Saepe dat Dominus in fine: quod ante iuste denegavit. Vult quod labo-
15 remus: vult quod patienter expectemus. Vult quod gratum nobis sit et magnum: quod dare disposuit. Vult ut cognoscamus veraciter quia a nobis nihil boni habemus: sed totum de sua gratia et miseri-
20 cordia nobis constat. Oremus ergo, cantemus et laudemus Dominum Deum nostrum qui fecit nos: quia nihil iucundius, quam Deum corde et ore laudare. Longe sit somnolentia longe et pigritia:
25 ubi in conspectu angelorum et coram oculis maiestatis Dei stamus.



DE MEDITATIONE POST MATVTINAS.


In matutinis offer te ipsum Deo in sacrificium laudis perpetuae: ut in sui nominis laude et amore tota die et nocte te dignetur conservare. Hoc enim principale opus nostrum esse debet, Deum semper laudare: et omnia opera nostra exteriora et interiora parva et magna ad suum honorem pure et integro 10 corde agere. Vita angelica est, chorum cum devotione et reverentia frequentare. Nam ibi plures devoti visiones angelicas habuerunt; saepius in spiritu rapti sunt: frequenter illuminati, dulciter consolati 15 et fortiter accensi sunt.

DE CVSTODIA CELLAE.

In primis vel tertiis studeas te continere a verbis multis et circuituionibus; sed quanto celerius potes 20 cellam pete: et aliquid boni exercitii propone, quod tibi per totam diem deserviat. Statue firmiter quod hodie velis te custodire in omnibus moribus et sensibus tuis; habere scilicet pudicos oculos non curiosos, 25 pauca et utilia verba: gressum maturum et incessum humilem; et in omnibus motibus et statu nihil agere aut prae-


tendere: quod cuiusquam offendat aspectum. Vbicumque necesse fuerit te esse: omnibus privatis praetermissis studeas tempestive venire. Nec assuescas malum
 5 usum: posterior saepius veniendo. Nihil aestima quod facis: si non prius feceris quod debes. Esto igitur ubique cum primis: alacer et paratus in omni loco et tempore ad hoc deputatis. Communia
 10 semper praeponere propriis et privatis. Alterius potius quam propriam facere studeas voluntatem: et eris omnibus dilectus tam Deo quam fratribus. Pauca verba et humile responsum habeat os
 15 tuum. Melius est tacere: quam imprudenter loqui. Libenter sis in cella: si non potes custodi os tuum.

DE EXITV AD LABOREM.


ntequam exeas, et postquam intra-
 20 veris cellam: brevem habeas orationem. Noli cor tuum effundere ad exteriora: sed disce manibus operari et corde orare. Nemo statim perfectus est, nec una die acquiritur virtus et devotio
 25 ista: sed cotidiano exercitio et diligenti proposito efficitur homo devotus et internus.



DE OBOEDIENTIA ET HVMILI RESPONSIONE.

uod tibi semel inhihetur: sic studeas
dimittere, ut non sit opus secundo.
Quod tibi pro bono dicitur, pro bono 5
accipe: et eris semper inde melior. Non
quaeras excusationem in defectibus: sed
humiliationem cum emendatione. Si vis
semper lucrari et amari: humilia te et
tace sustinens. Virtutes semper laeti- 10
ficant: passiones maestitiam generant.
Sacram scripturam dilige; libenter in
corde lege: et aliquid inde extrahe. Disce
devote meditari; cum gemitu cordis orare:
et mentem ad Deum elevare. 15

AD QVID OMNIA EXERCITIA.

mnia exercitia ad hoc dirigenda
sunt: ut passiones vincantur, ut
propria voluntas mortificetur; ut mundus
contemnatur, et Deus diligatur: ut caro 20
refrenetur, et spiritus ad caelestia ele-
vetur; ut omnibus affectionibus mitigatis:
puritas cordis et tranquilla mens pos-
sideatur. Modicum laborabis: et magnam
requiem invenies. Breve est tempus 25
peregrinationis nostrae: sed praemium
nostrum erit gaudium sine fine. Multi
maiora tolerant pro mundo: quam nos

pro Deo. Multi duriora patiuntur, et virilius agunt pro inferno: quam nos pro caelesti regno.

5 DE REFUGIO AD DEVM SEMPER
HABENDO.

Viriliter age et confortetur cor tuum:
Dominus erit tecum in omni tem-
pore et loco. Quaere illum et invenies:
✓ clama ne cesses; si moram fecerit, ex-
10 pecta eum: et non morabitur. Dic ad
eum. Veni Domine et noli tardare: Do-
mine ad adiuvandum me festina. Adiuva
me Iesu bone: et salva erit anima mea.
Servus tuus sum ego; da mihi auxilium
15 gratiae tuae: et bene mihi cito erit. Do-
mine dignare esse mecum: et ego libenter
volo esse tecum. Domine propter te in-
cepi, propter te mundum reliqui; propter
te patior temptationes istas, propter te
20 suscepi labores istos: propter te morior
tota die, propter te aestimatus sum sicut
stultus et inutilis homo; propter te arguor
et corrigor: propter te surgo et canto,
propter te ieiuno et vigilo, propter te
25 laboro et scribo; propter te cellam custodio
et taceo, propter te omnia ago et sustineo:
quia tu bene dignus es et largus ad re-
tribuendum mihi in tempore tibi placito.
Domine suscipe servum tuum in bonum:

et non timebo quid faciat mihi caro vel
homo. Domine Iesu esto tu refugium
meum: et unicum solacium meum. Esto
tu specialis amicus meus: quia omnes
amici mei me reliquerunt. Esto tu spes ⁵
mea: quia vana spes in hominibus. Esto
tu gaudium meum et laetitia cordis mei:
quia omne gaudium mundi totum inane.
Esto tu dux meus et notus meus et socius
meus in via qua ambulo: quia homines ¹⁰
cito deficient et auferentur a me. In te
cantatio mea in te consolatio mea: in te
tota fiducia mea. Sis tu salus mea et
honor meus: amor meus et dulcedo mea.
Da mihi amare crucem tuam: et imitari ¹⁵
vestigia passionis tuae. Scribe vulnera
tua in corde meo; et da mihi ex desiderio
sustinere impropria et iniurias unde-
cumque illatas: et tibi configurari in vita
et in morte. Tu mihi vivere sis: et mori ²⁰
pro te lucrum magnum videatur.

DE MEDITATIONE PASSIONIS CHRISTI.

Multa bona confert passio Christi
frequenter cogitata. Et quando- ²⁵
cumque aliquid adversitatis vel gravitatis
extra vel intra occurrerit; tunc specialiter
est recurrendum ad passionem Christi:
et pensandum, quanta Dominus sustinuit

pro nobis indignis. Et in hoc debemus
consolari quia dat nobis de calice suo
bibere: et vult quod discamus in nobis
suam passionem perfecte sentire. Modi-
5 cum confert poenas Christi cogitare: nisi
homo velit similia libenter tolerare. De-
bemus etiam pensare: quanta passi sunt
sancti tormenta pro nomine Christi.

DE VIRILI CONFIDENTIA.

10 **I**gitur abiecto timore servili: induere
spiritum fervoris et dilectionis.
Accipe fortitudinem, et induere arma-
turam Dei: ut possis resistere in die
malo. Confide fili et noli timere: quia
15 tecum sum dicit Dominus ut eruam te.
Confortare et esto robustus: quia plures
nobiscum sunt quam contra nos. Ego
inquit Dominus ante te ibo et pugnabo
pro te: eroque tecum ad quaecumque per-
20 rexeris. Pone ergo totam spem tuam in
Domino et noli esse pusillanimis corde:
sed constans et virilis ad omnia.

DE CVSTODIA CELLAE.

25 **S**it tibi cella paradisus: chorus cae-
lum, lectio sacra cibus. Sit tibi
silentium amicus: labor socius, oratio
auxiliarius. In choro sis stabilis et quietus:

tibi soli et Deo maxime intentus. In cella,
aut legens aut orans, aut operans in-
veniaris. Ad loca ubi multi conveniunt,
et loquuntur: non transeas. Tene te
solitarium: et senties bonum. In labore⁵
et communi societate: raro aut parum
loquaris. Raro egredere foras: et si evo-
catus fueris cito revertaris. Vbicumque
esse debes: sine mora venias. Humiles
et compositos mores habeas: et omnes¹⁰
sensus tuos sub disciplina custodias. Disce
te pro Deo pati, in omni necessitate et
gravitate. Non sis importunus: sed omnia
fac cum tranquillitate. Cum patientia et
humilitate omnes vinces adversitates.¹⁵
Viriliter age et confortetur cor tuum: et
fugiet inimicus.

DE CONTEMPTV CONSOLATIONVM TERRENARVM.

Beatus qui non habet consolationem²⁰
in terra. Beatus qui despicit omnem
requiem temporalem pro Christo. Beatus
qui se pati scit: cum a Deo et ab hominibus
derelictus fuerit. Beatus qui ordinationem
Dei expectat: et omnia de manu eius²⁵
accipit. Disce sine humano solacio vi-
vere: etiam cum copia assit consolatorum.
Fragile et indurabile est solacium in ho-
minibus confidere, aut nimis de eorum

☞ BREVIS ADMONITIO SPIRITVALIS EXERCITII ☞

praesentia gaudere; vel de absentia contristari. Nec enim tu diu hic eris: nec illi etiam diu tecum permanebunt. Cito cuncta oblivioni tradentur: et ideo tamquam nihilum et inane omnes res mundi in corde tuo censeantur. Sit locus tuus proprius regnum Dei, et mansio caelestis: ubi Christus est in dextera Dei Patris. Nulla terra nulla patria, nulla civitas tibi placeat aut alliciat ad videndum sed tantum caelestis habitatio sanctorum, ubi sunt novem ordines angelorum, laudantes Deum in saecula saeculorum. Amen.

FINITVS ET COMPLETVS ANNO · DOMINI ·
15 M.CCCC.XLI PER MANVS FRATRIS THOMAE
KEMPIS IN MONTE SANCTAE AGNETIS
PROPE ZWOLLIS



EPILEGOMENA.

A. CONSPECTVS SVBSIDIORVM COMPENDIORVMQVE.

I. LIBRI VARII ARGVMENTI:

1. bibliographici:

a) *Backer* = Essai bibliographique sur le livre De Imitatione Christi Par le R. P. Augustin de Backer, de la Compagnie de Jésus. Liège imprimerie de L. Grandmont-Donders, libraire, 1864. 4^o. VIII et 258 pp.

b) *Fromm* = Veröffentlichungen der Stadtbibliothek in Köln. 2. Heft. Die Ausgaben der Imitatio Christi in der Kölner Stadtbibliothek. Bibliographisch bearbeitet von Dr. E. Fromm. Köln, 1886. Verlag der M. Du Mont-Schauberg'schen Buchhandlung. 8^o. XVI et 129 pp.

2. historici:

a) *Amort Plen.* = Plena ac succincta informatio de statu totius controversiae Quae De Authore Libelli de Imitatione Christi inter Thomae Kempensis Canonici Regularis & Joannis Gersenis Ordinis S. Benedicti Abbatis Patronos jam a centum annis agitur, Ubi Simul utriusque partis Argumenta juxta Leges Artis Criticae expenduntur Authore R. D. Eusebio Amort Ecclesiae Collegiatae ad S. Crucem Pollingae Canonico Regulari, Bibliothecario ac SS. Theologiae Professore. Cum Facultate Superiorum. Augustae Vindelicorum, Apud Antonium Bonaventuram Bissoni, Bibliopolam An. MDCCXXV. 8^o. 12 et 334 et 1 pp.¹ [*Backer* 3139, *Fromm* 503.]

b) *Amort Scut.* = Scutum Kempense sive vindiciae quatuor librorum De Imitatione Christi quibus Thomas a Kempis contra Joannem Gersen In sua a tribus Saeculis non interrupta possessione stabilitur. Ubi Simul utriusque Partis Argumenta pro & contra expenduntur. Authore

¹ Id est 12 paginae numeris non signatae, 334 signatae, 1 non signata.

Epilegomena.

A. R. D. Eusebio Amort, . . . (ut supra). Coloniae Agrippinae, Sumptibus Henrici Rommerskirchen, Bibliopolae Anno M.DCCXXVIII. Permissu Superiorum. 4°. 68 pp. [Backer 3142, Fromm 75.]¹

c) *Amort Ded.* = Eusebii Amort canonici regularis et decani Pollingani Deductio Critica qua juxta sanioris criticae leges moraliter certum redditur ven. Thomam Kempensem Librorum de Imitatione Christi authorem esse. Cum responsione ad oppositiones Gersenistae Schyrensis frivolas eo modo scripta, ut pro generali formula circa controversias historicas de scriptis, documentis, monumentis vel actis publicis veterum haberi possit. Cum permissu superiorum. Augustae Vindelicorum, sumptibus Joan. Conradi Wohleri, Bibliop. Ulmensis MDCCLXI. 4°. 4 et 344 et 8 pp. [Backer 3163, Fromm 508.]

d) *Amort Mor.* = Eusebii Amort Canonici Regularis & Decani Pollingani Revmi ac Sermi D. D. Iosephi Episcopi Augustani, S. R. I. Principis Darmstadiani, Landgravii Hassiae etc. etc. Theologi Moralis Certitudo pro ven. Thoma Kempensi Contra Exceptiones Novi Gersenistae Ratisbonensis Ex LXX. Testibus coaevs omni exceptione majoribus, & ex XX. Formulariis Manuscriptorum coevorum Aeri incisis, Praetensam Manuscriptorum Gersenisticorum antiquitatem de errore ad oculum convincentibus, conformiter ad sanae Criticae Regulas Supplementi loco vindicata. Accedit Responsio ad novam speciosam Opinionem RRmi D. D. Petri Falta, Abbatis Cassinensis Brixiae; quod Joannes Gerson Abbas Coelestinorum Lugduni, frater Gersonis Cancellarii, sit author Librorum de Imitatione Christi: necnon ad novos Scrupulos V. C. D. Boudet C. R. S. Antonii in Gallia. Cum facultate superioris. Augustae Vindelicorum. Sumptibus fratrum Veith, Bibliopolarum. 1764. 4°. 12 et 184 et 17 pp. [Backer 3172, Fromm 513.]

e) *Becker* = L'auteur de l'Imitation et les documents Néerlandais par Victor Becker, S. J. La Haye Martinus Nijhoff, libraire-éditeur Bruxelles F. J. Olivier, libraire-éditeur Londres D. Nutt, libraire-éditeur 1882. 8°. IV et 256 pp.

f) *Becker Les dern. trav.* = Les derniers travaux sur l'auteur de l'Imitation par Victor Becker, S. J. Extrait des *Précis historiques* 1889. Bruxelles Alfred Vromant et Cie, imprimeurs-éditeurs 3, rue de la chapelle, 3 1889. 8°. 76 pp.

g) *Cruise* = Thomas a Kempis Notes of a visit to the scenes in which his life was spent, with some account of the examination of his relics by Francis Richard Cruise, M. D. (Univ. Dublin) late president of the king and queen's college of physicians in Ireland, consulting physician to the mater misericordiae hospital, Dublin, member of senate of the university of Dublin and of the royal university of Ireland, member of the royal Irish academy, etc. Illustrated.

¹ Adnexum est Scutum Kempense Thomae a Kempis operum omnium editioni ab eodem librario eodem anno in lucem emissae.

Epilegomena.

London Kegan Paul, French & Co., I, Paternoster square 1887 8°. XVI et 332 pp.

h) *Denifle* = Kritische Bemerkungen zur Gersen-Kempisfrage. Von P. Heinrich Denifle O. P. (Zwei Artikel in: Zeitschrift für katholische Theologie . . . VI. Jahrgang (1882), p. 692—718 und VII. Jahrgang (1883), p. 692—743. Innsbruck, Druck und Verlag von Felician Rauch.)

i) *Gence* = De Imitatione Christi libri quatuor, ad per vetustum exemplar, internarum consolationum dictum, nec non ad codices complures ex diversa regione ac editiones aevo et nota insigniores, variis nunc primum lectionibus subiunctis, recensiti, et indicibus locupletati; Studio I. B. M. Gence, huius Editionis gallici Interpretis, Chartophylacio regio Archivistae olim addicti. Parisiis, sumptibus sociorum Treuttel et Würtz; Argentorati et Londini, in eorundem bibliopolio. M.DCCC.XXVI. 8°. 4 et LXXXVI et 410 pp. [Backer 457.]

k) *Hirsche* = Prolegomena zu einer neuen Ausgabe der Imitatio Christi nach dem Autograph des Thomas von Kempen. Zugleich eine Einführung in sämtliche Schriften des Thomas, sowie ein Versuch zu endgültiger Feststellung der Thatsache, daß Thomas und kein Anderer der Verfasser der Imitatio ist. Von Karl Hirsche. Erster Band. Berlin 1873. C. G. Lüderitz'sche Verlagsbuchhandlung. Carl Habel. 8°. XLIII et 522 pp. Zweiter Band. Ibid. 1883. LXXXII et 544 pp. Dritter Band. Ibid. 1894. XXIII et 339 pp. [Fromm 525.]

l) *Malou* = Recherches historiques et critiques sur le véritable auteur du livre de l'Imitation de Jésus-Christ; examen des droits de Thomas a Kempis, de Gersen et de Gerson, Avec une réponse aux derniers adversaires de Thomas a Kempis, MM. Napione, Cancellieri, de Grégory, Weigl, Gence, Daunou, Onésime Leroy, Thomassy, Vert, Veratti, etc. etc. Suivi de documents inédits Par Mr J. B. Malou, Chanoine honoraire de la Cathédrale de Bruges, Professeur de théologie et bibliothécaire à l'Université catholique de Louvain, Membre de l'Académie de la Religion catholique, à Rome, et de la Société d'émulation pour l'étude de l'Histoire de Flandre; aujourd'hui évêque de Bruges. Troisième édition, revue et augmentée. Paris rue de Tournon, 20. Tournai rue aux rats, 11. H. Casterman éditeur. 1858. 8°. XX et 423 pp. [Backer 3263, Fromm 522.]

m) *Nolte* = Zur Geschichte des Büchleins, welches man gewöhnlich die „Nachfolge Christi“ nennt . . . von Dr. Nolte (in: Zeitschrift für die gesamte katholische Theologie. . . . Siebenter Band. Wien, 1855. Wilhelm Braumüller, k. k. Hofbuchhändler. p. 3—68, 195—228). [Backer 3278.]

n) *Pohl* = Thomas von Kempen ist der Verfasser der Bücher De imitatione Christi (in: Königliches Gymnasium Thomaeum zu Kempen (Rhein). Schuljahr 1893—94. Programm, mit welchem zu der am 21. März 1894 stattfindenden öffentlichen Schlusssfeier ergebenst einladet der Director des Gymnasiums Dr. Joseph Pohl. 1894. Progr.-Nro. 447. Kempen, Buch- und Steindruckerei von A. Wefers. 4°. XXVIII pp.).

Epilegomena.

o) *Pohl Handschr.* = Die Handschriften und die Autorschaft der Imitatio Christi. Von Dr. Joseph Pohl, Gymnasialdirector a. D. in Poppelsdorf bei Bonn (in: Westdeutsche Zeitschrift für Geschichte und Kunst . . . XXI [1902]. Trier, Verlag von Jacob Lintz. p. 316—336).

p) *Puyol Descr.* = Descriptions bibliographiques des manuscrits et des principales éditions du livre De Imitatione Christi par Mgr P. E. Puyol Paris Victor Retaux, libraire-éditeur 82, Rue Bonaparte, 82 MDCCCXCVIII 8°. VI et 490 et 1 pp.

q) *Puyol Hél.* = Héliotypes des principaux manuscrits du livre De Imitatione Christi par Mgr P. E. Puyol Ibid. MDCCCXCVIII. 4°. 2 et 14 et 10 et 6 et 4 et 4 et 8 et 3 et 10 et 4 et 4 et 3 pp. et 35 tabulae.

r) *Puyol Pal.* = Paléographie classement généalogie du livre De Imitatione Christi par Mgr P. E. Puyol Ibid. MDCCCXCVIII 4°. VIII et 2 et 330 pp.

s) *Puyol L'auteur* = L'auteur du livre De Imitatione Christi par Mgr P. E. Puyol Première section La contestation Ibid. MDCCCXCIX. 8°. VIII et 638 pp. Deuxième section Bibliographie de la contestation Ibid. MDCCCC. 261 et 1 pp.

t) *Santini* = I diritti di Tommaso da Kempis difesi contro le vecchie pretese de' Gersenisti moderni per Luigi Santini canonico regolare Lateranense [Prima parte.] Estratto dal Periodico Gli Studi in Italia. Anno II. Vol. II. Roma tipografia della Pace Piazza della Pace num. 35. 1879. 8°. 190 pp. Parte seconda Estratto dal Periodico Gli Studi in Italia. Anno III. Vol. I Ibid. 1880. Anno IV. Vol. I—II. Roma Tipografia di Roma del cav. Alessandro Befani 1881. 279 pp.

u) *Spitzen* = Thomas a Kempis als Schrijver der Navolging van Christus gehandhaafd door O. A. Spitzen Utrecht. J. L. Beijers. 1880 8°. 6 et 274 pp.

v) *Spitzen Nouv.* = Nouvelle défense de Thomas à Kempis, spécialement en réponse au R. P. Denifle, sous-archiviste du Vatican. Par O. A. Spitzen, ancien professeur de théologie, curé à Zwolle. Utrecht, J. L. Beijers, 1884. 8°. 4 et 169 pp.

w) *Wolfsgruber* = Giovanni Gersen sein Leben und sein Werk De Imitatione Christi von Dr. Cölestin Wolfsgruber Benedictiner zu den Schotten in Wien. Mit Facsimiles mehrerer wichtiger Codices manuscripti. Augsburg 1880. Druck & Verlag des Literarischen Instituts von Dr. Max Huttler. 8°. 10 et 268 pp. [Fromm 526.]

II. CODICES MANV SCRIPTI:

A = Autographum bibliothecae regiae Bruxellensis 5855—5861¹.

¹ Consulas inprimis *Becker* p. 229—244; *id. Les dern. trav.* p. 31—43; *Cruise* p. 171—174; *Hirsche* II 2 sqq.; III 217—239; *Nolte* p. 16—35; *Puyol Descr.* p. 201—250;

Epilegomena.

A 1 = Autographum bibliothecae universitatis Lovaniensis¹.

A 2 = Autographum bibliothecae regiae Bruxellensis 4585—4587².

N = Codex Noviomagensis, nunc Bruxellensis 22084³.

B = Codex olim Bethlehemensis, nunc Gaesdoncanus⁴.

C = Codex, quem abhinc aliquot annis possidebant Iosephus Roolf et Oscar Schmidt-Reder, nunc bibliothecae caesariae universitatis Argentoratensis L. latin. 289⁵.

III. EDITIONES AD AVTOGRAPHVM FACTAE:

S 1 = Thomae a Kempis, Canonici regularis Ordinis D. Augustini, de Imitatione Christi libri quatuor, ad autographum emendati opera et studio Henrici Sommalii e Societate Iesu. Antverpiae, ex officina Plantiniana, apud Ioannem Moretum, 1599. 16°. [*Backer* 133.]

S 2 = De Imitatione Christi libri quatuor, Authore Thoma a Kempis, Canonico Regulari, ordinis D. Augustini; Ad Autographum emendati, opera ac studio Henrici Sommalii e Societate Iesu. Editio altera, priore castigatior, collata denuo cum Autographo. Antverpiae, ex officina Plantiniana, apud Ioannem Moretum. 1601. 12°. 321 et 26 pp. [*Backer* 134, *Fromm* 167.]

S 3 = De Imitatione Christi libri quatuor, Authore Thoma a Kempis, Canonico Regulari, ordinis D. Augustini; Ad Autographum emendati, opera ac studio Henrici Sommalii e Societate Iesu. Editio tertia, prioribus castigatior. Antverpiae, ex officina Plantiniana, Apud Ioannem Moretum. CIO.IOCVII. Cum gratia & Priuilegio. 12°. 321 et 25 pp. [*Backer* 136, *Fromm* 168.]

S I = Thomae a Kempis, cum docti tum religiosissimi viri, ordinis Canonicorum Regularium, D. Augustini, Opera omnia. Ad Autographa eiusdem emendata, atque etiam tertia fere ex parte nunc aucta: omnia vero in tres Tomos distributa: opera ac studio Henrici Sommalij e Societate Iesu. Testatur ipse author, ex his opusculis nonnulla se anno Domini 1441. scripsisse: quaedam vero alia, anno

F (vide infra p. 439) p. 5 sqq.; *Santini* II 94—100; *Spitzen* p. 153—159; *id. Nouv.* p. 135—169.

¹ *Hirsche* II 198—326.

² *Ib.* II 89—198.

³ Cfr. *Hirsche* III 190—194.

⁴ Cfr. B. Hölscher in *Zeitschrift für vaterländische Geschichte und Alterthumskunde*. 44. Band, 1. Abtheilung. Münster, Regensburg, 1886. p. 163—170. *Hirsche* III 181—190.

⁵ Cfr. Codex Roolf, Pergamenthandschrift des Traktats De imitatione Christi vom Jahre 1431. Von Bergrath Schmidt-Reder in Görlitz. Separat-Abdruck aus Petzholdt's „Neuer Anzeiger für Bibliographie und Bibliothekwissenschaft“ 1881. Dresden 1881. G. Schönfeld's Verlagsbuchhandlung. 8°. 14 pp. — *Otia Lusatica*. Von Oscar Schmidt-Reder. Zweites Heft. Görlitz. Verlag von C. A. Starke. 1882. 8°. p. XVIII—XX et 69—97.

Epilegomena.

Domini 1456. Antverpiae, Ex Officina Typographica Martini Nutij, ad insigne duarum Ciconiarum, M.DC.¹ 8°. Tom. I. 80 et 713 et 10 pp.; Tom. III. (M.DCI.) 203 pp. [Backer 2903.]

S II = Thomae Malleoli a Kempis, cum docti tum religiosissimi viri, ordinis Canoniorum Regularium D. Augustini, Opera omnia. Ad Autographa eiusdem denuo emendata, atque etiam in editione tum prima tum secunda aucta plurimum: Omnia vero in tres Tomos distributa: opera ac studio R. P. Henrici Sommalii e Societate Iesu. Testatur ipse author, ex his opusculis nonnulla se anno Domini 1441. scripsisse, quaedam vero alia, anno Domini 1456. Editio secunda. Antverpiae, Ex Officina Typographica Martini Nutii, ad insigne duarum Ciconiarum, M.DC.VII.² 8°. 875 et 1 pp. [Backer 2904, Fromm 187.]

S III = Ven. viri Thomae Malleoli a Kempis, Canonici Regularis ordinis D. Augustini, Opera omnia: Ad autographa eiusdem emendata, aucta, & in tres Tomos distributa: Opera ac studio R. P. Henrici Sommalii e Societate Iesu. Testatur ipse author, ex his opusculis nonnulla se anno Domini 1441. scripsisse, quaedam vero alia, anno 1456. Editio tertia. Antverpiae, Apud Heredes Mart. Nutii et Ioann. Meursium. M.DC.XV. 8°. 46 et 1040 et 47 pp. [Backer 2905, Fromm 188.]³

D = Ven. P. F. Thomae a Kempis Canonici Regularis S. Augustini De Imitatione Christi libri quatuor Ad autographum an, M.CCCC.XLI conscriptum, iterum recensiti. Antverpiae Apud Gasparem Bellerum M.DC.XVI. Cum Priuilegio. 8°. 12 et 458 et 58 pp. [Backer 154, Fromm 51.]

R 1 = Thomae a Kempis Canonici Regularis ord. S. Augustini De Imitatione Christi libri quatuor; Nunc postremo ad autographorum fidem recensiti. Cum vindiciis Kempensibus Heriberti Ros-vveydi Soc. Iesu Aduersus C. Caletanum Abbatem S. Baronti. Ad S. D. N. Paulum V. Antverpiae, ex officina Plantiniana, Apud Balthasarem & Ioannem Moretos. M.DC.XVII. 12°. 24 et 516 et 2 pp. [Backer 161, Fromm 146.]

R 2 = Thomae a Kempis Canonici Regularis ord. S. Augustini De Imitatione Christi libri quatuor; Denuo ad fidem autographi anni M.CCCC.XLI. recensiti: Cum vita eiusdem Thomae, per Heribertum Ros-vveydum Societatis Iesu. Antverpiae, ex officina Plantiniana, Apud Balthasarem Moretum, & Viduam Ioannis Moreti, & Io. Meursium. M.DC.XXVI⁴. 12°. 24 et 418 et 1 pp. [Backer 166.]

P = Thomae a Kempis, Canonici Regularis ord. S. Augustini, De Imitatione Christi libri IV. Ex recensione Philippi

¹ Backer p. 208: „MDCI, in-8°, 3 vol. Quelques exemplaires portent la date de 1600.“

² Titulus specialis tomi primi habet M.DC.VI.

³ Reliquas editiones permultas sub Sommalii († 1619) nomine emissas hic enumerare operae pretium non esse duxi, quippe in quibus publicandis autographum denuo conlatum esse non videatur.

⁴ Idem, quod de Sommalianis editionibus modo dixi, cadit in Rosweydi, qui anno 1629 obiit.

Epilegomena.

Chifletii, Balernae Abbatis, nec non Ecclesiae Metropolitanae Vesontinae Canonici et Vicarij Generalis. Antverpiae, ex officina Plantiniana Balthasaris Moreti. M.DC.XLVII. 12°. 22 et 439 et 14 pp. [*Backer* 249, *Fromm* 121.]

F = The Imitation of Christ: being the autograph manuscript of Thomas a Kempis, De Imitatione Christi, reproduced in facsimile from the original preserved in the royal library at Brussels. With an introduction by Charles Ruelens, . . . Leipzig, Otto Harrassowitz. 1879. 16 et 240 pp. [*Fromm* 165.]¹

H = Thomae Kempensis De Imitatione Christi libri quatuor. Textum ex autographo Thomae nunc primum accuratissime reddidit, distinxit, novo modo disposuit; capitulorum et librorum argumenta, locos parallelos adiecit Carolus Hirsche. Editio altera, correcta et aucta. In est facsimile autographi Thomae. Berolini sumptus fecit libraria Carolus Habel. MDCCCXCI. 8°. XLVIII et 374 et 2 pp.²

B. DE CODICE ARCHETypo.

I. HISTORIA.

Quo nihil neque optatius neque opportunius editori accidere potest, id huius voluminis tractatus tredecim edenti mihi contigit, ut ipsius auctoris archetypo uti liceret. Codicem enim *A*, quo illi continentur, autumno anni proximi et iterum exeunte hieme huius anni Bruxellas profectus cum pulvisculo excussi. Quem antequam describam atque quomodo eden-

¹ Hanc descriptionem imaginemque litterarum codicis autographi primus Elliot Stock librarius Londinensis („Paternoster Row“) anno 1879 edidit, cuius editionem non vidi. Eadem cum francogallicis prolegomenis foras data est sic inscripta: „Imitation de Jésus-Christ, par Thomas à Kempis. Reproduction en facsimile du manuscrit autographe de 1441. Avec une introduction par Charles Ruelens, Conservateur de la Section des Manuscrits à la Bibliothèque Royale de Belgique, à Bruxelles. Paris: Librairie Sandoz et Fischbacher. G. Fischbacher, succr. 33, Rue de Seine, 33. 1879“ titulique fine sic mutato: „Bruxelles: chez Olivier, libraire, 1879“ itemque cum italicis (*Hirsche* II xxxiii).

² Prioris ab eodem Hirschlo curatae editionis „Berolini, sumptus fecit libraria Lüderitziana Carolus Habel. 1874“. 8°. XXVI et 376 et 1 pp. [*Fromm* 131.]

dum curaverim exponam, historia eius videtur adumbranda esse.

Atque quae ille praecipue habuerit fata, in primo ipsius folio complurium manibus scriptum est verbis hisce:

Fol. 1^r: Soc. Iesu Antv. D. P.¹

Sub quibus haec leguntur litteris quadratis² exarata manu pervetusta:

*Liber Monasterij Canōi- | corū regulariū
In mōte | scē Agnetis virgīs ac mīr | tiris³
prope⁴ swollis. |*

Ad quae recentior manus infra addidit:
*quem F.⁵ Joan. Latomus professus | ord.⁶
Regularium in Throno B.⁷ | Mariae prope
Herentals, eiusdem | ordinis Generalis Mi-
nister facta | visitatione Monasterij S.⁸ Ag-
netis | prope Swollam eiusdem Monas- | terij
ruinis ereptum ne penitus | interiret Ant-
uerpiam allatum | Joanni Bellerio⁹ amico
veteri & fīdeli D D.¹⁰ anno Salutis 1577 |*

Haec fol. 1^v sic continuantur:

*Porro Joann. Bellerus PP.¹¹ | Societatis
Jesu, in gratiam | suorum Filiorum, quos
eadē | societas religiosos fouet¹², lubens |
donauit Kalēn Junij 1590 |*

¹ Lege: Societatis Iesu Antverpiae Domus Professae.

² Cfr. Hirsche II 7—10.

³ Lege: Canoniorum regulariam In monte sancte Agnetis virginis ac martiris.

⁴ prope per compendium scriptum est. Ceterum compendia non dubiae lectionis ad evitandas difficultates typographicas posthac, prout commodum erit, tacite solvam.

⁵ Frater.

⁶ ordinis.

⁷ Beatae.

⁸ Sanctae.

⁹ De Ioanne Beller seu Bellere homine docto eodemque typographo Antverpiensi († 1595) cfr. Bibliographie nationale, Bruxelles 1868, tom. II col. 133 sqq.

¹⁰ dono dedit.

¹¹ Patribus.

¹² Sex habebat filios, partim (duos) patres Societatis Iesu, partim et ipsos typographos.

Quam donationem a Bellerio factam esse petente, ut ex autographo sibi excriberetur apographum¹, testimonio comprobatur in pagina titulum editionis *D* sequente his verbis concepto:

Testimonium

De huius Auctoris Autographo.

Ego Georgius Duras, Rector Collegij Societatis Iesu Antwerpiae, fateor hoc Exemplum ex ipso Autographo Authoris, quod a D. Ioan. Bellerio dono accepi esse desumptum, ac deinde facta relectione, per omnia emendatum cum Autographo convenire.

Ita est

Georgius Duras.

atque perinde Gasparis Belleri in eiusdem editionis ad lectorem praefatione his:

. . . placuit eundem [i. e. De Imitatione Christi] Libellum ad Exemplar transscriptum & collatum a Viro pio, cum ipsius Auctoris Manuscripto, (quod Parens meus piae mem. a R. D. Ioanne Latomo Ordinis Canonorum Regularium Generali tunc visitatore, accepit, & nunc apud RR. PP. Societatis Iesu Antuerpiae ab Anno 1598 cum cura asseruatur) iterum conferre, atque consilio & hortatu doctorum virorum praelo committere.

Quas praeterea fortunae vicissitudines autographum subierit, libet hic referre verbis Gencii p. xxxviii hisce: *Missi prius a J. Bollando Parisios ad canon. regul. Sanctae-Genovefae mense maio ann. 1652,*

¹ Cfr. *R1* p. 395 (= p. 39 *Vindic. Kempens. Antverpiae*, Apud Petrum et Ioannem Belleros. M.DC.XXI).

de quo instrumentum vide sub fine operis P. de Boissy dicti ,La Contestation rendue manifeste', et postere ab Henschenio et Papebrochio ad Religiosos Sancti-Germani a Pratis anno 1670, ac Eruditorum Paris. ann. 1671 in concilio prolati, Codicis Antverp. ,variae Lectiones' sub numeris 3, 4 et 6 bis, Chart. 88 A in Bibliotheca Regia habentur¹. Nam Codicis hujus, quem vocat archetypon, textum quanquam referre nuntians Rosweyodus, alium tamen, Lovaniensem nempe Codicem, etc., ut iam diximus², Sommalii instar, in subsidium sequitur.

Atque ut huius adumbrationis finem faciamus, addendum est Societatis Iesu anno 1773 suppressae bibliothecam Antverpiensem primum anno 1778 in abbatiam canonicorum regularium Bruxellensem translata esse, postea in abbatiam Tongerlonensem, unde anno 1826 Bruxellas reversa in bibliotheca regia sedem ac domicilium conlocavit³.

II. DESCRIPTIO.

Quantum iis, qui ante me codici A operam suam studiumque navarunt, debeam, etsi neque ignoro neque reticeo, tamen, quoniam vel obiter inspexerunt, vel non omnia notatu digna, id quod sane supra hominis fere vires est, viderunt, vel parum accurate pleneve descripserunt, quaedam etiam falso legerunt, tamen, ut cum novae horum tractatum editionis

¹ Cfr. *Hirsche* III 218—239.

² *Gence* p. iv sq.

³ Cfr. *Catalogue des manuscrits de la bibliothèque royale des ducs de Bourgogne, Bruxelles et Leipzig, C. Muquardt, 1842, Tom. I CXG.*

parandae tum tollendae de auctore librorum de imitatione Christi litis diutinae tandem aliquando certa solidaque fundamenta ponantur, universae memoriae rationem mihi retractandam, id est denuo examinandam, supplendam, corrigendam esse censeo.

A specie igitur et quasi facie codicis depingenda exordiamur. Parvulus libellus est ligneolo conglutinatus tegumento, cuius tergum corio nunc nigricanti antiquitus inducti saeculo superiore renovatum est, retinaculoque cyprio praecclusus. Scidis seu foliis constat CLXXXIII longis circiter 0,104 m, latis circiter 0,069 m, quorum sine ordine mixtorum CII chartacea, LXXXI membranacea sunt. Praeterea his locis XXVIII singulae scidulae residuae sunt vix 0,01 m latae foliorum excisorum: inter fol. 32—33, 35—36, 38—39, 43—44, 44—45, *47—48, *49—50, *50—51, *53—54, *54—55, 55—56, 59—60, 63—64, *89—90, *92—93, 100—101, *107—108, 115—116, *118—119, *119—120, 133—134, *139—140, *147—148, *175—176, *184—185, 187—188, 192—193, denique inter fol. 193 et aversum tegumentum; his quattuor locis binae: inter fol. 2—3, 13—14, 61—62, *112—113, quarum quas asterisco insignivi, chartacea sunt. Foliorum autem ipsorum chartacea sunt haec, quae infra scripsi: fol. 5—7, 10—12, 15—17, 20—22, 26, 27, 30, 31, 34, 35, 37, 38, 41—43, 46, 47, 50—55, 57, 58, 60, 61, 65, 66, 69, 70, 73, 74, 77, 78, 81, 82, 85, 86, 89, 90, 93, 94, 97—100, 102, 103, 106—108, 111, 112, 115, 116, 122—124, 127—129, 132—134,

Epilegomena.

137, 139, 142—144, 147, 148, 151—153, 156—158, 161—163, 166—168, 171, 173, 177, 180—182, 185, 186, 188, 191; reliqua membranacea sunt.

Ex omnibus eis, quae modo enumeravi, foliis tum truncis tum integris plagularum fasciculi consuti sunt XXV haec deinceps folia complectentes: fasciculus I: fol. 1—2, II: 3—13, III: 14—24, IIII: 25—32, V: 33—39, VI: 40—48, VII: 49—55, VIII: 56—61, VIIII: 62—63, X: 64—71, XI: 72—79, XII: 80—87, XIII: 88—95, XIIII: 96—104, XV: 105—113, XVI: 114—120, XVII: 121—130, XVIII: 131—140, XIX: 141—149, XX: 150—159, XXI: 160—169, XXII: 170—178, XXIII: 179—187, XXIIII: 188—192, XXV: 193.

Addere hic placet, qui codicis tractatus quibus fasciculis contineantur:

tractatus I	fasciculis II et III,	
„ II	„	IIII—V fol. 39 ^r ,
„ III	„	V fol. 39 ^v —VIII fol. 59 ^r ,
„ IIII	„	IX—XVI fol. 118,
„ V	„	XVI fol. 120 ^v —XVIIII fol. 146,
„ VI	fasciculo	XVIIII fol. 147—149,
„ VII	fasciculis	XX—XXI fol. 161,
„ VIII	fasciculo	XXI fol. 162—169 ^r , 10,
„ VIIII	fasciculis	XXI fol. 169 ^r , 11—XXII fol. 171,
„ X	fasciculo	XXII fol. 172 — 175 ^v , 21,
„ XI	„	XXII fol. 175 ^v , 22— fol. 176,
„ XII	„	XXIII,
„ XIII	„	XXIIII.

Iam si cum foliorum numeris scidularum, quas supra commemoravimus, loca contuleris, neque ex quaternionibus III, X, XI, XII aut ex quinionibus XVII, XX, XXI, neque ex tractatibus VII—X quicquam excisum esse reperies atque ceteris usus indiciiis totius libelli quasi quoddam exemplar nullo negotio reficies, si duo addidero: unum, folium undecentensimum folio centensimo, hoc autem scidulae confini adglutinatum esse, alterum, his locis apparere fasciculorum suturas: inter fol. 1—2, 8—9, 18—19, 28—29, scidulam et fol. 36, fol. 44 et scidulam, duplicem scidulam membranaceam foliis 52 et 53 interpositam, fol. 59 et scidulam, 62—63, 67—68, 75—76, 83—84, 91—92, scidulam et fol. 101, 109—110, 117—118, 125—126, 135—136, 145—146, 154—155, 164—165, 174—175, 183—184, 189—190, 193 et scidulam; firmitati videlicet compagium ita provisum est, ut fasciculi cuiusque et externa et media plagula membranea esset, pro qua in fasciculo septimo conficiendo intra, in nono extra scidulae adhibitae sunt.

Restat, ut de foliorum illorum usu exponam.

Ac singulorum quidem spatium circiter $0,072 \times 0,047$ m exceptis foliis 2^r, 3^r, 59^v, 60, 61, 119, 120^r, 177, 178, 193, quae scriptura omnino vacant, nisi quod fol. 193^r manus recentior subscriptionem folii 192^v, de qua postea dicemus, male solvit, litterulis oppletum est. Alia manus recentior saeculi opinor septimi decimi folia undecentensimum et centensimum, quibus huius editionis p. 222, 3 usque ad 224, 18

prudenter | continentur, ad unum folium exectum reparandum mero atramento conscripsit. Quod haud scio an Romam missum sit, ut cum Aronensi codice compararetur¹. Neque silentio praetereundum est ex parte tantum inscriptas esse paginas has: fol. 1, 2^v, 63^v, 120^v, 137^v, 149^v, 175^v, 183^r, 184^r, 187^v.

Singularum denique paginarum versuum numerus inter minimum, si recte observavi, vicenorum ternorum et maximum undetricenorum variat; maior pars vicanos senos vicanosve septenos habet; ipsarum autem paginarum numeros adscriptos esse manu antiqua illa quidem, neque tamen eius, qui codicem exaravit, numerorum quaternarii (4) et septenarii (7) formis recentiore aetate arguentibus probatur.

III. SCRIPTURA.

Atque quoniam de materia libelli deque argumenti in plagulas partitione satis multa verba fecisse nobis videmur, proximum est, ut, quomodo librarius scribendi munere functus sit, doceamus. Qua in re inprimis notabiles sunt tituli tractatuum capitulorumque praeter titulos capitulorum II—XVI tractatus quinti atramento scriptos, sed rubra linea subscripta conspicuos primae plurimorum capitulorum litterae numerique capitulorum minio exarati, deinde litterae primas capitulo-

¹ *R 1* p. 468 (= p. 89 edit. anni 1821): *Quod si de codice nostro, etsi anni indicium secum ferat, nondum vobis liquet, lubens quaedam eius folicula Romam transmittam, ut cum Aronensibus foliis comparentur.*

rum litteras subsequentes¹ atque primae longe maxime partis enuntiatorum litterae² rubra lineola directa insignitae, tum singula sive enuntiata sive vocabula linea rubra subscripta notata, denique grandibus litteris scriptae primae litterae titulorum, capitulorum³, enuntiatorum et fere secundae quaeque capitulorum.

Quae omnia partium orationis discriminarum sunt. Eodem pertinent litterae C⁴ (i. e. capitulum) et Π⁵ (i. e. paragraphus) minio scriptae et quattuor distinguendi notae hae: punctum (.), quod bifariam modo ante grandem modo ante minutam litteram usurpatur, flexa seu clivis sive clinis (!), quam dicunt, colon (:), signum interrogationis (?), quarum vim eam esse

¹ Lineola deest huius editionis p. 52, 4, ubi per errorem S pro s typis exscriptum est.

² Lineolam directam deesse observavi his locis: 31, 16; 101, 16; 103, 28; 109, 7; 115, 27; 349, 12; 364, 27; 396, 10. Contra 108, 14 praepositionis post prima littera lineola rubra insolenter signata est.

³ Illas litteras caeruleo colore pictas esse his adnotavi locis ac tribus quidem primis locis rubro picturae ornatu circa expolitas: 5, 7; 59, 5; 91, 4; 143, 5; 146, 5; 149, 4; 154, 12; 159, 21; 162, 14; 166, 7; 170, 5; 172, 28; 175, 4; 178, 4; 182, 11; 188, 7; 189, 20; 191, 25; 195, 7; 197, 11; 199, 11; 204, 19; 207, 7; 210, 25; 213, 22; 399, 4; 408, 13; 411, 12; 414, 8; 417, 9.

⁴ C octogiens bis occurrit: p. 9, 18; 10, 7; 31, 23; 43, 30; 48, 26; 52, 19; 54, 13; 60, 20; 72, 26; 75, 6; 76, 14; 84, 9; 86, 24; 87, 17; 93, 29; 94, 22; 95, 7. 26; 96, 8. 19; 100, 6; 102, 23; 104, 27; 111, 19; 113, 28; 114, 28; 115, 4. 18; 117, 21; 121, 27; 122, 10. 30; 149, 18; 152, 1; 156, 13; 164, 5; 183, 20; 193, 28; 194, 10; 209, 18; 210, 6; 214, 10; 215, 13; 217, 10; 222, 17; 223, 29; 225, 4; 229, 11; 233, 29; 238, 3; 244, 30; 251, 9. 29; 253, 25; 254, 3. 17; 259, 17; 260, 20; 269, 11; 277, 1; 284, 25; 285, 22; 325, 17; 326, 6. 15; 327, 9. 20; 332, 29; 333, 29; 337, 13. 26; 338, 9. 28; 339, 14; 353, 8; 380, 25; 386, 10; 390, 19; 396, 3; 400, 14; 404, 17. 25; 405, 1. 16. 27.

⁵ Π viciens bis obvium est: p. 72, 8; 85, 3; 268, 16; 269, 21; 288, 16. 24; 289, 11; 307, 6; 324, 16. 24; 325, 5; 334, 8; 335, 8. 13; 339, 25; 340, 12. 21; 341, 14; 342, 13. 20; 343, 13; 346, 6; 348, 1; 349, 5; 364, 17; 387, 23; 388, 8.

Hirsche¹ recte definiendo explicasse videtur, ut longissime, ubi punctum ante grandem litteram, paulo brevius, ubi flexa, etiam brevius, ubi colon, brevissime, ubi punctum ante minutam litteram positum sit, inter legendum subsistendum esse auctor indicasse existimandus sit. In qua re monendum est, saepenumero ante grandem litteram punctum non inveniri, quin mihi contigerit, ut, utrum discriminis quid inter positum punctum et inter omissum intercedat, an ea disparilitas casui negligentiaeve tribuenda sit, indagaverim. Sed quoniam quod mihi non successit, me sagacioribus fortasse succedet, omnes locos, quibus ante grandem litteram punctum adscriptum non est, in uno conspectu infra componam².

¹ *H* p. IX—XI; *Hirsche* I 89—122.

² p. 4 in fine titulorum exceptis capitulis I, XIX, XXV; 9, 6. 7; 12, 28; 13, 1; 15, 11. 22; 16, 4. 20; 18, 5; 20, 16; 23, 12; 24, 18; 27, 18; 28, 5; 29, 7; 31, 22. 31; 35, 26; 36, 9; 38, 20; 42, 7; 43, 1; 44, 23; 47, 2. 27; 48, 7; 50, 5. 17; 52, 23. 24; 54, 5; 56, 26; 58 in fine titulorum exceptis capitulis V et X; 60, 23. 26; 62, 17. 26; 63, 23; 65, 5; 66, 1. 24; 67, 1. 2. 24; 69, 9. 11. 16; 70, 9. 14; 71, 13. 29; 72, 12; 74, 4. 18; 75, 26; 76, 13; 77, 9. 14. 27; 78, 9; 79, 3; 80, 26; 82, 16; 84, 13; 86, 14. 23; 87, 1; 90, 3. 12. 15. 18. 20. 22. 28; 95, 19; 100, 17; 101, 1. 13; 102, 22; 107, 26; 113, 2; 114, 23; 116, 4; 121, 18; 125, 28; 126, 3; 127, 7; 131, 13. 23. 26. 31; 132, 4; 134, 14; 135, 17; 137, 17; 140—142 in fine titulorum exceptis capitulis I, XIII—XVII, XXI, XXII, XXV, XXVI, XXXI, XXXIII, XXXVII, XLVIII, LVI; 144, 12. 17; 145, 12. 13. 28; 146, 29; 147, 21. 28. 31; 149, 6; 150, 5; 151, 16; 152, 14. 26; 153, 7. 26; 154, 9. 10. 11. 27; 155, 1; 157, 23; 158, 14. 26; 160, 5; 162, 10. 17; 164, 9. 27; 165, 7; 166, 5. 29; 167, 9; 172, 27; 173, 16 (bis); 174, 20; 175, 4; 178, 7; 182, 7; 183, 19. 31; 184, 7. 19; 189, 19; 190, 23; 191, 10. 21. 29; 195, 5; 197, 20; 199, 11; 202, 2; 203, 6; 204, 17; 205, 16; 208, 26. 31; 209, 14. 21; 210, 10. 22; 211, 20. 21. 26; 212, 7; 213, 22; 214, 21; 215, 13; 218, 13; 219, 2; 225, 23; 226, 2; 227, 26; 228, 11. 21; 230, 4; 232, 24. 26; 234, 21; 236, 3; 239, 26; 241, 2; 244, 12. 29; 245, 28; 249, 28; 250, 30; 251, 16; 253, 29; 255, 19. 27; 256, 23 (bis); 258, 4; 259, 1. 4. 9; 261, 8; 262, 11; 263, 17 (bis); 268, 28. 31; 270, 21; 281, 7; 282, 10; 283, 14; 287, 18; 289, 13. 28; 290, 6;

Iam ut aliquando ad ipsa tractatum verba recensenda veniamus, de tribus verborum generibus ante omnia mihi dicendum esse video: de verbis aut in margine aut inter versus additis, de verbis transmutatis, de verbis deletis. Atque in margine quidem suo singulis additamentis loco sive angello (Λ) sive duabus lineolis (||) sive punctis (·) adpositis, ubi opus erat, adsignato scripta sunt haec:

p. 6, 15. 16 Vanitas igitur est diuicias perituras querere: et in illis sperare, *20 uiter¹; 7, 7 profecto; 11, 24 quam bonum; 12, 11 *fu(er)it*; 31, 31 militantes; 33, 1 sepe; 34, 19 *in*; 36, 18 ipsius, 23 nimiam; 37, 19 ibi; 45, 30 tua; 46, 22. 23 nunc sunt dies salutis: nunc tempus acceptabile, 29 periculo; 47, 26 tuam; 52, 10 tunc; 60, 29 *sicut*; 61, 26 sapuisses; 65, 22 scilicet; 69, 3 eorum; 74, 16 sixtum; 79, 18 ::; 80, 15 crucis; 81, 8 *inuenitur*; 85, 7 sponte; 88, 4 quam pati; 94, 29 deum; 96, 14 redit; *97, 3 sacra [in dextro] mentum [in sinistro margine],

294, 2. 21. 25; 297, 1; 298, 17. 22; 299, 6; 300, 15; 307, 2. 11; 308, 1. 8. 12; 310, 2; 311, 15; 312, 22; 314, 22; 316, 4; 323, 9; 326, 5. 14. 21. 25; 327, 2; 328, 17. 20; 334, 18; 335, 12; 338, 16; 343, 22. 29; 344, 2; 347, 2. 10; 362, 7; 365, 29; 367, 17. 20; 372, 19; 386, 23; 387, 9. 22. 28; 389, 17; 395, 2. 6. 10; 401, 14. 25; 402, 2. 25; 403, 15; 404, 13; 405, 26; 409, 19; 411, 26; 413, 21; 416, 17; 417, 7. 19. 23. 28; 418, 5; 421, 2. 15; 422, 2. 3. 9; 423, 11. 21; 424, 3. 6. 6. 16. 23. 26; 425, 2; 426, 17. 27; 427, 11. 16; 428, 5. 28; 429, 3. 20. 23; 430, 25; 431, 1. 14. 17. 19.

¹ Varietates quasdam additamentorum ita insignivi, ut pallidiore atramento scripta *litteris inclinatis*, eodem modo, sed insuper alia manu scripta cruce (†) praeposita, iuxta ipsum verbum, ad quod pertinent, modo in dextro, modo in sinistro margine conlocata asterisco (*) praefixo, sive primo sive ultimo versus vocabulo aeque finitima, sed praeterea pallidiore atramento scripta asterisco (*) atque *litteris inclinatis*, denique pariter confinia eademque nigriore atramento scripta *litteris inclinatis*, cruce asterisque (†*) notata typis describenda curaverim.

22 homini; 98, 10 igitur; 99, 21 enim; 106, 22 crescat mee deuocionis affectus; 115, 18 tibi; 116, 25 sua; 119, 21. 22 anime fideli; 123, 14 *et terre*; 125, 20 *i* [pro deleta posteriore o verbi Nolo]; 126, 10 debet; 135, 4 eum; 136, 9—13 Quod homo non sit curiosus scrutator sacramenti. sed humilis imitator christi subdendo sensum suum sacre fidei; 154, 3 non; 155, 18 scilicet; 160, 15 ab; 162, 23 mihi; 164, 2 debeo; 177, 10 tunc; *181, 24 amorem; 191, 10—12 Veniet super eum quidquid fecerit uel dixerit: quia me fallere non potest; 201, 14 omne; *213, 2 qua; *217, 20 humanis; *218, 21 nec; 233, 9 bona [atramento scriptum, sed manu, opinor, prima]; *235, 31 ibi; *246, 17 sibi; *250, 12 iam; *253, 6 via, 20 a [est in fine versus verbi humilia ultima littera, quae oculis cerni vix potest, ita ut erasa esse videatur. Ante pronomen te, a quo versus sequens incipit, unius litterae lacuna est]; 262, 29 que; *269, 6 sic; 270, 11 illum, 14 ipso; 272, 5 inquit; *273, 8 et pro, 23 beatus, 29 eos; 282, 19 per [posterius], 28 † [pro quo constanter scripsi]; 284, 1 †, 23 corona; 285, 9 eciam; *289, 21 aliquo; 290, 12 peccandi; 291, 1 dauid sanctus et, 11 :, 16 cito; 293, 7 *bona operandi*, *28 *ihū*; 294, 19 *male perierunt*, 28 *libenter*; 295, 19 *stabilis*, † 24 *pō* [scriptum iuxta X], 30 *suffICIENTER*; 298, 17 cantare; 299, 3 †, 30 scilicet; 303, 10 bi [syllaba media adiectivi uisibilibus]; 304, 12 ad; 306, 21 marcescit et; *310, 31 pro te; *311, 7 scilicet; 315, 13 ad; 316, 6. 7 postulacio uenie; 317, 25 ad; 318, 26 et [pro quo non sine aliqua dubitatione cum edi-

toribus scripsi est]; 319, 2 anima; 324, 14 debes, 23 eis; *325, 2 quandoque; †*334, 5 *celle*; *336, 27 grata; 347, 23 ad te; 348, 17 et; 351, 23 ab; 359, 17 meretur; *365, 7 di [sic: sciri: | di]; *372, 14 laude; *387, 17 nostrum; *396, 5 uis; 401, 28 intelligencia; 402, 27 meis; 407, 17 magna; 412, 4 domine deus [in rasura], 7 me, 12 michi; 413, 3 michi, 28 deus; 414, 21 armari et; 417, 2 remouere; 422, 23 manibus; 427, 14 ..

Inter versus partim litterae partim verba addita sunt haec, quae quibus locis inserenda sint, iisdem quibus in superiore genere notis indicatum est:

p. 6, 18 statum [minio scriptum]; 11, 2 esse [nigriore atramento scriptum]; 13, 10 c [ad corrigendum sanctorum]; 29, 27 patrum; 31, 14 i [ad supplendum dlecti]; 48, 20 poterit [in locum potest minio deleti]; 54, 10 est, 16 te; 56, 13 te; 60, 25 es; 65, 9 sunt; 68, 13 est; 70, 14 te, 16 et; 73, 19 i [ita: deici]; 74, 24 cum; 81, 8 u [ita: spiritalis]; 83, 7 ad [posterius]; 92, 13 ad te, 14 ut; 94, 24 dei; 97, 2 enim; 99, 9 et; 107, 12 u [sic: actor]; 112, 21 te; 115, 16 ut; 122, 30 est; 124, 7 omnis; 126, 27 et; 135, 24 tibi; 153, 12 totus; 170, 1 iudicijs; 173, 5 ei; 184, 6 ne; 196, 12 non; 201, 20 et; 209, 20 te; 211, 27 tu; 235, 16 et; 254, 26 ut fugiamus a cruce; 259, 15 viri; 296, 27 in [nigriore atramento superscriptum]; 312, 25 enim; 359, 21 quante; 389, 25 dei; 402, 14 et, 26 carnis; 427, 15 et.

Verba transmutanda esse in A alia atris, alia (*) rubris, alia (†) partim atris partim rubris lineolis scito indicatum esse his locis:

*8, 14 | grauia' aliqua |; *20, 29 „de nobis”
et imperfecte |; *21, 15. 16 "viuere diucius |;
†25, 14 | latet | ab intra |; *33, 30 „offen-
disti ”deum [deum in fine versus scrip-
tum est]; †38, 21. 22 "alibi "non inuenies |;
†41, 5 "pigri "valde |; 44, 7 "potest eciam |,
*22 "hic "tecum |; *45, 20 "viam "eandem |;
*68, 20 "mala" super nos |; *69, 27 "com-
mendat || deus; *73, 11 "sit dominus" suauis |;
†86, 23 "posses "omnes |; †87, 18 vitam
ducere |; *98, 24 explicare "hominum |,
*31 "bonitatem "infinitam |; *101, 28 "erit
et heres |; †111, 27 "ut "magis |; 113, 22
perpetue "laudis; 121, 8 "me potest res |;
122, 1 „corpus" sacrum |; *123, 4 "ille manus |,
18 deus "omnipotens; 124, 11. 12 "maneam
"apud te |, †23 "preparares "te |; †129, 8
"cognoscunt "veraciter, †14 "tuo "mendico |;
131, 1 „viceris" perfecte |; 147, 27. 28 "lego "co-
tidie; 151, 23 "habeo "necesse |; 158, 6 "pos-
sunt decipi |; *161, 18 hauriunt "viuam |;
†165, 29 "debet castigari; †169, 14 platea-
rum" lutum |; 171, 29 vti hoc |; 176, 4 "non
proicias "me; 180, 11 "res "quandoque |;
†183, 26. 27 "recolligam "me |; 195, 16 "potest
"te |; 202, 4 "possit "creator |; †211, 5. 6 „om-
nia „omnibus |; †220, 24 „redire „oportet |;
†235, 13 "abnegare "se; †238, 17 enim "est |,
†29 "iudicium tuum "inscrutabile |; *239, 9
docebit me |; †251, 10 "tua domine |; †252, 5
"gracia "michi |; 258, 18. 19 "honorat "ma-
gnum; 269, 7 „scitis" hec ^ :; 15 „nature”
prauitatem; †271, 5 „malam „consuetudi-
nem |; 275, 30 "vobis ymagine |; †276, 27
"timet "diabolus |; †277, 16 „vidisti "prius |;
280, 30 "contagio "peccati |; †282, 15 | de-
fectuosa || aliqua |; *285, 18 | eius' frater' ;

†286, 22 † exempla devotissima |; 287, 5 "periculo "maiori |; 290, 25 "cordis" custodiam¹; 297, 25 "te "eciam |; 298, 16 "permane solus; 300, 10 "ad cantandum "alarum suarum sonitu |; 318, 16 "eos "possit |; 349, 5 "culparum "ergo; 351, 30 "tua "mens |; 353, 4 "oculis "ad celum |; 367, 18 multis "opibus; †386, 19. 20 "me "oportet |; 392, 1 aspicienda" sunt; 401, 9 "fiat "conspectui tuo |; 404, 11 "potest non; *405, 20 "uerbum "dei; †407, 27. 28 "capere "liquido |; †408, 8 "sentire "donans |; 411, 17 "diligis "servitium |; †412, 10 "deuocione "priuata |; *415, 2. 3 "michi "ergo.

Reliquum est, quod mihi extremum proposueram, ut sive verba sive verborum reliquias similiaque plerumque minio, raro (†) atramento rasurave deleta enumerem. Quod ita institui, ut expuncta illa verbo proxime et praecedenti et consequenti cincta uncis includam. Sunt autem haec:

11, 6 pereunt [pereunt] per; 14, 28 corrumpitur [corru] et; 19, 1 sibi [ipsi] vacare; 34, 18 exercitia: [et sanctorum suffragia] quia; 47, 30 eterna [vi] tabernacula; 48, 15 est [quod] iudicabit, 20 nemo [potest] per¹; 49, 5 subiugare [nititur] conatur; 60, 10 hominibus [nucu(?)]² sperare; 62, 15 bene [us] dispositus; 72, 12 cito [perdere] fugare; 73, 8 alicuius [n] creature; 78, 22 humilior [man] et; 80, 26 benedicunt. [Et si ihus³ vellet quod ire(n)t in infernum.

¹ Vide supra p. 451.

² Quid lateat, van den Gheyn et ego extricare frustra studuimus.

³ Id est: Iesus.

ibi equ(e)¹ contenti essent nec minus eum² amare(n)t³.] Et; 84, 15 grauiorem. [reperies] Credis; 94, 29 populum [deu] israhel; 100, 11 et [ptipc] particeps; † 102, 17 misteria [:]⁴ ac; 117, 24 remedium: [et] et; 123, 16 lege [scri] (sic)⁵ dicitur, 21 bona [tibi] famulari; † 125, 20 Nol[o] (vide supra p. 450); 128, 21 ita [ita] aridus; † 155, 20 recordacione [·] a; 158, 7. 8 exercitatis[minuslibenter]credere; 176, 4. 5 deleas [me] de; † 191, 28 sed [sed]⁶ que; 203, 22 vix [aut] raro; 214, 12 uel [a |] audita; 229, 9 beata: [et] societas; † 245, 5. 6 pene [to] totum; 251, 18 eloquencia [aliquod] valent; 255, 8 te (sic rasura dissectum); † 270, 12 emendacionem [:] sed (superius tantum punctum deletum est, ut modo supra 102, 17); 282, 11. 12 temere [no] iudicet; † 310, 12 benedic [ce] et; † 314, 5 sibi⁷ [bi] et; 403, 7 in [tuo] amore; 406, 5 pater[†] [et] neque; 407, 6 patrem [videlicet] et; 410, 10 occupationibus [·] omnibus; 415, 6 [| reconcilianem] deberi. [soluendam]. magisque; 431 orans [:]⁸ aut.

His adposite adiungentur dittographiarum non correctarum exempla duo haece:

157, 9 paci | cienter; 316, 28 deuo | uotus.

¹ *Spitzen Nouv.* p. 146 perperam legit: quoque.

² *Id. ib.*: eum minus; *Hirsche* III 232: minimum.

³ *Hirsche ib.*: curarent. Ceterum, etiamsi verba non solum minio deleta, verum etiam radendo attenuata sint, tamen lectionem eorum certam esse adfirmo.

⁴ Punctum superius deletum est.

⁵ Librarium primo scribere in animo habuisse „scriptum est“, Schmidt-Reder, *Otia Lusatica*, Görlitz 1882, p. 96 et coram me van den Gheyn probabiliter coniecerunt.

⁶ Lineola deletilis admodum tenuis est.

⁷ „sibi“ nigriore atramento scriptum videtur esse in rasura.

⁸ Punctum superius videtur deletum esse.

Atque ut omnes correctiones et lituras, quas adhuc conguessimus, ad scribentis sive celeritatem quandam sive dubitationem sive emendandi studium revocandas esse manifestum est, ita codicis *A* orthographiae rationem, de qua accuratius nobis iam disputandum est, aetatis illius sive usui sive abusui in universum penitus servire nemo negabit. In qua disputatione lectoribus hoc videtur praecipiendum esse, haud ita pauca in *A* optimae aetatis consuetudinem secuto recte scripta esse, quae ab editoribus in deterius mutata sunt. Ecce exempla maxime memorabilia:

Recte scripta sunt sine *c*: *artare*¹; *artus* (adiectivum);

per *c*: *auctor*, *caritas*, *caritative* 282, 17; *carus*; *cotidie*; *cotidianus*; *cum* (coniunctio); *dicioni* 86, 1; *empticius* 213, 28; *nouicij* 44, 16; *solaciosissimus* 183, 7; *solacium*;

c simplici: *bucina* 93, 22;

sine *h*: *pro* (interiectio) 349, 22;

per *i*: *inclita* 127, 20; *lacrima*;

simplici *i*: verba composita *iaciendi*: *abicere*; *adicere*; *deicere* 19, 16; 130, 14; 180, 8; 255, 22 rell.²; *EICERE*; *proicere*; *subicere* rell.;

¹ In conscribendis exemplis eam fere rationem tenebo, ut singularia suis retentis formis locisque indicatis, saepius obvia nominativum infinitivumve in grammaticis lexicisque primo loco collocari solitos praeoptans proponam.

² Contra quod semel legitur *deici* 73, 19 *i* pallidior atramento superscripta, id manus posterior sine dubio interpolando adulteravit: cfr. supra p. 451.

simplici *l*: *milia*; *milies* 236, 23;
l geminata: *mille*; *sollers*; *sollicite*;
sollicitudo; *sollicitus*;
per *m*: *quamdiu*; *tamdiu*; *tamquam*¹;
umquam;
per *n*: *multociens* 169, 18; 363, 11; *quo-*
ciens; *tociens*;
n geminata: *mercennarij* 81, 2;
per *p*: *attemptare*; *temptaciones*; *temp-*
tare;
p geminata: *repperi* (perfectum);
s omissa: *exilium*; *exul*; et constanter
post *ex* in verbis compositis, quae ab *s*
incipiunt veluti²: *existere*; *expectare*; *ex-*
poliare; *expuere*; *extirpare*; *exultare*; *ex-*
urgere.

Consonantium in praepositionibus non
attractarum vel ut nos dicere consuevi-
mus, non adsimilatarum haec adnotavi
exempla:

admiscetur 291, 12; *admittere*; *adnichil-*
lare 219, 29; *inparatus* 119, 9; *inperiti* 158, 4;
inpretermisse 206, 19; *obprobrium*.

Quod in titulis optimae aetatis codicibus-
que antiquissimis observasse mihi videor,
idem codice *A* comprobatum inveni in
mediis verbis ante *s* numquam *ii*, sed

¹ *tanquam* 222, 7 in folio legitur postea inserto; cfr.
supra p. 445 sq.

² Cfr. Quintilian. I 7, 4; Priscian. I 51, 1, ed. Hertz;
Wilh. Brambach, Die Neugestaltung der lateinischen Ortho-
graphie . . ., Leipzig, Teubner, 1868, p. 278—280. Equidem
sescentis antiquarum inscriptionum et optimorum librorum
manu scriptorum exemplis collectis scripturam *exs* . . .
minus usitatam fuisse dixerim.

constanter *i* scribente, velut *audisses* 38, 23; *audisti* 47, 12; *exisses* 38, 22; *petisti* 131, 1 itemque numeri quaternarii et simplices et compositas formas eadem constantia tales: IIII, XIIII, XXIIII rell. (nusquam IV, XIV . . .).

Et quoniam, quae in laude ponenda erant, persecuti sumus, ne illa quidem, quae *A* illorum temporum malam consuetudinem ¹ amplexatus peccavit, silentio praetereunda sunt.

Atque omnium mendorum *e* sine ulla exceptione pro *ae* et *oe* scripta frequentissima est, cuius exempla sunt:

anime, estimare, eternus, cecitas, celestis, celum, cenobium, defedare, demones, magne, merere (pro *maerere*), *obediencie, obedire, pena, penitencie, penitere, querere* (pro *quaerere*), *secularis, seculum, ve* (pro *vae*).

Alterum genus mendorum tralaticiorum est, ut *ci* sequente vocali pro *ti* scribatur, cuius exempla, id quod ex eis, quae iam supra per occasionem attuli, patet, passim occurrunt, velut: *arciore* 107, 26, *eciam, leticia, ocium, preciosus, precium, renunciare*.

¹ Ad eam consuetudinem pernoscendam perversarum scripturarum copiam coacervavi e libris S. Augustini, Aviti, Ausonii, S. Benedicti, Cassiodori, Ennodii, Eugippii, Eutropii, grammaticorum Latinorum, Gregorii Turonensis, Iordanis, Iustiniani Digestorum (recogn. Theod. Mommsen), Landolfi, Pauli Diaconi, Salviani, Sedulii, Sulpicii Severi, Venantii Fortunati, Victoris Vitensis, aliorum, in quibus perscrutandis fere usus sum editionibus Monumentorum Germaniae Historicorum, Corporis scriptorum ecclesiasticorum Latinorum operumque in aedibus B. G. Teubneri Lipsiensis curatorum. Quas singulas hic enumerare quoniam longum est, fontes illarum indicasse sufficiat.

Tertio loco meo iure ponere mihi videor errores plurimos littera *h* male modo addita, modo omissa commissos.

h addita: *abhominande* 180, 27, *anchora*, *archa*, *archanum*, *choruscacio*, *habundancia*, *habundanter*, *habundare*, *superhabundans*, *heremita* 36, 21, *heremo* 30, 15, *iherusalem*, *ihesus*, *israhel*, *michi*, *nichil*, *nichilo*, *nichilum*, *nichileitas*, *adnichilare*, *perhennis*, *sathan*, *sathanas*, *thus*.

h omissa: *abilis*, *abilitas*, *carismata*, *cristus*, *ebitudo* 44, 26, *scolis* 221, 13, *ymnos* 300, 31¹.

Quarto loco non inmerito iam sequetur magnus *i* et *y* inter se confusarum numerus.

i pro *y*: *abissalibus* 171, 1², *apocalipsis*, *gazophilacio* 122, 8, *gira* 172, 22³, *martir*, *misterium*, *mistice*, *paraliticus*.

y pro *i*: *cythara*, *cystersienses* 55, 12, *dyaboli* 116, 14, *eya*, *hyemem* 73, 23, *hylaritatem* 187, 9⁴, *inhyabat* 129, 2, *sydon* 146, 27, *syrene* 197, 6, *tyronem* 210, 2, *ydoneus*, *ymaginacio*, *ymaginari*, *ymago*, *ymmo*, *ymus*.

Porro usus litterarum, quas dicere consuevimus, sibilantium in *A* instabilis atque incertus est. Nam praeter *eciam* quaeque sunt eius generis et *cystersienses*, de quibus supra diximus, huc pertinent:

¹ Aliis locis per compendium scriptum est: *ȳni*, *ȳnis*, *ȳnos*.

² *abyssalis* 120, 31.

³ *gyrouagi* 204, 23.

⁴ *hilaris* 74, 5.

abcedente 159, 1, *abcedet* 287, 14, *ab-*
cisione 167, 24, *dissenciones* 257, 20, *dis-*
sencionis 257, 25, *musitacione* 283, 21, *musi-*
tare 166, 2, *sencibus* 181, 30, *sintillam*
27, 7¹ atque, quod ad aetatem codicis A
accuratius explorandam maximi momenti
esse infra demonstrabimus, *concilium*²
saepenumero scriptum pro eo, quod scribi
debebat *consilium*.

Atque, ut hoc quoque moneam, Graeca
perperam scribuntur haec:

accidia, *accidiosus*, *agonisa* 295, 17, *cimi-*
terium, *elemosina*, *iheronimo* 293, 10.

Denique notanda est constans prae-
positionum adsimilatio verborum *am-*
mirandi et *ammonendi* cum derivatis suis,
s geminata verbi *asscribendi*, constans
scriptura *optulit*, unicum *opponere* 353, 18.

Haec habui, quae de vitiis orthographi-
cis codicis A generatim dicerem; deinceps
de ceteris singillatim dicendum est.

i pro *e*: *diffnicionem* 6, 8; *diffnita*
187, 1; *ebitudo* 44, 26; *intelligencia*; *in-*
telligere; *intelligibilem* 401, 3; *negligencia*;
negligenter; *negligere*.

ij pro *i*: *hij*; *hijs*.

o pro *u*: *adolescencia*; *homoncionem*
115, 2; *iocunditas*; *iocundus*; *tondendum*
237, 26.

f geminata: *diffnicionem*; *diffnita*.

¹ *scintilla* 250, 16.

² *concilium* perperam scriptum habes: 12, 6; 17, 6; 23, 3;
99, 16; 117, 12; 127, 8; 158, 30; 199, 21; 238, 21; 252, 10;
255, 16; 401, 16; 412, 14; eodem pertinet *conciliator* 109, 4;
contra recte scriptum est *consilium* 158, 5; 283, 30; 289, 10. 26;
301, 20; 302, 23; 304, 27; 381, 14, et quod eodem pertinet
consiliarij 262, 20.

Epilegomena.

f pro *ph*: *fantasia*; *fantasma*.

k pro *c*: *karissime* 46, 28; 47, 21.

l non geminata: *humilimus* 169, 5; *solempniter* 93, 23.

m non geminata: *comoditate* 234, 8¹.

n geminata: *connectit* 275, 4; *rennuis* 62, 26; *strennue* 31, 30.

n non geminata: *anullare*.

n omissa: *quociescūque* 217, 10².

p inserta: *contempnere*; *dampnacionis* 82, 14; *dampnare*; *dampnosis* 9, 1; *dampnum*; *solempniter* 93, 23; *sompnolencia*; *sompnolentus*; *sompnum*; *verumptamen* 409, 9³.

p omissa: *absortus* 126, 27, 171, 7; *promsisti* 350, 11.

p non geminata: *oportunitatibus* 423, 23; *oportunis* 262, 1.

s geminata: *pedissequus* 417, 22.

s pro *z*: *puluerisauero* 159, 28.

t pro *d*: *dauiticus* 327, 10⁴.

In aliis *A* inconstantiam antiquitatis imitatus variat, qualia sunt:

dextera, *dextra*; *obtinere*, *optinere*; *quicquam*, *quitquam*; *quicquid*, *quidquid*, *quitquid*; *spiritalis*, *spiritualis*.

Ach et *och* Germanicam produnt originem.

¹ *commoditatis* 26, 25.

² Similiter: *milies* 236, 22; *pluries* 17, 19; sed in his ne antiquitas quidem constans fuit.

³ *verumtamen* 390, 15.

⁴ In codicibus Cassiodori, Landolfi, Sedulii, Venantii Fortunati *dauiticus* saepe reperitur.

Restant aliquot compendia: *lra*, *eplā*, exitus — *cūque*; quae quomodo solvenda sint, cum per se incertum sit, in primo *tt* praeferendas esse, ex *A 2* discimus, in cuius fol. 28^v = *SII* p. 160, 2, 13 *litteras* plene scriptum legitur.

III. AETAS.

Cum in extremo codice *A* (fol. 192^v) haec ipsius Thomae manu minio scripta sint:

Finit⁹ 2 9plet⁹ āno. dñi. m̄. CCCĈ.

xli per¹ ma⁹ Fr̄is thoē Kēp'

In mōte s agnet' prope¹ zwoll'

erunt fortasse qui mirentur, quod in tanta testimonii perspicuitate in aetatem quoque codicis mihi inquirendum esse existimem. At id nequaquam mirandum est; neque enim ad omnes codicis tractatus illa verba pertinent, sed tantum ad ultimum. Quod cum primus *Spitzen Nouv.* p. 137 sqq. intellexisset eque indiciis petitis e serie intervallisque fasciculorum argumentique natura, e foliis vacuis, e scriptura formaque litterarum, ex occupationibus muniisque scriptoris, e signis chartariis, e tractatum indice, e verbis subscriptionis, e correctionibus plurimis additamentis verborumque transmutationibus quattuor primos tractatus inter annos 1416 vel 1417 circiter et 1420 scriptos esse atque Thomam a Kempis omnium tredecim tractatum anno demum 1441 finitorum et completorum esse auctorem effecisset, Bernardus

¹ *per* et *prope* per compendia scripta sunt.

Hölscher ¹ argumenta Spitzeniana praeter unum ne attingens quidem parum urbane interrogando, quidnam sibi vellent istiusmodi nugae, quaestionem gravissimam profligare se opinatus est. Aequius rectiusque iudicans Ludovicus Schulze ² Spitzenii argumentationem verisimilem esse dixit. Atque ne gradatio lepidissima desideraretur, Franciscus Xaverius Funk ³ cuius de auctore Imitationis Christi commentatione magis concisam distinctamque his decenniis me legere haud memini, quin quattuor illi tractatus aliquanto ante annum 1441 et quidem circiter 1416—1420 scripti sint idque a Thoma Kempensi eorum auctore, post Spitzenii argumenta dubitari non iam posse adseveravit.

Quem recte adsentatum esse Spitzenio quomodo necessarie demonstrari posset meditati mihi in mentem venit Bibliis sacris, quorum volumina quinque splendidissima ipsius Thomae a Kempis manu scripta in bibliotheca magni ducis Darmstadiensi adservantur ⁴, in contentionis iudicium vocatis rem fortasse ad liquidum perducere posse. Neque ea spes me fefellit. Nam cum memor in A plerumque falso scriptae vocis *concilii* ⁵ Adolfum Schmidt, qui illi bibliothecae praeest, per

¹ Cfr. commentarios, quos supra p. 437 adn. 4 attuli, p. 163.

² Göttingische gelehrte Anzeigen 1855, p. 620.

³ Kirchengeschichtliche Abhandlungen u. Untersuchungen, II. Band, Paderborn, F. Schöningh, 1899, p. 425.

⁴ Cfr. Centralblatt für Bibliothekswesen, Leipzig, 1896, p. 379—387. Finitum autem et completum est volumen V anno 1427, vol. III 1428, vol. II 1435, vol. IIII 1438, vol. I 1439. Palmi desunt.

⁵ Vide supra p. 458.

epistolam rogassem, ut quinque voluminum ternis locis, quos indicaveram, requireret, utrum sententiae convenienter *consilium*, an repugnanter *concilium* scriptum esset, ille, qua est insigni erga me benivolentia, quo operae eventus certior esset, Concordantiis usus Bambergae anno 1740 editis omnium locorum, quibus *consilium* legi debet, evolvendorum laborem sane quam molestum sua sponte et ultro humanissime suscepit. Atque in volumine V repperit viciens quinquies *c*, semel *s* (Act. 20, 27)¹, in vol. III inter multa *c* unum *s* (2 Mach. 13, 5)² iuxta *c* in eodem enuntiato scriptum; contra in vol. II quattuordecim *s*³ promiscue inter 35 *c*, in vol. III *c* quattuor tantum locis (Is. 8, 10; 14, 26; 19, 3. Ez. 13, 9) in vol. I tantum *s*. Vides, quo quodque volumen posterius scriptum sit, eo magis *s* increbrescere, ita ut Thomam in cognoscendo vero paulatim progressus fecisse appareat, dum tandem illud nactus consisteret. Idque confirmatur *A I* exarato, ut videtur, inter annos 1435 et 1448⁴, in quo *consilium* constanter recte scriptum legitur *S II* p. 35, 30; 36, 4; 41, 48; 723, 23;

¹ In editione Concordantiarum Bibliorum utriusque Testamenti Parisiensi (Apud Michaellem Sonnum, M.DC.XI.), qua ego utor, summa exemplorum paululum differt; voluminis enim I est: 11, vol. II: 51, vol. III: 92, vol. IIII: 40, vol. V: 27.

² Immo lege: 2 Mach. 14, 5.

³ 4 Reg. 6, 8. 1 Par. 12, 32; 13, 1. 2 Par. 10, 6 (bis); 10, 8; 10, 13; 20, 21; 25, 16; 32, 3. 1 Esr. 4, 5; 4, 7; 4, 17; 5, 3.

⁴ *Hirsche* II 279 Sermones ad novicios censet ante annum 1435 scriptos esse non posse, p. 325 vitam Lidewigis (haec duo scripta in *A I* insunt) non ante exactum annum 1448.

748, 24. Quid quod annis vertentibus Thomas s adeo adamasse videtur, ut in A2 finito et scripto anno MCCCCLVI vel ibi, ubi c scribendum erat, in contrarium vitium delapsus his locis *reconciliare* vel *reconsiliacio*¹ scripserit: SII p. 147, 2, 43; 174, 2, 22; 200, 27; 202, 47; 209, 23. 35. 36; 210, 2, 31; 214, 2, 21; 234, 15; 240, 2, 34? His perversis ibid. p. 225, 2, 47 rectum adiungitur *consilium*.

Quid multa? Exemplorum natura, vis, ipsae summae per se et pro se loquuntur, neque hanc scripturae discrepantiam aliter quomodo explanem habeo, nisi ut Imitationis certe libros I, II, III, in quibus non nisi *concilium* legitur, ante Biblia Darmstadiensia scriptos esse statuum. Quod si quis aliam interpretationis viam investigaverit, eam si nobis commonstrare voluerit, magnam a nobis gratiam inibit.

Age vero de ceterorum tractatum aetate quid sentiamus? De qua quid Victor Becker, vir praestanti ingenii acumine, a. d.VIIII Kal. Nov. anni MDCCCLXXXIII ad me scripserit, ex epistula eius Batave scripta eo magis libet in Latinum versa hic referre, quod ibidem etiam de loco tertii tractatus, qui in codicibus fere omnibus quartus esse solet, non negligenda quaedam coniectantur:

In codice, inquit, Bruxellensi, quod est archetypon, tractatus leguntur temporis, quo compositi sunt, ordine servato. Sed cum quattuor (de imitatione Christi) trac-

¹ In A 243, 9 recte *reconciliatur* exhibitum est.

tatus una edere placuisset, de sanctissimo sacramento tractatum ut commentationem propriam et suum quasi orbem conficientem praestare intellectum est postremo loco poni. Quo factum est, ut ita conlocati sint in libris, quibus quattuor illi tractatus continentur, vetustissimis, Gaesdoncano et Noviomagensi, qui utpote paene eodem tempore locis diversis confecti fieri non potest ut ambo¹ ex ipso autographo Bruxellensi descripti sint, sed propter consensum cum Bruxellensi paene absolutum ex exemplaribus diligentissime ex illo factis descripti sint necesse est. In Lovaniensi quidem Thomae autographo liber quartus, qui ibi imperfectus² mansit, postpositus erat; in Harenensi³, quem ex autographo descriptum esse certum est, tredecim tractatus eodem, quo in Bruxellensi, ordine leguntur.

Haec Becker, quibus scripturae *concilium* et *consilium*, de quibus supra p. 458 et 462 sq. diximus, excepto tractatu duodecimo (p. 399—418), qui est de elevatione mentis, non refragantur; quatenus litterarum ductibus tabularum photo-

¹ *B* mea quidem sententia ex *A* transcriptus est; vide infra p. 475.

² Cfr. infra p. 473; *R I* p. 455 (p. 80 ed. 1621): „Louaniensis S. Martini manuscriptus tres libros tantum exhibet, primum, secundum, & tertium”; *Santini* II 220 et *Payol Descr.* p. 271 ex actis conventus Parisiensis anni 1681: „Autographus Lovaniensis in quo extat 1^o Soliloquium animae, dein tres primi de Imitatione libri: postea tractatus de elevatione mentis ad inquirendum summum bonum. Sequitur brevis ammonitio spiritualis exercitii, tunc tractatus de sacramento, cuius tantum conscripta praefatio est; servatis duodecim foliis vacuis, quibus auctor caetera exararet. . . .”

³ *Becker* p. 207.

graphicarum huic editioni adiectarum confirmantur, rei palaeographicae periti viderint.

V. AVCTOR.

Etsi famosissimam illam de auctore Imitationis Christi controversiam iam inde ex his tribus paene saeculis cum magna doctrinae subtilitate tum vehementi partium contentione agitatam in octavo demum huius editionis volumine Deo adprobante testimonia conquirentem, augentem, diiudicantem tandem aliquando dirempturum me esse spero, tamen argumentum quoddam a codicis *A* habitu arcessitum, sed partim adhuc neglectum, partim parum solide acuteque disceptatum legentibus iam hic proponere liceat. Quod quale sit quo facilius intellegatur, infra tabulam ponam codicum mutationes mutilationesque, quarum partem iam supra contuli, adscriptis generum numeris inlustrantem, ad cuius notas numerosque explicanda haec praemitto:

In paginula I codicum, quos supra p. 436 sq. enumeravi, notae positae sunt, quibus addidi *O*, id est codicem Aquensem 49, foliorum 211, praeter Caesarii Heisterbacensis Dialogi miraculorum ¹ dimidiam partem alteram, inde a folio 154 Thomae a Kempis Sermones ad nouicios continentem et *K*, qua littera Biblia Darmstadiensis ²

¹ Iosephus Strange, qui Dialogum Coloniae sumptibus I. M. Heberle MDCCCLI edidit, in praefationis p. v codicem sero ad se transmissum in ultimis tantum plagulis excutiendis adhibere sibi licuisse queritur.

² Vide supra p. 462 sq.

Epilegomena.

designo; in paginula II numeri locorum in margine, in III inter versus scriptorum, in IIII transmutatorum, in V deletorum, in VI foliorum excisorum, in VII foliorum ad unum omnium. Litterulis *a* et *b* codicis *A* tractatus I—III et V—XIII ita distingui volui, ut *a* ad illos, ad hos *b* referenda esset. Sed ecce tabulam.

I	II		III		IIII		V		VI		VII	
	<i>a</i>	<i>b</i>	<i>a</i>	<i>b</i>	<i>a</i>	<i>b</i>	<i>a</i>	<i>b</i>	<i>a</i>	<i>b</i>	<i>a</i>	<i>b</i>
<i>A</i>	60	62	41	7	50	30	33 ¹	10	28	8	119	73
<i>A 1</i>	16		3		13		3		36 ²		166	
<i>A 2</i>	19		5		24		11		11		122	
<i>N</i>	12		9		2		39		0		172	
<i>B</i>	20		38		13		6		1		144	
<i>C</i>	6		18		31		71		0		119	
<i>O</i>	6		17		24		12		0 ³		58	
<i>K</i>									3 ⁴		1028	

¹ Operae pretium videtur adnotare mutationum in *A* numerum sub paginulis II—V comprehensarum in tractatibus I—III pro foliorum numero paene altero tanto maiorem esse quam in tractatu IIII (= lib. III De imit. Christi).

² Cum anno MDCCCLXXXVII codicem *A 1* Kempas mihi missum conferens ad folia excisa animum non attendissem — ars videlicet codices conferendi non cum homine nascitur, sed magno labore et exercitatione discitur — Renatus Maere bibliothecarius Lovaniensis roganti mihi, dum haec epilegomena scribo, folia in singulis *Sermonibus ad novicios* excisa — nam in *Vita Lidewigis* praeter unum folium ante primum excisum integra sunt — grato obsequio indicavit. De magno praeterea numero scidularum inscriptarum primisque *Sermonum ad novicios* foliis et ipsis inscriptis adglutinarum, de quibus in volumine VI uberius disserendi locus erit, cfr. interim *Hirsche* II 203 sqq.

³ Inter fol. 105 et 106 scidula conspicitur folii excisi.

⁴ In vol. III singula folia excisa sunt inter fol. 22/23 et fol. 75/76, in vol. V inter fol. 110/111; in voll. I, II, IIII

Verum quorsus haec? Hodie quoque esse constat, qui *A* non auctoris, sed librarii Thomae opus esse contendant. Quorum opinioni ipsa illa mutationum in *A* longe maior quam in ceteris codicibus multitudo refragatur. Nam cum Thomam et aliorum et ipsius testimonio scribendi arte insignem fuisse compertum habeamus¹, creberrimas illas mutationes non-nisi studio auctoris, quale scribentes et ipsi usu fere docti tenemus, ingenii sui fetus usque perpoliendi atque conficiendi explicari non posse mihi persuasum est. Quod si de hac re antea cum aliqua probabilitatis specie ab aliis aliter iudicari fortasse potuit, quid posthac iam de foliis excisis, ad quae nondum quisquam, quod sciam, attendit, dicturi sint, suspensio sane animo expecto. Mihi quidem haec res unice sic enodari posse videtur, ut Thomam plurima addentem, mutantem, delentem sicubi folium aliquod vidisset adeo perlitum esse, vix ut ipse legere posset, id excidere unam medicinam esse ratum in sordidi locum novum transcripsisse credamus.

C. DE HVIVS EDITIONIS RATIONE.

Novam Thomae a Kempis operum omnium editionem parare neque supervaca-

nihil excisum est, cuius rei notitiam Adolphi Schmidt officio prorsus amabili acceptam refero.

¹ Cfr. *Pohl Handschr.* p. 320—323, ubi cum de hac re fusius egerim, tum testimonium Adolphi Schmidt *K* paucis exceptis accuratissime scripta esse adfirmantis attuli.

neum neque inutile esse iudicavi ultimam ¹ anno 1759 prodisse reputans propter exemplarium raritatem neque satis facile parabilem et critica ratione huius aetatis hominibus doctis nequaquam satisfaciendem. Quibus vereor ut vel peculiare editiones De imitatione Christi librorum ad *A* factae probentur. Quod ne temere dixisse videar, sufficere arbitror, si numeri lectionum, quibus editiones, quas supra p. 437—439 descripsi, ab *A* discrepant, hic indicentur. Atque ab *A* recedunt *SII* locis 190, *SIII* 181 ², *S3* 137, *R1* ³ 62, *D* 38, *R2* 25, *P* 76 ⁴, *H* 20 ⁵ mendis typographicis et erroribus mere orthographicis non numeratis.

Atque ne sicubi *H* lectiones cum meae editionis comparans in diversam incideris, ultra genuina sit, dubius haesites, primum

¹ Opera Omnia a Francisco Xaverio Kraus Augustae Treverorum in aedibus Ed. Groppe MDCCCLXVIII edi coepta, in quorum praefatione p. VI fatetur „libros manu scriptos ut denuo inspicere et conferre posset, certe fuisse desiderium suum: quod tamen pluribus ex causis fieri non potuisse nec plane necessarium visum esse“, volumine primo absoluto continuari desita esse neutiquam dolendum est.

² Est profecto, quod primo obtutu mirere, in *SIII* falsarum lectionum numerum maiorem esse quam in *S3*, quae annis octo ante in lucem prodierat. Qua re sententia Victoris Becker p. m., cuius in programme gymnasii Kempensis 1895 p. XX mentionem feci, comprobatur conicientis in *SIII* curanda partes fuisse Sommalii tunc iam octogenarii omnino nullas. Ac ne quid dissimulem, *SII* rectis in *S2* lectionibus haud raro falsas in *S1* lectiones praeferre notandum est. Contra interdum evenit, ut *S1* rectam lectionem habeat, *S2* et *S3* pravam.

³ Vides, *R1* verum numerum ne aequasse quidem, cum p. 475 [p. 94 (1621)] se postremam Sommalii editionem paene centum locis ad auctoris calamus revocasse scriberet.

⁴ Is numerus etiam augeretur, si *P* accuratius conferendi otium mihi suppetivisset.

⁵ Editio recentissima a Michaele Hetzenauer Oeniponte typis et sumptibus Feliciani Rauch 1901 ad *H* et *F* adornata ab *A* duodeciens dissentit.

locos XX, quibus illum erravisse modo dixi, hic ita congeram, ut iuxta lectiones A Hirschianas uncinis inclusas scribam iisque e speciminibus in *Hirsche* vol. II editis memorabiles aliquot errores subiungam. Sunt autem hi:

*¹4, 6 *prudencia* (*providentia*); *24, 3 *q̄* id est *quae* (*qui*); 32, 2 *accepit* (*accipit*); *33, 30 "*offendisti*" *deum*² id est *Deum offendisti* (*offendisti Deum*); *34, 19 *in feriatis*³ (*feriatis*); 60, 29 *sicut in*⁴ (*in*); *61, 20 *nil* (*nihil*); 81, 8 *Raro inuenitur*⁵ *tam* (*Raro tam*); *90, 18 *sunt* (*sint*); 94, 26 *cantari* (*cantare*); 127, 30 *meo totaliter* (*totaliter*); 146, 6 *omnem* (*omnium*); *160, 22 *quam* (*quod*); 172, 16 *illud sicut* (*illud et sicut*); *179, 12 *quamlibet* (*quantumlibet*); 185, 16 *te* (*et*); *189, 16 *ex* (*te ex*); *235, 13 "*abnegare*" *se*⁶ id est *se abnegare* (*abnegare se*); *250, 1 *captiuam* (*captivum*); *262, 1 *oportunis*⁷ (*opportunius*); 302, 23. 24 *consilium: et cum discrecionis moderamine. obedienciam* (*consilium: obedientiam*); 403, 13 *super* (*supra*); 404, 12 *deus: sicut* (*Deus est: sicut*), 20 *loquitur*⁷ *videlicet* (*loquitur:*); 409, 10 *misericordiam tuam* (*misericordiam*).

Errorum typosethae numerus in *H* aequo maior est; quibus enumerandis etsi bonam chartam, quandoquidem plerique illorum a legentibus nullo negotio corrigi possunt, perdere nolui, tamen certe

¹ Asteriscum iis locis praefixi, quibus Hetzenauer *H* male secutus est.

² Vide supra p. 452.

⁴ Vide supra p. 449.

⁶ Vide supra p. 452.

³ Vide supra p. 449.

⁵ Vide supra p. 449.

⁷ Vide supra p. 460.

nonnullos inprimis molestos, qui ex quo fonte manaverint, dubitari possit, hic rectis iuxta inclusis proponam:

25, 20 *cite* (*cito*); 54, 10 *novicum* (*nocivum*); 67, 10 *esse* (*esset*); 71, 23 *et* (*es*); 77, 8 *fit ed* (*sit ad*); 87, 9 *quum* (*quam*); 100, 18 *magnam* (*magnum*); 105, 18 *noa* (*non*); 115, 14 *libertationem* (*liberationem*); 119, 3 *suam* (*suum*); 128, 18 *accedentiam* (*accedentium*); 130, 6 *de* (*te*); 141, 41 *sit* (*sint*); 153, 19 *Amen* (*Amem*); 163, 15 *undo* (*unde*); 173, 9 *er* (*et*); 226, 2 *vei* (*vel*); 242, 15 *Domini* (*Domine*); 246, 8 *resistet* (*resistit*); 247, 10 *vivat* (*vitat*); 400, 2 *que* (*quo*); 401, 18 *cursus* (*rursus*); 422, 28 *qu* (*qui*). Falsis denique in *H* interpunctionibus enumerandis supersedeo. Sed satis superque; ac ne haec quidem Hirschii, quem per longum tempus gravissime ex oculis laboravisse scio, vituperandi causa protuli, sed legentium, ne de lectione codicis *A* dubitantes in errorem ducerentur, monendorum causa. Eademque de causa eum addo mira quaedam et auditu incredibilia interdum affirmare velut *Hirsche* II 41, ubi *Sommalium vis nesciri* 365, 6. 7 mutavisse in *non vis sciri* insimulat iniuria, quippe cum illud ipsum *non vis sciri* in *A* legatur. Itemque quod II 53 eundem vituperat, quod 386, 6¹ *esse* falso exhibeat pro *omne*, editionibus *Sommalianis* I, II, III, IIII, VIII (1728) cum *A esse* exhibentibus inprobatur, et quod 387, 3—5 prorsus omiserit verba *non est — libenter mori*, hoc cadit quidem in editiones VIII et VIIII (1759), non cadit in I, II, III, IIII (*Duaci*, M. DC. XXV).

¹ 386, 7 *Hirsche* II 50, 22 perperam legit *Christo* pro *ipso*.

Horum omnium mendis vitatis id unum egi, ut archetypum summa religione edderem. Id quomodo recte instituere mihi visus sim antequam exponam, duabus quaestionibus gravissimis lumen adferendum esse video: uni, num A unicum autographum tredecim tractatum, qui eo continentur, habendum sit, alteri, utrum mutationes illae, quas supra p. 449—454 enumeravi, ab ipso Thoma, an posterioribus temporibus a falsariis nescio quibus profectae esse existimandae sint. Et priorem quidem quaestionem mihi non liquere fateor. Res sic se habet: Sommalius in „*epistola dedicatoria*“¹ ad Leonardum Bettenium d. „*Louanii, 1598. Kal. Januarij*“ haec scribit: „*En habet a me T. R. P.² . . . aureolum religiosissimi viri Thomae a Kempis libellum. . . . Hunc ego, dum bibliothecam Canonorum Regularium D. Martini Louanij perlustro, in ea . . . auctoris manu scriptum (quod Graeci αὐτόγραφον dicunt) . . . reperi.*“³ Quae autem ibi paulo inferius addidit verba: „*Quae omnia, bona fide restitui ex autographo scriptoris, quod nuper, Dei beneficio, in manus nostras venit*“, ea non ad Lovaniensem codicem, sed ad A pertinent. Ceterum duos Sommalium codices Lovanii repperisse efficitur verbis, quae in altera eius „*epistola dedicatoria*“⁴ ad eundem Bettenium „*Gandavi, 1600, die 25 Martii*“ scripta leguntur, his: „*Nactus sum, Deo*

¹ Legitur in S I, S 2, S 3, S I, S II, S III.

² *Tua Reverenda Paternitas.*

³ De codicibus Lovaniensibus cfr. *Puyol Descr.* p. 269—274.

⁴ Legitur in S I, S II, S III itemque in editione IIII.

Opt. Max. conatui nostro fauente, apud Viros optimos, D. Martini religiosos Louanii, cum bibliothecam eorum lustrarem, duos huius authoris Tomos, & quidem propria eius manu conscriptos, iuxta syngrapham & testificationem plurium Patrum eiusdem ordinis.

In quam partem haec ultima verba accipienda sint, discimus e § II *Certissimorum Testimoniorum*, quorum secundum in R2 sic habet: *Louanij apud Martinienses etiam seruatur codex in 8. trium librorum de ,Imitatione Christi', quarto omisso, alijs eius Opusculis in medio insertus; quem Ioannes Vlimmerius, illius olim monasterij Prior, testatur se ante multos annos accepisse a Fratribus Montis S. Agnetis; qui affirmabant eum manu Auctoris Thomae a Kempis scriptum, vti per traditionem continuam a maioribus suis eiusdem monasterij Fratribus acceperant.*

Atque illam testificationem apertum est adprobari a R1 p. 395 sq.¹ haec scribente: *Nec codex Louaniensis S. Martini [Ant-verpiensi, id est A] antiquitate cedit, qui eiusdem auctoris manu scriptus est; quod & idem character, eadem abbreviationes, & idem per omnia contextus manifestissime probant; et p. 345²: Ad duo igitur autographa libellos hos rursus comparavi, superflua resecui, supposititia remoui, male contorta reposui, et ex eorum concordia fide omnia expressi.*

Haec virorum summorum argumenta etsi non nego magnam prae se ferre pro-

¹ = p. 40 (1621).

babilitatis speciem, tamen quominus plane adsentiar duplici prohibeor scrupulo: De-
erat in codice subscriptio, tractatum nec
numerus plenus erat et ordo mutatus.
Sed utut res habet, nullius momenti est;
nam et Rosweyodus eundem [atque A] per
omnia contextum fuisse disertis verbis
testatur, neque illum id falso testatum
esse arbitror ullo modo posse demon-
strari.

At enim, inquires, isti sententiae frequens
editionum Sommalianarum ab A dissensio
obstat. Audio, sed eam difficultatem facile
sublatum iri confido. Etenim Sommalium ab
A discedentem saepissime cum Ascensio¹
ita consentire observavi, ut aut hunc ex
illo pendere, aut utrumque ex eodem fonte
hausisse concludamus necesse sit.

Quorum utrum factum putemus, quam-
quam evincere multis difficultatibus ob-
structum est nec nisi duobus codicibus
quibusdam, uno Gandavensi, altero, si
quidem umquam fuit et adhuc est, Sues-
sionensi conlatis perspicui explorarique
poterit, id quod ex parte certe nobis iam
investigatum in volumine octavo, quod
de vita et scriptis Thomae futurum est,
speramus fore ut legentibus persuadea-
mus, tamen iam nunc pro certo adfirmare
possumus, editionem Ascensianam ma-
gnam partem aptam esse ex Norimbergensi

¹ *Opera Thomae a Campis cognomento Malleoli, viri
pientissimi & religiosissimi sub Canone diui patris Augu-
stini, aucta & diligentius recognita, suaque serie reposita
vt in huius patebit tergo: Prelum Ascensianum. Vaenun-
dantur Iodoco Badio Ascensio. In fine fol. CXCI^v legitur:
E chalcographia nostra ad Idus Iunias. MDXXIII. [Parisiis].
2°. 8 et 191 folia. [Backer 2893, Fromm 22.]*

anni 1494¹, Norimbergensem ex omnium antiquissima, quam, etsi loci, anni typographique notatione careat, Traiecti ad Rhenum circa annum MCCCCLXXIII typis Nicolai Ketelaer et Gerardi de Leempt prodisse constat².

Sequitur, ut de fide additamentorum mutationumque, quae in *A* occurrunt, dicamus. Quae fides, licet a Thomae adversariis vehementissime inpugnata sit, facillima est ad probandum. Nam quin maxima certe pars vocabulorum vel in margine vel inter versus scriptorum auctoris manui debeatur, cum propter atramenti tum litterarum ductuum aequalitatem nulla dubitatio est, evanidis autem et tenuibus litteris scripta quaedam et ipsa indidem oriunda esse etiamsi per se eadem confidentia confirmari non possit, tamen hac de causa pro certo dixeris, quod iam in *NBC*, qui artissimo cognationis vinculo cum *A* cohaerent³, paucis exceptis in orationis contextu leguntur, ita ut illa iam annis 1427⁴ et 1431⁴ in *A* fuisse perspicuum sit.

Sed iam examinemus pauca illa additamenta, quae in tanta exemplorum

¹ Ludovic. Hain, *Repertorium bibliographicum*. Stuttgartiae et Lutetiae Parisiorum, MDCCCXXXI, vol. II part. I n°. 9769, Backer 2890, Fromm 21.

² Hain 9768, *Catalogus librorum saeculo XV^o impressorum*, quotquot in bibliotheca regia Hagana asservantur. Edidit Ioh. Guil. Holtrop. . . . Hagae-Comitum, Martinus Nijhoff. MDCCCLVI. 8°. I n° 31, Backer 2888.

³ Propter verba quaedam omissa fieri non potest, ut *A* ex *B* transcriptus sit. Exempli gratia adnoto deesse in *B* 55, 8 *parum loquuntur*, 75, 6 *a Deo*, 162, 19. 20 *Sed quid es amantibus; quid toto corde tibi servientibus*. Contra nihil obstat, quin *B* ex *A* transcriptus sit.

⁴ Aetatis *N B* (1427) et *C* testes sunt ipsorum subscriptiones.

copia¹ codicum *NBC* consensu sunt destituta. Sunt autem haec: 11, 2 *esse*, 36, 18 *ipsius*, 60, 29 *sicut*, 153, 12 *totus*. Quid igitur? Non si illa verba, id quod negari non potest, anno 1431 in *A* nondum erant, sequitur, ut non ab ipso Thoma postea addita sint. Neque enim in *A*, quem scimus usque ad annum circiter 1577 in monte sanctae Agnetis esse servatum ad id tempus quicquam ab alio mutatum esse credibile est; exeunte autem saeculo sexto decimo illa verba in *A* iam addita fuisse testis est *D*; idemque inter *A* et *D* consensus est 97, 22.23, ubi in *BNC* ordo verborum *exhibetur homini* et 121, 8, ubi *me potest res* est. Alios quoque codices eadem verba excepto 36, 18 *ipsius* exhibere videsis apud Puyol, Variantes du livre De Imitatione Christi, Paris, M DCCC XCVIII pp. 87, 182, 253, 408, 427 sq., quorum exemplorum numerum, si necesse sit, ex meis conlationibus possum augere. Sed ad rem etiam magis patefaciendam et inlustrandam quaedam ex *NBC* potissimum petita addidisse satis erit.

Et suo quidem genere singularis locus est 33, 29.30, ubi *G²NCV³*, nisi quod in *V*

¹ Vide supra p. 449—454.

² Sumpsit hanc lectionem codicis G 9—509 Guelferbytani scripti anno 1424, de quo vide *Hirsche* I 99—101, II 418. 421, III 174—181 ex apographo Caroli Hirsche, quod vidua eius bibliothecae gymnasii Kempensis cum alia supellectile litteraria coniugis ad Thomam pertinente donavit. Ipsum codicem ut oculis lustrarem, multa molito mihi non contigit.

³ De hoc codice nunc Bruxellensi 1020, qui scriptus est Osnaburgis anno 1429, cfr. *Hirsche* III 194—196. Ceterum in *G* quoque et in *V*, in quibus Thomae de imitatione Christi librorum tantum primus inest, 11, 2 *esse*, 36, 18 *ipsius* desunt.

pro *forsitan* legitur *forsan*, cum *A* faciunt, *B* habet: *deum* "*forsitan sepius offendisti*, id est: *forsitan Deum saepius offendisti*, *D*: *saepius forsitan offendisti Deum*, similiterque memorabiles sunt 44, 7, ubi *GN* ab *A* stant, *BC* potest *etiam* habent, *D* potest *etiam*, et 123, 4, ubi *CD* cum *A* consentiunt, *B* *illius manus*, *N* *ille manus* habet. Atque ut huius farraginis congerendae laborem hic uno tenore paene exanclemus, haec adicio, ex quibus discrepantia lectionis non solum ipsa additamenta ordinemque verborum, sed etiam latius grassata non raro verba finitima infecta esse appareat: 6, 18 *statum ABD*, om. ¹ *GNVC*; *postmodum grauiter oportet AGVCD*, *postmodum oportet grauiter N*, *grauiter postea oportet B*; 34, 19 *in ANV²D*, om. *GBC*; 45, 29.30 *vita tua AGBVC³D*, *tua vita N*; 46, 22 *sunt dies⁴ ABCD*, *dies sunt N*; 46, 29 *poteris⁵ AGBCD*, *posses N*; 81, 8 *inuenitur ABCD*, om. *N*; *spiritualis ABD*, *spiritalis NC*; 85, 7 *sponte se illi ABCD*, *sponte illi se N*; 94, 23 *rex dauid ABCD*, *dauid rex N*; 97, 2 *sanctissimum ABCD*, *sacratissimum N*; 115, 15 *et ABCD*, om. *N*; 115, 18 *etiam (etiam D) tibi ABCD*, *tibi etiam N*; 116, 24 *illos nequicia (nequitia D) sua ABD*, *sua nequicia illos N*, *eius nequicia (om. sua) C*;

¹ = omiserunt.

² Ibid. *cenatis* pro *feriatis V*.

³ In *C* inter *aliter* et *sentire* verbum *venerit* e versu 28 repetitum minio deletum est.

⁴ 46, 22. 23 *nunc sunt dies salutis: nunc tempus acceptabile* om. *GV*.

⁵ 46, 28. 29 *de quanto periculo te poteris liberare* om. *V* oculis aberrantibus; nam haec verba in propositis codicis *V* fuisse ex eo elucet, quod *V* 46, 29 pro *de quam* habet *de quanto* litteris *to* deletis.

119, 20. 21 *corpus christi et sacra scriptura maxime sint ABCD, sacra scriptura et corpus christi maxime sit N*; 124, 11 *et ABCD, om. N*; 135, 4 *audit eum gaudio ACD, audit eum cum gaudio BN*; 184, 6 *ne ANCD, non B*; 196, 12 *sed ANCD, om. B*; 218, 21–24 *unde — creatura, om. N* (errore oculorum); 233, 8 *sint ABCD, sunt N*; 252, 5 *sufficit ABCD, sufficiat N*.

Ex omnibus his locis duo praeterea efficiuntur, neque omnia additamenta a librariis eadem aut diligentia animadversa esse aut accuratione descripta, et ne pallidius quidem atramentum, quo haud ita pauca eorum exarata sunt, per se quicquam iustae dubitationis habere¹. Atque ut memoria viri de Thoma optime meriti mihiq̃ue dilectissimi huius loci finem faciam, dubito an Victor Becker, qui ante hos decem annos in epistula suo more humanitatis et doctrinae plena mihi scripsit 36, 18 *ipsius* et 60, 29 *sicut* non a Thomae manu profecta esse sibi videri, si hanc disputationem legisset, in sententia sua perseveraturus non fuerit.

Si cui in hac prolusione iusto fortasse longius moratus esse videar, hoc semel dictum volo, cum aliorum rationes adferentem ac refutantem tum meas exponentem atque confirmantem malle me in putidae diligentiae crimen incurrere hac in re a me dissidentium, quam superciliis sublatiis hariolantem, quo vix quicquam his

¹ Cuius rei insigne exemplum est 12, 11 *fuerit*, pro quo in *A* compendii signo evanido suppallide scriptum legitur *fuit*, in *GNBCD* *fuerit*, quod in *G* post *subiectior* positum, in *V* omissum est.

litterarum studiis indignius esse iudico, exemplo aemulari argumentis non firmata effutientium. Itaque hoc unum mihi propositum erat, ut Thomae archetypum quam fidelissime repraesentarem, atque ita quidem, ut expectationi et asceticorum et philologorum responderem. Quae proposita inter se aliquantum contraria ita consequi studui, ut et quaecumque nil nisi pietatis adfectus in legendo sectantes turbare possent, e contextu orationis tollerem, neque quicquam mutarem, cuius non in epilegomenis aut in adnotatione critica accuratissime ratio redderetur. In quibus quae non leguntur, pauca quaedam hic addenda sunt.

Atque primum quidem quod ad scribendi rationem sive orthographiam, quae dicitur, attinet, haec duo secutus sum, primum ut codicis A scripturas ipsius antiquitatis ultimis utique temporibus usitatas, dummodo omnino Latinae essent, tenerem, deinde ut medii demum aevi inscitia fictas sine venia expellerem. Ut exemplo utar, diu multumque et ipse et per alios scrutatus, qui *intelligere* et *negligere* vel senescentis imperii Romani barbariae probata ostendere posset, inveni neminem. Quae etsi me cum multorum adsensu retenturum fuisse probe scio, tamen idem non video, cur *abhominande, diffinicionem, ebitudo, elemosina, habundancia, homoncionem, obediencie, penitencie, solempniter, ymago* similiaque monstra, etiamsi a nostris editionibus nunc quidem fere exulent, non item. Quod profiteor nihil curans vituperatio-

nem eorum, qui suam cuique scriptori orthographiam ne litterula quidem mutata servare religiosi editoris esse contendunt. Atque ne quaedam diverse me scripsisse mirere, veluti *obtinere, optinere, quidquid, quicquid*, alia, id feci exemplum secutus codicis A et ipsius antiquitatis neutramillarum scripturarum inprobantis¹. Eademque de causa non horruī inaequalitatem quandam interpunctionis plerumque consulto et cogitate, opinor, a Thoma admissam², veluti virgulas, si e nostra consuetudine iudices, arbitrarie nunc additas nunc omissas, quas ad A expressi, simul hoc spectans, ut tandem aliquando in his quoque quisquiliis de archetypi memoria constaret. Ceterum moneo satietati legentium occurrentem me pro flexa(?)³ a nostro usu aliena constanter

¹ Vide supra p. 460.

² Quod *Denifle* VII 743 causae Thomae infestissime adversari sibi videri dixit ipsam autographi interpunctionem, id claro firmoque codicis G⁴ 48 seminarii clericalis episcopi Monasteriensis saeculi XV altero dimidio scripti testimonio nixus refutasse mihi videor in programmatibus supra p. 469 prolatis p. VIII. Corollarii instar hic inserere liceat, quod supra p. 444 et 468 addere per incuriam neglexi, indices capitulorum de imitatione Christi post confectos demum singulos tractatus a Thoma adscriptos esse. Quod primum ex eo conicio, quod, cum ipsa prima tractatum capitula a primis fasciculorum plagulis incipiant, indices aut in plagulis praefixis, id quod factum est in tractatibus primo et quarto, aut in ultima pagina vacua relicta fasciculi praecedentis, uti habes in tractatibus secundo et tertio, scripti sunt, deinde quod indicis tertii tractatus, qui vulgo dicitur de imitatione Christi liber quartus, capitula XIII, XVI, XVIII inopia spatii ne a novis quidem versibus incipiunt. Quae res gravissimum testimonium est tractatum illorum a Thoma compositorum. Nam merum librarium eo scribendi ordine usurum fuisse nihil est, quod credamus; ipsum auctorem ita rem instituisse, qui opus ordiens fortasse ne sciret quidem, quot quisque tractatus capitula habiturus esset, facile est intellectu.

³ Vide supra p. 447.

scripsisse semicolon (;) itemque pro puncto ante minutam litteram virgulam (,) et in fine enuntiatorum ante grandem, etiam ubi in *A* deest¹, aequabilitatis causa punctum. Cetera quam paucissimis transigam.

In *A* minio scripta itemque, licet in *A* praeter primas enuntiatorum litteras omnia vocabulorum principia minutis exarata sint, nomina propria reverentiaeque causa ad numen divinum pertinentia, qualia sunt *Deitas, Deus, Dominus, Filius, Pater, Salvator, Spiritus sanctus, Trinitas* rell. grandibus litterarum formis describenda curavi, atramento scripta, subter quae linea rubra ducta est, inclinatis², quae ego addidi, uncinis inclusa.

Huc pertinet titulus quoque quattuor primorum tractatum nunc vulgo receptus: *De imitatione Christi libri IIII*. Nam neque in *A* neque in codicibus vetustissimis certa temporis nota distinctis aut titulus ille generalis aut singulorum tractatum numeri: *primus, secundus, tertius, quartus*³ reperiuntur, et in permultis codicibus non nisi singuli tantum tractatus pluresve multa copulati varietate extant. Ex quo conficitur, id quod tractatus tertii et quarti in *A* conlocatione atque spatii separatione confirmatur, ut quattuor illi tractatus primo ex se ipsis apti paulatim

¹ Vide supra p. 448 sq.

² 152, 6 pro IESV describendum erat *Iesu*.

³ Primum illa numerorum designatio mihi occurrit in codice Monacensi Clm 7842 anno 1437 e paulo antiquiore Monacensi Clm 7830 descripto; cfr. *Pohl Handschr.* p. 334.

in unius libri corpus coalescere coeperint¹. Quae cum ita sint, neque cum Rosweydo² in re tam vulgata nihil inmutare neque cum *D* et Hetzenauero codicem *A* nihil addens simpliciter exprimere volui, sed ne apud lectores tralaticio titulo ordineque adsuetos offenderem, mediam quandam viam ingressus codicis *A* memoriam ita retinui, ut inscriptiones usitatas et singulis libris uncinis inclusas praeponerem et in summis singulis paginis repeterem.

Litterae *C* et *II*, de quibus supra p. 447 dixi, in hac editione omissae ubi in *A* legantur, passim novo versu indicavi.

In ipso orationis contextu constituendo ut meum non erat Thomae soloecismos emendare, quales exempli gratia sunt 6, 26 *illic*, 161, 28 *rehabere*, 301, 24 *lassus*, aut menda socordia negligentiaque orta velut 4, 6 *prudencia* iuxta 11, 19 *prouidencia* tollere, ita meros calami errores, quales sunt 133, 6 *combures*³ et duae dittographiae⁴, corrigere non dubitavi.

Distinctiones Hirschianas, quibus consonantes inter se versiculorum clausulas quasi ante oculos exprimi voluit⁵, sequi mihi visum non est his tribus de causis: Primum versiculi in *A* non illo modo distincti, sed continui sunt; deinde magna versuum pars extremis syllabis aut omnino non consonat aut tam leviter, ut concentus aurium iudicio haud facile per-

¹ Vide supra p. 464 sq. Contra sentit *Puyol Variantes* p. 24—61.

² *R I* p. 454 sqq.

³ 114, 4 *A* recte habet *comburas*.

⁴ Vide supra p. 454.

⁵ Cfr. *Hirsche I* 123—215.

cipiatur¹, velut 5, 8 *tenebris* — *Dominus*, 51, 9 *efficit* — *faciet*, 6, 4. 5 *disputare* — *Trinitati*; denique distinctiones illae super-
vacaneae atque inutiles sunt, quippe cum
„singuli versus eorum quibus Thomas in
distinguendo uti assolet signorum aliquo
finiantur“². In mediis versibus Hirschianis
illas distinguendi notas addo rarissime in-
veniri, velut 16, 16 *habent* :, 77, 6 *inquit* :,
in extremis rarissime deesse velut 78, 21
gratiam

Neque hic taceo numerorum notis I,
II, III, IV, V, VI, VII loco litterarum C
et II, quae in A sunt, maiores capitulorum
partes Hirschium saepissime etiam iis
locis signari voluisse, quibus archetypi
auctoritate non nitantur; quae quatenus
argumenti discriptione commendentur
necne, anquirere huius loci non est³.

Atque huic disputatiunculae iamiam
finem inposituro mihi quosdam nimium
fretos F autographi auctorem propter la-
cunas non expletas, editores vel descrip-
tores propter non indicatas calidius quam
callidius vituperasse occurrit secum non
considerantes imagine rei lucis opera
expressa numquam plus repraesentari
posse, quam res ipsa habeat, saepe luce
deficiente repraesentari minus. Qui ne

¹ Latissime patere apud H clausularum consonantium
notionem dicit B. Hölscher in Theologisches Literaturblatt
VIII, Bonn 1874, 153, prorsus inprobat ibid. p. 501.

² H p. xv.

³ Sibi repugnans Hirsche libri III capitulum 21 tripartito
(I 1—70, II 71—75, III 76—94) divisit; in argumento sub-
iecto dispositionem capituli a Thoma ipso indicatam esse
recte dicens alteram partem a versu 34 (huius editionis
p. 183, 20) incipit, ubi in A habetur C. Neque p. 48, 26,
ubi in A C est, numeri notam adscripsit.

in posterum errare pergant, haec, quae infra scripsi, illos monitos velim in *F* aut excidisse aut parum plena minusque clara esse, licet in *A*, ac Thomae quidem manu scripta, legantur: 5, 11 *more. pro mores* (s valde diluta est, sed quae adhuc cognosci possit); 7, 7 *profecto*, cui suus etiam in *F* locus duabus lineolis directis adsignatus cernitur; 33, 16 *Conem pro Conem* id est *Conemur*; 70, 16 *et*, cui angellus loci index in *F* subsignatus est; 106, 22 *crescat mee deuotionis affectus*; 113, 29 *comisi pro comisi*; 144, 22 *iudiemus pro audiemus*.

In tabula huius editionis XI b = p. 407, 17 casu nescio quo *gna* expressum est pro *magna*; idque factum est, quamquam photographo lucidissimarum paginarum eligendi potestatem permiseram ea tamen lege, ne quis tractatus praeteriretur.

Haec fere colligebam, quae in his epilegomenis dicenda putarem. Quibus si pietatis et gratiae longiorem significationem addidero, confido fore ut legentes mihi ignoscant, praesertim si eam cum huius operis origine copulatam conexamque esse acceperint. Nam quod hoc volumen memoriae unice dilectae matris Mariae Veronicae e gente Steinhausen oriundae dicavi, illa horum studiorum quasi auctor mihi extitit, e cuius ore suavissimo venerabile Thomae nomen iam puer saepenumero audirem his me adloquentis: Mi Iosephe, quam praeclarum illud et illud Thomae a Kempis. Matrona enim simplex, candida, recta, quae praeter librum precationum suum et Thomae de

imitatione tractatus nihil fere legebat, illius multa dicta memoria tenebat. Quae ubi post vitam orando, laborando, benefaciendo deditam anno aetatis octogenesimo XV Kal. Nov. MDCCCLXXVI obdormivit, non habebam, unde scidam vitae illius curriculum, qualem componere apud nostrates moris est, continenter scribendi aptius exordium ducerem, quam a primis de imitatione Christi verbis ex Ioan. 8, 12 sumptis. Praecipue autem etiam hanc ob causam matris nomen huic libro praescripsi, ut si legentes, id quod rogo supplicoque, mei sive vivi sive mortui in piis ad Deum precibus suis misericorditer meminisse voluerint, ne illius quidem obliviscantur. Quae cum ita essent, factum est, ut anno MDCCCLXXXVIII cura gymnasii Kempensis regendi ad me deferretur. Tum vero ego in tanti viri urbe patria condicione quaestionis Thomaeae in universum cognita libros circumspectare, undecumque comparare, lectitare, codices conferre, virorum doctorum rei peritorum notitiam epistularumque commercium quaerere, itinera facere, ne multa: de Thoma per multos annos dies noctesque sciscitari, commentari, non sine aliorum interdum molestia sermocinari. Ita consilium operum omnium illius edendorum subortum est. • Cuius exequendi facultas mihi data est cum multorum consilio operaque tum beneficentia viri excellentissimi rerum ecclesiasticarum et scholasticarum in Borussia summi praefecti, a quo publice viaticatus ad con-

Epilegomena.

**ferendum autographum per XLVII dies
Bruxellis commoratus sum, ubi egregio
adiumento mihi erat bibliothecariorum,
inprimis V. R. Iosephi van den Gheyn S. I.,
humanissima officiosissima liberalitas.
Quibus omnibus viris pro sua cuique
parte debitas ago ex animi sententia
gratias.**

**Poppelsdorpi prope Bonnam scribebam
aestate, absolvi XII Kalendas Octobres
anni MDCCCIII.**



ADNOTATIO CRITICA.

Praeter ea, quae supra p. 433—439, 466, 476 indicavi, his siglis utar:

- Asc* = editio Ascensiana anni 1523¹;
Gh = Iosephus van den Gheyn²;
N1 = codex Nordhornensis maior saec. XV³;
N2 = codex Nordhornensis minor saec. XV⁴;
Nor = editio Norimbergensis anni 1494⁵;
Pr = editio Traiectensis anni circiter 1473⁶;
Re = codex Rebdorfensis anni 1488⁷;
S = editiones Thomae operum omnium Sommalianae;
T = codex Monacensis 18526, anni 1492⁸;
T2 = codex Monacensis eiusdem aetatis, cuius *T*⁸;
|| = finis versus.

Hos codices editionesque iis tantum locis, quibus lectio in *A* aut incerta aut dubiae interpretationis est, vel quibus rationem inter *A* *Asc* *S* intercedentem, quam supra p. 474 attigi, aliquo modo illustrari velim, a me in disceptationem controversiamque vocata esse consentaneum est. Insunt autem in iis tredecim huius voluminis tractatum hi: in *Asc* omnes, in *N1*: V VI IX X XII XIII, in *N2*: V (cap. VII et VIII partim) VII VIII XIII, in *Nor*: V VI, in *Pr*: VI, in *Re*: V, in *S* omnes, in *T* et *T2*: V. — Lectiones sine notis infra prolatae in *A* sunt.

¹ Cfr. supra p. 474.

² Cfr. supra p. 486.

³ De hoc codice praestantissimo anno 1895 a Victore Becker mihi misso accuratius exponendi locus erit in voluminibus huius editionis primo, sexto, septimo.

⁴ De *N2* una cum *N1* mihi commodato agam in volumine primo.

⁵ Cfr. supra p. 475.

⁶ Ibid.

⁷ De *Re* nunc O. 99 bibliothecae regiae Haganae cfr. *Amort Mor.* p. 142—149, Progr. gymnas. Kempens. 1895 p. VIII sq.

⁸ De *T* et *T2* cfr. Karl Grube in *Historisch-politische Blätter* XCII (1883) 898—905; Progr. gymnas. Kempens. 1895 p. VIII sq.

6, 27 *A* conferens de hoc loco nihil adnotavi; verum Schmidt-Reder in *Otiorum Lusaticorum* p. 85 in *F* haec enucleasse sibi visus est: *Memento' illius' frequenter* | transmutationem vocabulorum lineolis indicari ratus, sed fortasse manu posteriore et sine minio factam. De qua re per epistulam consului *Gh* his verbis: 'Qui (Schmidt-Reder) mihi quidem dupliciter videtur errasse: et lineolam supra *illius*, quae loco puncti paulo longioris est, et litterae *q* vocabuli *frequēt* lineolam finalem, quae haud raro ita adiungitur, falso pro transmutationis signo habens. Sed quid de altera lineola supra *illius'* faciamus? Estne illa in codice?' Ad quae ille mihi rescripsit: 'Est in codice *illi⁹ frequēt'* quid de his faciendum sit non audeo decidere.' Mihi vero iam mutata sententia constat legendum esse *frequenter illius*, quam lectionem non solum *NC* habeant, sed etiam quattuordecim codices apud *Puyol Variantes* p. 75 et quattuor a me conlati¹.

27, 7 *sintillam*, sed 250, 16 *scintilla*².

29, 10 utrum *confert* an *conferunt* in *A* scriptum esset dubitans Hosdey, bibliothecarius adiunctus Bruxellensis, *confert* posse legi censebat, *Gh* sine dubio legendum esse adfirmabat. Cui ego adstipulor non solum litterarum ductibus accuratissime examinatis, sed etiam consensu *CND* motus. *Puyoliani* (p. 127) et reliqui mei variant. *BG* habent *conferunt*.

¹ *GBD* habent *illius frequenter*, *Buxhemensis* anni 1471 (de quo cfr. *Amort Mor.* p. 153 sq.) *frequenter huius*.

² *sintilla* codex *Monasteriensis*, de quo cfr. supra p. 480.

39, 6 quod in *A* legitur, cum et *inepte* et *ineptae* esse possit (cfr. supra p. 457), utrumque autem sententiae satisfaciat, dubium mihi aliquamdiu erat, utrum praeferrem. Sed consuetudine sermonis Thomaei commendatur adiectivum in quattuor primis tractatibus haec cum *laetitia* coniungentis: 39, 18 *bona*, 207, 17 *festiva*, 184, 18 *mea*, 182, 20 *omnis*, 52, 12 *perpetua*, 20, 16 *quanta*, 77, 22 *spiritualis*, 36, 29 *transitoria*, 68, 3. 17. 237, 9 *vera*, quibus similia sunt 69, 2 *iustorum laetitia* et *Eccl* 7, 5 *Cor sapientium, ubi tristitia est, et cor stultorum, ubi laetitia*.

47, 16 *Alius*, quod primum folii 21^r primum vocabulum est, post colon prima littera grandi scriptum est.

59, 4 pro *I* minio exaratum est *pmū*.

67, 31 Subsimilis hic dubitatio codicumque discrepantia (*Puyol* p. 194), quae supra 29, 10: *Gh occurrerit* legi posse, Hosdey sine dubio legendum esse dicebat. Pariter formatum est 175, 14: *fac de me quidquid placuerit*. Vulgo legitur *occurrit*.

71, 25 *Flexa* (!) nigrior est videturque post inserta esse, nisi color ei inductus sit; nam eandem habent *BC*¹.

79, 4 colon admodum evanidum est, sed idem est in *B*, deest in *C*.

80, 26 de verbis deletis, quae supra p. 453 sq. attuli, cfr. *Becker Les dern. trav.* p. 36 sq., *Puyol Variantes* p. 212—214.

¹ *N* flexis omnino caret interpunctionemque parum curat (cfr. *Hirsche* III 192).

85, 1 pro vulgato *invenit* per compendium *invenerit* scriptum esse probante Gh arbitratus sum; quod an retractandum sit, valde dubito. Codicum plerique habent *invenit*, alii *inveniet*¹, Kirchhemianus² *in uenit*³ (id est *inuenerit*), Faucensis³ I. 2 Lat. 4^o 36 scriptus anno 1459 *in venerit*; de quibus lectionibus quid iudicandum sit, iam videamus. Atque *inveniet* quidem ut suo iure infercire sibi videretur librarius aliquis, facile induci potuit similitudine exemplorum, qualia sunt 35, 18: *Si te subtraxeris . . . invenies*; 56, 12: *Si autem dederis te, . . . invenies*; cum quibus conferas consimilia 70, 25. 26; 131, 5; 166, 25. 26; 167, 27—29; 235, 30. Quamquam correctione opus non erat reputanti praesens cum futuro exacto eadem ratione coniunctum legi 35, 6: *Beatus servus ait evangelista Lucas: quem cum venerit dominus invenerit vigilantem*⁴ et 131, 13—15: *Dat enim Dominus ibi benedictionem suam: ubi vasa vacua invenerit*; quae ipsa exempla haud scio an librariis Kirchhemiani et Faucensis sententiarum conexum parum acute perspicientibus ansam mutandi dederint; neque enim ubi scriptum sit et in enuntiatione principali et in secundaria futurum exactum, in his quattuor primis tractatibus exemplum indagavi ullum.

¹ Cfr. *Puyol Variantes* p. 222.

² *Pohl* p. vii b 4; V. Becker, „De Codex van Kirchheim“, in: *Godsdienstig, Wetenschappelijk en Letterkundig gebied*. XXVII^e Jaarg. Dl. XLIII. Utrecht, P. W. van de Weijer. 1894 [commentationis separatim editae p. 1—24].

³ *Pohl* p. vii b 3.

⁴ Luc. 12, 37. 43. 44; Matth. 24, 46. 47.

95, 24 *nec* pallidiore atramento scriptum est fortasse in rasura.

97, 21 minio per compendium exaratum est *Quod*, cui atramento superscriptum est ¹, ita ut, si hanc lectionem probes, legendum sit *Quam*. Sed cum 90, 4 in *A* et utroque loco in *NBC* *Quod* sit, hanc lectionem recipere non dubitavi.

105, 30 *cherubin* et *seraphin* (sic corrigas quaeso), quae formae sunt linguarum Aramaicae et vulgaris Arabicae² pro Hebraicis in *im* exeuntibus, mutare nolui.

108, 24 inter *de* *exercicio* lacuna est iam a Schmidt-Reder Ot. Lusat. p. 73 observata. De qua *Gh* a me rogatus, apparerentne in loco lacunae vestigia rasurae, rescripsit: 'mihi etiam videntur adesse vestigia rasurae.' Cfr. infra ad p. 239, 28. 29.

109, 21 cum punctum pusillum atque suppallidum iuxta *tractandum* positum sententiae repugnans casu ortum esse videatur, pro eo virgulam scribere non debebam. Deest in *NBC*.

116, 1 quod post *grām.* positum est punctum, id aut per casum aut per sordiam factum esse existimo. Deest in *NBC*.

117, 23 *cum primis*: *ANBC*.

124, 11. 12 "*maneam*" *apud te* |³. Flexa, quam *BCH* habent, in *A* non est, sed super punctum videtur rasura esse punc-

¹ *Gh* videtur ab alia manu superadditum.

² Cfr. W. Gesenius-Kautzsch, *Hebräische Grammatik*, 26. Aufl., Leipzig 1896, p. 236.

³ Cfr. supra p. 452.

tillique vestigium, quod vix oculis cernas. *F* colon exhibet.

127, 30 punctum post *tribuam*, quod in *NBC* deest, in *AF* pertenu est.

147, 3 *nūmismate ANBC*, cuius *m* geminatam substantivi nummi¹ analogiam secutus servandam esse censui, praesertim cum etiam Sedulii² codex *A* saec. VIII carm. lib. V 43 et Venanti Fortunati³ *L* (Laudunensis 469) saec. VIII vel IX in *Vita S. Martini* 2, 337 *nummismata* exhibeant.

151, 7 pro *quintū* aequabilitatis causa scripsi *V* itemque 154, 11 *VI* pro *sextū*.

154, 18 Cum ad *Gh* haec scripsissem: '*prosperis* | Cuinam rei inservit lineola directa (cathetus)? Distinctioni, puto, vocabulorum *prosperis* et *placeo* artius inter se iunctorum, qualia, ni fallor, aliquoties in autographo animadverti', is mihi respondit: 'Equidem ita etiam censeo.' Iam re iterum perpensa aliter mihi videtur. Neque enim ullus codex *ei in prosperis* habet, sed ad unum omnes *in prosperis ei*, nisi quod *B* pro *ei* habet *eī*, id est *enim*. Quae cum ita sint, primitus fuerit in *A* "*ei in prosperis* |, sed lineolae procedente tempore praeter unam super *īn* residuam evanuerint necesse est.

¹ Cfr. Alfred Fleckeisen, Fünfzig Artikel aus einem Hilfsbüchlein für Lateinische Rechtschreibung. Leipzig, Teubner, 1861 p. 21. W. Corssen, Über Aussprache, Vokalismus und Betonung der Lateinischen Sprache. Leipzig, Teubner, I (1868) 438. 440; II (1870) 127. 547. 1014.

² Vol. X Corp. script. eccl. Lat. ed. Ioh. Huemer, Vindobonae 1885.

³ Edidit Fridericus Leo in Mon. Germ. hist. auct. antiquiss. tom. IV 1, Berolini apud Weidmannos MDCCCLXXXI.

196, 22 *preciosi* habent *ANB¹C Caroliruhensis* 381, *Guelferbytanus* nunc 998, antea 896², quod ita explicandum esse reor, ut quandoque bonum dormire Thomam moneam³, vel ita tutandum, ut *pretiosi* fortasse genetivum generis neutri esse idem valens, quod *rei pretiosae*, statuat.

222, 3—224, 17 *facie*. Huius partis in *A* exaratae manu recentiore⁴ orationem conformavi ad fidem *ANBC*, interpunctionem ad *BC*⁵. Discrepantia autem haec est:

222, 3. 4 *Capt* 44. *A*, *Ca^m xliiij*. *N* post 5 scripserunt.

3 *attribuendo* (pro *attrahendo*) *N*.

5 *capitulum* deest in *BC*.

6 *Flli In B*; *Flli in C*.

7 *te* omisit *B*.

9 *sit Multa B*.

17 *deuenimus*. *Ecce B* syllaba *de* minio deleta.

18 *temporale defletur*. *N*.

20 *obliuione N*, *obliuionen C*.

24 *defluit et A*; *defluit Et BC*.

¹ Meae intellegentiae vim et notionem fugit, qui *B. Hölscher* *B* hoc loco habere *pretiosae* scribere potuerit. At nimirum similia incredibilia dictu apud illum vigent.

² Cfr. *Hirsche* I 477 sqq.

³ Cfr. *Pohl Handschr.* p. 333.

⁴ Cfr. supra p. 445 sq.

⁵ *N* 223, 18 et 224, 8. 7. 8. 9. 12. 13 signa interrogationis, praeterea tantum puncta habet, atque his quidem locis: 222, 8. 6 (*inscium.*). 16. 18. 19; 223, 4. 9 (*repperi.*). 10. 12. 14 (*instabiles.*). 16. 23 (*consolabitur.*). 25 (*finem.*). 26 (*domine.*); 224, 8. 9. 10. 14. 15 (*mendax. infirmus. instabilis.*). 18 (*verbis.*). Recentioris manus in *A* interpunctionem neglegentem fideliter expressit *H*, nisi quod 224, 4 punctum apud eum desideratur, virgula 222, 10 post *sunt* abundat, 223, 16 post *valet* deest. Flexa uterque (*N* et *B*) caret.

223, 4 *Cap. 45. A; capitulum deest in C.*
 23 *eruetur aut B; consolabitur? C.*
 26 *amici. (punctum pallidum est) C.*
 28 *per (pro praeter) N.*

224, 1 *mecum foret ita N.*

2 *"sollicitaret "me | B.*

9. 10 *sumus nec B.*

13 *fallis nec B.*

14 *rursum. omnis C; rursum Omnis N.*

15 *labilis. maxime C.*

17. 18 *sonare videtur. Quoniam (falso pro Quam) prudenter fol. 100^v in A abundant, cum fol. 101^r a sonare videtur incipiat.*

235, 9 *utilis B.* Ad eorum codicum numerum, quos alio loco¹ dixi habere *utile*, addendi sunt *NC*. Quod, ne iterum dormitandi excusatione utar neve ad compendium illud syllabae *is* confugiam, quod ab *e* deorsum sinuata haud ita multum differt, a grammaticis, ubi de congruentia praedicati adiectivi disserant, exempla adferri notum est, qualia sunt: *Triste lupus stabulis et varium et mutabile semper femina.*

239, 28. 29 *nulli melius eadem dicenda sunt, quae supra p. 491 ad 108, 24 adnotavi.*

250, 1 *captiuam ANC* codex *Lacensis*² codex *Monasteriensis*³, *captium* vulgo. Scribentis animo videtur obversatum esse subiectum *anima*, cuius nominis numero singulari Thomas in quattuor primis trac-

¹ *Pohl Handschr. p. 333.*

² De hoc codice cfr. *Stimmen aus Maria-Laach* XXII (1882) 254 sq.

³ Vide supra p. 480.

tatibus usus est bis et septuagens; cfr. cum in hoc ipso capitulo 252, 3 tum 143, 2. 3 capituli primi inscriptionem: *De interna Christi locutione ad animam fidelem*. An coll. Rom. 7, 23 scripturus erat *captivantem*?

276, 3 *veit*¹ quod compendium utrum solvendum esset *veniet* an *veniat*, cum Gh consulissem, is mihi rescripsit: 'Mihi videtur Veniat.' Asc et S exhibent *veniet*, sed legendum est *venit*; nam *veit* habent N1 Re, *venit* T T2, et in F constanter pro futuro scriptum est *veniet* vel *veiet*, pro praeterito et praesenti *venit* vel *ueit*, pro coniunctivo praesentis *veniat* vel *ueiat*. Lineolae superscriptae ductum tortuosum motione aliqua manus tremebunda ortum esse crediderim.

288, 1 Pallidum pusillumque post *eciā* punctum casu ortum videtur. Ut deleatur, sententia postulabatur.

291, 28 *te* A N1 Re T T2 Nor, omisit Asc, tibi S, qui *te cavere* ad verbum expressum esse Germanicum *dich hüten* non vidit.

293, 26 Luc. 13, 3 legitur *habueritis*, non *egeritis*; Luc. 13, 5 *egeritis*.

294, 28 *libenter* supra p. 450 cruce praeposita insigniendum erat, cum et pallidior atramento et alia manu in margine scriptum sit; deest in Re N1 T T2 Nor Asc, legitur in S. In N2, cum in commentariis meis nihil adnotaverim, videtur esse; sed argumentum e silentio, quod dicunt, lu-

¹ Virgula post *venit* supra 276, 3 deleatur.

brica res est. Quare *libenter* deleri praestabit.

301, 14 in *A* est *vl || tra*, quod litteris *ul* in initio versus propter similitudinem antecedentium errore omissis Thomam scripsisse suspicor pro *vel ultra*.

303, 21—305, 28 leguntur 411, 10—413, 16 iisdem verbis, nisi quod 304, 12 *ad interna*, 411, 29 *interius* est, repetita, sed interpunctione aliquantum in peius mutata, quam quidem antiquioris recensiois esse credo, cum in *A* scriptum sit 304, 27 *consilio*, 412, 14 *concilio*; cfr. supra p. 459. 462—464.

313, 7 *habere agere A N1 Re Nor, habere et agere TT2, habere vel agere Asc S*, a quibus *vel* insertum esse patet sive ignorantibus sive non cogitantibus: *nihil cum mundo habere agere volunt* ad verbum expressum esse e Germanico: *sie wollen mit der Welt nichts zu tun haben*.

326, 12 *simplicem A N1 S, humilem Pr Nor Asc*.

327, 10 *dauidicos A N1 Pr Nor, dauidicos Asc S*; cfr. supra p. 460.

328, 19 *emendas A N1 Pr Nor S*. Expectaveris potius *emendaris*, quod habet *Asc*; sed *Gh* per epistulam rogatus dubitanti mihi, utrum in *A* scriptum esset, respondit: *emendas*.

334, 30 inter *dixeris et non in Asc S*¹ haec inserta leguntur: *memor videlicet*

¹ Etiam in reliqua capituli tertii parte inde a 335, 3—336, 11 *Asc S* multas inter se consentientes (cfr. supra p. 474), ab *AN2* discrepantes habent lectiones, quas hic enumerare

quod sine eo nihil boni poteris facere aut dicere: & si quid feceris aut dixeris, quae in A N2 desunt.

344, 24 *e* || (pro *et*) *A*.

378, 8 *imitatus: Est A*. Litteram grandem ac minii quidem lineola notatam alibi in *A* post colon occurrere non memini.

380, 31 *deo⁷ liberi⁹ A*. Ex *Gh* per epistulam percontatus, putaretne duabus lineolis vocabula transmutanda esse indicari, hoc responsum tuli: 'Dubito, anceps haereo, quia in casu hoc signum bis scribitur.' Quod quamquam plerumque, tamen non sine exceptione fit, veluti 298, 16 pro "*permane solus*" *Re N1 T T2 Pr Nor S solus permane* habent. Quod si nihilo setius *Deo liberius* scripsi, hoc feci secutus lectionem, quae in *N1 Asc* est.

392, 1 in *A* est *cūctā* || "*aspiciēda*"² *st*¹. Pro *cūctā* duabus de causis existimo Thomam scribere voluisse, id quod e coniectura in contextum recepi: *cuncta terrena*: primum quod punctum crassum saepissime pro *er* superscribitur; deinde, quod caput est, quod 60, 30 plane eadem leguntur: *cuncta terrena sunt aspicienda*. *ta* similitudine syllabae sequentis, *na* similitudine exitus intercidere facile potuit. Thomam autem haec scribentem animo suspenso et occupato fuisse indicari videtur ipsa sequentium vocabulorum transmutatione.

nihil attinet, nisi quod 336, 7 inter *semper* et *Nec* circiter quattuordecim versus interpolaverunt.

¹ Cfr. supra p. 453.

² Supra p. 453 prius lineolarum par ante *aspicienda*" addendum est.

392, 7 *Asc S* post *Dei* addiderunt: *Quod nobis concedat ipse Deus. Amen.*, quae verba in *AN1* desunt.

396, 30 post *sapientia Asc S* septem versus interpolatos habent.

409, 18—418, 28 in editione Sommaliana sexta (1660) et posterioribus a tractatu, qui est *de elevatione mentis*, seiunctae et praeter 411, 10—413, 16 plane omissas cum *Orationibus piis* (in editione anni 1728 II 266—270) coniunctae sunt, quam seiunctionem probavit *Hirsche* II 67. 78. 79; qui cum illas orationes testimonia et exempla elevationis mentis esse (p. 78) ipse concedat, eas hic non omittendas esse censui, cum praesertim in *N1* insint¹, neque 413, 17—415, 5 oratio sit, sed exhortatio, atque Thomas, si eas partem tractatus de elevatione mentis esse noluisset, eas in indice voluminis (p. 1) nominare debebat. Adnotandum tamen hic est in fol. 183^r tantummodo duodecim versus exaratos esse desinentes in *restitue* (409, 16).

409, 26 inter *parentibus* et *cognatis* vestigia erasi et perspiciuntur.

411, 12 in margine postea praeciso haec vocabulorum fragmenta manus posterior pallidior attramento adscripsit:

*a orō eciā
ēt^c alibi*

quae sic supplenda esse persuasum habeo: *ista oratio etiam habetur alibi*. Idem autem

¹ *Asc* consentit cum *AN1*, nisi quod 411, 10—413, 16 omisit.

capitulum iam 303, 21—305, 28 legitur; vide supra p. 496.

Post 418, 28 *Asc* capitulum addidit sumptum ex *A2* (= *SII* p. 566), *S* in-
didem sumpta capitula duo (= *SII* p. 566
et 567).

432, 4 *tradēt* || et finis verbi et inter-
punctio usu detrita sunt, id quod in com-
plures folii 192^v exitus versuum cadit.
Ceterum lectio huius partis, quam inde
ab 431, 28 (*indurabile*)—432, 13 *Hirsche*
II (IV b) et *H* tabula photographica ex-
primendam curavit, testimoniis *N1* et
N2 certa est.



INDICES LOCORVM, QVOS THOMAS IN VSVM SVVM CONVERTIT:

A. SACRAE SCRIPTURAE:

Tractatus I:		Huius vol. p.	
Huius vol p.		11, 21	Eccli 19, 16
5, 7. 8	Ioan 8, 12	28	Gen 8, 21
12. 13	Marc 3, 5	29	Eccli 14, 1
	Eph 4, 18		19, 16
17	Apoc 2, 17	12, 6. 7	Tob 4, 19
20	Rom 8, 9	10	Eccli 34, 9
6, 11. 12	Eccl 1, 2	29	Ps 38, 7
12. 13	Deut 6, 13	29 /	Ps 116, 2
	10, 20	13, 1	Col 3, 25
	Mat 4, 6	1. 2	Hebr 1, 1
	Luc 4, 8	2. 3	Eccli 32, 12. 13
18. 19	Gal 5, 16	9	6, 35
28. 29	Eccl 1, 8	10. 11	8, 9
7, 7-9	Eccli 19, 21	18. 19	Ps 36, 11
12-14	1 Cor 13, 2	14, 21	Iac 4, 6
24	1 Tim 3, 9	21. 22	Iudith 6, 15
8, 3	Rom 11, 20	22-25	Ier 9, 23. 24
	12, 16		1 Cor 1, 31
29	Num 12, 8		2 Cor 10, 17
9, 1. 2	Ier 5, 21	15, 3. 4	Ioan 2, 25
	Is 6, 9. 10	17	Eccli 8, 22
	Mat 13, 13-15	18. 19	9, 21
	Marc 4, 12		37, 15
	Ioan 12, 40	21. 22	Prov 25, 6
	Act 28, 26. 27	23. 24	Rom 14, 19
	Rom 11, 8	17, 8	1 Reg 15, 23
5	Ioan 1, 3	9. 10	Esth 14, 16
6. 7	8, 25	18, 4. 5	Mat 26, 41
19	14, 6	6. 7	Eph 4, 29
12. 13	Ier 31, 3	24	Prov 28, 18
10, 1. 2	Sap 10, 12	24. 25	Ps 36, 11
11, 3	1 Ioan 2, 17	19, 9. 10	Mat 16, 23
9. 10	Rom 1, 21		Marc 8, 33
14. 16	Phil 3, 8	19. 20	2 Par 20, 17

Indices locorum.

19, 26-27	Mat 3, 10	36, 4-5	Luc 5, 15. 16
21, 16-16	2 Cor 1, 8	11	2 Cor 1, 12
16-17	Phil 1, 23	37, 8-9	Ps 4, 5
26	Iob 7, 1	9	Is 26, 20
	cfr. LXX ad h. l.	19	Eccli 39, 3
28	1 Petr 4, 7	19-21	Ps 6, 7
22, 1-2	5, 8	26	Act 27, 3
9	Act 14, 21	30-31	1 Ioan 2, 17
12	Eccli 9, 11	38, 7	Prov 23, 31. 32
17-19	Iac 1, 14	12	Eccli 2, 11
31	Col 1, 11	15-16	Is 40, 26
23, 11-12	Eccli 31, 31		Ps 122, 1
12	27, 6	16-17	Eccli 3, 4
24, 10-11	1 Cor 10, 13	18-19	3, 22
11-12	Iudith 8, 16	19-20	Is 26, 20
	1 Petr 5, 5. 6		Mat 6, 6
14	Ps 33, 19	39, 3-4	Prov 23, 17
	Luc 1, 52	41, 10-11	Ps 79, 6
26, 12	1 Cor 13, 3	25-26	1 Cor 11, 30
26-27	13, 5	42, 19-20	Ps 24, 17
27, 23	2 Tim 2, 14	29-30	Rom 8, 5
26	Gen 50, 20	43, 8-9	Hebr 10, 35
28, 16-16	Gal 6, 2	17-18	Ps 65, 12
17	6, 5	26	Hebr 10, 36
	Eccli 11, 26	26-28	Ps 56, 2
18	Prov 3, 7	28-29	2 Cor 5, 4
19	Col 3, 13	30-31	Gen 8, 21
	1 Thess 5, 11	44, 12-13	1 Thess 5, 3
29, 2	Phil 3, 6	24	1 Mach 2, 63
3	Apoc 2, 10	45, 20	Ios 23, 14
7	1 Par 29, 15		3 Reg 2, 2
	Ps 38, 13	23	Mat 24, 44
	1 Petr 2, 11		Luc 12, 40
	Hebr 11, 13	26-27	12, 40
7-8	1 Cor 4, 10		Mat 24, 42. 44
14-16	Ps 114, 3	46, 22-23	2 Cor 6, 2
20-21	Sap 3, 6		Is 49, 8
30, 4-8	Deut 28, 48	47, 6	1 Cor 9, 27
	2 Cor 11, 27	17-18	Eccli 7, 3
	12, 10	18-19	Ps 143, 4
	1 Cor 4, 11-13	24	Gal 6, 10
	1 Thess 2, 9	27-30	Luc 16, 9
	2 Thess 3, 8	31	1 Petr 2, 11
12-13	Ioan 12, 25	48, 3-4	Hebr 13, 14
31, 16	Eph 5, 2	16	Is 11, 4
32, 16	Prov 24, 12	16-17	Iob 31, 14
19-20	Iob 8, 6	21-22	Gal 6, 5
23-24	2 Par 14, 11	29	Mat 5, 44
33, 9-10	Prov 16, 9	49, 1	18, 35
10-11	Ier 10, 23	14-15	Sap 11, 17
30-31	Iob 38, 3	50, 1-3	5, 1
	Eph 6, 11	9	1 Cor 4, 10
35, 4-5	Rom 8, 18	11-12	Ps 106, 42
7-10	Luc 12, 37. 43. 44	51, 15-16	Eccli 1, 2
	Mat 24, 46. 47	16-17	Deut 6, 13
36, 4-5	Ioan 5, 13		Mat 4, 10

Indices locorum.

51, 27. 28	1 Tim 6, 9	68, 24. 25	Rom 3—5
52, 4	Apoc 3, 2	26	Gal 6, 14
8. 9	1 Cor 3, 8	69, 8	1 Cor 13, 6
11—13	Eccli 51, 35	16	1 Reg 16, 7
53, 3. 4	2, 19	24—27	2 Cor 10, 18
4. 5	Rom 12, 2	27	Gen 5, 22. 24
6	2 Tim 3, 17		Mich 6, 8
6—9	Ps 36, 3	70, 26. 27	Is 36, 6
54, 7—9	2 Thess 3, 6	27	Mat 11, 7
56, 5. 6	Col 3, 11		Luc 7, 24
20	Eccli 19, 1	27—29	Is 40, 6. 7
Tractatus II:			
59, 5. 6	Luc 17, 20. 21	71, 19—21	Ioan 11, 28
6. 7	Ioel 2, 12	72, 2	Eccli 6, 14
9	Mat 11, 29	15. 16	Ioan 6, 68. 69
12. 13	Rom 14, 17	73, 3. 4	Ier 10, 6
16. 17	Ps 44, 14		Mich 7, 18
21 {	1 Reg 7, 3	10. 11	Ps 33, 9
60, 1 {	Ioan 14, 23		45, 11
3. 5	12, 34	16. 17	Phil 4, 13
11. 12	Prov 3, 5	24	Tob 3, 22
20	Is 38, 14	74, 10	Deut 1, 30
21. 22	Hebr 13, 14	75, 23. 24	Ps 29, 7
23. 24	Ps 38, 13	26. 27	29, 8
24. 25	Act 7, 49	29—31	29, 9
27. 28	2 Cor 5, 2	76, 2. 3	29, 11
29. 29	Sap 5, 16	4—6	29, 12
61, 2	Ps 140, 2	13. 13	Iob 7, 18
3. 4	1 Thess 5, 17	14—16	Ps 51, 10
	2 Tim 2, 12		1 Petr 1, 13
22. 23	Is 54, 13	29—31	Iudith 8, 21—23
62, 6	Rom 8, 28	77, 6. 7	Apoc 2, 7
20	Ps 76, 3	17. 18	Iob 5, 7
26. 27	2 Par 20, 17	78, 27. 28	Mat 22, 21
63, 9. 10	25, 8	79, 6	Gal 5, 26
12	2 Cor 7, 6	9—11	Ioan 5, 44
20	1 Petr 5, 5	80, 6	Luc 14, 27
21. 22	Iac 4, 6	8	Eccli 6, 10
	Eph 4, 2	12	Luc 24, 35
64, 23	Rom 12, 18	13	Mat 20, 22
65, 6. 7	2 Cor 13, 11	81, 10	5, 3
	Rom 2, 9	11. 12	Prov 31, 10
66, 12—14	Ier 23, 24	12. 13	Cant 8, 7
68, 2. 3	2 Cor 1, 12	19. 20	Luc 10, 42
8. 9	Sap 17, 10	28. 29	17, 10
13. 14	1 Ioan 3, 21	31 {	Ps 24, 16
14. 15	Is 48, 22	82, 1 {	Ioan 6, 61
18	57, 21	7	Mat 16, 24
	1 Thess 5, 3	7—9	Luc 9, 23
19	Mich 3, 11	10. 11	Mat 25, 41
20	Prov 24, 22	13	1 Cor 1, 18
22	Ps 145, 4	13. 14	Ps 111, 7
23. 24		14. 15	Mat 24, 30

Indices locorum.

82, 17	Rom 8, 29	97, 9	Hebr 7, 23
27-28	Mat 16, 24	9-10	Mal 1, 11
28	25, 46	18-20	Mat 11, 28
29	Ioan 19, 17	98, 1	Ps 35, 10
83, 3-4	Rom 6, 8	4-5	Luc 1, 43
21	Iob 7, 20	12-13	Eph 2, 4
84, 21-22	Luc 24, 26. 46	99, 9-10	Ps 77, 25
29	Iob 14, 1	11-12	Ioan 6, 33. 51. 52
85, 16	Tob 12, 13	21-22	Ps 148, 5
24-25	1 Cor 9, 27	28-29	2 Mach 14, 35
86, 13	Ps 106, 39	100, 30	Ps 67, 11
14-15	Mat 20, 23	101, 5-7	85, 4
15-16	Ioan 13, 8	11	Luc 19, 9
20-22	Rom 8, 18	20-22	Mat 9, 35
87, 1-2	2 Cor 12, 2	23-24	Marc 1, 34
4-6	Act 9, 16		Mat 15, 32
8-9	5, 41		Marc 8, 3
88, 8-10	Mat 16, 24	102, 5-6	Gen 8, 21
12-14	Luc 9, 23	19-20	2 Cor 5, 6
	Act 14, 21	103, 6-8	Hab 2, 20
		7-8	Gen 2, 1
		11-12	Ps 146, 5
		17-18	20, 4
		22-23	105, 4
		25-26	12, 4
		104, 6-7	Eccli 17, 31
		8-9	1 Par 29, 17
		30	Ps 53, 6
		105, 22-23	Lev 6, 12. 13
		24	Is 12, 3
		106, 7-9	Mat 11, 28
		10	Gen 3, 19
		13	Ps 21, 12
		14	7, 3
		15	24, 5
		20-21	26, 9
		107, 3	77, 25
		13	Sap 12, 18
		19	1 Tim 4, 16
		20-21	4, 14
		23-24	Num 9, 13
		25	Tob 10, 13
		30-31	Tit 2, 7
		31	Phil 3, 20
		108, 1-2	Hebr 5, 3
		4-5	7, 27
		9-10	1 Petr 2, 21
		30	1 Esdr 9, 6
		109, 8	Is 50, 7
		110, 8	Ps 31, 5
		111, 26-28	Ez 33, 11
		28-29	18, 22
			Is 43, 25
			Hebr 10, 17
			Is 53, 7
		112, 6-7	

Tractatus III:

91, 4-6	Mat 11, 28
7-8	Ioan 6, 52
8-9	Mat 26, 26
	Marc 14, 22
9-10	1 Cor 11, 24
	Mat 26, 26
	Luc 22, 19
11-13	Ioan 6, 57
13-14	6, 64
92, 13-14	13, 18
16-18	Mat 11, 28
24	3 Reg 8, 27
29-30	Cant 3, 4
93, 6	Gen 6, 9
6-7	1 Petr 3, 20
10	Ios 1, 13
11	Eccli 45, 1
11-12	Exod 25, 5. 10
	cfr. LXX ad h. l.
13	Exod 25, 11
16-17	3 Reg 5, 7
	Eccl 12, 9
19-20	2 Mach 2, 12
	3 Reg 8, 66
20-21	3, 4
21-22	2 Reg 6, 15. 17
25	Cant 3, 4
94, 23-24	2 Reg 6, 14
25-26	2 Par 23, 13
30	20, 21
95, 20-21	1 Tim 2, 5
96, 23-24	1 Cor 1, 30

Indices locorum.

112, 6-7 17	Hebr 9, 28 Phil 4, 17 2 Cor 12, 14	123, 16-17	Lev 11, 44 20, 26 1 Petr 1, 16
20-22	Eccli 35, 8	20-21	1 Tim 1, 5
113, 7-8	Luc 14, 33	124, 8	Act 7, 49 Is 66, 1
15-16	1 Par 29, 11	9-11	Marc 14, 15 Luc 22, 12
17	Deut 16, 10	12	1 Cor 5, 7
19-20	1 Par 29, 17	15-16	Ps 101, 8
22	Tob 8, 19	16-17	Is 38, 15
28 {	Is 60, 7	27-29	Luc 14, 12. 14
114, 3 {	Hebr 9, 14	125, 9-10	Mat 18, 33
6-7	1 Ioan 1, 7. 9 1, 9	12	7, 7 Luc 11, 9. 10
11-12	Ps 24, 11. 18	14-15	2 Mach 14, 35
20-22	1 Petr 1, 18. 19	20	1 Tim 4, 14
22-23	1 Mach 13, 46	20-21	1 Reg 7, 3
28	Ps 122, 3	126, 2	Prov 10, 19
115, 31	77, 49	7	Gal 2, 20
116, 22	Iob 1, 6	13-16	Cant 8, 1
22-24	2, 1 1 Reg 16, 14	19-20	Exod 33, 11
120, 4-6	Luc 7, 38	28 {	Ioan 17, 21
8-9	Ioan 12, 3	1	Cant 5, 10
10	Apoc 14, 10	2	Mat 12, 18
18-19	Tob 11, 11	3	Is 45, 15
20	Hebr 1, 6	7	Prov 3, 32
23-24	2 Cor 5, 7	9-10	Sap 12, 1
25	Cant 2, 17	10-11	16, 21
29	4, 6	11-12	16, 20
29-31	1 Cor 13, 10	12-13	Ioan 6, 50
121, 1	13, 12	14-17	Deut 4, 7
1-2	2 Cor 3, 18	19-20	4, 8
7-8	Ioan 1, 14	26-27	Ps 115, 12
17	1 Ioan 1, 1	128, 13-14	30, 20
18	1 Petr 1, 25	129, 1	Ier 2, 13
22	Rom 1, 9	7-10	Ps 41, 2
23-24	Hebr 6, 12	13	Luc 24, 30-35
122, 3-4	Tit 2, 13	20-22	18, 13
6	2 Cor 5, 7	22	2 Cor 9, 8
7-8	1 Mach 12, 9	131, 15	Is 4, 4
8	Ps 118, 105	19-21	4 Reg 4, 3
10	Ioan 6, 35. 48	21-22	Is 60, 5
13-14	Ez 40, 39	23-24	Ez 3, 14
16-17	44, 19	24	Luc 1, 66
18-19	1 Reg 21, 4	25	Ps 127, 4
22	Hebr 6, 19	132, 14	118, 2
26	9, 3	133, 7-9	23, 4
123, 1	Sap 7, 26	15-16	Ioan 18, 4
13	Eph 4, 11	134, 25-26	21, 17
16-17	1 Cor 12, 28	29-31	1 Cor 6, 17
	Luc 14, 16	135, 1	Lev 6, 13
	Ps 22, 5		Luc 1, 38
	28, 3		1, 44
	1 Tim 2, 8		Ioan 1, 36
	Lev 19, 2		

Indices locorum.

135, 3-5	Ioan 3, 29	148, 9	Eccl 3, 19
20	Ps 150, 2	9. 10	Ioan 15, 5
25	150, 6	10	Luc 18, 19
27. 28	Dan 7, 14		2 Mach 1, 25
29. 30	Act 19, 17	11	1 Reg 2, 2
136, 2. 3	Dan 3, 39		Iob 42, 2
	Hebr 4, 16		1 Tim 6, 17
19. 20	Prov 25, 27	11. 12	Ier 23, 24
27	Ps 118, 35	13	Ps 24, 6
28		15	Sap 14, 5
137, 1	Eccl 3, 22	18	Tob 4, 7
6	Iac 4, 7		Ps 142, 7
14. 15	2 Par 20, 20	20. 21	142, 6
15. 16	Iac 4, 7	22	142, 10
26	Prov 2, 7	25. 26	Ioan 17, 5
	3, 32	149, 4	3 Reg 2, 4
27	Ps 118, 130		Gen 17, 1
28	Luc 24, 45	5	Sap 1, 1
29	Mat 11, 25	8	Ioan 8, 32
	Luc 10, 21	9. 10	8, 36
138, 7	Iob 5, 9	13	Ps 24, 5
7. 8	Ps 134, 6	19	1 Ioan 3, 22
8. 9	Is 40, 28	150, 11. 12	Tob 3, 5
11	Eccl 11, 4	18	Ps 118, 120
		19	2 Mach 7, 38
		25-27	Is 29, 13
			Mat 15, 8
			Marc 7, 6
			Ioan 16, 13
			Mat 10, 20
			2 Cor 1, 3
			Ps 83, 3
			Prov 23, 16
			Ps 3, 4
			118, 111
			90, 9
			141, 6
			58, 17
			Ier 16, 19
			Iob 33, 16
			1 Ioan 4, 7
			Is 5, 1
			1 Cor 13, 4. 5
			Mat 4, 10
			Marc 5, 8
			Ier 20, 11
			Marc 4, 39
			Ps 26, 1
			26, 3
			18, 15
			2 Tim 2, 3
			Ier 10, 23
			Abd 4
			Ps 90, 4
			Rom 11, 25
			Gen 18, 27

Tractatus III:

143, 5. 6	Ps 84, 9	151, 31	
9. 10	Iob 4, 12	1	
144, 3. 4	Ps 34, 3	8-12	
16. 17	1 Reg 3, 10	18. 19	
17. 18	Ps 118, 125		
19	77, 1	19	
19. 20	Deut 32, 12	19. 20	
21-23	Exod 20, 19	20	
26. 27	1 Reg 3, 10	20. 21	
145, 6. 7	Luc 24, 45		
12	Eccl 2, 10	25	
13	1 Cor 3, 7	152, 17. 18	
14. 15	Iob 32, 8	153, 16. 17	
20. 21	Rom 2, 13	22-25	
	Iac 1, 22	155, 30	
23. 24	Ioan 6, 69		
27. 28	1 Petr 1, 7	156, 3-5	
146, 5	Prov 4, 10	6	
8	Ioan 6, 64	8. 9	
10. 11	Eccl 9, 17	10. 11	
12-15	Ps 93, 12. 13	11. 12	
16. 17	Hebr 1, 1. 2	13	
27. 28	Is 23, 4	157, 19. 20	
147, 14	Iob 40, 28	31	
17-19	1 Tim 2, 15	158, 3	
21. 22	Deut 6, 6. 7	10	
29-31	Ioan 12, 48	159, 21. 22	
148, 9	2 Cor 12, 11		

Indices locorum.

159, 23	Num 22, 34	170, 15	Ps 77, 25
160, 5	Ps 72, 22	16	Luc 15, 16
16. 17	Ioan 12, 25	20-23	Ps 126, 1
	Mat 10, 39	30	35, 7
	16, 25	171, 9. 10	1 Cor 1, 29
	Marc 8, 35	10. 11	Is 45, 9
	Luc 9, 24		Ier 18, 6
	17, 33		Rom 9, 20
23	Ps 17, 47		Sap 15, 7
27	79, 20	19	Ps 116, 2
29	Is 33, 2	24. 25	Iac 4, 15
	Ps 45, 2	172, 23	Ps 118, 125
	30, 4	29	Sap 9, 10
	42, 2	173, 14-16	Ps 4, 9
161, 16	Apoc 13, 16	25-27	76, 3. 4
17. 18	Num 20, 6	174, 15	Phil 3, 20
	Apoc 21, 6	23	Iob 6, 10
	Ioan 4, 10. 11	26. 27	Ps 102, 9
	1, 16		Is 57, 16
19. 20	2 Cor 6. 11. 12	175, 11. 12	1 Petr 5, 7
23. 24	Luc 18, 19	27-29	Iob 2, 10
162, 8. 9	Ez 24, 27	176, 3. 4	Ps 76, 8
14. 15	Ps 30, 20	4. 5	Apoc 3, 5
17-19	Iob 10, 8	28	2 Mach 6, 25
24	Is 57, 17. 18	177, 23	Ioan 12, 37
24. 25	Deut 19, 9	24	12, 35
26	Ps 118, 65	178, 6. 7	Hebr 12, 4
163, 1-3	Iudith 16, 17	179, 18. 19	2 Tim 2, 5
9	1 Par 29, 14	21-23	Luc 18, 27
14. 15	Deut 4, 19	180, 5	Ps 31, 5
17. 18	Hebr 1, 14	15. 16	24, 18
20. 21	Apoc 4, 11	17. 18	68, 15
28. 29	Eccli 23, 38	181, 1	9, 14
164, 5	Mat 7, 14	2. 3	Ios 1, 9
13. 14	Eph 1, 9	3	1 Reg 2, 9
165, 1. 2	1 Cor 9, 27	4	Rom 6, 6
29. 30	Hebr 10, 36	24-26	1 Ioan 2, 16
166, 7. 8	Ps 33, 11	30. 31	Iob 30, 7
11. 12	72, 12	183, 1	3 Reg 22, 19
167, 2. 3	36, 20	22. 23	Ps 54, 7
	Iud 10	24-26	33, 9
15. 16	2 Mach 6, 25	184, 9	Hebr 1, 3
16. 17	Eccli 18, 30	15. 16	Ps 147, 7
18. 19	Ps 36, 4	25. 26	90, 9
20. 21	Apoc 12, 9	26	Is 45, 17
168, 4	Tob 12, 10	29	58, 9
22	Eccli 1, 8	29. 30	1 Reg 3, 5. 6. 9
169, 2. 3	2 Mach 7, 28	185, 6. 7	Ps 118, 65
	Ps 17, 43	7. 8	105, 45
14	Iac 2, 20	11. 12	39, 6
15	Ez 20, 17	13	Eccli 39, 21
19	1 Reg 26, 21	14	Ps 18, 10
20	Iob 15, 15	21. 22	2 Mach 1, 4
170, 9. 10	4, 18	22. 23	Ez 20, 19
10	2 Petr 2, 4	23. 24	Eph 5, 17
	Apoc 6, 13	186, 2. 3	Gen 32, 10

Indices locorum.

186,	26	Rom 2, 11	199,	27. 28	Ier 32, 27
	27. 28	11, 36		28. 29	Num 23, 19
187,	13. 14	Ps 44, 17	200,	3. 4	Mat 8, 7
	14. 15	Phil 3, 6		7. 8	2 Cor 2, 3
	16	1 Petr 2, 1		8	Mat 6, 34
	17	Act 5, 41		17. 18	Ioan 14, 1. 27
	27	Luc 24, 10	201,	5. 6	Ps 43, 22
188,	7	1, 79		13. 14	Iac 1, 17
	14. 15	Mat 6, 10		24. 25	Iob 6, 10
	24	Iob 42, 2		25. 26	Ioan 15, 9
189,	3-5	Ps 70, 12		31	Luc 8, 15
	5. 6	26, 12	202,	11-13	Ps 54, 7
	9-11	Is 45, 2. 3		13. 14	Mat 6, 22
	20	Ioan 17, 5			Luc 11, 34
	26	1 Tim 3, 9		17. 18	Ps 30, 23
	26. 27	Ps 121, 7			67, 28
	29	Mat 8, 26			Act 10, 10
190,	1. 2	Marc 4, 39			11, 5
	3	Ps 42, 3	203,	28. 29	Gen 6, 12
	4. 5	Gen 1, 2	204,	3	1 Tim 1, 5
	7. 8	2, 6		20. 21	Mat 16, 24
	26. 27	Ioan 21, 22			Luc 9, 23
191,	2	Rom 14, 12		29	2 Tim 3, 2
	19	Apoc 3, 20		23. 24	Phil 2, 21
	19. 20	1 Petr 4, 7	205,	2. 3	1 Esdr 10, 13
	20. 21	Eccli 3, 20		17. 18	Apoc 3, 18
	25. 27	Ioan 14, 27		25	Rom 12, 16
192,	1. 2	Mat 11, 29		26	Ps 10, 18
	29	1 Cor 13, 5		29	Mat 13, 46
193,	11. 12	Iob 33, 26	206,	7. 8	Rom 8, 20
	14	Ps 71, 7		18	Mat 6, 22
194,	16	Gal 1, 16		27. 28	Ioan 11, 19
195,	1	5, 17		27-29	12, 9
	20. 21	Mich 4, 9	207,	7	1 Cor 15, 28
		Exod 18, 18		10. 11	1 Ioan 2, 15
196,	17	Iudith 13, 9		25-28	Rom 8, 5. 6
		Ps 50, 14	208,	11	Ps 143, 6
	18. 19	Eph 3, 16		17. 18	1 Cor 15, 28
	24. 25	Eccl 1, 14		20-22	Rom 6, 6. 10
		2, 11		22. 23	Gal 5, 17
	26. 27	Sap 9, 4		24-26	Ps 88, 10
197,	5	Eccli 5, 11		26	43, 26
198,	5. 6	Ps 112, 2		27	67, 31
		Dan 2, 20		27. 28	58, 12
	13-17	Ioan 12, 27. 28			Iudith 9, 11
	18. 19	Ps 39, 14		28. 29	Eccli 17, 7
	21. 22	108, 26		29	36, 7
	24. 25	Mat 26, 42		30	Ps 30, 2. 4
	28. 29	Sap 11, 18	209,	16	Apoc 2, 17
199,	3. 4	Ps 58, 18		21. 22	Ps 33, 15
	5. 6	76, 11	210,	9	Iac 1, 2
	11. 12	Nah 1, 7		12-14	Rom 8, 18
	20	Ps 16, 7		17. 18	Ps 26, 14
	24. 25	Eccli 36, 1		21. 22	90, 15
	25	Ps 118, 151		25	54, 23
		Phil 4, 5	211,	1	2 Cor 1, 9

Indices locorum.

211, 4. 5	1 Cor 10, 33	221, 31 /	1 Cor 12, 11
5. 6	9, 22	222, 1. 2 /	
6. 7	4, 3	6	Eccli 32, 12
13. 14	Ps 62, 12	8. 9	Gal 6, 14
16. 18	Act 26, 1—29	223, 5. 6	Ps 59, 13
18. 19	Is 51, 12	10. 11	36, 39
19	1 Mach 2, 63	18. 19	124, 1
20. 21	Eccli 34, 16	19. 20	Sap 1, 1
23. 24	Rom 2, 3	20—23	Tob 3, 21
25	Tob 4, 6	24	Iudith 13, 17
26	2 Tim 2, 14	224, 14. 15	Ps 115, 2
212, 1. 2	Mat 16, 27	18. 19	Rom 3, 4
213, 9	Rom 2, 6	19. 20	Mat 10, 17
29	Ps 138, 11		Mich 7, 6
29 /	Col 1, 12	20. 21	Mat 10, 36
214, 1 /	Rom 8, 21		24, 23
17—21	Exod 33 sq.		Marc 13, 21
21. 22	Mat 6, 6	22	Luc 17, 23
25. 26	Ios 9, 14	225, 7. 8	Ps 21, 3
215, 26—28	Mat 26, 41	8. 9	Prov 24, 12
216, 5—7	Ps 8, 5	19. 20	Eph 4, 14
9. 10	Gen 44, 16		Iob 7, 1
17. 18	Ps 101, 28. 13	226, 15. 16	LXX
19. 20	Sap 12, 15	22. 23	Gal 6, 14
24	Dan 4, 13. 20. 22		Luc 21, 18
28. 29	1 Reg 1, 18	25—27	Act 27, 34
217, 11—13	Ps 38, 6	27. 28	Prov 28, 1
25	112, 1	28	Ier 29, 23
26	91, 6	227, 1. 2	Dan 13, 42
26. 27	112, 2	5. 6	Luc 2, 35
29	3, 4	12. 13	Ps 18, 10
30	118, 111	18	Prov 12, 21
30. 31	88, 17		Apoc 2, 23
218, 1—3	2 Cor 12, 5		Ps 7, 10
6. 7	Ioan 5, 44		1 Par 28, 9
8. 9	Ps 58, 18	19	Ier 11, 20
18	1 Tim 1, 17		17, 10
23. 24	2 Esdr 1, 7		Ioan 7, 24
24. 26	Sap 5, 18	22	1 Reg 16, 7
	Dan 9, 7	25	Ps 7, 12
	Bar 1, 15	228, 1. 2	Ier 16, 19
	2, 6	4—6	Ps 62, 4
219, 0. 10	Hebr 7, 25. 24	6—8	1 Cor 4, 4
220, 13. 14	1 Cor 4, 20	16. 17	Ps 142, 2
25	Ps 93, 10	25	85, 17
26	118, 130		Mat 20, 4. 7
221, 3. 4	Col 3, 4	26	21, 28
6. 7	Soph 1, 12	229, 1. 2	Gen 15, 1
8	1 Cor 4, 5	4. 5	Apoc 22, 5
28	Dan 2, 28	6. 7	Rom 7, 24
30	Ioan 16, 13	7. 8	Ps 119, 5
30. 31	Sap 1, 6	29	Is 25, 8
	Ier 17, 10	31	Hebr 10, 32
	Apoc 2, 23	230, 1	Apoc 14, 13
	1 Par 28, 9	13. 14	Mat 26, 29
			Tob 13, 13

Indices locorum.

230, 14-16	Hebr 11, 13	239, 8. 9	Ps 17, 36
15	1 Cor 13, 12	19	Ioan 16, 30
18. 19	Gen 47, 9	19. 20	Iob 42, 2
18-20	Eccl 2, 23	20. 21	Dan 13, 42
29	Rom 8, 21	240, 4-7	Is 11, 3
231, 1. 2	Ps 70, 16	9. 10	Eccli 2, 19
10	1 Cor 15, 28	241, 1	2 Mach 6, 25
	Col 3, 11	17. 18	Ps 118, 32
11. 12	Mat 25, 34	19-21	Rom 8, 18
24	Rom 7, 24	242, 8. 9	2 Reg 14, 14
25	Iob 7, 20	9. 10	Rom 9, 23
29. 30	Ps 70, 12	22. 23	Mat 18, 8
30	26, 9	243, 2-5	Iob 10, 20. 21
31	143, 6	9. 10	Sap 17, 10
232, 1. 2	Mat 6, 21	11	Mat 3, 7
20. 21	Gal 5, 24	12	Rom 16, 16
233, 1. 2	2 Petr 1, 13. 14		1 Petr 5, 14
13	Ioan 17, 24	14	2, 11
14. 15	Iac 1, 17	15. 16	Exod 29, 25
234, 14. 15	Ps 37, 10	17. 18	Luc 7, 46
15. 16	Rom 8, 21	18. 19	Ps 50, 19
20	Eccl 3, 8	244, 13. 15	1 Petr 2, 11
23	Soph 3, 8	19. 20	1 Cor 2, 14
23. 24	Luc 22, 18	31	Mat 3, 10
27. 28	Ios 1, 7	245, 1	Luc 3, 9
30	Eph 4, 24	1	Ier 1, 10
	Col 3, 10	246, 1. 2	Prov 10, 9
30. 31	1 Reg 10, 6	2. 3	1 Thess 5, 22
235, 26. 27	Hebr 6, 18	13. 14	1 Petr 2, 13
236, 10	Is 61, 3	17. 18	1 Cor 10, 33
11	1 Mach 2, 57	21	Ps 28, 2
27. 28	Phil 1, 20		95, 7
237, 11. 12	1 Cor 4, 7	23. 24	Act 5, 41
14. 15	Ps 87, 16	247, 6. 7	Mat 6, 20
25	118, 32	11. 12	Act 20, 35
27. 28	Gen 31, 2. 5	248, 6. 7	Mat 5, 44
	1 Mach 9, 44		Luc 6, 27
28. 29	Iob 29, 3	11. 12	1 Cor 13, 6
29	Ps 16, 8	12. 13	12, 31
238, 1	Ioan 17, 25	30. 31	Eccl 1, 10
3	17, 1	249, 9. 10	Eph 2, 8
3. 4	17, 11	11	Rom 4, 11
15	Iudith 9, 4	11. 12	Eph 1, 14
16. 17	Eph 1, 11	16. 18	2 Cor 4, 16
21	Iudith 9, 5	17. 18	Col 3, 10
	Iob 5, 6	22. 23	Gen 1, 26
21. 22	Ps 118, 71		Sap 2, 23
22. 23	68, 8	28. 29	Rom 7, 23
26. 27	Eccl 9, 2	250, 1. 2	Gen 8, 21
30	Thren 1, 2	6. 7	Eccl 7, 30
239, 4. 5	Deut 32, 39	11. 12	2 Mach 3, 27
7	1 Reg 2, 6	18	Eccl 6, 5
7. 8	Tob 13, 2	19. 20	Hebr 5, 14
	Sap 16, 13	23-25	Rom 7, 22
		25. 26	7, 12

Indices locorum.

250, 28	Rom 7, 25	258, 12-13	Ps 150, 1
30-31	7, 18	17-18	Mat 18, 10
251, 12	Ioan 15, 5	19-20	Sap 6, 8
12-13	Phil 4, 13	22	Ioan 17, 21
29-30	Mat 5, 3	259, 17	Eccl 3, 22
31	Dan 3, 87	260, 16-19	Apoc 4, 10
252, 1-2	Ps 89, 14		5, 14
4-5	Gen 18, 3	20-21	Mat 18, 1
5	2 Cor 12, 9		Marc 9, 33
7-9	Ps 22, 4		Luc 9, 46
13	Sap 8, 4	24	Mat 5, 9
16-17	Eccli 6, 3	25	Is 60, 22
17	Is 14, 19	25-26	65, 20
253, 3	Mat 9, 9	26-31	Mat 18, 1. 3. 4
	Marc 2, 14	261, 1-2	Luc 6, 24
	Luc 5, 27	5-6	6, 20
4	Ioan 14, 6	9-10	Mat 5, 3
11	1 Tim 6, 19	10-11	Is 38, 3
12-13	Ioan 8, 31. 32		2 Ioan 4
13-14	1 Tim 6, 12	262, 2	3 Ioan 3. 4
14-15	Mat 19, 17	4-5	Ps 141, 6
16-17	19, 21	7	Phil 2, 21
17-18	16, 24		Rom 8, 28
22	16, 24	263, 1	Hebr 6, 18
	Luc 9, 23	2-3	Ps 140, 8
25	Mat 7, 14	3	24, 2
27-28	Ioan 13, 16	4	2 Cor 1, 3
	15, 20	9-10	Ps 50, 2
28	Mat 10, 24		68, 17
	Luc 6, 40	11-12	Dan 9, 17
254, 3-4	Ioan 13, 17	12-13	Is 9, 7
4-7	14, 21	13-15	2 Mach 6, 25
7-8	Apoc 3, 21		
22-23	2 Esdr 4, 20		
23-24	2 Par 32, 7		
24-25	1 Mach 3, 59		
24-26	9, 10		
255, 30	Is 49, 18		
256, 3	Bar 4, 30. 21		
11-12	Iob 5, 11		
15	Ps 18, 11		
	118, 103		
22	2 Esdr 13, 22		
257, 9-10	Ps 118, 137		
10-11	18, 10		
11-14	Rom 11, 33		
17	2 Tim 2, 23		
18	Tit 3, 9		
24-25	1 Cor 14, 33		
258, 31	Ps 83, 12		
1	20, 4		
2	Rom 8, 29		
3	Ioan 15, 16. 19		
4-5	Gal 1, 15		
5-6	Ier 31, 3		
6			

Tractatus V:

267, 6-8	Ps 2, 12
268, 26-27	Hebr 12, 7
28-29	Ps 118, 66
30-31	17, 36
269, 1	Ioan 13, 17
6-7	Mat 25, 23
270, 21-23	Ioan 12, 25
272, 5-7	Gal 6, 10
21-22	Phil 4, 8
31	1 Petr 5, 8. 9
273, 1-6	Apoc 12, 12
20-23	Marc 14, 38
25-26	Ps 84, 5
275, 14-15	24, 15
279, 22-23	Ioan 6, 38
281, 8-9	Mat 26, 42
284, 28-30	Luc 1, 38
285, 1-3	
6-7	

Indices locorum.

285, 12-13	1 Reg 15, 22
	Eccl 4, 17
18-20	Mat 12, 50
286, 6	Gen 12, 4
7-10	22, 2-18
14-18	Hebr 13, 17
289, 19-20	Prov 4, 23
290, 21-23	Mat 12, 35
30-31	Ps 118, 109
291, 20-21	Mat 12, 36
21-23	Iac 1, 26
292, 7-8	Mat 5, 37
23	20, 6
24-25	Luc 19, 17
25-28	19, 22-24
293, 3-6	Ioan 9, 4. 5
25-27	Luc 13, 3. 5
300, 1-3	Ps 33, 2
306, 8-10	Phil 3, 8
310, 13-14	Eph 5, 2
311, 7-8	1 Cor 2, 2
9-10	Phil 3, 8
15-16	1, 21
314, 12	Luc 1, 48
315, 27	Ps 17, 26
316, 13-14	Ioan 8, 47
	4, 6
317, 26-27	Phil 1, 23
318, 1	3, 20
25-27	Ps 83, 11

Tractatus VI:

327, 2-3	Ps 142, 9. 10
17-18	1 Petr 5, 6

Tractatus VII:

331, 5-6	Eph 4, 23
19-20	Ps 118, 29
335, 15-18	Luc 11, 23
337, 21-22	Ps 5, 9
22-24	16, 5
338, 18-19	131, 14
19-20	Mat 17, 4
21-22	Exod 3, 5
340, 16-17	Luc 22, 46. 42
	Mat 26, 41
	Marc 14, 38
18-19	Rom 13, 11
341, 21-22	Luc 22, 41. 42
23-24	Act 7, 60
25-26	9, 40

341, 27-29	Ioan 20, 11. 12
343, 27-29	Ps 79, 6
344, 25-26	Luc 16, 22
345, 23-24	Iudith 6, 15
346, 24-25	Iac 3, 2
347, 20-24	Ps 31, 5. 6
348, 8-9	Mat 5, 26
9-10	25, 15-28
22-23	Prov 18, 17
353, 4-5	Luc 23, 46
5-6	Ps 30, 6
354, 17-18	Prov 21, 28
19-20	Act 9, 5
	26, 14

Tractatus VIII:

359, 4-6	Ps 118, 75
362, 4-6	118, 76
21-22	1 Petr 1, 24
	Is 40, 6
363, 13-14	2 Cor 10, 18
364, 13	Luc 4, 23
368, 13-14	Ps 114, 6
15-16	Iob 6, 10
370, 1-3	Gal 6, 14
14-15	Eccli 21, 23
371, 1-3	Ps 36, 39
8	148, 13

Tractatus IX:

377, 4-5	Mat 11, 29
378, 13-14	5, 3
379, 4-5	Luc 1, 52

Tractatus X:

385, 5-7	Rom 6, 11
8	2 Tim 2, 11
386, 11-14	Apoc 14, 13
390, 28-29	Ios 15, 63

Tractatus XII:

399, 4-5	Ps 45, 11
400, 7-8	Mat 5, 8. 9
401, 30-31	5, 8
402, 1	

Indices locorum.

403, 16. 17	Ps 118, 105	Tractatus XIII:	
26—28	118, 89. 90		
404, 13—16	Ioan 1, 1	423, 20	Ps 34, 3
405, 31	1, 14		70, 5
406, 1	1, 1	22	9, 10
4—6	Luc 10, 22		26, 14
9. 10	Ps 118, 144	428, 6	Hab 2, 3
408, 13—15	37, 10		Phil 1, 21
411, 1. 2	Ps 32, 22	429, 20. 21	Ier 1, 8
412, 6. 7	35, 12		Ios 1, 9
		430, 14. 15	
		19. 20	

B. AVCTORVM ECCLESIASTICORVM:

In animo habebam hic quam fieri posset plenissime componere locos a Thoma de scriptoribus ecclesiasticis librisque liturgicis (Missali et Breviario) delibatos. In quibus colligendis postquam aliquantum temporis desudavi, neque mearum virium modulum fontibus illis perlegendis sufficere et locorum multitudinem intellexi tantam esse, ut verbis eorum allatis index in libelli ambitum excresceret. Meris autem librorum, in quibus invenirentur, titulis, capitibus, paginis indicatis parum prospici videbatur commoditatibus legentium maximam partem illis libris sine dubio carentium. Quibus incommodis ut aliqua ex parte mederer, in rem esse visum est et auctorum, e quibus Thomas sive sententias sive dicta mutuatus est, et recentiorum, apud quos illa excerpta leguntur, nomina hic enumerare. Sunt autem praecipue hi: S. Augustinus, S. Bernardus, S. Bonaventura, S. Franciscus Asisinas, S. Gregorius Magnus, S. Hieronymus, Iohannes Vos van Huesden, Gerardus Magnus, Henricus Mande, Gerlacus Petri, Florentius Radewyns, Iohannes Ruysbroeck¹, Iohannes Schoonhoven, Henricus Suso, Wilhelmus Vornken, recentiores autem hi:

I. G. R. Acquoy, Het Klooster te Windesheim en sijn invloed. Utrecht. Gebr. van der Post. Eerste Deel, 1875. Tweede Deel, 1876. Derde Deel, 1880. Cfr. III 239.

Amort Plen. Cfr. p. 101—113.

Amort Scut. Cfr. p. 64—66.

N. C. K. de Bazel, Een verloren geacht werkje van Hendrik Mande. Leiden, I. W. van Leeuwen, 1886.

Becker. Cfr. p. 154—186. 252 sq.

id. Thomas a Kempis, schrijver der „Navolging“. Overgedrukt uit het Jaarboekje van Alberdingk Thijm. 1897. p. 18—28.

¹ Maetschappij der vlaemsche bibliophilen (I. B. David), Werken van Jan van Ruusbroec. Iste—Vlde Deel. Gent, C. Annoot-Braeckman, 1858—1868.

Indices locorum.

Becker. Een Brief van Johannes van Schoonhoven in: De Katholiek. Godsdienslig, geschied- en letterkundig Maandschrift. Leiden, I. W. van Leeuwen, 1884, 86. Deel p. 199—210, 352—361, 1885, 87. Deel p. 126—141¹.

id. Een Voorloper van Thomas a Kempis in: „Onze Wachter“, Juni 1882.

Cruise p. 315—320.

id. Who was the author of „the Imitation of Christ“? London, Catholic truth society, 1898, p. 60—62.

id. Wer war der Verfasser der „Nachfolge Christi“? Ins Deutsche übertragen von J. Repen und A. Kloeckner. Klöckner & Mausberg, Kempen (Rhein) 1901 p. 69—71.

Gence passim.

Karl Grube, Gerhard Groot und seine Stiftungen. Köln, J. P. Bachem, 1883 p. 47. 56. 64. 72. 97—99.

id., Des Augustinerpropstes Johannes Busch Chronicon Windeshemense . . . Halle, Otto Hendel, 1886 p. 226—244.

Karl Hirsche in: Real-Encyclopädie für protestantische Theologie und Kirche . . . 2. Aufl., II 694.

H passim.

K. Kneller in: Pastor bonus. Zeitschrift für kirchliche Wissenschaft und Praxis. Trier. Paulinus-Druckerei, 1900 p. 153—163.

Malou p. 116—126; 391—402.

P. E. Puyol, De Imitatione Christi libri quatuor. Lutetiae Parisiorum, V. Retaux, M DCCC XCVIII, passim.

Santini I 170 sqq., II 127 sqq.

G. Schneemann, Ein Vorläufer des Thomas von Kempen in: Stimmen aus Maria-Laach, Freiburg, Herder XXII (1882) 253—265.

L. Schulze in: Briegers Zeitschrift für Kirchengeschichte XI (1890) 581.

Spitzen p. 73—82. 150 sq.

Spitzen Nouv. p. 88—96. 145. 146.

Atque haec quidem hactenus. In quibus quoniam non indicatos repperi, hic subiungam locos, quos ex operibus SS. Augustini, Bernardi, Hieronymi excerptos P. Odilo Rottmanner O. S. B., investigator harum litterarum peritissimus, meo arbitrato utendos humanissime mihi obtulit. Quos brevitatis causa infra ita adferam, ut titulis operum tantum Mignianae Patrologiae Latinae tomos paginasque uncinis adscribam.

¹ Codices epistulae Iohannis Schoonhoven praeter eos, quos Spitzen et Becker commemorant, extant etiam in bibliothecis academica Bonnensi et urbana Coloniensi.

Indices locorum.

Ex Augustino:

7, 7 18	De Trin. l. III n. 1 (42, 885)
12, 38	In Ps. 36 Serm. 3 n. 20 (38, 385)
26, 13	Serm. 4 cap. 19 n. 20 (38, 44)
	Serm. 138 cap. 2 n. 2 (38, 764)
	Serm. 145, 4 (38, 793)
	In Ioh. Ev. tr. 9 n. 8 (35, 1462)
	In Ioh. Ev. tr. 32, 8 (35, 1846)
	In Ioh. Ev. tr. 83, 3 (35, 1846)
	In Ioh. Epist. tr. 5, 7 (35, 2016)
27, 13 18	In Ps. 54 n. 8 (36, 633)
80, 22 24	In Ioh. Ev. tr. 25 n. 10 (35, 1600)
116, 4 6	Serm. 145, 4 (38, 793)
	Serm. 354, 6 (38, 1565)
167, 21 sq.	Confess. VIII 11, 25 (32, 760)
174, 4 7	Serm. 38, 6 (38, 217)
	Serm. 61, 11 (38, 413)
	Serm. 177, 3 (38, 955)
	Serm. 177, 8 (38, 958)
	Serm. 177, 2 (38, 954)
	In Ps. 143 n. 8 (37, 1868)
	De Trin. l. XII c. 13 n. 21 (42, 1006)
	De Civ. Dei XI 25 (41, 339)
228, 6	Confess. IX 13, 34 (32, 778)

Ex Pseudoaugustino:

110, 28 30	Specul. Peccat. (40, 991)
------------	---------------------------

Ex Bernardo:

20, 4-6	Serm. 27 De Diversis n. 5 (183, 614)
23, 18 30	Epist. 342, 3 (182, 547)

Ex Hieronymo:

116, 6 6	Epist. 17, 1 (22, 359)
----------	------------------------

Ad 46, 13-15: „qui multum peregrinantur, raro sanctificantur“ addere hic placet, illa verba apud Augustinum non legi, quamquam legi *Amor Plen.* p. 101 et Puyol, Les quatre livres de l'Imitation, 1898 p. 95 adnotarunt. Ad quod explicandum Rottmannier quosdam probabile esse censet cogitasse de circellionibus sive circumcellionibus, qui unde nomen habeant Augustinus in Ps. 132 n. 3 (36, 1730) conlectura explanat, vel de monachis hypocritis provincias circumeuntibus, quorum mores perditos De opere monach. c. 38 (40, 575) describit. Verum quin illorum verborum, quae apud Petrum Blesensem (207, eplst. 148) leguntur (cfr. Kneller, Pastor bonus l. I, p. 157) origo aliunde repetenda est, dubitari non potest¹.

¹ Qui magnum numerum locorum inter se similium in Thomae scriptis obvios se dantium cognoscere cupiet, praeter

C. AVCTORVM PROFANORVM¹:

7, 6	Aristot. Metaphys. I 1.
12, 27. 28	Senec. Epist. 12 extr. ²
23, 19. 20	Ovid. Remed. am. 91.
35, 26. 27	Senec. Epist. 7.
162, 5. 6	Vergil. Bucol. X 69.
166, 19. 20	Cic. De Offic. III 1, 3.
	Pseudocic. Epist. ad Octavianum 8.
191, 12. 13	Lucan. Pharsal. I 135.
211, 2	Dionys. Cato.
245, 27. 28	Horat. De Art. Poet. 25.

libros, quos supra nominavi, non frustra inspectabit libellum, qui sic inscribitur: Musica ecclesiastica sine vocis signis; seu de forma poetica librorum qui inscribuntur De imitatione Christi, deque eorum concentu cum scriptis Thomae a Kempis. Ex utroque fonte locos parallelos collegit ac inter se comparavit Lud. Peters, presbyt. dioec. Ruraemondensis. Lugduni Batavorum. I. W. van Leeuwen. Hoogewoerd 89. 1901. 8^o. 100 pp.

¹ Cave Thomam omnes, quos supra attuli, auctores profanos legisse putes; immo locos illos a lectione scriptorum ecclesiasticorum petivit, qui ipsi e florilegiis medio aevo pervulgatis velut e Dionysio Catone et operibus Alani de Insulis (Migne P. L. CCX) multa hausisse existimandi sunt.

² Cfr. Stephinsky in Historisch-politischen Blättern LXXXVII (1881) 243 sq.

Corrigenda:

p. 454 not. 1 lege: p. 94. 146.

p. 459 scripturae *optulit* et *opponere*, quas in contextu servavi, non erant in numero perversarum commemorandae.

p. 462 v. 2 ab infra lege: Psalmi.

p. 467 pro A2 19 5 24 11 (paginula v) lege: A2 41 15 33 21.

Quod p. 496 ad 301, ¹⁴ Thomam suspicatus sum scripsisse *vel ultra*, id iam parum probabile mihi videtur exemplum *ul* pro *vel* per compendium scripti in lexicis diplomaticis non extare reputanti.

Tabulis photographiis adiectis hae autographi partes
repraesentantur adscriptis huius editionis paginis versi-
busque:

I a.	fol. 21v	=	p. 48,	21—49,	27.
I b.	" 22r	=	" 49,	27—50,	30.
II a.	" 30v	=	" 70,	15—71,	20.
II b.	" 31r	=	" 71,	21—72,	24.
III a.	" 57v	=	" 133,	10—134,	22.
III b.	" 58r	=	" 134,	22—135,	28.
III a.	" 79v	=	" 178,	12—179,	15.
III b.	" 80r	=	" 179,	15—180,	19.
V a.	" 133v	=	" 292,	17—293,	16.
V b.	" 134r	=	" 293,	16—294,	16.
VI a.	" 147v	=	" 324,	7—325,	5.
VI b.	" 148r	=	" 325,	5—326,	4.
VII a.	" 153v	=	" 337,	26—338,	25.
VII b.	" 154r	=	" 338,	25—339,	22.
VIII a.	" 165v	=	" 365,	28—366,	27.
VIII b.	" 166r	=	" 367,	1—368,	3.
IX a.	" 168v	=	" 372,	13—373,	15.
IX b.	" 169r	=	" 373,	16—378,	4.
X a.	" 175v	=	" 391,	17—395,	3.
X b.	" 176r	=	" 395,	3—396,	2.
XI a.	" 181v	=	" 405,	17—406,	22.
XI b.	" 182r	=	" 406,	22—407,	26.
XII a.	" 188v	=	" 422,	14—423,	22.
XII b.	" 189r	=	" 423,	22—424,	25.

THOMAE HEMERKEN A KEMPIS
CANONICI REGVLARIS ORDINIS S. AVGVSTINI
DE
IMITATIONE CHRIST

QVAE DICTVR LIBRI III CVM CETERIS
AVTOGRAPHI BRVXELLENSIS
TRACTATIBVS

ADIECTIS EPILEGOMENIS ADNOTATIONE CRITICA
INDICIBVS TABVLIS PHOTOGRAPHICIS

EX AVTOGRAPHO EDIDIT

MICHAEL IOSEPHVS POHL

FRIBVRGI BRISIGAVORVM
SVMP TIBVS HERDER
TYPOGRAPHI EDITORIS PONTIFICII
MDCCCCIII

VINDOBONAE ARGENTORATI MONACHII S. LVDOVICI AMERICAE

